

01-6099

MAHATHIR DI AMBANG SENJA

SIAPA PERDANA MENTERI YANG KE-5?



Buku terakhir dari siri trilogi
Sunnah Nabi Muhammad S.A.W. vs
Sunnah Mahathir Mohamad D.K.

&

Mahathir Anwar Konspirasi Reformasi
Kopikasi Wangkasi Tak Ada Saksi

S.H.ALATTAS

01-6099

MAHATHIR

Di Ambang

Senja

1999

KOLEKSI NEGARA

285518

NASKHAH PEMELIHARAAN
PERPUSTAKAAN NEGARA MALAYSIA

- 6 FEB 2002

S.H.ALATTAS

ASSALAMUALAIKUM!

Aturhuruf & Terbitan Oleh :

JAHARAH ENTERPRISE
P.O.BOX 11753
50756 KUALA LUMPUR

**Cetakan Pertama
JULAI 1999**

ISBN 983-94380-00-0

Hak Cipta Dilindungi Oleh Allah SWT

Cetakan Oleh :

AL-SUHAIMI

بِسْمِ اللَّهِ الرَّحْمَنِ الرَّحِيمِ

بِاسْمِ رَبِّكَ الَّذِي خَلَقَ

إِنَّمَا
أَنْتَ
عَلَيْهِ

BACA, BACALAH DENGAN NAMA TUHAN
YANG MENJADIKAN KAMU

لِفُوْضِيْنِيْفَكِرْوَنْ

Untuk mereka yang berfikir

*Ku tuliskan buku ini
Demi Agama, Bangsa & Negara*


Ya Tuhaniku!
Jadikanlah negara ini
Sebuah negara aman dan makmur
Anugerahkanlah rakyatnya
Dengan rezeki yang melimpah
Jadikanlah rakyatnya
Orang-orang yang beriman
Kepada-Mu...
Ya Allah!

Doa Nabi Ibrahim a.s.
(Al-Baqarah : 126)

ISI KANDUNGAN

BAB

1. ORANG TAK SERUPA ORANG,
BABI SUDAH ADA J.E.
2. MELAYU ITU UMNO, UMNO ITU KAFIR?
3. WANITA DI ZAMAN MAHATHIR
4. SIAPA MAKAN CILI, DIA RASA PEDAS
5. MAHATHIR MOHAMAD (DILEMA MELAYU)
VS SHAHNON AHMAD (SHIT)
6. PANDANG, LIHAT DAN PERHATI
7. DULU LAIN, SEKARANG LAIN
8. SIAPA PIMPIN SIAPA?
9. PU KANAN PU KIRI,
SAPU KANAN SAPU KIRI
10. SIAPA ADIL, SIAPA TAK ADIL
11. DEMOKRASI KUKU BESI, NASI BASI
12. KISAH PEPERANGAN,
SIAPA PUNCANYA?
13. JALAN KE KUBUR
14. IMAM KHOMEINI, MAHATMA GHANDHI,
PERDANA MENTERI
15. PENUTUP



Istimewa untuk tatapan para peminat.
Inilah gambar terbaru Pak Habib.

H



Ghafar Baba : Nasib baik aku tak bertanding, aku tarik diri. Kalau aku yang menang, kes niaya. Sebab itu kena tahu firasat, baru boleh memfirasatkan politik dan kena ikut nasihat politik orang tua-tua. Walaupun aku dicaci dan dihina sewaktu Anwar nak bertanding melawan aku dulu, tapi aku sekarang masih lagi hidup, masih OK. Tapi tengoklah apa jadi dengan orang yang cepat sangat nak jadi PM. Kerusi tak dapat, mata yang lebam. Sepatutnya belajar daripada Ku Li, Musa Hitam dan Ustaz Ashaari, walaupun depa nak jadi Perdana Menteri tapi depa hanya memerhati dan relaks saja. Sendiri punya diri, sendiri mahu ingatlah!



SELAMAT TINGGAL!

Kali ini saya benar-benar mahu berhenti dari politik. Saya akan serahkan kerusi saya pada Pak Lah. Saya pun dah lama lagi sudah berada di ambang senja. Umur pun dah masuk 74 tahun, dah 18 tahun jadi Perdana Menteri, cukuplah sampai masanya saya buat persediaan untuk akhirat. Esok entah lusa ajal pasti tiba. Tak ada yang bermula tanpa akhirnya. Saya nak rehat dan buat amal ibadat. Soal saya dengan Anwar biarlah Allah SWT yang menentukan siapa betul siapa salah. Bagi orang-orang Anwar kembalilah ke pangkal jalan. Bersatulah dengan UMNO demi keutuhan perpaduan Melayu. **Bersatu kita teguh bercerai kita roboh.** Jangan Melayu menjadi pelarian di bumi sendiri. Ingatlah tu... Selamat tinggal!!



CANTIK ...

"Saya akan mempertahankan jawatan dan memberi sokongan kepada En. Ghafar bagi mempertahankan jawatan Timbalan Presiden September 1993." -Abdullah

Pak Lah jarang bercakap. Tak banyak cakap, tak pandai nak cakap banyak tapi sekali bercakap dia tak tarik balik cakap. Dia ada pendirian dan prinsip. Pak Lah berani ambil risiko. Dia tak mimpi nak jadi TPM. Dia sudah dihanyutkan ke Kementerian Luar Negeri. Dia tidak bercita-cita dan berangan-angan terlalu tinggi, dia sederhana dalam banyak hal. Hari ini tak ada calun lain yang lebih layak, yang kelihatan bersih, bermoral dan tak ada skandal yang boleh menjadi pencabar kerusi Timbalan Presiden jika Pak Lah yang dikenali sebagai '**Mr. Good Guy**' yang dipilih menjadi Timbalan Presiden UMNO.

Inilah dia bakal pengganti Mahathir Mohamad sebagai Perdana Menteri Malaysia yang kelima, Datuk Seri Abdullah Ahmad Badawi. Tahun ini tahun "ABDULLAH". Siapa sangka Putera Abdullah di Jordan boleh menggantikan Raja Hussein sedangkan berpuluhan tahun Putera Hassan menanti sebagai pengganti.

Hadir Riwayat Ahlul Bait yang marhumnya : *"Bahawa di Hejaz ada seorang Raja yang bernama Binatang akan digantikan oleh seorang putra mahkota yang bernama ABDULLAH, yang lebih baik dan adil."* Sepertimana Raja Fahd akan digantikan oleh putera mahkotanya Al-Malik Abdullah dan Mahathir Mohamad akan digantikan oleh Abdullah Ahmad Badawi. Insya-Allah, kehendak Allah SWT dan Rasul serta doa para-para wali Allah, siapapun tak boleh menghalangnya.



ANWAR : Che Det, manusia jenis apa hang ni? Aku dah kena 6 tahun. Nak tambah berapa tahun lagi? Hang nak jadi PM sampai bila? Jangan nak melawan takdir. Tuhan lebih berkuasa. Hang baru saja balik dari Makkah, masih tak sedar lagi? Tuhan yang jadikan hang PM dan Tuhan juga yang akan tentukan siapa pengganti hang. Hang selalu cakap pasal Islam tapi bila PAS kata UMNO kafir, orang UMNO melenting. Kenapa **burung kakak tua** hang tak bising bila aku dilemparkan dengan **fitnah**, kes **liwat** dan tak **bermoral**? Hang berhenti sajalah. Rakyat sudah tak percaya lagi dengan kepimpinan hang. Hang dah kalut, dah nyanyuk. Kalau hang kata semua pemimpin tak layak dan tak bersedia, siapa lagi yang layak? Hang nak duduk di situ sampai mampuih?

Serahkan tugas mencari pengganti kepada Tuhan. Nanti orang kata hang macam "**Siam perut hijau**", hang marah! Siapa tak tahu pasai penyalahgunaan kuasa dan kehakiman yang menyekat kebebasan pembangkang. Hang sanggup buat apa saja untukkekalkan kuasa malah takutkan rakyat dengan ISA (**Ikit Suka Aku**). Berapa ramai lagi orang yang nak dijadikan macam aku?

MAHATHIR : Yang hang nak berlawan dengan "*International Bouncer*", pasai apa? Aku suruh hang tarik diri baik-baik, hang nak tunjuk terror. Hang ingat, hang ni baik sangat? Apa ... hangpa *perfect* sangat ke?



Selamat Tinggal ! Good Bye !

Tata... Titi... Tutu... Kami berdua nak tarik diri dan serahkan KEADILAN kepada Tuhan kerana selagi Mahathir Mohamad yang menjadi Perdana Menteri, buang masa saja memperjuangkan **keadilan**. Cukuplah apa yang sudah kami suarkan. Rakyat hari ini pun dah mula membuka minda dan berubah sikap. Mereka bencikan ketidakadilan.



"Enjit-enjit semut siapa sakit naik atas"

"Enjit-enjit semut siapa sakit naik atas"

Ketiga-tiga bekas Menteri Besar ini pernah main enjit-enjit semut. Mula-mula Muhyiddin hilang kerusi Naib Presiden, lepas tu Mat Taib pula. Tapi cuba kita tengok betul-betul gambar ni, ada sesuatu yang tak kena, cuba teka? Orang tua-tua dah pesan jangan bergambar bertiga, mereka tak dengar, kan sekarang sudah ada yang pendek umur. Pendek umur politik bukan pendek nyawa. Mat Taib jalan, Najib lepas ke atas dan Muhyiddin tercicir. Dah nasib badan, nak buat macam no... *Look and see* bila Pak Lah jadi Perdana Menteri nanti, Muhyiddin atau Najib pasti akan jadi Timbalan Perdana Menteri.



Ramli : Aku dah beritahu kau Rahim, jangan bergambar bertiga, kau degil tak mahu dengar cakap aku. Tengok tak pasal-pasal kau mati.

Rahim : Itu kerja syirik mana boleh percaya, gambar bertiga satu mati dulu dan kenapa Khalil Yakkub boleh naik jadi Menteri Penerangan dan Setiausaha Agung.

Ramli : Itu tuah nasib badannya, *he does the right thing at the right time and he did it with the right people.*

Rahim : Itu semua karut sebenarnya, aku jatuh kerana aku kena aninya. Aku kena main dengan Team Wawasan. Aku pasti ada konspirasi yang merancang untuk jatuhkan aku dalam kehinaan. Siapa yang buat aku tu, dia tahu lah.



Anwar Ibrahim: Ghani, aku dengar desas - desus di Johor ada dua Menteri Besar betul ke?

Ghani Othman : Dato dalam penjara, mana tahu gossip dalam pejabat Menteri Besar Johor?

Anwar Ibrahim: Durian yang disimpan dalam guni siapa tidak akan terhidu baunya? Mula-mula aku ingat di Melaka saja ada Cleopatra, rupa-rupanya di Johor pun dua kali lima juga.

Ghani Othman : Ini perkara sensitif, cakap jangan lebih-lebih. Kawan sakit perutlah brader, nak pergi *toilet*, nak baca *shit*. Apa... Datuk Seri ingat, Datuk boleh balik semula jadi Perdana Menteri ke?



Tok Mat : Aku sekarang dah kena terajang. Dulu pun orang Johor punya pasal juga aku kena buang ke Indonesia. **Kawan main kawan**, tapi nasib baik balik jadi Menteri. Dan kalau nasib baik dapatlah kawan jadi MB Johor. Kalau tidak, pencentlah aku. Aku tengok nasib awak ada baik sikit, itupun Pak Belalang yang cerita kat aku. Baguslah, awak sabar. PM tahu awak tak pilih kementerian dan awak berjaya naikkan nama Kementerian Belia Dan Sukan sama macam masa awak jadi MB Johor dulu. Jangan susahlah Din, awak dengan Ghani, kau memang jauh lebih baik. Ini macam punya lama Ghani jadi MB Johor tak banyak berubah. Politik Johor tambah teruk dibuatnya. Pancung sana, cantas sini, *too much politiking*. Dulu masa UMNO berpecah kau adakan Kongres Melayu Johor, UMNO Johor tak jadi berpecah. Kat Johor tu bukan ada lagi tokoh-tokoh. Kalau ada pun cuma kau seorang sahaja. Kalau orang Johor tak buka mata jugak, kawan tak tahulah nak cakap apa. Kawan dah puas membebek, dah penat bercakap. Ini masa kawan nak jaga politik Johor balik semula. Tapi sebelum tu kenalah cari mana perginya tonto-tonto kawan.



Dua orang tokoh yang telah menempah gelombang dan arus politik yang mengerikan, **Datuk Tengku Adnan** dan **Datuk Nazri Aziz**.

Datuk Tengku Adnan, bekas penerbit akhbar Watan dan tokoh korporat yang tidak asing lagi bagi orang UMNO. Tahniah kerana telah dilantik sebagai Setiausaha Kerja UMNO yang baru. Keduaduanya berpengalaman. Pak Habib tidak terkejut jika Tengku Adnan dipilih untuk menjadi Menteri lepas pilihanraya umum nanti memandangkan kredibiliti, integriti dan akauntabiliti yang ada padanya dengan sikapnya yang lantang, berterus terang dan suka bercakap hal-hal yang berkaitan agama.

Datuk Nazri Aziz, bekas Pemangku Ketua Pemuda semasa Rahim Tamby Chik terpaksa meletakkan jawatan berhubung kesnya dengan seorang gadis bawah umur adalah seorang peguam lulusan Lincoln Inn yang mempunyai firma guamannya sendiri. Dari pengalaman dan tekanan yang diterimanya di dalam arena politik tanahair menjadikan Nazri seorang pemimpin pelapis yang berwibawa, berkarismatik dan mempunyai masa depan yang cerah dalam politik.



Nostalgia Brother Anwar Ibrahim bersama Abuya Imam Ashaari di tahun-tahun 70-an

Ustaz : Anwar adalah antara sebab saya kena ISA dan Al-Arqam diharamkan. Saya tak kesah, orang Al-Arqam pun tak adalah nak tunjuk perasaan dan buat **reformasi** jalanan. Kami serahkan urusan ini kepada Allah. Kami sujud dan berdoa agar Allah tunjukkan siapa yang **benar** dan siapa yang **salah**. Jika kami yang salah dan tersesat, mudah-mudahan Allah SWT kembalikan kami ke jalan **siratul mustaqim**. Kami redha menerima hukum **karma** sebagai **kifarat** disebabkan dosa-dosa kami. Kami mendoakan Anwar dan pengikut-pengikutnya bersabar. Masakan mereka yang kejam dan zalim boleh terlepas begitu saja? Hendak salahkan Dr.Mahathir sepenuhnya pun tak patut, kami berdua memang ada cita-cita nak jadi PM dan kami merasakan yang kami lebih hebat dari Mahathir. Tengok saja mereka yang di Pusat Islam yang telah menzalimi kami, hidup mereka resah gelisah.

Ashaari dan Anwar adalah **idola masyarakat** kerana jasa bakti mereka terhadap Islam amat besar. Kalau mengikut teori RAHMAN, kedua-duanya masih ada peluang, cuma selagi Mahathir masih hidup, **sorrylah!** Lagipun Pak Lah dah duduk di kerusi Timbalan Perdana Menteri, biarlah Allah yang menentukannya.



Almarhum Ayatollah Khomeini sentiasa mengingatkan umat Islam sama ada Syiah atau Ahlul Sunnah supaya bersatu padu. Pemimpin Iran dari keturunan Ahlul Bait Rasulullah SAW yang hebat dan berani ini, disegani dan dihormati oleh musuh dan kawan. Imam yang mempunyai karamah yang luar biasa. Keberaniannya menegakkan hukum Allah yang terdapat di dalam Al-Quran patut dicontohi oleh umat Islam seluruh dunia yang mahukan hukum hudud dilaksanakan. Jangan hanya menggunakan agama untuk kepentingan politik tapi gunakan politik untuk membawa manusia menjadi manusia yang beragama.

Al-Fatihah untuk Almarhum Ayatollah Khomeini yang telah menumbangkan raja segala raja dan membangunkan sebuah negara Islam yang pertama di dunia. Biarpun menjadi musuh besar kepada '*the supreme power*', malah dapat bertahan dan bersaing dengan kuasa-kuasa besar dunia.



Di kalangan masyarakat Jawa/Indonesia nama **Wali Songo** memang tak asing lagi. Mereka adalah keturunan Nabi Muhammad SAW, yang menyebarkan Islam ke seluruh Tanah Jawa di antara awal abad ke-15 dan ke-16 Masihi.

Adapun para wali ini jumlahnya sembilan orang yang dianggap merupakan perintis utama kepada kumpulan mubaligh-mubaligh Islam yang menjalankan operasi dakwah di Tanah Jawa. Mereka terkenal dengan nama Maulana Malik Ibrahim, Sunan Ampel, Sunan Giri, Sunan Bonang, Sunan Drajat, Sunan Kalijaga, Sunan Muria, Sunan Kudus dan Sunan Gunung Jati.



SHIT!

Shit sana, *Shit* sini. Shahnon punya pasal main tahi, awak semua orang dah tahu dalam diri mereka semua ada tahi. Dulu orang ingat dalam perut Mahathir saja ada najis. Ada baca ka itu *shit*? Bukan baca itu buku Shahnon saja, tapi mesti mahu baca yang tersirat juga. Orang yang pandai dan bergelar Profesor macam Shahnon cuba nak beritahu kita supaya tengok apa yang ada dalam perut awak dulu, bersihkan dulu perut sendiri, jangan nak sibuk-sibuk cakap pasal najis yang ada dalam perut orang lain. Menteri yang tak pasal-pasal cium '*shit*' Shahnon, pasal apa? Kenapa tak fikirkan apa yang dicakapkan oleh Shahnon terlebih dulu? Memang politik dan sistem kita sudah jatuh dalam gaung *shit*. Kita semua **double standard**. Kita puji Muawiyah macam bintang di langit tapi bila Mahathir ikut *patern* politik yang jadi amalan sahabat seperti Osman Bin Affan, kita busukkan dia macam *shit*. Kita agungkan sejarah bani Umayyah, bani asobiyah dan Islam di zaman Empire Othmaniah dengan senibina dan keagungannya, tapi bila Mahathir ikut contoh, kita bengang, pasal apa? Itulah sebabnya kita umat Islam berperang sesama sendiri. Sebenarnya kita yang '**tak ada baca**' punya orang.

"Dan jika ada golongan daripada orang-orang mukmin berperang maka damaikanlah antara keduanya. Jika salah satu dari kedua golongan itu berbuat aniyaya terhadap golongan yang lain maka perangilah golongan yang berbuat aniyaya itu sehingga golongan itu kembali kepada perintah Allah ; jika golongan itu telah kembali (kepada perintah Allah), maka damaikanlah antara keduanya dengan adil dan berlaku adillah. Sesungguhnya Allah menyukai orang-orang yang berlaku adil. Sesungguhnya orang-orang mukmin adalah bersaudara kerana itu damaikanlah antara kedua saudaramu dan bertaqwalah kepada Allah supaya kamu mendapat rahmat"

(Al-Hujurat : 9)

ORANG TAK SERUPA ORANG, BABI SUDAH ADA J.E.

ASSALAMUALAIKUM ...

Assalamualaikom, kom apa? **Combat**, bad apa? **Badman**, man apa? **Mantol**, tol apa? **Tolak**, lak apa? **Laksam**, sam apa? **Sambal**, bal apa? **Balak**. **Balak** apa? Itu sendiri punya diri, sendiri mahu ingatlah, beb!

Buku yang sedang anda baca ini adalah merupakan buku Pak Habib yang ke-35, kesinambungan kepada **trilogi** yang pernah Pak Habib janjikan dulu, selepas buku *Sunnah Nabi Muhammad SAW Vs Sunnah Mahathir Mohamad D.K* dan *Mahathir Anwar, Konspirasi Reformasi, Kopikasi, Wangkasi, Tak Ada Saksi*.

Sesiapa yang pernah membaca buku-buku Pak Habib bermula dari buku pertama, *Firasat Rahsia Mengenal Diri Sendiri*, yang diterbitkan pada tahun 1969

sehingga buku Pak Habib yang paling terbaru, *Mahathir Di Ambang Senja*, akan dapat memahami apakah sebenarnya yang Pak Habib **perjuangkan**.

Bukan senang nak jadi penulis yang mampu bertahan selama 30 tahun dalam bidang penulisan dan masih mempunyai ramai peminat yang setia malahan setiap tahun bertambah terutama golongan muda. Untuk mengajak para pembaca dan peminat-peminat mengikuti penulisan Pak Habib dan terus membaca sehingga buku yang ke-35 ini bukan mudah. Setiap keluaran mesti ada perkara baru, mesti berisi ilmu dan bahan lucu tak boleh kurang. Yang penting yang lucu tak ada dalam buku Pak Habib dan boleh dikongsi bersama oleh semua anggota keluarga.

Pak Habib juga bersyukur ke hadrat Illahi kerana menerima surat-surat dari para pembaca. Setinggi-tinggi ucapan terima kasih juga Pak Habib ucapkan kepada mereka yang telah datang berkunjung ke Wadi Hussien, Janda Baik untuk menemui Pak Habib. Nampaknya ramai di kalangan pembaca-pembaca buku Pak Habib itu terdiri dari golongan generasi baru yang mempunyai minda yang terbuka dan yang sentiasa dahagakan ilmu serta berani bertanya macam-macam perkara luaran dan dalaman manusia.

Pak Habib ingin mengambil kesempatan ini untuk mengucapkan ribuan terima kasih kepada semua pembaca dan peminat Pak Habib yang sedia menegur dan sanggup memberikan macam-macam idea. Mudah-mudahan Allah saja yang dapat membalas jasa baik saudara-saudari

yang telah memberikan sokongan dalam bermacam-macam cara terutama doa kepada Pak Habib dalam usaha Pak Habib untuk menyampaikan apa jua bentuk ilmu. Walaupun cara penulisan mereka agak luar biasa tetapi bahasa mereka menegur masih tetap bersahaja dan Pak Habib tahu teguran itu ikhlas dan bertujuan untuk membina.

Pak Habib memohon ampun dan maaf kerana tidak dapat membalas surat-surat dan e-mail para peminat sebab kesuntukan masa. *Sorry. No heart feeling, please.* Jangan marah. Doakan agar Allah memberikan kekuatan dan masa yang mengizinkan kepada Pak Habib untuk melayan dan menggembirakan anda. Insya Allah, Pak Habib akan cuba berusaha untuk memperbaiki kelemahan dan kesilapan hasil dari teguran, kritikan dan tunjuk ajar yang diberikan.

Kenapa Pak Habib mulakan buku ini dengan "*assalamualaikum*"? Baru-baru ini, Saudara Haji Subky Latiff, kolumnis **Harakah**, penulis utama PAS telah datang ke Pondok Pak Habib di Janda Baik dengan seorang kawan buat pertama kalinya. Subky yang telah Pak Habib kenali sejak awal 1970-an lagi, telah bertanya kepada Pak Habib, "*Bila lagi Pak Habib nak isi borang PAS?*"

Menurut Subky, penulis tak boleh **non-partisan**. Sayuti Omar, Ann Wang Seng, Ahmad Lufti Othman, Tarmizi Mohd Jam, Yahya Ismail dan beberapa orang lagi penulis sudahpun memberikan sokongan mereka kepada parti-parti tertentu. Sebagai contoh Yahya Ismail

memperjuangkan PBS Sabah. Datuk Pairin Ketinggan dan pucuk pimpinan PBS. Di Sabah sudah ada alternatif UMNO atau PBS, Bumiputra Islam atau bumiputra di bawah pimpinan Kristian. Apakah Pak Habib nak tinggal seorang diri saja untuk memperjuangkan UMNO? Macam mana kalau UMNO kalah dalam pilihan raya umum nanti?

Subky dan seorang lagi temannya datang ke Janda Baik untuk menggunakan kemudahan di Kem Wadi Hussein bagi mengadakan Kuliah Subuh. Pak Habib tak keberatan untuk memberikan keizinan. Kecil tapak tangan nyiru Pak Habib tадahkan kepada semua penulis yang mahu menggunakan kem Habib, muzium dan taman rekreasi Pak Habib. Penulis mesti bebas dan tidak terikat pada mana-mana ideologi parti terutama Pak Habib selaku Presiden Kelab Penulis Politik Malaysia.

Sebelum ini pun, ada beberapa orang pensyarah universiti yang mengajak Pak Habib menyertai PAS dan meninggalkan UMNO. Kata mereka, "Mahathir dulu pun pernah menggunakan pentas PAS sebagai platform politiknya." Takkam orang UMNO hendak marah, kalau sesekali Pak Habib hendak tukar uniform.

Pak Habib bersenda dengan Subky, "Sekadar nak cuba-cuba dulu tu, oklah tapi ada syaratnya. Pak Habib tak mahu pakai kopiah macam Subky dan orang PAS yang lain. Pak Habib lebih sukakekalkan imej berambut panjang ala-rockers seperti Ramli Sarip, M.Nasir atau U-Wei Shaari. Sebab ramai yang menganggap Pak Habib dengan mereka mempunyai identiti yang serupa

walaupun kami ini setangkai tapi tetap tak sebau. Macam juga Datuk A.Samad Said, Sasterawan Negara."

Dulu semasa membantu Ar-Arqam pun, Pak Habib tak pernah pakai jubah ataupun serban. **Uniform** mengutamakan kulit-kulit ni Pak Habib tak mainlah. Yang penting hati, ikatan hati, kejujuran dan keikhlasan mengatasi bulu. Hidup tak boleh pandang bulu. *Musang pun boleh berbulu ayam.* Ada juga manusia yang tak ada bulu macam '*cock no bulu*' - ayam bapak tak berbulu, ayam togellah tu. Semasa dengan Ustaz Ashaari dulu, Pak Habib dikenali sebagai "*Arqam blue-jean*" atau "*Arqam Batik*". Biarpun Pak Habib tak pernah pakai **uniform** Arqam, namun selepas kumpulan itu diharamkan, Pak Habib tak pernah lari meninggalkan Ustaz Ashaari. Pak Habib tetap menganggapnya sebagai seorang sahabat dan guru dalam beberapa aspek. Dalam hati kecil Pak Habib, Pak Habib tahu ajaran sebahagian ilmu hakikat yang dibawa oleh Ustaz Ashaari itu adalah tidak sesat. *Orang yang mengatakan ilmu hakikat yang datangnya dari Allah itu sesat, mungkin mereka lah yang lebih sesat.* Dalam kubur nanti lu tahulah, sesat tak sesat. Atas dunia semua orang boleh cakap.

Dan mereka yang menuduh Anwar Ibrahim dengan tuduhan kes liwat tanpa bukti yang sah dan nyata, maka dosa-dosa mereka itu mungkin jauh lebih besar daripada dosa-dosa Anwar. Sebagai seorang Islam, Pak Habib tak percaya tuduhan liwat yang dikenakan ke atas Anwar. Ini semua politik. Kita tak tahu apa yang ada di sebalik tabir. Kita tak tahu drama perang antara Anwar-Mahathir. Politik Mahathir terlalu tinggi untuk difahami oleh ahli

politik biasa. Kepada Pak Habib ianya masih merupakan satu teka-teki. Bukankah Mahathir seorang pemain silap mata yang hebat. Siapa tahu kalau-kalau dia memang saja buat macam ni supaya bila dia berhenti, orang akan hendakkan Anwar *solid*. Inikan politik - *the art of possible*.

Tuhan suka kepada manusia yang cintakan ilmu, manusia yang cintakan **kebenaran**, berkongsi ilmu dan pengetahuan. Kita jadikannya sebagai satu ibadat dan mencari keredhaan Allah sebagai satu permulaan untuk memperbaiki kerosakan yang ada dalam masyarakat kita hari ini. Pak Habib sekadar mengajak manusia berbuat **kebaikan** dan mencegah **kemungkaran** agar masalah-masalah yang melanda kita semua hari ini insya Allah akan selesai. Ini kerana hari ini ramai sangat orang yang mengajak orang berperang dan berebut kerusi, berebut itu dan ini, tak cukup-cukup, tak puas-puas dan yang bukan kronies, bukan dari puak main jauh-jauh ajelah. Sampai tua lu jadi gurkha, jadi **suku Ruti**. **Suku Ruti** buka pintu, tutup pintu boss sajalah. Lepas itu boss lalu tabik. Pakai uniform mengalahkan General. Dapat wisel tiup lebih dari referee, kejap -, kejap tiup, kejap -, kejap tiup. Suku Rutilah katakan.

Mudah-mudahan anda boleh menjadi seorang khalifah yang baik, adil, bertimbang rasa, bertoleransi dan berperikemanusiaan, tidak menghukum orang lain mengikut emosi, hawa nafsu dan kuasa, sepertimana yang dilakukan oleh pemimpin-pemimpin hari ini. Kita jadi kelam-kabut, resah-gelisah kerana dalaman kita tak tenteram kerana terlalu mengutamakan kebendaan

material. Kita sudah terlalu jauh hanyut dibawa oleh Perdana Menteri menengok dan memikirkan yang besar-besar sedangkan dalaman kita dibiarkan kosong macam belon. Itulah peringkat yang sedang Mahathir alami hari ini. Pecah meletup atau akhirnya kempis tak laku bila angin sudah tak ada lagi.

Kalau anda fikirkan baik-baik, anda akan dapati bahawa dunia yang kita diami ini sebenarnya adalah sebuah dewan peperiksaan yang terbesar bagi manusia. Maka sebagai manusia yang mempunyai kemampuan dan intelektual, marilah kita menghadapi realiti kehidupan ini dengan lebih rasional. Bukan mudah untuk membuat persediaan bagi menghadapi dunia yang menekankan sistem pendidikan yang bersifat sekular. Kerana sistem inilah yang telah melahirkan pemikiran ala '**burung kakak tua**' di kalangan generasi baru hari ini. Mereka hanya tahu menghafal saja. Nak berfikir dan merenung, *sorrylah brader!* Oleh kerana bentuk pemikiran seperti ini yang dipupuk dan diasuh sejak kecil lagi, maka rakyat pun ikut berfikir secara terpisah dan tidak syumul, jauh dari tujuan sebenar insan itu dilahirkan ke dunia ini. Inikah sistem sekular yang dimaksudkan oleh PAS?

Gara-gara proses neo-kolonialisme untuk lebih mempermudahkan sistem pecah dan perintah British supaya rakyat yang dijajahnya tidak bersifat kritikal dan alatnya ialah bidang pendidikan yang kita warisi dengan senang hati. PAS dan Al-Arqam selamat kerana ada sistem pendidikannya sendiri. Jika kita tak berani tentang atau keluar dari belenggu sistem yang menjadikan kita seperti burung kakak tua, maka siapa saja yang jadi

pemimpin, Perdana Menteri atau parti yang memerintah kita '*pi mai pi mai tang tu*' sajalah. Maka berperang dan menjatuhkan pemimpin adalah sesuatu perbuatan yang sia-sia, kerja yang merugikan bangsa. Yang penting ialah kesedaran dan kita cari punca apa sebabnya kita semua jadi macam burung kakak tua, sama ada dalam UMNO, PAS atau di mana-mana saja. Dalam dunia yang semua penghuninya orang buta, maka manusia yang ada satu mata, dialah menjadi raja.

Tidak kira pelajar sekolah, penuntut institusi pengajian tinggi, mahupun ibu bapa dan seluruh masyarakat menjadi begitu tertekan dan terikat dengan sistem yang membiarkan kita terus hidup dalam *cocoon*, dalam kepompong. Dalam Arqam dulu pun Pak Habib sudah tegur, jangan ikut ekor serban Ustaz Ashaari. Masuk dan perhatikan apa yang ada dalam minda Ustaz Ashaari.

Negara kita sudah merdeka selama 42 tahun tetapi otak kita masih juga dijajah. Mana taknya, dari pra-sekolah lagi anak-anak kita sudah diajar dan diasuh untuk menjadi generasi '*exam-oriented*'. Belajar sekadar untuk lulus periksa saja atau untuk mendapat '*flying colours' result*'. Sesudah itu pergi cari kerja makan gaji, jadi hamba, tidak diajar berdikari dan jati diri.

Sistem yang sedia ada hanya mengajar 3M iaitu membaca, menulis dan mengira tetapi bagaimana dengan 2M lagi; **melihat** dan **memikir** ataupun **mengaji** dan **mengkaji**, **merenung** dan **meneliti**, **membaca** dan **mengerti** sedangkan fitrah manusia itu **melihat**, **memerhati** dan **berfikir**, bukan setakat **membaca**,

menulis dan mengira. Manusia yang tak tahu guna akal sama seperti haiwan yang pandai berkata-kata saja.

Dengan sistem yang ada kini, anak-anak kita merasakan kehidupan mereka sudah terjamin, bolehlah makan gaji dengan ganjaran yang lumayan. Namun biarpun begitu ada di antara mereka yang tidak lagi mahu terus-menerus bekerja di bawah telunjuk dan arahan orang lain. Sebenarnya manusia yang terlalu ghairah mengejar ilmu pengetahuan semata-mata untuk memenuhi kehendak dan kemahuan dirinya sendiri sahaja tanpa memanfaatkan ilmunya untuk dikongsi bersama oleh manusia yang lain adalah manusia yang cerdiknya tak boleh di ikut oleh orang lain dan adalah manusia yang bodoh sompong.

Yang membuatkan Pak Habib dan mereka yang sudah sedar sistem pendidikan penjajah inilah yang merugikan bangsa kita merasa kesal kerana walau tinggi mana pun pangkat golongan terpelajar ini berada tanpa mereka sedari mereka masih tetap menjadi hamba, "*saya yang menurut perintah.*" "*I am your obedient servant, sir.*"

Selagi manusia menyembah selain daripada Allah dan melakukan apa sahaja bukan kerana Allah Azza Wajala, maka segala-gala yang dilakukan hatta bercinta di antara lelaki dengan perempuan sekalipun, dia masih tetap belum bebas merdeka. Apa lagi kalau dia masih tunduk kepada kehendak dan kemahuan nafsunya semata-mata.

Apa yang membimbangkan rakyat yang merasakan bahawa negara ini milik kita bersama dan kita tak ada

bumi lain dan langit lain yang kita junjung melainkan Malaysia, iyalah kita terpaksa kembali hidup macam di zaman penjajah dulu. Kita merasakan bahawa senario politik yang lebih mendominasikan kesinambungan diri dan sistem pendidikannya yang lebih mementingkan periuk nasi dan kronies masing-masing dari perjuangan meningkatkan kerjaya perjuangan agama, bangsa dan negara mesti dihentikan serta merta. Cukuplah. '*Enough is enough*'. Setiap yang bermula mesti berakhir termasuklah kerjaya politik Yang Amat Berhormat Datuk Seri Dr. Mahathir Mohamad. "*Berhentilah, Che Det.*" Itulah suara hati rakyat yang hendak disampaikan oleh Pak Habib.

Setelah berpuluh tahun mengikuti pengajian, tiba-tiba saja golongan terpelajar atau yang dikatakan berpendidikan yang bergelar para akademik tidak tahu bagaimana untuk memulakan hidup secara efektif. **Kasihan**. Mereka telah **terperangkap di dalam sistem pendidikan** yang lebih banyak menimbulkan masalah daripada menyelesaikan masalah. Apakah ini bukan petanda kiamat bagi sistem pendidikan di negara kita?

Dr. Mahathir sedih, Pak Habib juga sedih kerana mengikut kajian, rakyat Malaysia cuma membaca dua buah buku saja setahun, tapi syukurlah daripada tak baca langsung. **Something is better than nothing**. Bagaimanapun apakah dua buah buku yang dibaca itu dapat meninggalkan kesan atau *impact* yang mendalam sehingga mampu membawa satu perubahan besar ke atas diri mereka terutama perubahan ke atas minda dan sikap mereka? Dan Pak Habib lagi sedih kerana sejak buku

Memo Untuk Perdana Menteri yang Pak Habib terbitkan pada tahun 1992, Pak Habib dah suruh Mahathir tarik diri dengan cara terhormat kerana ketika itu dari firasat Pak Habib sudah nampak bibit-bibit kejatuhanya tapi sehingga ke hari ini, Mahathir masih juga tidak mahu turun. Kalau dia terpaksa turun pun senario politiknya sudah tak sama lagi. Dia akan jatuh dalam keadaan hina, dicaci, dimaki dan dibenci oleh rakyat. Namun adalah lebih baik jika dia turun secara terhormat, kerana sikap orang Melayu ini cepat lupa dan mudah memaafkan orang yang meminta maaf.

Syukur kita kepada Allah SWT kerana telah menemukan kita dengan sebab atau punca mengapa bangsa Melayu dikatakan bangsa yang kolot dan mundur. Puncanya, sebab orang Melayu tidak **membaca**. Kalau mereka membaca sejarah, mereka tentu tak akan lupa siapakah yang punya angkara sehingga hancurnya kerajaan Melayu Melaka pada tahun 1511.

Bersama-sama ini Pak Habib ambil sedikit petikan dari bahagian satu, *Politik Bisu* dalam buku terbaru Haruon Perancis, **Kembali Da..** yang dilancarkan di Pool Side Hotel Pan Pacific oleh Tan Sri Abdullah Ahmad.

Menyingkap kembali sejarah Melaka, kita mungkin faham golongan mana yang tolong menjatuh dan meruntuhkan Kerajaan Melayu Melaka 500 tahun yang lalu. Sengaja dimuatkan tulisan ini untuk mengenal kembali seorang India Islam bernama NINA CHETU yang telah mengkhianati bangsa Melayu khasnya dan agama Islam amnya. Dialah yang telah memecahkan rahsia Melaka dan menjadi tali barut Portugis. Dia bersekongkol dengan musuh negara demi untuk mendapatkan sedikit kepentingan diri.

Matlumat-matlumat yang disampaikan kepada Ruy D'Arango, semasa Ruy berada di dalam penjara Sultan Mahmud, telah disampaikan kepada Alfonso D'Albuquerque, penakluk dan pemusnah Kerajaan Melayu Melaka.

Matlumat-matlumat yang disampaikan melalui surat, telah memudahkan kerja Albuquerque untuk menawan Melaka. Maka lingkuplah sebuah kerajaan yang dikenali sebagai Kerajaan Melayu.

Sebelum Nina Chetu, kita pernah juga mendengar nama Tun Ali dan Tun Mutahir. Mereka ini adalah Bendahara-bendahara Melaka keturunan India Islam yang mendapat pangkat tinggi hasil dari dakyah-dakyah serta fitnah-fitnah yang mereka taburkan, disamping mengambil kesempatan memperkayakan diri.

Mereka telah merebut segala peluang yang terluang dengan menggunakan kelemahan-kelemahan orang-orang Melayu Melaka yang rata-ratanya alpa. Mereka adalah golongan yang tamak dan penuh dengan sifat kehinaan.

Tun Ali menjadi Bendahara Melaka selepas kematian Bendahara Seiwak Raja, ayahanda Tun Perak dengan dakyah dan tektik kotornya memfitnah serta membusukkan nama orang lain, sehingga Tun Perak, pewaris sah, tersingkir dari gilirannya menjadi Bendahara Melaka.

Sultan Muzaffar Shah, Raja yang memerintah ketika itu, tidak senang dengan sikap dan sifat buaya darat Tun Ali dan mencari peluang untuk menyingkirkannya dan peluang itu tiba bila Tun Perak menunjukkan kepewiraannya dalam pelbagai bidang.

Tun Ali sedia memberi laluan kepada Tun Perak, dengan syarat, Sultan Muzaffar Shah bersetuju menyerahkan

Permaisuri baginda, untuk diperisterikan oleh Tun Ali. Satu peras ugut yang paling hina dalam sejarah. Demikianlah seluruh bangsa Melayu di Melaka ketika itu terhina melalui aib dan ketidakupayaan raja mereka yang merupakan lambang Ketuanan Melayu.

Kalaularah 500 tahun dulu, di puncak keagungan kerajaan Melayu Melaka dengan sistem pemerintahan absolute monarchy, begitu rendah dan menjijikkan sekali nilai takrif Ketuanan Melayu, apakah kita masih mahu berbangga lagi dengan apa yang dikatakan Ketuanan Melayu masa kini, bilamana kuasa sudah diperkongsikan. Dari sejuri ke sejengkal, dari seinci ke sehasta demi kesamarataan, demi pertolakansuran.

Tun Mutahir, India Islam, menjadi Bendahara Melaka selepas kematian pengganti Tun Perak. Tun Puteh yang telah mati diracun oleh Tun Mutahir. Tun Mutahirlah yang menjadi petualang besar yang bertanggungjawab merosakkan Kerajaan Melayu Melaka.

Dengan sifat tamak yang amat haloba, gila pangkat, rasuah dan lain-lain sifat keji membawa kepada keruntuhan Melaka.

Dialah yang menerima kedatangan Portugis dengan rasminya, memberi peluang kepada penjajah itu untuk bertapak dan akhirnya dia dihukum mati oleh Sultan Mahmud kerana kerja-kerjanya itu. Tetapi Sultan tidak sempat memulihkan kerajaannya yang banyak rosak oleh petualang Tun Mutahir sehingga membawa kejatuhaninya dalam tahun 1511.

Akibat malas membaca dan mencari ilmu maka orang Melayu menjadi mangsa dan diperbodohkan oleh para pemimpin yang menguasai pihak media massa. Apa media tulis semuanya semacam betul dan sahih. Begitu

juga dengan respons kita terhadap pemimpin. Apa sahaja kata mereka, kita jadi **Pak Angguk**, manusia *yesmen*. Ada otak tak boleh pakai. Itulah manusia yang ada dalam masyarakat khawarij dan merekalah manusia yang hidup dalam kerugian. Ingatlah firman Allah SWT dalam surah Al-Asr, ayat 1-2 : "*Demi masa, sesungguhnya manusia itu berada dalam kerugian, kecuali mereka yang beriman dan beramal soleh*".

Itu dulu, itu orang Melayu sebelum Anwar Ibrahim kena pecat dari UMNO, belum kena tangkap, belum kena hukum tapi sesudah peristiwa kezaliman, kekejaman dan ketidak adilan yang dilakukan terhadap Anwar semuanya berubah. Orang Melayu tidak lagi percaya pada media massa milik kerajaan. Mereka tolak berita yang terdapat dalam akhbar *mainstream* berbahasa Melayu dan Inggeris. Dan mereka mula membaca, baca apa saja buku dan media massa yang ada unsur politik. Mereka sudah menjadi masyarakat yang cintakan bahan-bahan, tak kira sama ada buku, majalah, akhbar-akhbar alternatif, ataupun media asing, Internet atau apa-apa saja termasuklah surat-surat layang yang anti-establishment dan memerangi Dr.Mahathir sebagai musuh utama yang dikehendaki rakyat supaya berhenti dan meletakkan jawatan. Inilah yang akhirnya mengakibatkan Mahathir berada di senjakala.

Hari ini ramai pemimpin politik sudah sedar bahawa akibat tak ada ilmu dan tak ada iman yang kukuh dan tidak pula beramal soleh maka ramailah di antara kita yang berani buat dosa-dosa besar. Kita tengok ramai yang melakukannya terutama mereka yang ada **authority**, jadi

kita pun ikut **majority**. Kenapa? Tapi bila mereka yang ada di atas sudah terperangkap di dalam sistem, sudah jam, mahu tak mahu mereka yang sudah sesat di hujung jalan terpaksa cari jalan lain untuk keluar dan nampaknya PAS ada jalan alternatif maka berlumba-lumbalah mereka tumpang jalan PAS.

Kalau dulu ketua terjun masuk neraka jahanam, pengikut pun ikut sama. Ini macam babi yang terkena JE. Askar buat lubang* besar-besar, semua babi terjun masuk lubang. Lepas itu kena kambus, mampus. Tapi itu babi, tak apalah. Kita manusia ni, kalau masuk dalam kena kambus, ada dua alam lagi yang mesti kena jawab. Jadi yang nak ikut babi yang ada JE, pasal apa?

Kesian.... Dan jelaslah mereka ini bukanlah tergolong dalam orang-orang beriman yang berkata, "*aku dengar dan aku taat perintah Allah*", sebab mereka taat dan ikut perintah pemimpin yang berlagak macam Tuhan. *Nauzubillah*, pemimpin terpengaruh dengan berita fitnah dari mereka yang munafik. Tapi disebabkan mereka takutkan pemimpin, mereka pun ikut sama percaya. Ramai yang terpaksa menggadaikan prinsip mereka sedangkan mereka tahu berita yang dibawa oleh pemimpin itu belum tentu kebenarannya dan tidak ada bukti pun akan kesahihannya. Tapi demi untuk menyelamatkan kerusi politik, maka mahu tak mahu mereka yang berada di dalam ketakutan terpaksa mengiyakannya perkara yang difitnah dan cerita yang dibawa. Mereka terpaksa membenarkan pendustaan dan pembohongan pemimpin. Maka mereka terpaksalah menjual maruah, menjual prinsip mereka sama seperti

perempuan yang melacurkan diri kerana kononnya kalau tak jual maruah, kalau tak jual diri, tak dapat rezeki. Hendak hidup. Hutang terlalu banyak, hidup penuh dengan pembaziran, macam '*the rich and the famous*', mengikut cara hidup Presiden-Presiden di Amerika. Nak jawab apa dengan Tuhan nanti?

Apakah kita telah kehilangan **conscience** kita? Akibat daripada tindak-tanduk kita, maka orang yang tidak berdosa teraniaya begitu saja. Kasihan Anwar tapi bila rakyat bersimpati dengan Anwar kita semua gusar. Buat macam-macam untuk membunuh sesiapa saja yang bersimpati dengan Anwar Ibrahim.

Maka sebab itulah kita dituntut untuk mencari **ilmu** dan memulakannya dengan membaca. Bacalah dengan nama Allah. Janganlah asyik baca buku dan berita-berita yang **kontroversi** saja.

Bercakap pasal membaca dan mencari ilmu, mengikut pendapat Pusat Islam, kita rakyat Malaysia dari mazhab Ahlul Sunnah Wal Jamaah boleh dipermain-mainkan oleh pengikut Syiah, mazhab yang telah diiktiraf oleh Sheikh Azhar sebagai salah satu dari mazhab-mazhab dalam Islam. Ini disebabkan alim ulama kita di Malaysia yang kononnya mengaku bermazhab Shafie, jahil dari segi ilmu dan kurang membaca kitab. Kalau pun mereka belajar dan membaca ketika menuntut di universiti, itu pun sekadar untuk lulus peperiksaan. Bab-bab agama yang dipelajari sekadar fakta akademik sahaja. Bila keluar universiti dan pegang jawatan mereka lebih banyak menghukum dari mendidik dan membimbing masyarakat

yang sepatutnya menjadi tanggungjawab mereka. Hamid Othman dan General penceh di sana itu, buat apa? Apakah mereka ambil tahu mengenai mazhab Shafie dan mengkaji secara mendalam tentang mazhab-mazhab yang lain? Bila orang kata kita **bodoh**, **bengap**, **bongol**, tahu pula marah. Tetapi, itulah hakikatnya.

Sebab itulah bila berdepan dengan krisis, bila berdepan dengan masalah agama, mereka terpaksa gunakan ISA, khidmat pasukan polis dan askar. Mereka gunakan kekerasan seperti apa yang telah mereka lakukan terhadap Al-Arqam.

Kasihan Pak Habib tengok, yang kena hentam dan dapat nama buruk, Perdana Menteri Dr. Mahathir Mohamad dan kerajaan pimpinannya juga. Ada menteri yang pandainya mengampu dan mengiyakan boss saja. Boss dan seluruh sistemnya yang dibawanya kini berada di ambang senja. Bila sudah berada dalam keadaan bergelap, nanti nak buat apa?

Bayangkan sampai terpaksa panggil 'ulama import' dari luar, Sheikhul Azhar supaya datang hanya untuk menjelaskan pengertian "*murtad*", sedangkan kerajaan sendiri sibuk berkempen dan mengajak rakyat Malaysia supaya membeli barang buatan tempatan.

Padahal bukannya kita tak ada siswazah-siswazah, para cerdik pandai dan para ulama yang menuntut dan membawa pulang ijazah dari universiti Islam tertua di dunia, Al-Azhar. Antara mereka termasuklah Dato' Wan Mokhtar, Menteri Besar Terengganu, tapi takkanlah

kerana nak menyampaikan mesej Al-Quran mengenai isu "**murtad**", kita terpaksa mengimport seorang Sheikh dari Al-Azhar. Sedangkan negara kita sendiri pun sudah ada sebuah universiti Islam bertaraf antarabangsa, yang menjadi tumpuan pelajar-pelajar asing. Kalau nak diikutkan isu **murtad** itu bukanlah isu sangat, saja nak diperbesar-besarkan. Ini berbeza dengan fenomena '**kafir-mengkafir**' dan '**fitnah-menfitnah**' yang melanda politik negara akhir-akhir ini. Alangkah sedihnya apabila melihat manusia yang kulitnya sahaja Islam, sedangkan akidah dan hatinya masih berada dalam kekufturan.

Rakyat Malaysia yang beragama Islam sudah mula rasa tentu ada sesuatu yang tak kena di Pusat Islam dan di JAKIM. Maka rakyat sudah tidak percaya lagi pada ulama kerajaan. Itulah silapnya bila ahli-ahli agama mesti tunduk pada kata-kata tuan dan tak berani melaksanakan hukum-hukum Tuhan. *Alahai Mahathir, sabar ajelah!* Maka itulah juga sebabnya PAS yang lemah, tiba-tiba menjadi begitu kuat sekali. Ini kerana Biro Agama Islam tidak berfungsi. Orang pertama yang patut diberhentikan ialah Cikgu A.Kadir Anwar, EXCO Agama Kerajaan Negeri Johor kerana telah banyak melakukan kerja-kerja karut dan mencari kebencian orang ramai.

Bayangkan apa akan jadi pada bangsa dan negara apabila para intelek dan alim ulama, mufti dan imam cuma baca dua buah buku setahun. Apakah mereka layak digelar ahli agama apabila minda mereka tertutup? Keputusan yang diambil ialah **menolak kebenaran menggunakan kekerasan demi mempertahankan ego**.

Ulama bukan saja mesti membaca tetapi perlu mengembara. Dengan itu barulah mereka layak diberi gelaran ulama mujtahid seperti yang dianjurkan oleh Al-Quran agar kita dapat mengambil pengajaran dan fikirkan akan tanda-tanda kebesaran Allah SWT di muka bumi ini.

Di sinilah terletak kepincangannya bila tidak adaimbangan ilmu antara *umara* dan ulama. Hari ini raja bukan umara tapi Perdana Menteri dan Menteri-Menteri Besar dan Ketua Menterilah yang menjadi *umara*. Maka raja itu tidak lebih dari *simbol*.

Dr.Mahathir adalah seorang yang gemar membaca. Dia membaca beribu-ribu buah buku dan mempunyai pengalaman yang luas sepanjang mengembara ke sana ke mari. Itu sebabnya pemikiran Mahathir lebih terbuka. Sayangnya, mereka yang mengaku diri sebagai alim ulama masih duduk macam katak bawah tempurung, tapi ada hati nak mengajar orang. Macam mana kita nak mengajar kalau kita tak ada ilmu? Macam mana kita nak membuktikan sesuatu kalau kita tak ada pengalaman?

Cuba kita tanya, berapa ramai para ulama yang bercakap melalui pengalaman - "*speaking through experience*"? Yang pergi ke Dataran Merdeka, yang masuk dangdut dan diskò, yang merayau-rayau di Bukit Bintang atau Jalan Tuanku Abdul Rahman selepas 10 malam atau yang menyaksikan sendiri masalah-masalah sosial yang berlaku dengan mata kepala sendiri? Berapa ramai ulama yang baca majalah muda-mudi atau novel-novel remaja untuk memahami jiwa remaja? Berapa

ramai ulama yang baca buku-buku politik dan sejarah untuk mendalami senario politik dan sejarah tanahair? Dan berapa ramai pula ulama yang mempelajari ilmu teknologi matlumat (IT) untuk dimanfaatkan dalam usahanya menyampaikan ilmu? Setakat beli komputer untuk anak-anak main game saja, tak gunalah.

Hari ini, kita sudah tak boleh gunakan kaedah lama untuk menyampaikan ilmu. Kita kena ikut peredaran zaman. Sekarang ini budak kecil pun dah pandai pakai komputer, guna internet. Maka apa salahnya kita gunakan pendekatan yang sama untuk menyampaikan ilmu. Kita sekarang berada di dalam zaman cyber, zaman langit terbuka, zaman IT. Maka kalau ulama-ulama kita tak tahu atau tidak mahu menggunakan teknologi-teknologi canggih seperti ini, nampak gayanya tinggallah mereka di belakang. Itu sebabnya kalau kita sendiri tak pernah merasai pengalaman sebegini, macam mana kita hendak menegur, memberi pandangan dan menjelaskan kepada generasi muda tentang punca, implikasi, dan penawar kepada kerosakan akhlak dan moral?

Kita tak boleh marah Dr. Mahathir bila dia mengkritik Persatuan Ulama yang menerima sesiapa saja yang menjadi ahli, boleh mengaku sebagai ulama. Dan kalau Mahathir pula yang bertanya, bagaimana kalau Persatuan Doktor Perubatan pun berbuat demikian, masuk saja jadi ahli, sudah boleh jadi doktor. Bayangkan apa jadi pada pesakit. Itulah sebabnya kenapa Mahathir tak dapat terima Mat Sabu atau Mustapha Ali sebagai ulama. Dan **sehingga ke hari ini, Mahathir tidak dapat menerima pelaksanaan hukum-hukum hudud kerana pada**

pendapatnya, ulama-ulama di Malaysia tidak memiliki credibility, integrity, proper judgement dan uniformity untuk melaksanakan hukum hudud dengan adil lagi saksama. Dan kita jangan terkejut bila adanya otak-otak ulama yang Mahathir simpan dalam koceknya dan boleh dibuang jika dia tak mahu lagi. Tak macam otak Daim dan Rafidah yang disimpan dalam bank.

Kita boleh terima hujah Dr. Mahathir itu, tapi apakah mereka yang Mahathir pilih sebagai ulama boleh diterima? Begitu juga dengan ahli-ahli politik yang ditunjuk oleh Dr. Mahathir, apakah rakyat boleh menerima mereka? Tapi kerana Mahathir - MAHATHIR, Mahathir Boleh, maka semuanya boleh. Yang tak boleh, cuma rakyat sahaja. Tak boleh bercakap, tak boleh menegur. Jadi apa yang boleh? Kalau bab tepuk tangan bila Mahathir berucap, itu boleh. Bila ada pemimpin ketawa mereka pun ramai-ramai turut ketawa sama - *ketawa orang politik*, siapa yang ketawakan siapa? Itu sendiri tanya, sendiri jawablah.

Dalam ucapan penutup di Persidangan Agung UMNO 1999, Mahathir telah mengutuk ulama. Para perwakilan yang duduk di dalam bertepuk gemuruh. Mahathir kutuk Saudara Anwar, yang sebelum ini ramai yang menganggap beliau sebagai ulama dan para perwakilan yang berada di dalam dewan bersorak-sorai. Macam-macam lagi yang Mahathir cakap yang dapat ditakrifkan oleh orang Melayu sebagai perbuatan menghina. Malah Anwar pun sudah saman Mahathir kerana menghina mahkamah.

Sementara mereka yang berada di dalam Dewan Merdeka bergelak ketawa dengan penjelasan-penjelasan yang Mahathir berikan, macam mana pula dengan mereka yang menjadi pemerhati di luar dewan, di persekitaran bangunan PWTC atau di mana-mana sahaja? Apakah mereka turut gelak ketawa dan bersorak sorai atau sebaliknya mereka mentertawakan Mahathir dan mereka yang berada di dalam dewan? "***Ha! Ha! Ha! Those who laugh last, laugh the loudest.***"

Kepada mereka yang menjadi perwakilan dan mereka yang tergolong dalam masyarakat yesmen, Pak Habib cuma nak ingatkan "***janganlah menang sorak, kampung yang tergadai***". Isu pemecatan bekas Timbalan Perdana Menteri, Anwar Ibrahim, sudah cukup memberi tamparan yang hebat terhadap maruah orang Melayu.

Tindakan Mahathir mendedahkan senarai kroni-kroni Anwar itu memang bagus. Setidak-tidaknya rakyat dapat lihat bagaimana pemimpin menggunakan kuasa melalui jawatan yang dipegang oleh mereka untuk *political milage* masing-masing. Tapi apakah motif tindakan ini sebenarnya? Apakah Mahathir mahu "*save his own face*"? Apakah Mahathir tidak mempunyai kroninya sendiri atau wakil-wakil rakyat yang perlu dijaga untuk memastikan dia sentiasa mendapat sokongan? Dan kenapa tak dedahkan sekali saham-saham yang diterima oleh mereka-mereka ini? Pak Habib bimbang, takut silap-silap haribulan "***menepuk air di dulang terpercik muka sendiri***". Apakah tidak ada cara lain lagi untuk menarik minat dan sokongan orang-orang UMNO terhadap kepimpinan Dr.Mahathir?

Hanya Allah SWT saja yang boleh mengembalikan ketenangan dan kedamaian kepada manusia. Allah SWT jualah yang memberi kenikmatan kepada hamba-hamba-Nya. Allah akan sentiasa menghulurkan bantuan kepada hamba-hamba-Nya. Jadi **Mahathir kenalah berhati-hati dan beringat kerana bila ketakutan rakyat sudah mula memuncak, mereka tidak akan teragak-agak untuk berdoa dan meminta bantuan dari Allah SWT supaya menunjukkan mereka kebenarannya.** Kalau betul Mahathir berada di tempat yang benar, dia akan sentiasa dilindungi oleh Allah. Tetapi bagaimana kalau dia yang tak betul? Apapun keadaannya, yang paling penting sekarang kita semua perlu menyedarkan diri kita terlebih dahulu dari buaian mimpi dan dari terus terlena. Rakyat sudah mulai sedar bahawa politik, kuasa dan media massa tak boleh tolong. Malah mereka yang dulunya dianggap kawan pun dah lari dan 'angkat kaki' main jauh-jauh. Dan mulalah mereka merasa sunyi dan takut.

Oleh itu marilah kita mendekatkan diri kepada Allah dengan mendirikan solat dan mengeluarkan zakat (hablunminanas). Ada duit, tolonglah orang miskin, orang susah. Hulurlah, gugurlah. Jangan semua benda nak telan seorang saja. Kalau pemimpin jadi jerung, pengikut jadi bilis, maka inilah masanya jerung nak "ngap" bilis habis-habisan. Sekali jerung buka mulut, semua bilis jadi korban.

Firman Allah SWT dalam surah Al-Baqarah, ayat 239:
"Jika kamu dalam keadaan takut (bahaya) maka bersolatlah kamu sambil berjalan atau berkenderaan."

Dengan mengambil iktibar ini, Pak Habib mengharapkan agar isi kandungan buku ini menepati perintah ***amar makruf*** dan ***nahi mungkar*** yang dianjurkan agama Islam. Segala sesuatu yang baik itu adalah daripada Allah dan segala kekurangan adalah kelemahan kita.

Marilah kita perbaiki segala kekurangan kita dengan menambah ilmu pengetahuan tentang bagaimana untuk menghadapi kegawatan dan menghadapi bahaya-bahaya besar dari musuh-musuh besar yang hendak membincaskan agama, bangsa dan negara kita, baik dari dalam mahupun dari luar negara, dari kalangan musuh yang kita kenal mahupun yang kita tidak kenal, dengan meminta petunjuk dan bantuan dari Allah SWT. Terutama musuh utama yang ada di dalam diri kita sendiri- **nafsu**. Nafsu yang tak pernah kenal erti kepuasan.

Selama ini Pak Habib memang memperjuangkan yang *hak*, mengajak manusia terutama pemimpin kepada perintah ***amar makruf*** dan ***nahi mungkar*** tetapi disebabkan masih ada sesuatu yang kurang pada diri sebagai seorang manusia biasa yang kurang berilmu tetapi tetap mahu menyampaikan amanah, maka ada di kalangan mereka yang membacanya gagal untuk mengubah sesuatu yang disarankan.

Mungkin juga disebabkan ramai yang beranggapan cara Pak Habib menulis bertentangan dengan agama Islam kerana bahasa yang kasar dan keras, maka sebab itu Pak Habib cuba bermohon ampun dari Allah, dengan ini mudah-mudahan sesiapa saja yang membaca buku ini akan mendapat taufik dan hidayat dari-Nya.

Dan marilah kita menyusun semula agenda dan keutamaan kita dengan membetulkan cara kita berfikir, menjadikan diri kita manusia yang baik kerana kita adalah sebaik-baik makhluk yang dicipta oleh Allah SWT, memberhentikan segala pertelingkahan, mendidik diri supaya menjadi manusia yang berfikiran terbuka, bersikap lebih banyak memberi daripada meminta, belajar bersyukur terhadap apa yang ada, hentikan sifat tamak dan perangai bakhil, sikap yang dibenci oleh SWT sehingga mereka yang bakhil itu menjadi musuh Allah SWT dan digantikan-Nya dengan sifat penyayang, pengasih, bertimbang rasa, beranggapan baik dan sebagainya serta sentiasa mengorak senyum. Ini kerana senyuman itu adalah satu ibadah.

Mudah-mudahan dengan perubahan sikap dan penyusunan semula agenda ini, Allah akan mengampunkan dosa-dosa kita yang telah lepas dan menyelamatkan bangsa dan negara kita dari bala bencana dan sekaligus mengembalikan kedamaian dan kemakmuran kepada negara Malaysia serta rakyatnya.

Dan kita mengharapkan para pemimpin politik, para pemimpin masyarakat, para pemimpin persatuan-persatuan dan kesatuan-kesatuan sama ada didaftar atau tidak, ketua-ketua agama serta mereka yang bergelar ulama memulakannya dengan menunjukkan contoh teladan yang baik dan menjadi '*role model*' yang berguna kepada anak bangsa kita.

Kita semua tahu bukan mudah hendak mengubah nasib sesuatu kaum tapi kemungkinan dari hasil **keinsafan** dan

kesedaran yang ditimbulkan melalui *informasi* yang betul tanpa sentimen dan prejudis, kita boleh berjaya. '**Malaysia Boleh**'. Kita boleh keluar dari semua bentuk permasalahan yang menimpa kita selama ini termasuklah kegawatan ekonomi dan kegawatan moral. Dan tidak mustahil dengan izin Allah, bangsa dan negara kita bakal muncul sebagai sebuah pengaruh yang agung di dunia.

Andaikata mereka yang membaca buku ini gagal untuk mendapatkan sesuatu atau menemukan *hak*, '*truth*' dalam diri, maka selepas membaca buku ini, campakkanlah ia ke dalam sungai atau bakar sahaja. Ini bererti Pak Habib gagal dan anda telah membuang masa membaca buku Pak Habib. Dan Pak Habib memohon maaf kerana telah membuang masa anda, mudah-mudahan anda halalkan duit yang anda telah belanjakan membeli buku Pak Habib. *Sabar ajelah.*

Pak Habib bukannya nak merajuk, tetapi dah kita ni asal dari Johor, orang Johor ni memang terkenal dengan budaya merajuknya. Bermula dari Dato Onn', Tun Dr. Ismail, Tan Sri Jaafar Albar sehingga lah kepada Tan Sri Musa Hitam, semuanya kaki merajuk. Rasa-rasa nak juga Pak Habib merajuk, tetapi masih ada *perjuangan yang belum selesai*. *Kirim salam sahajalah kepada mereka yang sudah merajuk*, kerana orang yang suka merajuk ini selalu tertinggal bas atau tertinggal bot.

Dengan membaca, menghayati dan memahami kitab suci Allah - **Al-Quran**, mudah-mudahan ia dapat menemukan kita kepada perkara yang haq. Tapi kalau sekadar membaca (bacaan) dan memperdengarkan ayat-

ayat Al-Quran semata-mata untuk menunjuk-nunjuk kemerduan suara anda atau untuk mencari makan, itu bukanlah tujuan sebenar Al-Quran diturunkan kepada Muhammad SAW untuk disampaikan kepada sekalian umat manusia.

Marilah kita semua yang memilih Al-Quran sebagai imam, apabila kita membacanya, buktikan dengan lidah dan perbuatan bahawa kita benar-benar faham dan percaya isi kandungannya. Selaku seorang khalifah yang membawa rahmat kepada sekalian alam, kita beriman dan menjadikan diri sebagai manusia universal, manusia yang menyintai kedamaian sejagat untuk seluruh alam.

Membaca dengan taksub ayat-ayat Quran tanpa menghidupkan sifat-sifat ketuhanan yang sepatutnya timbul dalam diri terutama sifat kasih-sayang, sentiasa pemurah dan membuat kebaikan dan menjauhkan apa yang dilarang adalah merupakan yang sia-sia sedangkan Al-Quran itu adalah '*the living miracle*', mukjizat yang hidup sehingga ke akhir zaman. Itulah tanda-tanda yang kita percaya adanya Tuhan, kita sudah beriman, kita yakin dan percaya. Ia terbukti dalam amalan gerak-geri dan kehidupan harian kita yang kita percaya adanya malaikat yang mencatakan kebaikan dan keburukan yang kita lakukan dan kita jadi manusia yang taqwa.

"Ya Allah! Jadikan Al-Quran semasa hidup kami di dunia sebagai rakan di dalam kubur, sebagai kawan yang mesra pada hari kiamat, sebagai pembantu, sebagai cahaya penyuluhan semasa menuju ke syurga, sebagai teman dan sebagai

penghadang dan pendinding dari api neraka. Dan jadikanlah Al-Quran untuk kami sebagai panduan dan ikutan kepada segala kebaikan, dengan limpahan kurnia, kemurahan dan kemuliaan-Mu jua ya Allah, Tuhan yang Maha Pemurah."

"Ya Allah! Hidupkanlah diri kami dengan keindahan al-Quran, muliakan kami dengan kemuliaan Al-Quran dan serikan kami dengan ketinggian martabat al-Quran, dan pakaikan dengan pakaian permata Al-Quran, masukkan kami ke dalam syurga dengan syufaat al-Quran, selamatkanlah kami dari segala bencana dunia dan azab hari akhirat dengan berkait kehormatan Al-Quran."

Memang susah nak cari manusia yang tak percaya adanya Tuhan. Kaum Athiest itu pun percaya ada kuasa yang menguasai dirinya. Cuma egonya tak mahu terima bahawa dalam dunia ini ada kuasa yang lebih berkuasa dari kuasa yang ada pada mereka. Kita tak boleh berbuat apa-apa pada manusia yang tak percaya pada agama. Kita doa'kan sahaja mereka, moga-moga mereka ini mendapat hidayah daripada Allah SWT.

Sebagai rakyat Malaysia serta rakyat Nusantara tidak kira agama apa pun yang dianuti, setiap bangsa percaya tentang kewujudan Tuhan masing-masing seperti yang tersebut dalam pancasila Indonesia "**keTuhanan Yang Maha Esa**" dan "**Kepercayaan kepada Tuhan**" yang terdapat di dalam Rukun Negara kita. Marilah kita bersatu menjadi seperti anak sungai menuju ke laut. Di sana kita

pasti akan bersatu dengan fikiran yang betul. Kalau pun kita tidak dapat memperbaiki ekonomi kita, tetapi dalam waktu yang sama kita juga harus memperbaiki dalaman kita yang boleh memberikan kita kekuatan untuk bertahan dengan apa saja ujian yang datang pada kita semua di masa-masa akan datang. Bersatu kita teguh, bercerai kita roboh. Kita tidak mampu untuk berpecah dalam keadaan krisis yang kritikal ini terutamanya kita orang Melayu.

Kita lupakan mereka yang mengaku beragama sekadar memakai topeng-topeng agama. Kita ketepikan mereka yang *pepat di luar, runcing di dalam*, di mulut kata percaya dengan ajaran yang dibawa agama sedangkan di hati lain bicara. Kita pisahkan manusia-manusia *munafik* dan *hipokrit* dari golongan kita. Kita perangi mereka sebagai musuh kita kerana orang-orang *munafik* dan *hipokrit* inilah yang menimbulkan huru-hara. Tetapi janganlah kita memusuhi mereka secara peribadi. Kita ajak mereka bertaubat. Kita lakukan satu taubattul nasuha diseluruh negara. Kita ajak semua orang berkasih sayang.

Kita perlu dedahkan siapa petualang dan pengkhianat bangsa ini, dari kita sibuk menyalahkan kuasa-kuasa luar, kuasa asing, sedangkan perbuatan dan tingkah laku kita lebih asing daripada orang asing. Kita terlupa pada orang yang telah menganggap kita ini sebagai "*alien*" - nak kata Melayu tak Melayu, nak kata Islam tak Islam, nak kata hantu pun tanduk di kepala tak nampak. "*Nang bo tinang, ti bo ti qui.*" **Olang tak selupa olang, babi sudah ale JE.** Jantan tak serupa jantan, betina pun tak serupa betina. Ada rambut belum tentu rambutan, ada duri belum

tentu durian. Tapi hakikatnya, itulah dia landak di hutan. Dan ada juga pemimpin yang serupa macam ini.

Mari kita dedahkan kerana memang dalam dunia ini ada tiga jenis manusia. Satu yang macam Qabil, suka membuat kerosakan, pembunuhan dan kerja-kerja yang mungkar. Mereka bersahabat dan bersubahat dengan syaitan; satu lagi mereka yang melihat kerosakan dan semua jenis kemungkaran berlaku di hadapan mata, mereka cuma sedih, menangis dan susah hati tapi tak buat apa-apa; dan yang ketiga segelintir manusia yang ada perasaan kasih yang di dalam diri mereka dan sentiasa menyeru manusia agar berbuat baik dan mencegah kemungkaran. Jenis inilah yang ketandusan dalam masyarakat kita hari ini.

Akhir sekali mari kita cermin muka kita. Kita buka topeng kita dan kita lihat siapakah kita yang sebenarnya. Apakah kita hantu di ambang senja ataupun manusia di siang hari? Atau pemimpin di ambang maut? Takbir! Allahu Akhbar, Allahu Akhbar, Allahu Akhbar!



Mahathir : Kenapa panas sangat sekarang ini, Rahim?

Rahim : Mana tak panas. Semua orang dok maki hamun, sumpah serapah kat Datuk Seri.

Mahathir : Engkau ini macam orang lain juga, aku mana ada salah. Macam-macam aku buat untuk rakyat, takkan orang nak marah aku. Depa nak kutuk aku pasai apa? Depa semua buta ka? Kerana siapa ekonomi kita yang jatuh merudum boleh naik semula?

Rahim : Kalau saya jadi Datuk Seri saya lepaskan saja jawatan semasa menghadapi krisis, seperti saya lakukan semasa jadi Ketua Menteri dan Ketua Pemuda. Akhirnya saya dapat balik kerusi Pemuda, Mahkamah kata saya bersih. Datuk Seri kita kena pisahkan diri kita dari jawatan untuk lihat krisis yang sebenarnya.

Mahathir : Ceramah macam orang PAS pulak engkau ni Rahim, bila pulak kau jadi ulama, jangan doa orang PAS dah makbul dan kau betul-betul bersih. Dulu bila aku kata hangpa bersih, semua **burung kakak tua** kata hangpa bersih. Aku ni siapa yang nak tolong, macam aku tolong hangpa dulu?

Rahim : Datuk Seri pergi ke Wadi Hussein minta Pak Habib doakan, insya Allah Datuk selamat.

Ya Allah, sesunggubnya kami telab banyak berbuat aniaya terhadap diri kami, padahal tidak ada yang dapat mengampuni dosa-dosa selain dari Engkau. Maka berikanlah ampunan kepada kami dari sisi-Mu. Dan kasihanilah kami, kerana sesunggubnya Engkau Maha Pengampun lagi Maha Pengasih"

Ya Allah, ampunilah dosa - dosa kami yang terdabulu dan yang kemudian, yang kami sembunyikan dan yang kami tampakkan, apa yang terlanjur dan apa yang Engkau sendiri diri lebih mengetahuinya daripada kami. Engkaulah yang memajukan dan Engkaulah yang menanggubkan. Tidak ada Tuban selain Engkau"

MELAYU ITU UMNO, UMNO ITU KAFIR?

malam itu adalah malam yang syahdu, malam di mana umat Islam di seluruh pelusuk alam sedang menyambut hari keputeraan seorang manusia agung, seorang insan terpilih, manusia maksum yang telah memberikan cahaya di dalam kegelapan manusia. Malam itu Stadium Negara, Kuala Lumpur turut bergema alunan lagu yang memuja-muji kebesaran Yang Maha Berkuasa dan selawat serta salam sejahtera ke atas junjungan besar Nabi Muhammad SAW memenuhi setiap ruang. Allah dan para malaikat turut berselawat ke atas Muhammad SAW, Nabi yang *ummi*, Nabi dan Rasul yang terakhir.

Konsert besar-besaran oleh kumpulan nasyid yang pertama yang berjaya mengadakan persembahan secara besar-besaran diiringi dengan band dan musik hebat. Dengan

pukulan drum, rabana, kompong dan latarbelakang koir menjadi penyeri dengan suara yang timbulnya dari hati yang menusuk jiwa dan menikam sukma. Tarikhnya pula bertepatan dengan sambutan ini. Ia semacam mengalu-alu dan meraikan kelahiran Muhammad SAW, seorang junjungan besar, seorang rasul dan seorang manusia suci yang jatuh pada 12 Rabiulawal, 1420 tahun yang silam bersamaan 26hb. Jun 1999.

Kehebatan dalaman yang ada pada anggota Raihan begitu mempesonakan. Mungkin kalau selain dari Raihan yang menjadi penghiburnya tentulah konsert ini tidak semeriah ini.

Pak Habib mengucapkan syabas buat kumpulan Nasyid popular Raihan yang telah mempersembahkan konsert ini secara percuma sebagai menghargai sokongan peminat terhadap kumpulan itu yang merintis jalan kebangkitan muzik nasyid. Tapi tanpa sokongan daripada peminat, siapalah Raihan.

Namun sayangnya, pada malam itu Raihan tidak menyanyikan lagu-lagu lama daripada album pertama dan kedua yang telah membawa mereka ke mercu kejayaan. Sebaliknya mereka hanya menyebut beberapa baris daripada lagu lama mereka seperti *Sifat 20* dan *25 Rasul*, sedangkan Raihan terkenal kerana lirik-lirik dakwahnya di dalam lagu-lagu mereka.

Pak Habib yang memenuhi jemputan dari Farahin, pengurus Raihan itu datang bersama empat orang anak Pak

Habib, isteri, menantu dan juga cucu. Pak Habib telah diberikan tempat duduk VIP.

Mungkin ada yang bertanya sejak bila pula Pak Habib menjadi seorang pengkritik seni? Namun, bagi mereka yang sudah biasa membaca buku-buku Pak Habib, Pak Habib sebenarnya memulakan kerjaya penulisan ini di dalam bidang seni dan tulisan-tulisan awal Pak Habib adalah mengenai dunia hiburan, mengenai artis-artis dan tokoh filem. Malah di satu ketika dulu Pak Habib turut terlibat di dalam dunia seni, menjadi model, pelakon filem dan juga pelakon pentas. Tapi itu dulu. Ia telah menjadi satu sejarah.

Anggota-anggota kumpulan Raihan terdiri daripada Azahari Ahmad, Che Amran Idris, Nazrey Johani, Abu Bakar Mohd Yatim dan pengurus mereka, Farihin Abdul Fatah adalah merupakan kumpulan artis yang paling popular dan paling di minati ketika ini. Raihan bukan sahaja dikenali oleh orang dewasa malah kanak-kanak, termasuk mereka yang belum bersekolah turut menyanyikan lagu-lagu Raihan kerana Raihan telah memainkan peranan sebagai pendakwah dan telah berjaya menyampaikan mesej Islam melalui dunia hiburan. Kalau kita pernah membaca sejarah Wali Songgo, dakwah dimulakan dengan hiburan sambil mengambil hati rakyat.

Walaupun sudah muncul sebagai artis terkenal tapi kumpulan Raihan masih tidak glamor. Mereka masih lagi bersikap rendah diri kepada sesiapa sahaja yang datang mendekati atau menghampiri mereka sama ada para wartawan ataupun peminat-peminat biasa. Walaupun sudah menempa kejayaan yang besar, mereka tetap mengamalkan

cara hidup yang sederhana dan mengekalkan identiti Islam mereka?

Bila kita melihat sikap artis yang menyenangkan kita ini tak sompong, tak ego, tak glamour dan tak meninggi diri, dan tak terlibat dalam maksiat, dan mereka masih hidup dalam golongan yang beriman dan bertaqwah, mengerjakan perintah Allah, dan meninggalkan larangannya, tidak terlibat dengan dadah, tak kena dam, tak kena fit, tak berdengung, tak hidu gam, tak minum dulu sebelum buat persembahan dan setiap kali persembahan tak bawa awek sama, berpeluk, bercium dengan peminat, maka kita terpaksa bertanya, siapakah yang pernah mendidik anggota-anggota kumpulan ini sehingga mereka boleh jadi tidak sompong bila sudah berjaya? Siapakah anggota-anggota Raihan sebelum mereka menuju kumpulan nasyid ini? Kalau orang yang mendidik anggota-anggota Raihan, malah ada di antara seorang anggotanya yang berasal dari agama Kristian sebelum memeluk agama Islam berjaya mendidik anak-anak ini sehingga menjadi individu-individu yang misali, maka tentulah orang ini hebat.

Turut hadir menyaksikan konsert itu adalah Raja Permaisuri Agung Tuanku Siti Aisyah dan Menteri di Jabatan Perdana Menteri Dato' Abdul Hamid Othman.

Konsert Raihan pada malam itu memang cukup menarik, cukup memukau dan cukup indah. Tapi malangnya suasana meriah itu Pak Habib lihat di cemari dengan upacara sembah-menyembah manusia. Setiap kali ada tetamu undangan mahu memula atau mengakhiri persembahannya, maka mereka pun mengangkat tangan menyembah Raja

Permaisuri Agung walaupun sebelum ini Tuanku Permaisuri hanyalah seorang rakyat biasa.

Kalau sekalipun, Tuanku Permaisuri adalah dari kalangan mereka yang berdarah dan berketurunan raja, apakah beliau patut disembah-sembah macam tok pekong? Ini kalau Mahathir ada, mesti marah. Ini kerana yang ada immuniti dan yang ada daulat, Mahathir saja. Raja-raja mana ada imuniti lagi. Ini sudah tersalah sembah. Pak Habib rasa, lepas ini Hamid Othman mesti kena panggil dengan Mahathir kerana ada protokol yang tak kena.

Kita orang Islam atas apa juga sebab, memang tidak dibenarkan sama sekali menyembah sesama manusia. Peristiwa sembah menyembah ini pula berlaku dalam satu majlis yang diwarnai dengan puji-pujian bagi Allah dan Rasulnya dan bertepatan pula dengan sambutan Maulidur Rasul yang sepatutnya mengingatkan kita akan kelahiran Nabi Muhammad SAW yang telah mendapat wahyu dari Allah bagi menghapuskan segala macam bentuk khurafat, dan penyembahan yang selain daripada Allah SWT.

Bukankah Allah telah berfirman dalam surah Az-Zaariyat, ayat 56 : "*Dan tidak aku jadikan jin dan manusia melainkan supaya mereka menyembah-Ku.*"

Itu adalah perintah Allah yang terang dan jelas. Jadi yang kita sembah-sembah manusia, pasal apa? Hamid Othman, selaku Menteri Agama, buat apa? Kenapa dia tidak menegur perbuatan ini? Apakah dia takut? Kalau takut, takut dengan siapa? Tuhan atau tuan?

Kerja sembah-menyembah ini kerja orang kafir. Tapi kalau orang lihat orang Islam pun ada yang jenis sembah manusia, Pak Habib rasa orang kafir pun akan turut terkejut sama. Lainlah kalau sembah-sebah tok pekong untuk dapat nombor ekor. Ini menyembah kerana dulu lagi orang dah menyembah, maka kita turut sama menyembah. Orang Islam tak ikut budaya, kebiasaan yang bertentangan dengan Al-Quran dan Sunnah.

Tapi, marilah kita tinggalkan cerita Raihan dan soal sembah menyembah. Bila cakap pasal "kafir" ini, Pak Habib teringat kepada peristiwa yang berlaku kepada Pak Habib beberapa minggu terdahulu.

Semasa Pak Habib sedang minum kopi di lounge Lapangan Terbang Sultan Ismail Johor Bahru, tiba-tiba Pak Habib teringat berita muka depan akhbar Berita Harian 8hb. Jun 1999 dengan tajuk "**Amanat Haji Hadi Punca PAS Mengkafirkkan UMNO**". Ini cerita lama, cerita sebelum peristiwa Memali. Apakah Ustaz Hadi akan menerima nasib yang sama seperti Ibrahim Libya? Apakah beliau akan ditangkap di bawah ISA? Apakah ini tidak seperti orang bermain bunga api? Kenapa tiba-tiba cerita ini dihidupkan semula?

Pak Habib pernah diajar oleh Allahyarham ayahanda Pak Habib, apabila kita mendengar atau melihat sesuatu, kita hendaklah **berfikir**, gunakan **akal**. Betul ke apa yang kita tengok atau dengar itu? Kita tidak boleh main tengok saja dan lepas itu terpengaruh dengan apa yang berlaku di depan mata kita. Kita kena tengok dan pandang dengan teliti sebab boleh jadi apa yang kita tengok itu cuma satu mimpi.

Kebetulan pula kita ini terdiri daripada manusia yang berilmu, berakal dan lebih-lebih lagi kalau kita ini seorang Islam. Islam tak suruh kita terima sesuatu itu secara bulat-bulat tanpa usul periksa. Dengar, siasat dan fikir terlebih dahulu.

Tuhan sudah mengingatkan kita, jangan sesekali kamu mempercayai berita yang kamu dapat dari orang yang *fasiq*. Tuhan suruh kita berfikir, apa lagi kalau orang yang berkata itu seseorang yang kita muliakan. Kita kena baca apa yang **tersirat** kerana orang yang menyampaikan berita itu sudah tidak lagi menjadi ahli PAS.

Kita jangan jadi macam lembu yang nampak rumput, nampak pucuk, nampak daun, terus ragut. Atau monyet yang nampak pisang dan buaya yang terjumpa bangkai, dia ngap tak kira halal haram. Kalau binatang yang buat kerja macam ini, oklah. Binatangkan... Kalau lembu jumpa pokok dia makan, apa boleh buat, dia lembu. Tapi kita ini manusia yang ada soal jawabnya dengan Tuhan. Bagaimana kalau cerita itu merupakan satu **fitnah** semata-mata? Maklumlah sekarang inikan kita berada dalam **Kurun Fitnah**. Orang yang menyampaikan fitnah sudah tentulah berdosa besar dan orang yang mendengar fitnah dan bersubahat pun berdosa juga. Jadi kenalah kita berhati-hati bila bercakap dan mendengar sesuatu itu.

Prasangka yang salah ini hampir terdapat pada semua manusia. Jika kata-kata atau berita itu datangnya daripada orang yang disanjunginya, maka terus saja ditelan bulat-bulat, sekalipun tak benar. Kita bukannya monyet atau kera yang *tercium belacan*. Sebaliknya jika kata-kata itu

diucapkan oleh orang yang dihinanya, terus saja ditolak bulat-bulat, sekalipun perkara itu benar. Apakah kita selama-lamanya kenal akan kebenaran semata-mata dengan melihat siapa yang menuturkannya. Apakah kita mahu bersama-sama mereka yang meletakkan nilai kebenaran pada orang, bukan meletakkan nilai orang pada kebenaran. Inilah satu kesesatan yang nyata tiada tandingannya. Dan yang anehnya, ramai di antara kita yang terus membiarkan diri berada di dalam kesesatan.

Kita ada tiga mata: **mata kasar**, sama macam *mata lembu*, **mata belalang** atau **mata katak** yang melihat dengan nafsu. Selain daripada itu, kita juga ada **mata kepala**, mata yang boleh melihat dengan menggunakan **ilmu** pengetahuan yang berpandukan akal yang berfungsi sebagai penapis atau *filter*. Beruntunglah manusia yang dapat menggunakan akal fikiran. Mereka ini taklah jadi pengikut yang membabi buta atau *blind followers*. Dan yang paling istimewa lagi, kita boleh melihat dengan **mata hati** setelah Allah memberikan hidayah-Nya.

Pak Habib tak tahu kenapa tiba-tiba saja timbul lagi cerita PAS mengkafirkan UMNO? Ada apa-apa ke? Kalau nak diikutkan cerita ini sudah ketinggalan zaman. Malah dalam kekecohkan politik hari ini, dan bahkan dalam politiking antara UMNO dan PAS, isu ini pada mulanya tidak timbul.

Hati kecil Pak Habib bertanya apakah ada agenda yang tersebunyi? Pilihanraya umum sudah pun hampir dan apa yang dapat kita lihat hari ini ialah PAS dan parti-parti pembangkang lain mempunyai pengaruh yang lebih kuat terhadap masyarakat jika dibandingkan dengan beberapa

pilihanraya yang terdahulu. Peperangan isu-isu antara parti semakin terasa. Pertembungan pendapat, ideologi antara pemimpin dan parti politik semakin mendapat liputan dan perhatian pihak media massa dalam menyebarkan maklumat terkini berhubung isu-isu semasa negara yang hangat lagi sensasi. Sehubungan dengan itu kedua-dua belah pihak mengambil kesempatan menggunakan media massa sebagai senjata peperangan antara mereka. Pihak yang sini memburukkan yang sana, pihak yang sana memburukkan yang sini dan begitulah seterusnya.

Perkara yang sama pun berlaku kepada UMNO. Hampir semua media massa memainkan berita yang boleh merugikan UMNO, tapi kenapa pucuk pimpinan membiarkannya saja? Hairan. Kesian Dr. Mahathir, sudahlah tua, sakit pulak tu. Akibat menjadikan Anwar seorang *hero*, akhirnya dia yang terpaksa hidup dalam ketakutan. Siapalah agaknya manusia kalut yang menjadi penasihatnya?

Tuah ayam nampak di kaki, tuah manusia tak siapapun tahu. Begitulah nasib Tuan Haji Hadi Awang, ulama PAS yang menjadi semakin popular hari ini malah lebih popular dari Shahnon Ahmad (**SHIT**) hanya melalui amanat yang pernah disampaikan oleh dia. Bukan senang hendak dapat publisiti yang begitu besar. Adalah '*can*' Haji Hadi nak menang dalam pilihan raya umum sekali lagi. Bagi Pak Habib itu merupakan satu rahmat, satu kurniaan dari Tuhan. Bukankah kita ini sepatutnya bersyukur dengan rahmat dan kurniaan Tuhan?

Bintang kalau sudah hendak terang, ada saja yang datang membawa keuntungan. Mula-mula kes Anwar kena buang,

lepas itu Anwar kena tangkap. Anwar dibicarakan, kemudian Anwar dihumbar pula ke dalam penjara. Tak pasal-pasal PAS yang dapat *bonus*. Mahathir cakap apa-apa pun sekarang ini, rakyat dah tak percaya, lebih-lebih lagi Mahathir banyak lakukan hal-hal yang di luar jangkaan. Dalam Perhimpunan Agung baru-baru ini, Mahathir bantai Anwar habis-habisan. Sudahlah hamba Allah itu merengkok dalam penjara. Dulu orang ramai marahkan Rahim Noor sebab pukul Anwar Ibrahim dengan tangan yang terikat dan mata yang tertutup di dalam "*lock-up*", sebaliknya hari ini Mahathir pula membantainya dengan kata-kata yang amat menyusuk jiwa. Dan inilah peluang keemasan (*bonus*) bagi PAS.

Pak Habib tak muhu menaruh buruk sangka terhadap orang yang **baik**. Pak Habib percaya Ustaz Hadi seorang yang **baik** dan berilmu cuma mungkin dia terlanjur kata. Maklumlah kadang-kadang manusia ini ada masanya terpujuk oleh emosi kemarahannya. Dan Pak Habib rasa dia sudah pun bertaubat dan yang paling penting Tuhan tahu niat hatinya dan kita tak pernah dengar pun dari mulutnya sendiri yang menghukum UMNO itu "**kafir**" lagi.

Kita tak tahu niat Omar Khalid yang menimbulkan semula cerita Haji Hadi mengkafirkan orang UMNO. Biar bagaimanapun sebagai seorang penulis yang hari-hari terpaksa berhadapan dengan bermacam-macam manusia terutama para peminat Pak Habib yang menghantar surat, faks, menelefon, apalagi yang datang berkunjung ke rumah dan juga yang Pak Habib jumpa di mana-mana, muhu tak muhu, biarpun cerita ini **cerita lama** Pak Habib terpaksa menyuarakan pendapat Pak Habib kerana Pak Habib rasa

usaha menegakkan Islam ini sepatutnya menjadi kewajipan kita semua.

Setiap individu seharusnya berusaha memahami ajaran Islam dan mempraktikkannya dalam kehidupannya setiap masa.

Usaha ini juga merupakan usaha seluruh umat Islam tidak kira di peringkat dan bidang apa sekalipun mereka berada. Pada zaman Rasulullah SAW dan para sahabat baginda, umat Islam terdiri daripada berbagai-bagai jenis profesi. Tapi dalam masa yang sama mereka semua adalah merupakan para pejuang dan penegak Islam.

Pada ketika itu sebenarnya tidak timbul soal lambang dan slogan, isu sama ada seorang itu ulama atau tidak, malah tidak timbul soal gelaran-gelaran yang tertentu yang boleh dihubungkan dengan jihad dan perjuangan Islam.

Persoalannya, kalau benar orang UMNO itu **kafir** misalnya, maka Pak Habib pun terlibat samalah, sebab Pak Habib juga bersekongkol dengan pemimpin-pemimpin UMNO. Macam Subky Latiff yang bersekongkol dengan PAS dan menjadi lidah rasmi PAS.

Antara Pak Habib dan UMNO semacam ada satu ikatan kerana UMNO itu tulang belakang kepada BN, kerajaan yang memerintah hari ini dan kerajaan ini, kerajaan kita. Menyokong UMNO tidak bererti kita tak boleh menegur dan mengkritik. Kalau perlu kita berperang, kita isytihar perang. Kita berperang dengan individu yang berada di dalam UMNO yang tak betul. Satu sebab Pak Habib sanjung

UMNO adalah kerana mereka yang berada di pucuk pimpinan tidak fanatik, tidak asobiah kerana mereka boleh menerima kritikan dan dari masa ke semasa mereka berubah. Apakah nanti sesudah Pak Habib mengisi borang keahlian PAS, Pak Habib masih boleh menegur pucuk pimpinan PAS?

Tahun 1946, UMNO lahir di Istana Johor. Tahun 1988 UMNO mati di Mahkamah Tinggi Kuala Lumpur dan Pak Habib telah membacakan talqin untuk UMNO dalam buku Pak Habib, *Talqin Untuk UMNO*. Tahun 1988 UMNO-BARU sekali lagi lahir di dalam istana yang sama. Kalau UMNO bukan Islam, mahukah Almarhum Sultan Ibrahim dan juga Al-Mutawakkil, iaitu Sultan Johor Darul Takzim memperkenankan kelahiran UMNO di dalam istananya?

Pun begitu setakat ini Al-Mutawakkil Sultan Johor nampaknya hanya menyepi apabila isu UMNO kafir ini digembar-gemburkan semula oleh Omar Khalid.

Waktu Haji Hadi kata UMNO kafir dulu, At-Mutawakkil adalah Yang Di Pertuan Agung dan hal-ehwal agama Islam adalah di bawah bidang kuasanya. Kenapa baginda tidak panggil Haji Hadi untuk mengadapnya? Kalau baginda tak lempang pun setidak-tidaknya baginda marah seperti baginda marahkan Musa Hitam sewaktu dia masih jadi Timbalan Perdana Menteri dulu. Apakah At-Mutawakkil takut dengan PAS atau memang baginda setuju dengan apa yang diperkatakan oleh Haji Hadi?

Sekiranya PAS berjaya membentuk kerajaan Persekutuan, apakah parti itu sanggup mengubah seratus-

peratus sistem yang ada termasuk pembayaran gaji, elaun dan sumber-sumber hasil serta cukai yang dikenakan oleh kerajaan sekarang? Kalau PAS berjaya membentuk kerajaan Persekutuan, apakah Haji Hadi yang berkemungkinan dilantik sebagai Perdana Menteri tidak mahu tinggal di Kediaman Rasmi Perdana Menteri yang baru dibina di Putrajaya? Macam mana pula dengan ibu pejabat Kerajaan Persekutuan, apakah ia akan berpindah ke Nilam Puri?

Dan apakah PAS akan menjatuhkan hukuman terhadap Barisan Nasional, seperti mana kerajaan BN mengharamkan ajaran-ajaran tarikat kerana dikatakan sesat? Apakah tindakan PAS tentang mereka yang terlibat dalam peristiwa Memali? Apakah mereka akan membebaskan tahanan ISA? Menghapuskan ISA? Menghapuskan enakmen-enakmen tambahan dan bidaah-bidaah dalam perundangan Islam? Bagaimana pula dengan bentuk tindakan yang akan diambil terhadap Majlis-majlis Agama Islam dan jabatan-jabatan agama Islam negeri yang bertanggungjawab mewujudkan perundangan-perundangan tambahan itu? Macam mana pula dengan adat sembah menyembah? Rakyat masih dalam keadaan bimbang dan ragu-ragu takut-takut *terkeluar dari mulut harimau, masuk pula ke dalam mulut buaya*.

Kalau PAS sanggup memikul tanggungjawab ini dan sanggup pula menukar segala sistem yang dianggap tidak berasaskan Islam, maka Pak Habib mengucapkan syabas dan syukur alhamdulillah. Tapi sebelum itu PAS mestilah terlebih dahulu menyenaraikan perkara-perkara yang Pak Habib katakan itu sebagai "**Manifesto Rasmi Parti**" di dalam pilihan raya umum ini.

Seperti yang Pak Habib katakan, Pak Habib adalah seorang penulis yang sudah biasa bermati-matian mempertahankan UMNO sewaktu UMNO memperjuangkan agama Islam dan hak-hak orang Melayu dan Islam. Tak mustahil kalau satu ketika nanti Pak Habib mempertahankan PAS di dalam tulisan-tulisan serta buku-buku Pak Habib. Tapi buat masa ini, biarlah Pak Habib secara bermati-matian mempertahankan kebenaran. Kalau UMNO benar, Pak Habib akan katakan benar. Dan kalau UMNO salah, Pak Habib akan tetap dan terus menegur demi kebaikan. Kalau ada di kalangan orang PAS yang menaburkan fitnah dan berkata tidak benar, maka adalah menjadi tugas Pak Habib menegur dan mengkritik dengan cara yang biasa Pak Habib lakukan, biarpun Pak Habib tak popular di kalangan mereka yang fanatik kepada PAS. Mengkritik PAS tidak bererti Pak Habib tidak sukaan Islam? PAS dan Islam adalah dua entiti yang berbeza. PAS hanyalah sebuah parti politik sekular yang dipimpin oleh mereka yang lebih mirip kepada agama sedangkan Islam adalah satu agama suci yang universal.

Pak Habib rasa masalah yang sebenarnya berlaku yang menjadi punca permusuhan antara UMNO dan PAS perlu diperjelaskan kerana umat Islam di negara kita terutama generasi muda sedang berada di dalam dilema. Pemikiran mereka bercelaru, jadi tak tentu arah. Tak tahu siapa yang hendak diikut.

Para pengikut Al-Arqam yang sudah biasa dengan Ustaz Ashaari, pasti mengatakan bahawa "Abuya" (bapa) mereka itu adalah yang terbaik akhlaknya, kelakuannya, PRnya dan kepimpinannya. Ustaz Ashaari turut melaksanakan perniagaan dan pendidikan yang berbentuk Islamiah. Beliau

berjaya mengajak dan mengubah wanita-wanita Islam menutup aurat.

Kita kena tanya diri kita sendiri (terutama ahli-ahli UMNO dan juga ahli-ahli PAS), apakah betul ke kita ini Islam? Kalau Islam, Islam kita ikut kayu pengukur siapa? Ikut kayu ukur PAS atau ikut kayu ukur UMNO atau ikut kayu ukur yang telah ditetapkan oleh Nabi Muhammad SAW di dalam hadis-hadis baginda dan wahyu-wahyu Allah yang telah disampaikan menerusi baginda.

Pun begitu kita tak boleh kata Mahathir tidak memperjuangkan Islam. Kalau nak sebut satu per satu boleh jadi satu buku. Nanti kata nak mengampu Mahathir pula. Yang jelas Mahathir Mohamad adalah seorang Islam melalui namanya, tapi soal hati kita tak tahu. Orang di Malaysia tumpang mendapat nama baik dan sanjungan kerana perjuangannya dalam mempertingkatkan ekonomi dan industri umat Islam adalah jauh lebih baik jika dibandingkan dengan kebanyakan pemimpin-pemimpin dan raja negara-negara Islam di dunia ini.

Begitu juga dengan PAS, kegigihan dan ketabahan mereka dalam mengharungi politik yang berada di pihak pembangkang, kita kena *salute* juga sebab mereka berani menyuarakan kebenaran dan memperjuangkan Islam. Dengan adanya parti pembangkang yang berani seperti ini, barulah UMNO tidak boleh tidur lena.

Asas perjuangannya adalah sama iaitu untuk menegakkan agama Islam sungguhpun platform dan pendekatannya mungkin agak berbeza, tetapi matlamatnya adalah satu, iaitu

untuk mendaulatkan Islam dan menjadikan Islam satu agama yang terus diperjuangkan hingga ke generasi yang akan datang.

Pak Habib rasa hal ini perlu diperjelaskan kerana umat Islam di negara kita, khususnya generasi muda, sekarang ini mengalami kekeliruan dan ketidaktentuan fikiran tentang siapakah sebenarnya yang seharusnya memperjuangkan Islam, dan di antara model-model pejuang Islam pula siapakah sebenarnya yang merupakan pejuang-pejuang tulen dan berwibawa.

Oleh itu apakah bezanya perjuangan ini pada seorang jurutera, doktor, peguam, arkitek dibandingkan dengan perjuangan seorang ilmuwan Islam, ulama dan sebagainya? Atau perjuangan antara parti-parti politik yang mempunyai perlembagaan dan program keIslamam masing-masing?

Bagi Pak Habib kekeliruan ini tidak seharusnya timbul, kerana seperti yang disabdarkan oleh Rasulullah SAW bahawa setiap individu dan setiap kumpulan di kalangan umat Islam adalah merupakan pemimpin-pemimpin yang bertanggungjawab dan harus melaksanakan tanggungjawabnya dengan sebaik-baiknya. Malangnya, sistem pendidikan yang ada di negara ini sekadar mampu melahirkan pemikir-pemikir ala '**burung kakak tua**', yang hanya tahu menghafal saja, tak pandai menggunakan akal untuk berfikir. Maka lahirlah golongan '*exam-oriented*' yang belajar hanya untuk lulus peperiksaan. Mereka terlupa bahawa dunia ini adalah dewan peperiksaan yang sebenar. Di dunia jugalah tempat dijalankan sessi soal jawab antara manusia dengan manusia, antara Tuhan dengan manusia.

Inilah ujian yang paling besar bagi makhluk bernama manusia.

Sungguhpun keadaan pembangunan material sudah berubah pada masa kini disebabkan proses pemodenan dan peningkatan ilmu pengetahuan, tetapi pada dasarnya prinsip perjuangan Islam adalah sama. Oleh kerana pemimpin agama masih berfikir secara jumud, menggunakan agama untuk berpolitik, maka ramai yang tidak menghormati para ulama. Atas sebab yang sama juga Dr.Mahathir boleh bubuh otak ulama-ulama UMNO macam Hamid Othman, Zainal Abidin dan lain-lain ulama dalam koceknya. Tidak mustahil perjuangan mendaulatkan agama dan menjadikan ajaran-ajaran Al-Quran dan Hadis sebagai panduan serta sistem yang mengatur kehidupan manusia, hanya akan menjadi satu *lips service* saja. Sejurus saja berhenti dari memegang jawatan menteri, tugas agama ditinggalkan di pejabat sama sekali.

Oleh kerana tanggungjawab kepada agama adalah merupakan tanggungjawab bersama, mengapakah pula kita perlu memikirkan bahawa tugas memperjuangkan agama hanya menjadi milik individu atau kumpulan yang tertentu saja? Pernahkah kita terfikir bahawa apa yang terjadi di antara ulama PAS dan ulama UMNO ini merupakan dasar 'pecah dan perintah' yang telah lama dilaksanakan oleh pihak penjajah ketika menjajah tanahair kita dulu?

Pak Habib tak berminat hendak berkhutbah dengan panjang lebar mengenai prinsip-prinsip Islam tetapi setahu Pak Habib, orang Islam sepatutnya berkasih sayang, ingat-

mengingati dan tolong-menolong, mendorong kepada kebaikan dan mencegah kemungkaran sesama saudara Islam.

Sebaik-baiknya agama (Islam) tidak dijadikan sebagai agenda utama dalam politik. Politik adalah gula, asam dan garam dalam kehidupan manusia. Jika ia berlebihan, boleh membawa mudarat dan penyakit. Macam api, waktu kecil jadi kawan, bila besar jadi lawan.

Sabda Rasulullah SAW : "*Orang mukmin itu diumpamakan dalam keadaan saling kasih-mengasihi dan sayang-menayangi; sebagaimana seluruh badan, apabila satu anggotanya mengaduh sakit, seluruh anggota yang lain sama-sama berasa demamnya dan berjaga malam.*"

Setiap orang Islam hendaklah menyayangi sesama orang Islam sebagaimana dia menyayangi dirinya sendiri. Kalau kita tidak suka orang lain **memfitnah** kita, samalah juga orang lain tak suka **difitnah**. Anak anjing menyalak pada emak dan bapaknya kerana ia telah menjadi perbuatan lumrah, sepetimana yang dilakukan oleh emak dan bapak anjing kepada datuk dan nenek anjing. Bercakap pasal anjing, teringat Pak Habib kepada Rahim Noor. Nasib baik dia dah bersara, kalau tak lebam bijik mata Pak Habib.

Apakah kita sebagai manusia juga mempunyai kelaziman yang sama seperti anjing? Kalau kita suka mencari kesilapan dan kesalahan orang lain, jadi jangan marah kalau orang lain pula yang mendedahkan "kurap" dan "kudis" kita. Cerminlah terlebih dahulu diri kita

sebelum membuka pekung orang lain. Kesilapan orang lain didedahkan dan kebaikannya diketepikan kerana menurut ideologi - '*orang lain salah maka akulah yang betul*' - tanpa perlu untuk mereka sendiri menunjukkan contoh yang baik. Pemikiran semacam inilah yang dipenuhi dengan hajat untuk berkuasa dan menjatuhkan orang Islam lain.

Rasulullah SAW bersabda : "*Di antara seorang mukmin kepada seorang mukmin yang lain adalah ibarat sebuah bangunan, yang satu mengukuhkan yang lain*"

Setelah kita tengok apa yang Dr. Mahathir dan kuncu-kuncu serta pengikutnya buat terhadap Saudara Anwar Ibrahim, kita terpaksa bertanya pada diri kita sendiri: Bolehkah kita meletakkan kesalahan bulat-bulat terhadap Haji Hadi Awang kerana menuduh UMNO itu kafir? Apakah pemimpin-pemimpin UMNO (termasuk Presidennya) mengikut landasan-landasan serta peraturan-peraturan yang telah ditetapkan oleh Islam seperti yang diperjelaskan di dalam Al-Quran dan Hadis, sewaktu memecat Anwar Ibrahim atas alasan tidak bermoral? Apakah ulama-ulama dalam UMNO sama ada yang bergelar menteri atau tidak, atau yang memangnya ahli asal UMNO atau melompat masuk ke dalam parti tersebut (setelah meninggalkan PAS) berani tampil ke hadapan untuk setidak-tidaknya menegur Presiden parti. Sebaliknya ahli-ahli PAS yang masuk UMNO bantai bekas parti mereka habis-habisan, bukannya mereka hendak memperbetulkan keadaan tetapi bertindak sebaliknya.

Sepatutnya bagi yang berilmu, mereka mestilah mengajar ilmu yang ada pada mereka kepada masyarakat. Tetapi apa yang Pak Habib lihat berlaku adalah sebaliknya. Terdapat golongan-golongan tertentu yang mempergunakan ilmu demi kepentingan sendiri. Jadi nak salahkan siapa. Memang betul ada ahli UMNO yang berperangai macam kafir, yang perangai lebih dari kafir pun ada. Minum arak, kaki judi, berzina, liwat, skandal dengan isteri orang, rasuah, rogol gadis bawah umur, jumpa bomoh guna sihir untuk jatuhkan kawan dan lawan dan macam-macam lagi termasuk yang tidak pernah sembahyang pun ada.

Mereka yang mengaku diri Islam ini sanggup melakukan apa saja termasuk menipu orang lain dengan alasan perbuatan itu satu **takdir** ataupun **bohong sunat**.

Nampaknya bukan amalan agama yang diperintah oleh Allah yang diamalkan oleh golongan yang dikatakan sebagai **ulama dunia**. Kita menghina wanita-wanita yang menjual maruahnya, menjual dirinya. Apakah menjual ilmu, menjual kedudukan, menjual nama tak sama level dengan orang yang menjual maruah? Maruah itu apa? **Apakah perempuan yang melacur saja dianggap tidak bermaruah?** Bagaimana dengan orang munafik yang menjual agama, bangsa dan tanahair? Mereka sanggup mempergunakan kedudukan dan ilmu yang ada pada mereka demi mengaut keuntungan dunia semata-mata. Jika keadaan seumpama ini masih berleluasa, bolehkah ulama UMNO membuktikan kemampuan mereka menerajui parti yang mempertahankan kedaulatan agama Islam ini? Nampaknya ulama-ulama kita hari ini terperangkap di dalam sistem yang lebih banyak

menimbulkan masalah daripada menyelesaikan masalah. Mana taknya, ulama-ulama kita hari ini terdiri daripada "ulama-ulama siang", malam cari makan tempat lain.

Dalam penerbangan pulang dari Johor Bahru, kebetulan Pak Habib terserempak dengan dua orang kuat UMNO, seorang bernama Osman Safian, Naib Ketua Bahagian Pulai dan yang seorang lagi dikenali sebagai Tengku. Pak Habib ada bercerita sedikit pada Tengku tentang apa yang diperkatakan oleh Haji Hadi Awang mengenai pengkafiran UMNO.

Haji Hadi Awang ada berkata, **dia menentang UMNO bukan kerana namanya UMNO, begitu juga Barisan Nasional tetapi kerana UMNO dan BN mengekalkan Perlembagaan penjajah, mengekalkan peraturan kafir, mengekalkan peraturan Jahiliah.**

Cuba kita jawab, salahkah dia menentang benda yang tak salah ditentang. Kitakan sudah merdeka, buat apa lagi nak mengekalkan budaya kafir di dalam sistem pendidikan di sekolah dan pusat-pusat pengajian tinggi?

"Kita tidak payah masuk Yahudi, kita tidak payah masuk Kristian. Kita tidak payah masuk Hindu. Kita tidak payah Masuk Buddha, tetapi kita menjadi kafir dengan mengatakan politik suku, agama suku."

Kalau kata-kata ini tak betul, kenapa tak bawa saja Haji Hadi ke mahkamah? Maklumlah sekarang inikan musim orang saman orang.

Saidina Ali r.a, pernah berkata bahawa jangan ditanya siapa yang berkata tetapi kita perlu fikirkan apa yang diperkatakan itu, **benar** atau **dusta**? Kalau ada sesuatu **kebenaran** mengenai apa yang kita dengar itu, kita tak perlu tanya siapa pembawa berita itu. Cuba kita fikirkan apa yang ditulis oleh Abul Ala Al-Maududi dalam bukunya *Let's Be Good Muslim*.

Kalau diterjemahkan, maka kata-kata Abul Ala Al-Maududi ini berbunyi lebih kurang begini;

"Orang kafir pun macam kita juga. Mereka berasal dari Adam dan Hawa. Mereka itu manusia macam kita juga - ada tangan, ada kaki, mata dan telinga. Mereka minum air yang sama seperti yang kita minum, menghirup udara yang sama dan duduk di muka bumi yang sama. Tuhan yang menciptakan kamu adalah Tuhan yang sama menciptakan mereka. Jadi kenapakah mereka mesti dianggap rendah dan kamu tinggi? Kenapakah kita sahaja yang akan masuk syurga sedangkan mereka akan dilaknat ke dalam neraka?"

"Jika kita merasakan diri kita orang Islam tetapi hakikatnya bodoh dan ingkar seperti orang kafir, bolehkah kita secara realitinya menjadi lebih mulia daripada mereka hanya kerana kita memakai pakaian yang berbeza, memiliki nama yang tidak sama dan makan makanan yang berlainan? Apakah di atas dasar ini kita akan dirahmati Allah di dunia dan di akhirat? Islam bukannya merupakan satu bangsa atau keluarga yang mana keahlianya secara automatik diwarisi oleh anak dari seorang bapa. Seorang anak ulama tidak akan mendapat kemuliaan di sisi Allah, sekiranya dia mengerjakan perbuatan-perbuatan mungkar kerana dia dilahirkan dan dibesarkan di

rumah seorang alim ulama. Tuhan juga tidak memandang rendah kepada seorang lelaki dari keluarga yang papa, tidak menafikan amalan-amalan^{nya} hanya kerana dia dilahirkan dalam golongan tersebut."

Islam itu bukannya satu **bangsa** tetapi di dalam dunia ini hanya orang Melayu saja yang berani menyatakan bahawa bangsa **Melayu itu Islam** dan **Islam itu Melayu**. Dan secara automatik, anak-anak ketua agama, bila dia jadi raja dia jadi ketua agama dan dia disembah oleh sekelian rakyat jelata dan rakyat mesti menggunakan "patik" (anak anjing) bila bercakap dengan ketua agama. Adakah cara ini Islamik? Begitu juga UMNO, satu-satunya parti yang percaya bahawa **Melayu itu UMNO** dan **UMNO itu Melayu**. Apa akan terjadi kepada ahli UMNO yang bukan Islam? Bukankah ucapan ini bercanggah seperti keadaannya di Sabah?

Kembali kepada cerita Omar Khalid yang sudah terkeluar dari PAS masuk UMNO dan membongkar rahsia parti semasa dia bersama PAS dulu, ianya boleh menimbulkan tanda tanya kepada kita. Betul ke Omar Khalid ini **hatinya** bersama-sama UMNO atau jasadnya saja?

Maklumlah hari ini ramai yang masuk UMNO untuk dapatkan sesuatu? Tapi kalau kita boleh terima seorang bekas **komunis** atau **sosialis** yang boleh mengubah sikap dan minda masyarakat, biarpun jiwanya masih kekomunis'an atau **kesosialisan** setelah meninggalkan parti yang berhaluan komunis dan sosialis, apakah tidak mungkin Omar Khalid, bekas aktivis PAS ini turut bermain sandiwara,

bermuka-muka, berpura-pura dan menjadi **batu api** untuk timbulkan kemarahan rakyat terhadap UMNO.

Sebagai contoh, ramai orang yang sudah lupa akan amanat Haji Hadi Awang juga peristiwa Memali dengan terbongkarnya cerita kafir-mengkafir yang dibawa oleh Omar Khalid ini. Luka yang lama berdarah kembali. Rakyat teringat tuduhan yang dilemparkan ke atas Ibrahim Libya sebagai penjenayah. Siapakah yang membunuh orang Islam yang tidak berdosa itu kalau bukan atas arahan pemimpin UMNO yang menjadi Menteri Dalam Negeri ketika itu yang bertanggungjawab.

Cuba PAS yang keluarkan isu ini, tentu sekali BN akan menuduh PAS cuba timbulkan huru-hara. Tapi sebenarnya tidak seorang pun tahu niat Omar Khalid. Hanya dia dan Allah saja yang tahu. Kita jangan buruk sangka tapi kita ambil iktibar darinya. Firman Allah SWT:

"Wahai orang yang beriman! Jauhilah kebanyakkan dari sangkaan (supaya kamu tidak menyangka sangkaan yang dilarang) kerana sesungguhnya sebahagian dari sangkaan itu adalah dosa, dan janganlah kamu mengintip atau mencari-cari kesalahan dan keaiban orang, dan janganlah setengah kamu mengumpat setengahnya yang lain. Adakah seseorang dari kamu suka makan daging saudaranya yang telah mati? (Jika demikian keadaan mengumpat) maka sudah tentu kamu jijik kepadanya dan bertaqwalah kamu kepada Allah. Sesungguhnya Allah Penerima taubat, lagi Maha Mengasihani."

(Al-Hujurat : 12)

Kita sudah pun tengok apa yang terjadi pada ahli PAS yang masuk UMNO. **Tapi kalau mereka nak jadi macam Abdullah bin Ubai, terserahlah!**

Kalau Datuk Seri Anwar Ibrahim boleh diperlakukan begitu dan kita lihat apa jadi pada Tok Mat dan Shabarudin Chik, macam mana pula orang yang macam Omar Khalid. Ini Omar Khalid, bukannya Omar Mokhtar, "**Singa Padang Pasir**" - pejuang dan wira Libya yang menentang kafir dari tiga penjuru. Siapa tahu Omar Khalid cuma *singa sarkas* UMNO.

Kita kena percaya pada hukum karma, pembalasan dari Allah walau sebesar zarah pun kebaikan akan dikira, begitu juga kejahatan. Ingatlah pembalasan dari Allah datang dalam bermacam-macam bentuk yang kita sendiri tidak menyangkanya. Biarkanlah pergaduhan antara Anwar dan Mahathir ini mereka selesaikan sendiri. Kita sebagai orang Islam ada paradigma sendiri. Kalaupun benar Anwar melakukan perbuatan di luar tabii itu, biarkan saja Tuhan yang menghukumnya. Tidak ada seorang pun manusia yang terlepas dari dosa-dosa yang pernah dilakukannya di dunia. Kalau tak dibalas di dunia pun, di akhirat kelak pembalasannya akan diterima juga.

Cuba lihat apa yang terjadi pada Namrud. Raja yang berkuasa tetapi zalim, akhirnya jadi gila dan memukul kepalanya sendiri dengan kasut hanya kerana seekor nyamuk (yang sudah patah sayap) terbang masuk ke dalam hidungnya dan tidak dapat keluar.

Kalau betul kita merasakan yang kita sudah **tersesat**, sudah terlanjur disebabkan kita tidak tahu (tidak berilmu), maka apa salahnya kita kembali ke pangkal jalan dan **bertaubat**. Jangan tahu buat saja, tapi tak tahu nak bertaubat.

Mari kita minta ampun dari Allah, kita kena taubat **nasuha**. Kita terima hakikat bahawa kita memang sudah diselewengkan oleh penjajah. Tak perlu lagi kita nak berlagak bodoh sompong. Satu puak difanatikkan dengan agama hingga menolak perlembagaan dan perkara-perkara yang berbentuk material. Sedangkan satu lagi puak mengejar keduniaan. Kita kena terangkan kepada para pembaca terutama kepada anak muda yang berminat dalam politik yang mahukan agama, siapa sebenarnya yang memperjuangkan Islam?

Amirul Mukminin Ali bin Abi Talib berkata dalam Nahjul Balagha: "*Janganlah anda mengenali kebenaran melalui orang yang berkata. Tapi kenallah kebenaran itu dulu, apa itu kebenaran? Nanti anda sendiri akan tahu siapakah ahli kebenaran itu.*"

Dengan kata-kata lain, dengarlah apa yang dikata, anda sendiri boleh mengukur sama ada perkataan itu **benar** atau **dusta**. Tak perlu dihiraukan dari mulut siapakah perkataan itu dikeluarkan. Ringkasnya, orang yang **lemah akal** mengenali **kebenaran** dengan melihat siapa yang bercakap bukan mengenali **kebenaran** demi **kebenaran**.

Orang yang berfikiran waras mengenali kebenaran dengan meneliti perkataan itu sendiri. Kalau benar diterima, sama ada keluarnya dari mulut **pendusta** atau

orang **benar**. Malah lebih jauh dari itu seboleh-bolehnya ia menapis kebenaran yang datang dari ungkapan orang sesat.

Seorang Badwi berkata kepada Rasulullah SAW : "*Aku mahu menjadi orang yang paling dihormati*". Jawab Rasulullah SAW: "*Jika kamu tidak mengatakan orang lain atau sebarang makhluk maka kamu adalah orang yang paling dihormati*".

Perkara yang diucapkan oleh manusia dengan lidah secara sedar atau tidak adalah timbul daripada budinya. Budi adalah keadaan rohani manusia atau sifat batinnya. Di sinilah segala kalimah-kalimah yang mengalir dari mulut dan lidah adalah ungkapan dari makna yang terkandung dalam batin kita.

Lantaran itu bahasa manusia dipengaruhi oleh budi dan pekertinya. Dalam hal ini memilih kata-kata yang baik adalah termasuk budi pekerti yang tinggi. Demikian juga contoh teladan percakapan wahyu Allah SWT kepada nabi-Nya sering memakai bahasa terpilih.

Kalimah-kalimah kotor hanya lahir dari mulut orang yang kotor hatinya. Orang kotor tidak menghasilkan yang bersih, dan orang baik tidak akan menghasilkan yang kotor. Orang yang kotor ialah orang yang imannya kosong di dalamnya. Justeru, kekosongan iman itu akan diisi oleh sifat benci dan dendam oleh iblis.

Assalamualaikum!

3

"Sesungguhnya Allah SWT telah memerintahkan kepada kamu untuk menyampaikan amanat kepada yang berhak menerimanya. Dan bila kamu menetapkan hukum antara manusia, maka penetapan hukuman itu hendaklah adil."

(An Nisa' : 58)



Ku Li : *Shake hands, boss!* Dato Seri jangan susah, saya pasti boleh kalahkan PAS dan BN pasti tawan semula Kelantan. Rahsia PAS ada dalam kocek saya. Yang penting bila Dato berhenti nanti saya yang ganti dan lepas pilihanraya pilih Rais jadi Menteri Kewangan.

Mahathir : *No Problem.* Itu kecik punya hal. Apa pun bantai PAS dulu kerana awak keluar BN tubuh Semangat 46, Kelantan jatuh ketangan PAS.

Oleh Rasid Rahaman, Nasir Hassan dan Veena Rusli

KOTA BHARU, Khamis - Pengurus Badan Perhubungan Umno Kelantan, Tengku Razaleigh Hamzah hari ini memohon maaf kepada Umno dan Datuk Seri Dr Mahathir Mohamad kerana tindakannya sehingga menyebabkan parti itu diisyiharkan haram pada 1987.

Dr Mahathir, selaku Presiden Umno, yang menyambut baik permohonan maaf Tengku Razaleigh, kemudian turut meminta maaf kepada bekas Presiden Parti Melayu Semangat 46 (S46) itu jika ada menyimpan perasaan marah terhadapnya.

Peristiwa bersejarah itu berlaku secara spontan di hadapan kira-kira 2,000 ahli parti komponen Barisan Nasional (BN) negeri di Hotel Diamond Puteri di sini, kira-kira tiga jam selepas Perdana Menteri dan isteri, Datuk Seri Dr Siti Hasmah Mohd Ali, menghadap Sultan Kelantan.

Permohonan maaf kedua-dua pemimpin dalam ucapan mereka itu menyebabkan hadirin termasuk beberapa menteri besar dan ketua menteri memberikan tepukan gemuruh.

Peristiwa pada lawatan rasmi dua hari Dr Mahathir ke Kelantan itu bermula apabila Tengku Razaleigh tanpa diduga mengimbau sejarah pertikaian politiknya dengan Dr Mahathir hingga beliau menubuhkan S46.

"Dengan penuh ikhlas saya ingin mengambil kesempatan di hadapan semua, memohon maaf kepada beliau atas segala salah silap saya pada masa lampau."

"Dengan izin Doc (Dr), from Ku Li and sincerely, for things I have done wrong and offended you. I hope you'll accept my apology. (daripada Ku Li dan dengan tulus ikhlas, atas apa-apu kesilapan saya yang telah menyenggung Datuk Seri, saya

harap Datuk Seri sedia terima permohonan maaf dari saya)," katanya sambil memandang Dr Mahathir yang duduk di belakangnya.

Tengku Razaleigh turut memohon maaf kepada ahli-ahli Umno sambil meminta sejarah itu dijadikan teladan dan pengajaran bagi menghadapi cabaran lebih besar.

"Saya juga ingin memohon maaf kepada Umno dan semua. Kita cipta masa depan yang lebih gemilang serta semua pemimpin Umno saling bermaafan. Buang yang keruh demi anak cucu kita yang disayangi. buangkan perasaan itu."

"Bo lah (cukuplah) kita berbalah sesama kita, mengata di belakang. Marilah kita berganding bahu untuk bersama mengangkat martabat bangsa dan negara," katanya.

Tengku Razaleigh berkata, beliau dan Dr Mahathir sebenarnya mempunyai matlamat yang sama iaitu berusaha melalui politik bagi memakmurkan rakyat.

Sambil berseloroh, beliau berkata mereka dilahirkan pada 'tahun lembu' mengikut kalender Cina.

"Kata mereka, orang yang lahir pada tahun lembu kuat kerja, membanting tulang tak kira masa untuk kesenangan orang lain, tetapi sekali-sekala berlaga juga," katanya.

Dr Mahathir, ketika memohon maaf kepada Tengku Razaleigh selepas itu berkata, dalam politik semua perkara boleh berubah kecuali satu - matlamat untuk memastikan rakyat dan negara terus harmoni dan maju, manakala kemerdekaaan negara terus terjamin.

Katanya, 1987 adalah tahun manglang bagi Umno dan orang Melayu apabila parti itu diputuskan tidak sah oleh mahkamah hingga beliau sendiri berasa amat marah terhadap Tengku Razaleigh, yang dianggap-

LIHAT MUKA 2, RUANG 8

WANITA DI ZAMAN MAHATHIR

"OM SHANTI"

(Aku Adalah Jiwa Yang Tenang)

malam 25hb. Jun 1998, Pak Habib dan kawan Pak Habib, Cikgu Ali, bekas pensyarah di Universiti Malaya telah meluangkan masa untuk memenuhi undangan seorang wanita yang Pak Habib anggap penting di dalam hidup Pak Habib. Pertemuan Pak Habib itu bertempat di Dewan Wawasan Bangunan PGRM, Cheras. Turut hadir menemui wanita ini ialah 3,000 orang manusia dari seluruh pelusuk negara. Di antara mereka itu termasuklah Datin Maria Musa, Datin Paduka Saleha Mohd Ali iaitu kakak ipar Dr. Mahathir, Datuk Lee Lam Thye, bekas pemimpin dan ahli Parlimen yang telah menjadi aktivis masyarakat, Puan Shareene Kamaruddin, pakar motivasi dan perhubungan awam serta merupakan adik kepada peguam Anwar Ibrahim, Christopher

Fernando. Kami diberi tempat istimewa di tempat duduk VIP.

Siapakah wanita yang hebat ini? Beliau adalah tak lain dan tak bukan daripada Dadi Janki, salah seorang daripada "**Keepers of Wisdom**", (Penyimpan Kebijaksanaan), kepada sebuah kumpulan pemimpin spiritual dan agama di dunia yang mengetuai "**Earth Summit**" (Sidang Kemuncak Bumi) untuk memberikan nasihat kepada ahli-ahli politik dan membincangkan isu-isu *fundamental* yang berkaitan dengan spiritual.

Dadi Janki dianggap wanita yang memiliki minda paling stabil di dunia ini dan wanita yang memiliki rentak hidup yang paling sempurna dan memiliki kemampuan untuk menawar kesakitan dan melakukan keajaiban perubatan sebagai seorang pakar yang diiktiraf dan guru perkembangan spiritual. Setiap tahun beliau mengembara ke seluruh dunia bagi memberikan inspirasi kepada berjuta-juta manusia.

Beliau tidak menarik mereka supaya menjadi pengikut tetapi melahirkan pemimpin-pemimpin. Beliau tidak sekadar bercakap tetapi menyatukan mereka dengan kuasa kesepian. Beliau dikatakan mencabar kepercayaan-kepercayaan dan nilai-nilai kuno dan menunjukkan kebenaran-kebenaran baru dan prinsip-prinsip transformasi diri. Sifat pengasihnya tidak bersyarat, daya spiritualnya ibarat magnet dan kebijaksanaannya lengkap.

Pada malam Selasa itu, Kakak atau Dadi Janki yang menjadi ketua kepada 420 buah cawangan Pertubuhan

Brahma Kumaris di 97 buah negara menyampaikan apa yang sebenarnya dimaksudkan dengan istilah "majlis ilmu".

Dadi Janki bercakap tentang bagaimanakah jiwa yang tenang dicapai melalui meditasi boleh melahirkan daya kepimpinan yang tinggi serta mencapai keputusan yang tepat.

Dadi berkata, "*Sifat tamak akan hanya membawa kepada tipu daya dan keganasan. Masyarakat hari ini menjadi semakin ganas akibat manusia menjadi takut kepada perbuatan-perbuatan mereka di masa lalu dan cuba menutupnya.*"

Katanya lagi, "*Pengaruh-pengaruh negatif akan hanya melemahkan jiwa. Manusia memerlukan sahabat serta petunjuk bagi membolehkan terbukanya kesedaran di hati mereka. Ia ibarat sebuah pintu yang kuncinya telah hilang - seorang manusia yang terperangkap dalam persahabatan bersama syaitan yang mahu dirinya bebas dari perangkap ini. Menerusi meditasi, seseorang itu meneroka dalamannya dan melihat cahaya, menimba kekuatan dari sumber berkenaan untuk mengubah perwatakannya supaya menjadi lebih baik.*"

Pak Habib menganggap majlis di Dewan PGRM Cheras ini sebagai satu program ulangkaji kerana Pak Habib pernah menghadiri majlis yang sama di Melbourne, Australia pada tahun 1998.

Majlis ilmu atau kursus yang dianjurkan oleh

Pertubuhan Brahma Kumaris ini bukan kena bayar sesen pun. Ia lebih bermakna, bermanfaat dan berkesan jika dibandingkan dengan ceramah-ceramah politik.

Dadi Janki berkata lagi, "*Minda anda mampu meneroka ke dimensi lain dalam masa satu saat sahaja tetapi jasad anda perlu berada di sini. Apabila telah mengalami perbezaan ini, anda baru sahaja menjadi saintis dan pengalaman anda itu adalah bukti terakhir dan satu-satunya bukti anda bukannya dari dunia ini.*"

Janki juga menyebut, "*Apabila minda kita sihat dan emosi kita berada dalam keadaan positif adalah diketahui bahawa bakteria yang paling mudah dijangkiti sekalipun tidak akan dapat menganggu kita*".

Dadi Janki adalah pemimpin utama Pertubuhan Brahma Kumaris, sebuah pertubuhan bukan kerajaan yang bergabung dengan Pertubuhan Bangsa-Bangsa Bersatu (UN).

Pak Habib mengikuti program Pertubuhan ini sejak dua tahun yang lalu dan pernah menghadiri seminar pertubuhan ini di Spiritual University di Mount Abu, Rajistan India dan di Melbourne, Australia.

Bercakap mengenai Dadi Janki ini Pak Habib teringat kepada Rabiatul Adawiyah, seorang tokoh sufi wanita yang hidup sezaman dengan Hassan Al-Basri. Rabiatul Adawiyah merupakan tokoh sufi yang mengembangkan konsep cinta yang sebenar iaitu cinta kepada Tuhan. Segala bentuk cinta sekiranya tidak dikembalikan pada kecintaan sepenuhnya kepada Tuhan maka hidup ini akan

penuh dengan kekosongan. Beliau sanggup meninggalkan segala kenikmatan dunia yang tamak ini untuk mengecapi cinta yang lebih hakiki. Berapa ramaikah wanita hari ini yang sanggup berkorban demi cinta mereka pada agama, bangsa dan negara? Bukankah wanita hari ini apabila sudah disanjung dan dipuji, maka menjadi-jadilah mereka. Ada tu sanggup kumpul gelang tangan sampai ke paras siku dan kalau boleh gelang kaki sampai ke peha. Dan kalau boleh nak beli rantai emas sebesar rantai kapal. Dan kalau dah jadi isteri Menteri Besar atau Ketua Menteri, pantang ada saja tanah kosong, dia nak tumpang sekaki. Setiap syarikat yang ditubuhkan, dia nak duduk sebagai Ahli Lembaga Pengarah. Siapa nak jumpa laki, jumpa dia dulu. Mem Besarlah katakan. Laki jadi Menteri Besar, bini pun jadi MB juga. Nak tahu lebih lanjut lagi cerita ini, tanyalah orang-orang Johor atau orang Melaka, kebetulan Pak Habib pun sering berulang-alik ke Johor dan Melaka. Tunggulah Perhimpunan Agung nanti, keluarlah satu buku lagi. Takkan Mahathir saja boleh keluarkan senarai nama-nama kronis, Pak Habib pun ada juga senarai nama-nama isteri Menteri. Tunggulah, *I will story you. Many people story me already.*

Itulah dia penyakit wanita zaman sekarang, tak kira yang Islam mahupun yang bukan Islam di Semenanjung, mahupun di Sabah dan Sarawak. Cukuplah satu **Bermuda Triangle** di dalam dunia ini. Itu pun sudah huru-hara dibuatnya. Takkanlah di setiap negeri dalam Malaysia, pemimpin nak simpan **Bermuda Triangle** sama. Ini bukan zaman Cleopatra memerintah dunia. Ini zaman demokrasi. Yang kita pilih suami jadi Menteri, bukankah ini satu penyalahgunaan kuasa.

Akibatnya rakyat juga yang menderita dan menjadi papa kedana. **Kalau nak menghapuskan kemiskinan, kita kena tutup semua perigi-perigi buta di keliling menteri-menteri dan pemimpin. Baru negara selamat.** Satu kapal mana boleh ada dua orang nakhoda? Cuba tanya Ustaz Zainal Sakom, penentang yang cuba membasmi kemiskinan, dia ada dua orang bini yang menjadi tokoh perniagaan. Nafsu wanita selalunya tak kenal erti kepuasan. Tapi suami tak dibenarkan mengamalkan poligami. Suami disuruh puas dengan satu bini saja sedangkan benda yang paling disukai oleh lelaki, sebagaimana wanita sukakan emas. Iyalah .. Dot, Dot, Dot. Ini bukan sebarang Dot. Siapa yang biasa main 'dart', tahulah apa makna 'dot' "*Bull's eye!*"

Dadi Janki walaupun bukan orang Islam, tetapi apa yang disampaikan kepada masyarakat sebenarnya adalah hikmah yang hilang di dalam dada kebanyakan orang Islam. Bukankah Rasulullah SAW pernah bersabda :

'Al-Hikmah' itu adalah barang yang sudah hilang kepunyaan seorang mukmin, siapa saja dari orang mukmin yang menjumpainya maka ia berhak untuk mengambilnya.

Dan seorang alim ulama juga ada berkata:

"Ambillah 'hikmah' itu walaupun dari mulut orang gila, kerana kita sepatutnya menilai seseorang daripada perkataannya, bukan lahiriahnya. Apa salahnya kita mengambil berlian di dalam tong sampah?"

Untuk pengetahuan para pembaca Pak Habib, wanita

Dadi Janki ini dilahirkan dari kalangan sebuah keluarga yang kaya dan mula melibatkan diri di dalam Brahma Kumaris ketika berusia 19 tahun. Ujian-ujian yang dilakukan dengan menggunakan alat-alat EKG di universiti-universiti di Amerika Syarikat dan Australia menunjukkan otak Janki memancar gelombang delta yang agak memelikkan mereka. Ini kerana gelombang seperti ini hanya akan dipancarkan oleh otak manusia yang sedang tidur sedangkan Dadi Janki memancarkan gelombang tersebut ketika beliau sedang sedar dan melakukan pelbagai kegiatan minda. Pening juga ahli-ahli saintis dibuatnya.

Cuba kita perhatikan sejarah wanita-wanita yang turut memberi sumbangan di seluruh pelusuk dunia, seperti Joan of Arc di Perancis yang mempertahankan negaranya dari dijajah; Florence Nightigale di England; Ibu Kartini yang memecahkan tradisi pendidikan di Indonesia; Mother Teresa yang banyak berbakti ke arah kebajikan dan yang terakhir mendiang Lady Diana yang menjadi ratu di hati setiap warga dunia. Dan mungkinkah ada tokoh-tokoh wanita kita yang seiring dengan barisan tokoh-tokoh di atas?

Dadi Janki pernah berkata seseorang manusia yang baik itu memelihara rasa hormat diri dan juga menghormati orang lain, bukan berpura-pura menghormati orang lain, tapi hormat di dalam erti kata yang sebenarnya. Hanya dengan cara ini dia akan memiliki aura dan bintang yang cerah dan terang. Dia tidak akan merasa adanya ketakutan dalaman dan keliru.

Bila Pak Habib renungkan kata-kata Dadi Janki ini,

Pak Habib terkenang peristiwa yang berlaku kepada beberapa orang pemimpin UMNO di waktu itu dan bagaimana **aura** mereka menjadi pudar, keliru dan mereka mempunyai rasa takut yang cukup besar. 17 tahun kemudian pudarlah bintang-bintang mereka itu.

Kira-kira 17 tahun yang lalu Pak Habib telah menulis sebuah buku berjudul **Pemuda Di Zaman Mahathir**. Kalau anda pernah membaca buku berkenaan dan masih ingat lagi, di dalam buku tersebut, Pak Habib telah meramalkan kemenangan Saudara Anwar Ibrahim ketika beliau bertanding menentang Datuk Suhaimi Haji Kamaruddin untuk jawatan Ketua Pemuda UMNO Malaysia. Waktu itu Anwar masih baru dalam politik UMNO, dan anak saudara Datuk Harun Idris, Haji Suhaimi adalah *incumbent*, penyandang jawatan tersebut yang sedang mempertahankan jawatannya.

Bukan sahaja ramalan Pak Habib bahawa Anwar akan menang itu menjadi kenyataan, tetapi ramalan tentang bintang Anwar juga terbukti, sehinggalah sinaran bintangnya itu terpadam setakat menjadi seorang TPM.

Dalam buku tersebut Pak Habib juga meramalkan bintang politik Datuk Najib Tun Razak. Nampaknya setakat ini, beliau masih lagi lebih bernasib baik jika dibandingkan dengan Anwar. Najib yang mendaki tangga hirarki UMNO secara berperingkat-peringkat masih lagi kekal menjadi orang kuat UMNO dan Anwar yang melompat dari satu anak tangga ke satu anak tangga dengan kadar kecepatan yang fenomenal di dalam sejarah UMNO, akhirnya jatuh tersungkur. Itulah maksudnya

apabila Pak Habib menyebut "*tuah ayam boleh dilihat di kaki, tuah manusia siapa yang tahu*", di dalam banyak buku-buku Pak Habib yang meramalkan naik jatuhnya pemimpin-pemimpin UMNO.

Orang PAS pernah menganggap Anwar sebagai "**ayam togel berbulu balik**" ketika Anwar menjadi anak emas Mahathir di dalam UMNO. Perkara ini juga ada Pak Habib sebut didalam buku **Pemuda Di Zaman Mahathir** (1982) itu. Tapi hari ini, apabila ayam yang sudah togel berbulu balik itu menjadi togel semula, PAS nampaknya bermati-matian untuk membulukannya balik. Apakah PAS memang suka memilih bulu atau memang sudah menjadi dasar parti tersebut menyediakan '*political assylum*' kepada pemimpin-pemimpin UMNO yang sudah terpelanting dari parti tersebut? Cuba baca kembali sejarah pakatan PAS dengan Semangat 46. Biar bagaimanapun, walau apa pun cerita dan kisahnya, buku Pak Habib, **Pemuda Di Zaman Mahathir** (1982) sudah menjadi sejarah.

Itu cerita Pemuda, cerita Wanita pula berbeza. Kisah-kisah Wanita yang telah menjadi pemimpin dunia atau menjadi isteri kepada pemimpin-pemimpin dunia termasuk di dalam UMNO juga turut menjadi bahan-bahan renungan di dalam buku-buku Pak Habib. Antara buku Pak Habib yang banyak mengisahkan peranan wanita dalam politik dan kepimpinan, sama ada secara langsung ataupun tidak langsung ialah buku **Wanita, Takhta & Kuasa** (1989).

Hari ini Mahathir menjadi hebat kerana di belakangnya ada seorang wanita yang hebat. Siti Hasmah adalah wanita

di sebalik kepimpinan Mahathir dan kepimpinan Malaysia. Kalau Shah Jehan mendirikan Taj Mahal sebagai monumen untuk isterinya, Mumtaz Mahal, maka Mahathir mendirikan Petronas Twin Tower buat Hasmah. Cuba perhatikan baik-baik, jambatan yang merentangi dua menara itu membentuk huruf apa?

Memang tidak dinafikan bahawa di setiap zaman muncul atau lahir wanita-wanita yang mempengaruhi manusia, pemikiran dan kepimpinan di zamannya.

Sewaktu Firaun memerintah Mesir di zaman sebelum Nabi Musa a.s., Asiah yang menjadi isteri beliau telah melihat kezaliman yang dilakukan oleh suaminya dengan hati yang cukup sedih. Waktu itu setiap bayi lelaki yang lahir akan di tanam hidup-hidup. Namun Asiah berjaya menundukkan kezaliman Firaun dan terus memelihara seorang bayi lelaki yang ditemui hanyut di Sungai Nil. Akhirnya bayi ini membesar sehingga menjadi seorang Rasul Allah yang menentang Firaun.

Begitulah sejarah Nabi Musa a.s., dan Firaun. Sejarah dua orang lelaki, yang satu menjadi pembela keadilan dan kebenaran dan yang satu lagi ingin nak jadi Tuhan. Di belakang mereka ialah seorang wanita yang bernama Asiah.

Dan bila kita menyebut tentang Nabi Musa a.s, kita akan teringat kepada Nabi Isa a.s., kerana nama "*Musa* dan *Isa*" hampir-hampir sama. Kebetulan Musa dan Isa a.s bukanlah sekadar Nabi tetapi merupakan antara 25 orang Rasul yang wajib diketahui oleh setiap umat Islam.

Kisah Nabi Isa juga adalah berkaitan dengan seorang wanita juga. Setiap orang Islam tahu akan Mariam. Orang Kristian pun tahu tentang Mariam. Mereka menyebutnya sebagai "*the Virgin Mary*" kerana Mariam telah mengandungkan Isa walaupun tidak pernah disentuh oleh lelaki.

Setelah dewasa Isa bin Mariam menjadi salah seorang rasul yang terpenting di antara 25 Rasul Allah yang Pak Habib katakan itu.

Begitulah juga dengan junjungan besar kita, Nabi Muhammad SAW. Sejak awal kehidupan dewasa Baginda, wanita yang paling banyak membantu Baginda ialah Sayyidatina Khadijah r.a. Sebelum berkahwin dengan Khadijah r.a, Baginda telah memperniagakan barang-barang perniagaan milik Khadijah r.a. Walaupun ketika itu, Khadijah r.a berusia beberapa tahun lebih tua daripada Nabi SAW, dan menjadi taukeh Baginda pula, Khadijah r.a tak pernah nak *control* Nabi.

Sejarah telah mengingatkan kita semua kepada suara syahdu Sayyidatina Khadijah r.a. Biarpun suaranya lembut namun ia boleh memecahkan tradisi dunia. Setiap patah kalimat yang keluar dari mulutnya menggambarkan keperibadian yang tinggi, luhur, mulia dan amat bijaksana.

Ketika Nabi Muhammad SAW melafazkan ijab qabulnya dalam pernikahan, Khadijah r.a berkata, "*Hari ini semua hartaku menjadi milikmu dan bahkan aku juga adalah hambamu.*" (Betapa besarnya jasamu wahai ibu kaum mukminin, semoga Allah SWT terus mencurahkan

rahmat kepadamu).

Sewaktu Nabi SAW, menerima wahyu pertama dari Allah SWT yang disampaikan oleh malaikat Jibrail, di Gua Hiraq, Khadijahlah yang telah membawa Baginda menemui bapa saudaranya, seorang ahli kitab Nasrani bernama Waraqah bin Naufal. Dan sewaktu Nabi SAW mula menyebarkan Islam ke penduduk Makkah, Khadijah telah mengorbankan seluruh hartanya untuk menegakkan agama Allah. Bersama-sama Rasulullah SAW, Khadijah r.a. telah melahirkan Fatimah Azzahrah, satu-satunya puteri dan zuriat yang hidup sehingga Baginda wafat.

Ketika Khadijah memperjuangkan Islam bersama-sama Nabi, muncul pula Hindon, wanita yang membenci Nabi dan menentang Islam. Hindon mengupah seorang keturunan kulit hitam Arab untuk membunuh sahabat dan juga bapa saudara Rasulullah SAW, Saidina Hamzah r.a. dan mengambil jantungnya untuk dimakan. Cerita ini telahpun difilemkan dan dilakonkan oleh Anthony Quinn - "*The Messenger*".

Dari Hindon dan suaminya, Abu Suffian, yang juga seorang penentang Islam yang terkemuka sebelum beliau akhirnya terpaksa memeluk Islam, lahir pula Muawiyah.

Dan dari Sayyidatina Fatimah Azzahrah, bersama-sama suaminya Saidina Ali bin Abi Talib, iaitu sepupu baginda Rasulullah SAW, lahir pula Saidina Hassan r.a. dan Saidina Hussein r.a. yang digelar sebagai Ketua Pemuda ahli syurga.

Saidina Ali yang merupakan menantu Rasulullah SAW,

suami Fatimah Azzaharah (puteri Rasulullah SAW dan Khadijah r.a.) telah dibunuh oleh Muawiyah (putera Abu Suffian dan Hindon).

Manakala Saidina Hussein r.a., Ketua Pemuda di Syurga, kelahiran Fatimah dan Ali telah dibunuh oleh Yazid, anak Muawiyah.

Begitulah perjalanan sejarah yang berpunca dari dua orang wanita ini.

Sebagai renungan, Pak Habib nak tanya sikit. Pernahkah anda mendengar orang menamakan anaknya "*Muawiyah*"? Atau pernahkah anda mendengar ada orang yang bernama "*Muawiyyah*" selain daripada Muawiyyah yang satu itu. Nampaknya orang Islam, sama ada di zaman dulu mahupun di zaman sekarang tidak mahu menggunakan nama itu sebagaimana mereka tidak mahu menggunakan nama Abu Jahal dan Abu Lahab. Pak Habib hairan ada orang yang menyanjung Muawiyyah seperti bintang di langit? Apakah mereka tidak tahu definasi "*sahabat*"? Bolehkah kita menyebutnya sebagai sahabat kalau dia membunuh anak cucu kita?

Di zaman Nabi Muhammad SAW, Siti Khadijah r.a. berada di belakang baginda, maka bagi Mahathir Mohamad D.K., beliau ada Siti Hasmah di belakangnya. Dua Siti bagi dua orang pemimpin berlainan zaman yang ada huruf 'mim' atau 'M' di pangkal nama masing-masing. Tapi perjalanan kisahnya tak sama seperti "*A Tale of Cities*" karya Charles Dickens.

Kalau perjuangan Nabi Muhammad SAW diharu-birukan oleh wanita unggul Quraish yang bergelar

Hindon, maka perjuangan Mahathir Mohamad D.K. kini sedang diharu-birukan oleh wanita Melayu bernama Wan Azizah juga seorang doktor perubatan. Doktor lawan doktor.

Bolehkah Siti Hasmah mematahkan pengaruh Wan Azizah sebagaimana Siti Khadijah mematahkan pengaruh Hindon? Namun biar bagaimana pun watak Hindon dan watak Azizah, adalah ibarat langit dengan bumi. Wan Azizah tidak bertujuan memamah hati Mahathir. Beliau cuma mahu Anwar terlepas dari musibah ini. Isteri mana yang tak rindukan suami? Inikan pula Anwar Ibrahim yang menyanjung Wan Azizah seperti lagu yang didendangkan oleh P. Ramlee, "*Nonaku Azizah*". Tapi tiba-tiba lagu itu diharamkan, mana patut? Mana tahan. Aduh!

Boleh rakyat tak pilu hati dan tak bersimpati dengan nasib Azizah, macam nasib Tun Teja dengan Hang Tuah. Walaupun ceritanya tak sama tapi melibatkan cinta wanita kepada kekasihnya. Cinta tak boleh buat main-main tau! Ini masalah emosi, masalah perasaan yang halus dan syahdu. Dan cuba tanya mereka yang sedang dilamun cinta, kalau sehari tak jumpa bagai setahun lamanya. Tapi ada wanita yang tak peduli dengan benda-benda macam ini. Jenis hati perut **Hindon**. Kalau bermadu, jumpa bomoh bagi racun, sanggup bergadai bergolok. Kasi madu jadi hempedu, yang penting hati puas. Bila madu jumpa suami, suami dah jadi macam hampas kelapa. Nak tak nak, bagi makan ayam. 'PM' suami pun dah jadi macam ayam, harap berkokok sajalah.

Bagi generasi yang akan datang pula bolehkah Mokhzani Mahathir membunuh karier politik Nurul Izzah Anwar sebagaimana Yazid membunuh zaman kepimpinan Saidina Hussein? Bolehkah Marina Mahathir membersihkan arang yang sudah terconteng di dahi Mahathir oleh wanita-wanita seperti Marina Yusoff? Boleh atau tak boleh, masa sahaja yang akan menghakiminya. Sesungguhnya sejarah itu sentiasa berulang kembali.

Biar bagaimanapun wanita-wanita cukup memainkan peranan dan mewarnai kepimpinan Mahathir. Kalau di zaman pemimpin lain, UMNO tidak berjaya mengangkat martabat wanita sehingga ke peringkat antarabangsa, tapi di zamannya Mahathir telah berjaya membawa Rafidah Aziz, ke pengiktirafan antarabangsa dan Maznah Hamid, '*the iron lady*' dalam dunia korporat Malaysia yang lebih layak menjadi Ketua Wanita UMNO. Barulah sama statusnya dengan Rafidah.

Setakat ini perjuangan Mahathir bersama-sama wanita dan menentang wanita selalu beroleh kejayaan. Mahsuri menyumpah Pulau Langkawi. Mahathir lawan Mahsuri, walaupun mereka hidup dalam dua zaman yang berbeza. Mahsuri menjadikan Langkawi padang jarak padang terkukur. Mahathir menjadikan Langkawi padang arak padang tersungkur. Di zaman Mahathir juga berlakunya kes-kes wanita yang memakan anggota lelaki dan yang menjadikan ahli-ahli politik yang suka jumpa tok bomoh sebagai mangsa mereka. Cuba anda baca kisah Mona Fendy dan nantikan terbitnya buku terbaru Pak Habib, *Wanita Di Zaman Mahathir*.

Kalau Mahsuri dihukum oleh Datuk Karma Wijaya, hari ini Saudara Anwar Ibrahim bukan saja telah menjadi mangsa, dipecat, dihina, diaibkan dengan pertuduhan seks di luar tabii sehingga tilam pun dibawa ke mahkamah sebagai bukti malah dia turut tercampak hanya kerana dia cuba melawan *boss*. Apakah benar dia terpaksa menerima hukuman dan padah ini kerana usaha yang dilakukannya untuk membuka pekung *boss* yang terselindung di sebalik topeng sosialis dan agama?

Jika benar, kita patut merasa syukur dan bangga kerana ada pemimpin Melayu yang berani dan tak sanggup jadi *yesman*. Tapi kalau Anwar mengatur strategi menentang *boss* semata-mata untuk cepat jadi PM dan boleh buat apa dia suka, maka apa yang berlaku ke atas dia itu adalah merupakan hukum karma. Kasihan Datin Seri Dr. Wan Azizah.

Brother Anwar dan para penyokongnya patut ingat bahawa Tuhanlah yang memberikan kerusi Perdana Menteri dan Presiden UMNO. Tanpa kehendak-Nya, tak mungkin seseorang itu dapat menduduki kerusi tersebut walaupun dia menikmati majoriti yang ramai atau mempunyai kuasa untuk menabur pengaruh. Sabar ajelah kalau tak dapat jadi *First Lady*.

Nak tengok sejarah pemimpin yang berkuasa dan berpengaruh, tengok sejarah politik Indonesia. Apa yang tidak ada pada Suharto yang boleh membuatkannya terus berkuasa? Populariti, walaupun sudah banyak hilang tapi wang makin bertambah. Pengaruh dan kuasa jangan ceritalah, semuanya di hujung jari Pak Harto. Tapi bila Tuhan tarik balik Ibu Tin, hidup

Pak Harto menjadi gelap-gelita dan kerusi Presiden yang dimilikinya selama lebih 30 tahun, lenyap dengan sekelip mata saja. Akhirnya kerusi yang digenggam terlepas dari tangan. Tuhan itu Maha Kaya dan Maha Berkuasa. Gerakan pelajar dan kebangkitan rakyat Indonesia cuma '*penyebab*' saja. Ingatlah bahawa dalam kubur nanti, tidak ada isteri, tidak ada anak, tidak ada kronis dan tidak ada apa-apa pun yang boleh tolong. Apa yang boleh tolong kita cuma amal jariah, ibadah dan amal soleh. Dalam sibuk kita berpolitik, sudahkah kita membuat persiapan ini kerana kematian adalah satu kepastian yang akan datang pada bila-bila masa saja?

Bila kita mati, cuma dua perkara saja yang ditinggalkan, iaitu nama yang baik atau nama yang buruk, yang akan kekal menjadi sebutan manusia sepanjang zaman.

Dan sebagai ingatan kepada Nona Azizah, sebaik-baiknya tempat bagi anda adalah di rumah, menjaga anak-anak semasa suami masih lagi berada di dalam penjara. Ini kerana tidak elok bagi anda yang tidak mempunyai muhrim ke sana ke mari atas desakan keadilan atau atau alasan nak jadi pemimpin. Bukankah ini semua boleh menimbulkan fitnah? Bagi mereka yang bermati-matian percaya Anwar melakukan liwat, cakap apapun mereka akan tetap percaya juga. Dan bagi mereka yang tak percaya, apa pun keputusan mahkamah, mereka tetap tak akan mempercayainya. Termasuklah Pak Habib sendiri tidak pernah mempercayainya. Itukan sudah lumrah manusia.

Pesan Pak Habib, sebagai orang yang lebih tua, eloklah Azizah jangan lagi membuang masa mencari keadilan untuk Anwar. Sebaik-baiknya parti KEADILAN menyertai PAS atau UMNO. Sesungguhnya itu adalah lebih adil untuk perpaduan bangsa Melayu dan umat Islam di negara kita yang tercinta ini. Pak Habib tak ingin lihat parti KEADILAN menjadi seperti parti BERSEKUTU yang dipimpin oleh Harris Salleh yang akhirnya satu kerusi pun tak dapat. Pak Habib dah nasihatkan Harris seperti dalam buku *Sabah Kepada Siapa Hendak Diserahkan?* Harris degil akhirnya Harris bukan saja menyusahkan dirinya sendiri tapi menyusahkan kerajaan dan menyusahkan orang ramai yang terpengaruh kepadanya.

'Chu Nell' diminta jawab cacian

UTUSAN MALAYSIA SELASA 20 JULAI 1988

Oleh
NAZARUDIN SHAHARI

KUALA LUMPUR 19 Julai — Datuk Hishammuddin Tun Hussein mahu emak saudaranya, Nell Onn, yang juga Ketua Wanita Parti Keadilan Nasional, menjawab segala cacian terhadap keluarga mereka terlebih dahulu sebelum berhasrat mencabar beliau bertanding kerusi Parlimen Tenggara pada pilihan raya umum akan datang.

Pemangku Ketua Pergerakan Pemuda UMNO itu berkata, Nell yang lebih mesra di kalangan keluarganya dengan panggilan 'Chu Nell', perlu menjawab cacian itu kerana ia membabitkan maruah keluarga mereka di mata masyarakat.

"Mak saudara, mak saudara juga... tetapi apabila memperkatakan perjuangan, ia adalah bidang yang berbeza."

"Saya nak tanya pada Chu Nell, apa dia nak jawab apabila (Ketua Dewan Pemuda Pas), Mahfuz Omar yang menyamakan



NELL ONN

ayah saya, (Tun Hussein Onn) yang juga abang dia sendiri, sebagai pondan," katanya ketika ditemui di lobi Parlimen hari ini.

Katanya, Nell juga akan merasa tercabar dengan tuduhan-tuduhan oleh parti-parti yang bekerjasama dengan Keadilan yang ditujukan kepada keluarga pemimpin negara itu.

Hishammuddin mengulas laporan yang disiarkan dalam akhbar *The Star* me-

ngenai kesedihan Nell Onn untuk mencabarnya bagi kerusi Parlimen Tenggara pada pilihan raya umum akan datang.

Nell menyatakan kesediasannya itu semasa berceramah di Parit Jamil, Muar. Sabtu lalu.

Sambil mengalau-alukan hasrat Nell itu, Hishammuddin berkata: "Lebih baik (berdepan dengan) musuh yang kita tahu daripada syaitan-syaitan yang tidak kenal."

Beliau berkata, kehadiran Nell di Tenggara akan meredakan politik maki hamun dan tuduh-menuduh.

"Kalau dia mempersendakan nama keluarga... tempias pada dia sendiri. Sekurang-kurangnya sukar untuk (Nell) memperlekeh dan mempersendakan nama keluarga kita," ujarnya.

Menurutnya, orang seperti Mahfuz boleh berkata apa sahaja kerana dia hanya mementingkan diri sendiri, tetapi Nell perlu menjawab dulu tuduhan rakan seperjuangan politik beliau itu terhadap keluarganya.

4

"Kalau Dr. Mahathir berada di pihak yang tidak benar, marilah kita bersama-sama dengan berani menjatuhkannya. Kalau Dr. Mahathir memang benar seorang diktator, janganlah kita berlengah-lengah lagi dalam berusaha menurunkannya dari kerusi kerajaan. Insya Allah, Allah sentiasa bersama orang-orang yang benar."

Petikan dari buku :
Challenger - Siapa Lawan Siapa?

SIAPA MAKAN CILI, DIA RASA PEDAS

Siapa yang makan cili, dia rasa pedas.
Siapa yang duduk atas api, dia rasa panas.
Siapa yang makan ais, dia rasa sejuk.
Siapa yang tak dapat cari laki, dialah
yang frust menonggeng. *Sendiri punya diri, sendiri
mahu ingatlah!*

Kita semua adalah manusia biasa yang tidak leka dari kesilapan dan kesalahan. Manusia adalah makhluk yang lalai dan alpa. *Bumi mana yang tidak ditimpah hujan, laut mana yang tidak bergelora.* Apakah Mahathir seorang saja yang bersalah dan patut dipersalahkan? Bagaimana dengan orang yang berada di sekelilingnya? Dan bagaimana pula diri kita sendiri? Apakah kita ini baik sangat dan orang lain jahat? Sebelum kita memerangi orang lain, sebelum cuba-cuba untuk memperbaiki orang lain, hendaklah kita melihat ke dalam diri kita terlebih dahulu. Lengkapkan persiapan **diri**

dari **dalam** sebelum berhadapan dengan pihak lawan supaya senjata tidak memakan diri sendiri.

Dr.Mahathir Mohamad, Perdana Menteri Malaysia merangkap Presiden UMNO ini bukanlah calang-calang orang yang hendak diperangi. Rekod dan sejarah telah membuktikan bahawa sesiapa yang cuba berperang menentang beliau atau merasakan diri lebih hebat, akhirnya akan jatuh merudum ke dalam gaung politik yang 'maha' dalam. Ini Dr. Mahathir Mohamad, brother. Bukannya Dr. Mahadzir Mohd Khir.

Mahathir adalah seorang pemimpin yang luar biasa kehebatannya. Barat menganggapnya sebagai '*international bouncer*'. Kehebatannya memang dahsyat sekali. *Kalau kail setakat panjang sehengkal, janganlah berangan-angan nak menduga lautan yang dalam.* Beliau adalah penjelmaan Gengis Khan di zaman moden. Mungkin dalam masa 100 tahun ada seorang sahaja manusia yang sehebat ini. Bukan mudah bagi sebuah negara untuk mendapatkan seorang pemimpin yang bertaraf seperti ini dan sukar untuk cuba menghapuskannya melainkan kita memiliki ilmu. Kalau tidak, pergi main jauh-jauh, beb!

Tengoklah apa sudah jadi pada Ibrahim Ali yang dulunya menentang Mahathir ikut Ku Li. Sekarang cium 'buntut' Mahathir? Apa sudah jadi pada anak raja yang bernama Ku Li? Kalah di peringkat Presiden, berlawan pula di peringkat bahagian, sekadar menentang Nik Aziz sahaja. Itu pun belum tahu menang. Dan apa pula yang terjadi pada Harris Salleh di Sabah? Nak cuba lawan Mahathir, konon. Nak mampus? Dah lama hidup?

Hari ini berapa ramai di kalangan musuh-musuh dan penentang-penentang Dr.Mahathir Mohamad yang memandu Proton Saga, Proton Wira, Proton Perdana, Perodua Kancil, Perodua Kembara, Perodua Rusa, yang merupakan industri otomobil yang telah diusahakan hasil dari cetusan idea dan wawasan Dr. Mahathir? Berapa ramai yang telah menyeberangi Jambatan Pulau Pinang, lebuhraya-lebuhraya, malah menyeberangi *Second Link* Johor? Berapa ramai pula yang menikmati keselesaan pengangkutan menggunakan perkhidmatan LRT? Berapa ramai yang mengunjungi dan mengagumi akan kemegahan Menara Berkembar Petronas (KLCC) dan Menara Kuala Lumpur? Berapa ramai pula yang memanfaatkan menggunakan teknologi matlumat (IT), selain dari menyalahgunakan internet untuk menghentam Mahathir dan mengutuk kerajaan? Dan bagaimana pula dengan Lapangan Terbang Antarabangsa (KLIA), MSC dan Litar Lumba Formula 1 di Sepang? Siapakah *mastermind* di sebalik cetusan idea-idea berasas yang mengubah khayalan-khayalan ini menjadi satu realiti, kalau bukan Datuk Seri Dr.Mahathir Mohamad? Apakah ada di antara mereka yang dapat menandingi usaha-usaha beliau?

Perbaikilah diri kita, keluarga kita dan jiran tetangga kita terlebih dahulu sebelum kita menonjolkan diri di khalayak ramai sebagai seorang yang ingin digelar 'pemimpin' yang ada hati nak berlawan dengan Mahathir.

Kalau luaran (lahiriah) kita saja yang tampak cantik disebabkan kulit, wajah dan bibir yang disaluti *foundation* yang tebal, lipstik yang '*long-lasting*', *eye liner* yang water

proof dan maskara yang lentik lagi melentikkan bulu mata samalah macam pemimpin yang hanya pandai berkata-kata, berpidato dan berkhutbah pakai ayat Tuhan. Sedangkan dalaman mereka lebih teruk dari kafir. Hidup mereka penuh dengan hasad dengki, bakhil, fitnah dan fanatik.

Kalau rasa nak berpolitik '*Politik Kosmetik*', '*politik make-up*' tak payahlah, pi main jauh-jauh. Nanti jawabnya, "*May God Bless You*" kata Mahathir. Tengok apa dah jadi pada Anwar dan geng kroninya. Bila Mahathir berucap bawa senarai, semua senyap dan kecut. Apalagi kalau disumbatkan ke dalam I.S.A (Ikut Suka Aku).

Pernahkah anda bayangkan, apakah yang tersembunyi di sebalik ***make-up*** itu apabila ia mulai luntur dan cair? Belum sempat nak jadi pejuang, nanti yang kelihatan akhirnya hanyalah seulas bibir yang pucat, sebelah mata yang hitam kelebaman dan seraut wajah yang kelesuan akibat ditumbuk, dibelasah oleh pahlawan pilihan, 'anak jantan' yang hilang kejantanannya kerana memukul orang yang tidak berupaya bertindakbalas. Kalau nak jadi pejuang, jangan takut masuk ISA. Setiap pejuang mesti terlebih dahulu bermohon untuk menjadi syahid. ISA ini kecil saja. Tak ada apa-apa pun. Nak cakap pasal perjuangan, kita baca terlebih dulu sejarah tentang bagaimana Saidina Hussein r.a. dan seluruh keluarganya terkorban di Karbala demi untuk menegakkan Islam yang murni.

Ramai orang yang akan berlawan dalam pilihanraya umum kelak dan demam pilihanraya sudah mula dirasai di sana-sini dan ada antaranya yang sudahpun merasakan kemenangan di pihak mereka tetapi perlawanan antara

siapakah yang paling penting sekali? Adakah perlawanan di antara BN-Mahathir dengan PAS-DAP? Perlawanan di antara Lim Kit Siang, Nik Aziz dan Che Det? Ataupun perlawanan di antara Puak Anwar dengan Puak Mahathir dalam parti sendiri?

Pak Habib rasa, mereka yang yang teringin nak bertanding dalam pilihan raya kali ini, kenalah ingat. Nak jadi menteri pun belum tahu, inikan pula nak jadi Perdana Menteri, lupakanlah. Tapi kalau setakat nak jadi "PM" mengikut takrifan Shanon, dipersilakan. "PM tanpa balak". Takkam itupun tak tahu, minah kilang pun tahu makna "balak". Cuba pi tanya budak-budak lepak di Central Market. Tiga timbalan yang ada ini pun dok macam tu juga. Nak jadi orang kaya, angan-angan saja. Kronis la ni tidoq tak nyenyak, dah dok dalam keadaan kronik.

Mati adalah satu syarat yang pasti. Buat apa hangpa nak pikiaq tentang benda yang tak pasti, kan lebih baik hangpa pikiaq pasal benda-benda yang sudah pasti. **Mati** adalah satu perkara **mesti** dan **pasti** datang dalam hidup manusia walaupun tanpa diundang. Sudahkah kita membuat persiapan dan persediaan untuk menghadapi mati? Sudahkah anda menulis wasiat untuk keluarga ataupun sahabat? Pak Habib ingatkan sekali lagi, tulislah wasiat kerana ajal tak tahu bila akan datang. Wasiat adalah penting demi keharmonian dan kejayaan keluarga. Nabi besar Muhammad SAW ada bersabda yang mahfumnya "*janganlah anda keluar dari rumah sebelum anda meninggalkan wasiat*" dalam hadis lain Nabi SAW bersabda yang mahfumnya "*janganlah anda tidur sebelum wasiat itu ada di bawah bantalmu*". Insya Allah pada

kesempatan yang lain Pak Habib akan teruskan berkenaan bab wasiat ini. Kalau belum, *sendiri punya diri, sendiri tanya, sendiri jawablah*.

Bila sebut pasal perang ini, teringat Pak Habib kepada peristiwa yang berlaku di zaman awal perjuangan Islam. Ketika pulang dari Perang Badar, peperangan yang pertama di zaman Nabi Muhammad SAW, baginda berpesan kepada sahabat-sahabatnya supaya bersedia untuk menghadapi peperangan yang lebih besar, lebih dahsyat. Apabila ditanya oleh para sahabatnya, perang apakah yang lebih besar itu, baginda menjawab, peperangan dengan diri sendiri.

Dunia kini sudah terlalu kacau. Berbagai krisis, pergaduhan, pertempuran dan peperangan yang mencemari pentas muka bumi. Darah mengalir di mana-mana, arak melimpah di seluruh tempat, termasuk di negara kita yang mengaku Islam sebagai agama rasmi negara, tapi kilang arak, pusat perjudian, pusat homoseksual, pusat pelacuran dan seumpama dengannya bagaikan sudah dihalalkan sama sekali. Yang penting bayar lesen pada kerajaan. Ada yang telah mengatakan bahawa Tun Haniff pernah berkata, di dalam Al-Quran mana ada bab yang mengatakan loteri dan judi itu haram. Dia pun sudah jadi *boss* Genting Highland, sebuah pusat perjudian yang terbesar di Asia Tenggara.

Zina semakin berleluasa; ada 'zina yang halal', ada 'zina yang tak ada lesen' dan ada pula zina haram. Hari ini Pertubuhan '*Human Rights*' pun sudah tidak '*right*' lagi apabila menggesa kerajaan Malaysia menghalalkan liwat. Begitu juga dengan arak, ada 'arak yang halal' dan ada arak yang haram. Kemungkaran dan kekacauan ini kini bukan

sahaja dilakukan oleh rakyat biasa malah oleh para pemimpin yang mempunyai isteri yang jelita, ada hati pula nak beristeri lebih dari satu padahal takut pada Cleopatra, Lady Macbeth di rumah. Tetapi bila nafsu syaitan mengatasi segalanya terjadilah 'zina halal' tanpa ada sedikit pun rasa takut pada Tuhan. Penipuan, rasuah, penghinaan, penganiayaan dan kezaliman berlaku di seluruh pelusuk bumi. Dunia memang sudah gawat. Undang-undang tidak rasmi dunia kini ialah, *siapa kuat dialah raja*. Inilah akibatnya membiarkan **dajal** bermaharajalela.

Memang kehidupan manusia tidak dapat dipisahkan dari *pemimpin* dan *rakyat*. Pemimpin itulah imam dan ketua. Dalam syariat Islam, apabila ada tiga orang di dalam sesuatu kumpulan, maka wajiblah dilantik salah seorangnya menjadi pemimpin, walaupun sekadar sewaktu di sepanjang perjalanan sahaja. Jadi siapakah yang hendak kita pilih sebagai pemimpin dalam Pilihanraya Umum kali ini?

Buku **SIAPA LAWAN SIAPA?** yang pernah Pak Habib tulis pada tahun 1987, mengenai peperangan terbesar di dalam UMNO yang akhirnya mengakibatkan perpecahannya, bukanlah di dasarkan kepada peperangan pemimpin UMNO yang bertanding dalam pemilihan merebut jawatan semata-mata, tetapi lebih dari itu. Pak Habib cuba menyelamatkan keadaan supaya orang Melayu agar tidak berpecah. *Bersatu kita teguh bercerai kita roboh. Bulat air kerana pembetung, bulat manusia kerana muafakat.* Buku tersebut telah menempa sejarah sebagai buku politik pertama yang diinjuki dan diharamkan pengedarannya dan Pak Habib sendiri telah disaman malu oleh Datuk Musa Hitam kerana menyebabkan kekalahan

beliau ditangan Ghaffar Baba dari Team A. Hutang RM150,000 berhubung kes mahkamah Musa Hitam pun sampai sekarang ini, tiap-tiap bulan nak kena bayar. Tapi selesai saja hutang ini nanti, anda jangan terkejut bila anda tidak lagi menjumpai nama Musa Hitam dalam buku Pak Habib. Pembaca fikir ada pemimpin UMNO yang tolong bayar, semua itu "bidaah".

Sebagai seorang Melayu beragama Islam, Pak Habib rasa bersalah sekiranya tidak prihatin dan tidak bersama-sama menunjukkan rasa tanggungjawab terhadap isu moral yang menimpa ke atas penganut-penganut Islam, khususnya pemimpin Melayu yang sedang berperang sesama sendiri hari ini biarpun di dalam parti yang sama mahupun yang berlainan parti politik.

Kenapakah agama yang kita semua anuti, yang menekankan tentang **akhlak** dan moral itu, tidak berupaya meninggalkan kesan yang mantap dalam membentuk perwatakan dan peribadi Melayu-Islam yang sepatutnya menjadi contoh tauladan kepada penganut agama lain terutama mereka yang kita labelkan **kafir**? Kita yang berbangsa Melayu ini beragama Islam. Melayu adalah satu-satunya bangsa yang berani mengakui bahawa bangsa itu Islam. Orang Arab pun tak berani *declare*, walaupun Al-Quran diturunkan dalam bahasa Arab dan Nabi Muhammad SAW itu sendiri berbangsa Arab. Allah berfirman dalam surah Muhammad, ayat 24: "***Maka apakah mereka tidak memperhatikan Al-Quran, ataukah hati mereka terkunci?***"

Sekali lagi Allah SWT berfirman di dalam surah

Al-Shaad, ayat 29: "*Inilah sebuah kitab yang Kami turunkan kepadamu dengan berkah supaya mereka memperhatikan ayat-ayat-Nya dan supaya mendapat pelajaran orang-orang yang mempunyai fikiran"*

Amat sedih sekali kerana begitu ramai para ulama dan cendekiawan Islam di negara ini termasuk mereka yang suka bercakap mengenai agama, tidak mahu berfikir dan mencari jalan penyelesaian (berlandaskan Al-Quran dan Sunnah) terhadap permasalahan dan peperangan yang semakin hangat melanda negara hari ini.

Nabi Muhammad SAW pernah suatu ketika dulu diberi pilihan menghentikan usaha baginda membawa **kebenaran** melalui Al-Quran dan baginda akan diberi kuasa untuk memerintah serta harta kekayaan yang melimpah tetapi baginda tidak mahu. Baginda menolak sama sekali politik **rasuah**. Baginda mahu menegakkan kebenaran dan **keadilan**. Baginda memulakan Islam dengan mengajar tentang aqidah, membetulkan dalaman manusia, menyampaikan ilmu mengenai yang ghaib dan membuka fikiran mereka selama 13 tahun. Arab Jahiliah diajar mengenal siapa diri mereka dan siapa yang patut disembah. Apa itu yang dinamakan Allah? Nabi mengajar Al-Quran dengan menjadikan dirinya sebagai Al-Quran yang hidup. Bagindalah Al-Quran dari segi lahiriyah, syariah dan bagindalah juga hari ini yang kita sebut-sebut sebagai sunnah. Kemudian selama 10 tahun setelah berhijrah ke Madinah, apa yang telah diajar, dilaksanakan. Bukannya melalui pilihan raya. Berbeza dengan para pemimpin hari ini yang lebih mementingkan *kuasa, harta, wanita* dan *pilihan raya* sebagai agenda utama. Kita tidak boleh

pegang dua watak dalam satu waktu. **Ulama** dan **umara**, dua watak yang hidup di dalam demokrasi hari ini. Walaupun sepatutnya setiap umara dengan sendirinya menjadi ulama seperti yang ditunjukkan oleh Rasulullah SAW, tetapi disebabkan kita telah dihidupkan di zaman yang menjadi lanjutan Islam di zaman Uthmaniah dan Abasiyah yang mana, raja berkuasa sepenuhnya dan raja yang tak berilmu, tak beramat soleh dan tidak taqwa, maka ulama terpaksa memainkan peranan sebagai manusia yang mengajak kepada kebaikan dan mencegah kemungkaran seperti yang diamanahkan oleh Rasulullah SAW.

Hari ini sekali lagi kita menyaksikan UMNO dan orang Melayu berpecah dari dalam akibat terlalu ghairah bertanding merebut jawatan. Ajaib lagi mengajaibkan dan pelik lagi memelikkan dan hairan serta pening lagi menghairrankan dan memeningkan apabila dalam UMNO sendiri sudah ada ***musuh dalam selimut, gunting dalam lipatan***, sudah ada ahli-ahli yang ***pepat di luar runcing di dalam***. UMNO sudah menjadi ibarat ***genting menunggu putus atau retak menanti belah***.

Selama Dr. Mahathir menjadi pemimpin Dunia Ketiga, dia banyak bercakap dan melaungkan slogan **perpaduan** tetapi masih tidak dapat mengatasi masalah perpecahan yang berlaku di dalam UMNO sendiri. Ke mana perginya ulama-ulama UMNO yang sepatutnya membantu dan menasihati Mahathir dalam urusan pentadbirannya? Bukankah Tuhan memerintah manusia supaya bersatu dan berpegang teguh pada tali Allah, jadi di mana silapnya?

Sebagai umat Islam, kita sepatutnya menghormati

kebebasan berpendapat di antara satu dengan yang lain, sentiasa bersikap lapang dada terhadap musuh, sentiasa mencari penghidupan yang penuh kebaikan sambil mengajak manusia ke arah pembangunan yang jauh dari kerosakan dan kemungkarhan. Sebagai seorang pemimpin, kita lah yang sepatutnya menunjukkan contoh tauladan yang baik kerana inilah tanda-tanda para pembela agama Allah yang membezakan mereka dari kuncu-kuncu syaitan dan iblis. Nabi Muhammad SAW adalah sebaik-baik akhlak maka seharusnya umat Islam mencontohi **sunnah** Rasulullah SAW.

CANTIK!

We can't control the calamities that happen outside us. But we can attain power and control of our minds and we go beyond fear, sorrow, hopelessness and violence.



Spiritual power of women

Dadi Janki's life began quite ordinary in the province of Sind, India. But from young she has always wanted to be "extraordinary."

"It wasn't due to a trauma or accident or event that led me to this kind of life," she smiled. "It was the realisation that everything around us is so transient except for the communion with the spiritual being I have had my share of friends and relatives who scolded at me and wanted me to marry and have a family, but I stood firm."

In 1937 she met the founder of Brahma Kumaris, the late Prajapita Brahma, who, among his believers, is considered a human medium to God. The next 14 years saw her joining the movement and into constant and intense meditation.

The concept of the movement's beginnings is interesting. "Brahma Kumaris" means "daughters of Brahma," named after their founder. It was Prajapita Brahma's belief that women be given the special privilege of imparting godly knowledge and teaching Raja Yoga to humankind. For he felt women had been deprived of their due spiritual stature and social status equal to that of men.

Women, believes Dadi Janki, are better spiritual teachers not only because of their nurturing capabilities but because they are more spiritual and less egoistic than men.

Today, Dadi Janki travels annually to over 50 countries to give talks and to visit Raja Yoga centres around the world.

There are about 200,000 followers of the movement in about

1,600 branches in 50 countries. In Malaysia which has 200 followers, the centres are situated in Petaling Jaya, Kuala Lumpur, Penang, Seremban and Johor Baru.

"Most of the topics I have been asked to talk about around the world were on rights of women, renaissance, health and dealing with change. It appears that many people are quite unhappy with the present world."

On her travels Dadi Janki has also met international personalities such as Mother Teresa in Nairobi in 1985, and the Pope in Rome about five years ago.

"As sure as day comes after night, the new, better world will surely be here soon. One should not feel hopeless nor lose sight of that vision," said Dadi Janki, true to her philosophy of positive thinking.

Oleh NORZAH HAJI KEPOL

POLITIK UMNO di Melaka bergolak! Krisis demi krisis melanda kepimpinan UMNO negeri ini menggugat kredibiliti Datuk Seri Abu Zahar Ithnin selaku Ketua Menteri Melaka menyambung tugas-tugas ditinggalkan oleh Allahyarham Datuk Seri Mohd Zin Abdul Ghani.

Apa yang menari diperkatakan tentang perbezaan mentaliti atau ideologi kedua pemimpin tersebut, Abu Zahar Ithnin dikatakan gagal membawa mesej perdamaian di negara ini lantaran sikap pilih kasihnya dan hanya menjaga kelompok-kelompok tertentu.

Perpecahan peringkat cawangan dan bahagian negeri ini tidak dapat disangkal lagi apabila golongan Allahyarham Mohd Zin, Tan Sri Rahim Tamby Chik dan Tun Ghaffar Baba menjadi anak tiri di cawangan atau bahagian masing-masing tanutan sikap berpihak kepada orang-orang tertentu.

WAHYU

Abu Zahar juga dikatakan mendengar 'wahyu' tertentu apabila membuat sesuatu



• Datuk Seri Abu Zahar Mewin - Gagal menyatu padukan lima bahagian UMNO Negeri Melaka?

keputusan berkenaan soal kepimpinan pa.ii. Ma'ah tidak menghairankan jika segelintir ahli UMNO negeri ini berbangga kepada negeri sekecil ini diterajui oleh Ketua Menteri dan Menteri Besar. Sudah tentulah jolokan ketua menteri diberikan kepada Abu Zahar dan status menteri besar paling layan diberikan kepada isterinya, Datuk Seri Khadijah Mohd Jedi. Tanggapan itu sebenarnya diberikan oleh ahli UMNO negeri Melaka. Bukan orang luar dari negeri ini.

Bukanlah kita bercadang nak campur tangga soal dalaman politik UMNO Melaka tetapi terlalu ramai dok cerita posol kepimpinan Abu Zahar di negeri ini. Umum mengetahui, sebelum ini Abu Zahar diberitakan intim dengan bekas Timbalan Perdana Menteri, Datuk Seri Anwar Ibrahim. Maka tak hairanlah selepas Abu Zahar terpilih selaku Ketua Menteri Melaka mengadakan kunjung hormat ke pejabat Anwar Ibrahim.

SOKONGAN

Sebaliknya selepas Anwar Ibrahim dipecah dalam kerajaan cepat-cepat pada Abu Zahar mengalitkan sokongan tanpa berbelah bagi kepada kepimpinan Dato' Seri Dr Haji Mahathir Mohamed. Hakikatnya semua tahu pendirian atau pihak mana menjadi idola Abu Zahar sebelum ini.

Dewasa ini kepimpinan UMNO negeri Melaka seolah-olah mengulangi sejarah kepimpinan zaman kesultanan Melayu Melaka sekitar tahun 1400 terkenal dengan budaya adu domba, fitnah menfitnah, cantas mencancas dan sebagainya. Malah terdapat sesetengah ahli UMNO negeri ini 'makan hati' dengan tindakan atau pilih kasih Abu Zahar.

Permasalahan politik dalam UMNO Melaka turut melanda Pergerakan Wanita UMNO negeri ini.

ini. Wanita UMNO Melaka dibentak semakin malap dan tidak aktif di bawah kepimpinan ketuanya, Ramliah Mohd Abas lebih banyak terperngaruhi dengan idea atau pandangan isteri ketua menteri PROTOKOL.

Tambah pula isteri ketua menteri Melaka merupakan Penerangan Wanita UMNO Bohorjan Jasim. Maka tidak hairanlah di segi protokol cakap isteri ketua menteri Melaka lebih 'power' daripada Ramliah Mohd Abas gagal menyatukan Wanita UMNO negeri ini.

Perhubungan Wanita UMNO Melaka juga sebagaimana di dakwa sering mengadakai mesyuarat tak cukup korun apabila terdapat satu, dua ketua wanita bahagian hanya menghantar wakil menghadiri mesyuarat. Kenalah pucuk pimpinan Wanita UMNO mengkaji bentul tindakan bersesuaian mengelakkan sikap ketua wanita bahagian suka ponteng mesyuarat.

Kita tidaklah bermasalah menejang semua pergolakan politik UMNO negeri Melaka. Tambah pula UMNO sendiri sudah mempunyai para peguam sendiri. Dalam hal politik dalam UMNO Melaka, kita tapak dia buat kajian dahulu. Kita hanya bincang perkara atau topik menjadi isu hingga segelintir ahli UMNO negeri ini. Manakala tahu UMNO Melaka akan menempa sejarah menyaman media suka memulakan isu di negeri ini.

MENTADBIR

Sebelum itu kenakah pucuk pimpinan negeri itu mengkaji, menelaah atau 'menutup mulut' segelintir ahli UMNO negeri suka menghebahkan politik dalam negeri ini keluar. Peperiksaan Melayu ada mengatakan 'kalau tak ada angin, masakan pokok bergoyang'. Kalau pucuk pimpinan Melaka bijak mentadbir politik UMNO negeri ini, kita percaya tiada ruangan rungutan atau kritikan berhubung soal kepimpinan negeri ini.

Mafangnya terlalu ramai ghoairah otak gelojoh mencari populariti menjelang pilihan raya akan datang. Baik pemimpin wanita dan lelakinya sibuk melobi menjadi calon wakil rakyat pilihan raya akan datang. Dalam hal ni, tak usah kita mengeruhkan keadaan dan men-



Mudah-mudahan bila Datuk Harris tengk gambar ini, dia mulai insaf. Jangan ingat semua benda kekal. Setiap yang bermula pasti akan berakhir. Dan yang hidup pasti akan mati. Paling penting bagi seorang pemimpin adalah meninggalkan nama yang baik. Susah nak cari pemimpin politik yang baik macam Tun Said Keruak, Tun Mohd Fuad dan Tun Mustapha. Mereka yang pernah menjadi Ketua Menteri dan TYT ini sentiasa bermurah hati dan tidak sombong dengan rakyat. Harta dan wang ringgit yang banyak tidak ada gunanya kalau tidak ada hati yang mulia, sekadar bermegah dengan pangkat besar, rumah besar, kereta besar dan ego besar. Kita harapkan Harris kembali ke pangkal jalan. Bersatulah, bubar saja BERSEKUTU dan bersama membantu BN. Kita semaiakan semangat perpaduan. Kita doakan supaya Harris jadi TYT selepas Sakaran Dandai. Harris nak apa lagi, sudah jadi Ketua Menteri dan tokoh korporat bertaraf dunia, harta berbilion ringgit? Yang belum dia dapat hanyalah penghormatan dan kasih sayang dari rakyat Sabah. Masih ada masa lagi, berfikirlah.

Dipetik dari buku Sabah Kepada Siapa Hendak Diserahkan? (1999)

Pada Pilihanraya Februari 1999 lalu, **Haris Salleh** dikalahkan oleh **Yong Teck Lee**. Semua kerusi yang dipertandingkan atas nama parti Bersekutu di seluruh kawasan pilihanraya Sabah turut menemui kekalahan yang teruk. **Itulah akibatnya angkuh dan sombong.**

**MAHATHIR MOHAMAD
(DILEMA MELAYU)
VS
SHAHNON AHMAD
(SHIT)**

m

enulis bukanlah satu kerja yang susah sangat. Apa yang susahnya nak menulis. Kalau di zaman dulu, ambil sahaja kalam dan kertas kajang dan tulislah apa yang terlintas di dalam fikiran. Tapi lazimnya orang Melayu sejak dari zaman Kesultanan Melaka lagi tidak berapa suka menulis perkara yang serius. Kalau tulispun cuma surat cinta sahaja. Sebab itulah bahasa Melayu ini indah dan sedap dibaca. Tak percaya cuba baca surat-surat pemerintah zaman dulu ataupun sultan-sultan Melayu kepada penjajah Inggeris. Bahasanya cukup cantik, lembut, padat dan tepat.

Tapi itu tulis surat. Tulis buku lain lagi. Lebih susah dan tidak ramai orang Melayu yang pandai ataupun sanggup menulis buku, apatah lagi buku yang serius. Ia memerlukan keberanian dan kebijaksanaan. Nyawa jadi taruhan. Maka tidak hairanlah kalau tidak banyak sejarah Melayu yang dicatatkan menerusi buku-buku yang ditulis sendiri oleh orang Melayu kecuali beberapa buah buku seperti *Sejarah Melayu* karya Tun Sri Lanang.

Penulis Melayu tidak menjadikan penanya sebagai **mata pedang**. Mereka terlupa bahawa pena yang menjadi racun itu boleh meruntuhkan satu kerajaan yang besar. Umpamanya, pena yang digunakan oleh Karl Marx untuk menghasilkan buku *Das Kapital*, telah menghancurkan sistem monarki dan menukarkannya dengan sistem komunis.

Keadaan penulis Melayu ini berbeza dengan para penjajah Inggeris yang datang ke Tanah Melayu. Kebanyakan mereka itu mencatatkan secara peribadi apa yang berlaku. Mereka menyimpan diari dan mencatakan setiap perkara yang berlaku termasuk bergaduh dengan isteri sekalipun. Oleh itu, tidak hairanlah sekiranya banyak fakta-fakta mengenai sejarah Melayu yang ditulis hari ini berdasarkan buku-buku catitan peribadi harian milik tokoh-tokoh penjajah seperti Francis Light, Stamford Raffles, Frank Swettenham, J.G. Davidson dan lain-lain. Nak harapkan sultan-sultan dan orang-orang besar Melayu, mereka tidak menyimpan buku catitan harian.

Di antara zaman kejatuhan Melaka hingga ke zaman pra kemerdekaan, memang terdapat ruang kosong dalam dunia penulisan. Tidak ramai penulis-penulis yang lahir selepas Malayan Union. Tapi ketika memperjuangkan kemerdekaan barulah muncul segelintir penulis-penulis dan penyair. Di antara mereka itu ialah Pak Sako Ahmad, Boestaman, Keris Mas, Tongkat Waran dan lain-lain lagi yang menggunakan pena mereka untuk membawa kesedaran kepada bangsa Melayu melalui sajak, rencana, cerpen dan novel. Tapi malangnya bila sudah merdeka, penulis-penulis ini tidak lagi menggunakan pena mereka untuk tujuan tersebut tetapi lebih menitikberatkan **sastera** yang menceritakan perihal dan pengalaman masyarakat dari satu zaman ke satu zaman yang lain. Begitulah yang berlaku sehinggalah merdeka dan berlakunya Peristiwa 13 Mei 1969.

Waktu itu seorang doktor perubatan dari Kedah yang juga merupakan ahli Majlis Kerja Tertinggi UMNO telahpun menyumbangkan rencana-rencana berupa kritikan sosial dan politik di akhbar *The Strait Times* sejak awal tahun 1940-an lagi. Kritikan-kritikannya memang pedas. Walaupun ketika itu dia tidak mempunyai apa-apa jawatan politik dan tidak terlibat secara aktif dan langsung dengan UMNO dan juga politik, Mahathir telah memberikan pandangan dan menyampaikan pendapat dan kritikannya tanpa "*fear or favour*".

Selepas peristiwa 13 Mei 1969 itu, Mahathir mula menulis surat terbuka yang mengkritik pentadbiran

Tunku Abdul Rahman yang ketika itu masih menjadi Perdana Menteri. Tunku murka dengan surat layang Mahathir, akibatnya dia telah dipecat dari menganggotai Majlis Kerja Tertinggi UMNO dan malah dari UMNO sendiri. Waktu inilah Mahathir tidak ada kerja lain selain daripada merawat pesakit-pesakit di Klinik Maha miliknya di Alor Star, Kedah. Dan sewaktu menjadi orang terbuang inilah Mahathir menghasilkan bukunya **Dilema Melayu**. Buku tersebut meletup dan menjadi *instant success*. Tapi malangnya belum pun ramai orang Melayu yang berkesempatan membaca buku yang ditulis di dalam bahasa Inggeris itu, apatah lagi merenungkan secara serius apa yang ditulis oleh Mahathir di dalamnya, buku tersebut telah diharamkan oleh kerajaan Tunku Abdul Rahman. Kontroversinya menyamai novel **SHIT** karya Shahnon Ahmad hari ini.

Tapi memang sudah menjadi tabiat manusia suka pada *benda-benda* yang haram. Yang diharamkan itulah yang nak dicarinya. Akhirnya, haram tak haram, ramailah orang Melayu yang sudah curi-curi membaca buku **Dilema Melayu** dan buku **SHIT** tapi tak ramai yang mahu membuat perbezaan di antara buku yang ditulis oleh seorang Doktor Perubatan dengan buku yang ditulis oleh Doktor dan Profesor Persuratan. Mereka tak nampak bahawa Shahnon ingin jadi jaguh di bidang persuratan.

Ramai yang beli kerana takut buku itu akan diharamkan nanti. Kalau sudah diharamkan susah pula nak dapat. Bila ramai orang bercakap maka ramai yang membeli dan jadilah ia '*Malaysia Bestseller*'. Dan yang

paling mereka nak tahu ialah pasal perkataan, "PM", tapi tak berani sebut, kerana kalau sebut nanti novel ***SHIT*** - novel jijik jadi novel ***PM***.

Dilema Melayu yang ditulis oleh Mahathir Mohamad berjaya menanamkan kesedaran kepada orang Melayu walaupun mereka marah kerana terdapat begitu banyak kritikan yang pedas terhadap keburukan dan kelemahan di dalam minda dan diri orang Melayu. Tetapi akhirnya ia jadi ubat. Biarpun Mahathir gagal untuk menanam ke dalam minda orang Melayu bahawa Melayu itu Islam dan Islam itu Melayu, namun Mahathir berjaya menghidupkan satu generasi ***Melayu Baru***. ***The new Malays with new image*** dan berwawasan. Berbeza pula dengan ***SHIT*** yang lebih membusukkan lagi keadaan. Susah nak faham kerana bahasanya yang menjijikkan dan memuaskan. Cerita pasal najis, siapa tak geli. ***Nak muntah, you!*** Kalau beginilah caranya, macam mana pendekar Shahnon nak mengalahkan "*the international bouncer*". Shahnon fikir mentang-mentanglah dia sudah berada di peringkat seorang ***tokoh***, maka apakah dia merasakan dia boleh melekeh-lekehkan ketokohan orang lain? ***Sepandai-pandai tupai melompat akhirnya jatuh ke tanah juga***. Dengan Mahathir, kalau tak cukup ilmu, jangan lawan. Tak pasal-pasal nanti karyawan dan tokoh sastera ini lenyap di ambang senja sebelum Mahathir.

Di dalam bab ini Pak Habib cuba menjelaskan perbezaan di antara Dr. Mahathir Mohamad dengan Dr. Shahnon Ahmad dari segi penulisan kerana yang

Shahnon bantai ini pun penulis juga dan kebetulan pula Pak Habib ini masih lagi menjadi Presiden Penulis Politik Malaysia. Jadi referee, tak salahkan. Siapa pun tidak dapat menafikan yang Mahathir berjaya mengubah minda dan sikap orang Melayu supaya berfikiran besar. Shahnon Ahmad pula sebagai seorang tokoh telah membusukkan minda Melayu melalui karyanya yang cuma boleh difikirkan oleh segelintir seniman saja. Shahnon yang digelar seorang **tokoh** dan diberi pengiktirafan sebagai Sasterawan Negara dan Profesor Emeritus, sepatutnya tidak **menggelabah**, tak kelam-kabut bila kena tegur. Belum apa-apa sudah jadi tikus.

Kasihan tak pasal-pasal Datuk Abdullah Hussien, sasterawan negara, jadi mangsa. Abdullah Hussein mengatakan apa yang difikirkannya. Itu hak dia sebagai seorang penulis. Begitu juga dengan Datuk Ismail Hussein dan mereka yang tak berdosa di dalam GAPENA dikutuk dan dibelasah. Dia marah GAPENA kerana menitikberatkan persatuan saja. Shahnon terlupa dengan sumbangaan dan khidmat bakti Ismail Hussein di dalam mengangkat martabat bahasa Melayu dan yang memperkenalkan dunia Melayu yang jauh lebih besar daripada usahanya yang sekadar menulis novel. Berani tanggunglah, janganlah bila kena bantai, awak bantai balik semua orang. **Tokoh** apa namanya itu?

Menurut Zainal Mohd Jais, di dalam akhbar *Prihatin* melalui artikelnya yang bertajuk ***SHIT : Antara Bebelan Tidak Bermoral Dan Satu Implikasi Sasterawan Dangkal***, antara lainnya Pak Habib petik untuk renungan

kita bersama dan agar kita dapat menentukan siapakah yang sepatutnya digelar **tokoh** dalam dunia penulisan, Mahathir atau Shahnon? :

Barangkali bagi kebanyakan orang sastera ukuran kredibiliti seorang sasterawan ialah sejauh mana keupayaannya, kreativitinya, dalam mereka dan menyusun kata-kata dan plot serta insiden dalam satu ruang yang dianggap sebagai sebuah karya kreatif. Jika dari aspek tersebut, orang itu menunjukkan keupayaan dan keberkesanannya, ditambah pula jika sikap dan karya-karyanya seiring dengan 'arus perdana - sastera', di samping beberapa ciri remeh seperti konsistensi dalam berkarya dan longgokan karya yang banyak, maka dengan mudah orang ini akan diangkat atau dinobatkan sebagai tokoh dalam bidang tersebut.

Soalnya disini ialah, jika benarlah demikian, sejauh manakah tanggapan dan ukuran tersebut benar, mencukupi dan tepat. Barangkali satu hal yang kurang diberi perhatian ialah bahawa ada beza yang besar di antara kita mengangkat sebuah karya dan mengangkat seorang tokoh. Dan seorang tokoh nasional itu pula misalnya haruslah dinilai daripada perspektif atau kacamata kualiti serta moral masyarakat, budaya, bangsa dan negara sendiri, yang walau bagaimanapun tidak membatasi malah mendorong wibawanya di peringkat internasional.

Biasanya ada dua hal pokok yang mahu dilihat dalam menilai seseorang individu yang mahu diangkat sebagai tokoh. Pertama, tentang apa yang dibuat dalam bidangnya. Keduanya tentang dirinya itu

sendiri. Apa yang dibuat dalam bidangnya, kalau dalam konteks sastera misalnya, merangkumi hal-hal seperti apa sumbangan besarnya kepada sastera dan masyarakat. Sejauh mana karyanya yang dianggap besar atau dibesar-besarkan itu mewujudkan anjakan paradigma dalam masyarakat atau negara, atau paling minima pun sejauh manakah karyanya merangsang fikiran masyarakat ke arah makna yang positif?

Kedua, tentang dirinya sendiri itu bermakna, seseorang individu yang dianggap hebat dalam bidang yang diceburinya, tetapi bobrok, rosak atau tidak santun, dari segi keperibadian (apatah lagi daripada perspektif Melayu) tentu tidak sesuai dilihat atau diangkat sebagai tokoh. Harus diingatkan bahawa seorang yang diangkat sebagai tokoh itu akan menjadi *role model*, atau barangkali juga idola, dalam bidang dan dalam masyarakatnya.

Apatah lagi karya sastera itu selalunya dilihat bukan saja sebagai cermin kepada masyarakat, malah menjadi wadah untuk mendidik, membangkitkan kesedaran dan ransangan pemikiran, yakni ke arah satu kesan yang positif. Lantas, semakin jelas di sini bahawa seorang tokoh yang mahu diangkat dari segi keupayaan untuk menjadi *role model*.

Bagaimanapun, beberapa hal yang melanda dunia sastera dan tokoh-tokohnya akhir-akhir ini boleh menimbulkan keraguan terhadap sejauh mana benar, telus, tepat dan menepati pilihan dan pengiktirafan kepada sasterawan yang bergelar tokoh di negara ini. Perdebatan secara meluas dalam media dan dalam masyarakat tentang lahirnya sebuah karya bertajuk

SHIT yang dihasilkan oleh Shanon Ahmad yang sudah bergelar tokoh. Seharusnya diperpanjangkan ke arah topik - sejauh manakah telus dan tepatnya kerja-kerja kita mengangkat seseorang yang kemudiannya digelar seorang tokoh sasterawan.

Tidak ramai yang mahu menghabiskan pembacaannya terhadap SHIT. Kalau ada pun yang menghabiskan pembacaan adalah untuk melihat pemikiran pengarangnya dan mahu membuat kupasan tentangnya - maknanya secara memaksa diri lebih teruk daripada itu barangkali ramai yang berhenti membaca selepas ayat yang pertama seperti juga Dato' Abdullah Hussein.

Seseorang sasterawan tulen yang berkeupayaan mengupas aplikasi secara kritis hal dan persolan di luar dirinya lewat karyanya. Sensitif harus boleh menghidu dan melangkau jauh ke dalam denyutan nadi dan perasaan bangsanya, malah lebih dari itu juga merentas ke dunia luar bangsanya sendiri. Idea dan sentuhan perasaan terhadap hidup dan kehidupan, alam dan kemanusiaan, harus versatile dan universal. Sebarang kongkongan fikiran, perasaan, kepercayaan dan anutan (selain dari Tuhan) dalam menghasilkan karya akan hanya menjadikan dia sebagai sasterawan dangkal dan akan menurunkan darjatnya, jika dia sudah bergelar tokoh.

Implikasi kedua ialah tentang kemungkinan dunia sastera kita juga sebenarnya tidaklah sebesar mana, tetapi telah dicanang dan diperbesar-besarkan sedemikian rupa sehingga kelihatan begitu besar, malah terkadang kita terasa 'bunyi gendangnya'

macamlah sastera kita itu bertaraf dunia, sedangkan realitinya, dalam saiz ruang bangsanya yang sekecil ini pun ia masih di tahap survival, terkadang ia tergantung kepada subsidi atau kerana diberi ruang, peluang atau ganjaran.

Malay Dilemma atau **Dilema Melayu** telah berjaya mengubah minda Melayu yang telah ditanamkan sebagai hamba. Di zaman penjajah Inggeris, surat-surat ditanda tangani dengan perkataan "*I am your obedient servant, Sir.*" Sebab itulah orang Melayu berjiwa hamba. Anak-anak orang Melayu cuma pergi sekolah Melayu sahaja. Ada yang cuma belajar lagu "*Verasamy, Veramuthu. Dua orang kuli hindu, pagi-pagi cari kutu*". Kalau tak percaya tanya Datuk Usman Awang yang baru saja dinobatkan anugerah sebagai Sasterawan Agung oleh Dr.Mahathir Mohamad.

Kalau ada anak-anak orang Melayu yang bersekolah Inggeris macam Mahathir sebelum Perang Dunia II pula mereka akan diajarkan lagi "*Ba... Ba.. Black Sheep, have you any wool. Yes Sir, yes sir, three bags full. One for my master and one for my dame...*". Akhirnya orang Melayu yang dijadikan '*bloodyfool*'. Itu dulu, waktu semua orang boleh menipu orang Melayu, tapi hari ini tidak lagi.

British memberitahu orang Melayu mesti ada **tuan**. "Tuan" ada tapi **Ketuanan Melayu** tak ada. Tuan kepada orang Melayu cuma Tuanku. Sistem pendidikan atau lebih tepat lagi Pak Habib sebut sebagai jiwa atau falsafah dalaman pendidikan yang diperkenalkan khusus untuk

orang Melayu adalah mudah. Setinggi manapun mereka belajar, akhirnya mereka akan tetap menjadi **hamba**. Tapi Mahathir menjadikan Melayu sebagai tokoh korporat, ahli perniagaan yang bertaraf global dan di zaman Mahathir, orang Melayu bangga jadi ahli perniagaan dan bukan lagi hamba yang makan gaji. Mahathir berjaya mempengaruhi orang-orang Melayu untuk mengikut sunnah Nabi. Tetapi kalau ada yang hendak jadi kaki kelentong, penipu, pencuri, takkan itupun nak salahkan Mahathir. Sendiri punya diri, sendiri tanggunglah.

Di samping itu pendidikan Inggeris yang mereka terima menjadikan mereka sebagai Mat Salleh celup. Mereka bangga bertuankan orang putih. Cakap mereka, pakaian mereka, cara hidup mereka adalah cara orang Barat. Yang tak Barat dan tak British cuma bila mereka makan nasi dengan sambal belacan dan mesti ada cencaluk, jering, petai dan budu. Pangkat saja besar tetapi jiwa kecil. Jiwa tetap macam hamba. Nak tahu dia Islam, disunatkan (khatan) kahwin cara Islam, mati dikebumikan di perkuburan Islam. Tapi perubahan yang dibawa oleh **Dilema Melayu** bukan saja politik tapi ekonomi juga ditentukan oleh orang Melayu. Melayu jadi tuan. Bangsa yang dihormati di dalam dan di luar negeri. Bolehkah Mahathir disamakan dengan kepala tahi yang busuk lagi membusukkan sedangkan sumbangannya terhadap agama, bangsa dan negara amat besar? Jadi kalau nak bergaduh dengan Mahathir, gaduhlah tapi jasanya janganlah kita lupakan seperti kata pepatah panas setahun, hujan sehari.

Lord Macauley dalam satu catatannya berkata:

"Demi membentuk satu golongan orang-orang perantaraan di antara kita dan jutaan manusia yang kita takluki; satu golongan manusia pada darah dan warna kulitnya sahaja India tapi kehidupan, citarasa, pendapat, moral dan sifat inteleknya tetap Inggeris."

Kalau dulu orang Melayu cuma mampu naik kapal layar sahaja, selepas 1969, dan selepas membaca buku **Dilema Melayu** yang ditulis oleh Mahathir, orang Melayu disuruh bermiaga. Mungkin sebab itulah Tun Razak dan rakan-rakannya memilih simbol "*dacing*" untuk Barisan Nasional. Bila pilihanraya umum pertama diadakan selepas Majlis Gerakan Negara dan waktu itu Mahathir pun sudah diterima kembali ke pangkuhan UMNO, maka menanglah "*dacing*". Maka dengan kemenangan itu ramailah orang Melayu yang bermiaga. Pak Habib masih ingat lagi dari 10 orang Melayu yang Pak Habib jumpa, 9 akan bercakap pasal bisnes. Ada yang mengaku menjalankan bisnes **import eksport**, ada yang kata buat **trading**, ada yang mendakwa buat *supply*, kontrak dan macam-macam. Tapi yang jelas ramai yang bermiaga makan pucuk pangkal lesap. Yang jenis Ali Baba pun ramai. Malangnya Ghafar Baba selaku pengurus MARA pada ketika itu tidak dapat nak buat apa-apa. Ghafar sendiri pun terpaksa menghadapi bankrupsyi, nasib baik ada Mahathir.

Bila Mahathir jadi PM pada 1981, buku **Dilema**

Melayu tidak diharamkan lagi. Mahathir ajar orang Melayu macam mana nak gunakan "dacing" kerana sebelum itu orang Melayu tak pandai gunakan dacing. Bila timbang berat sebelah. Untung RM100 belanja RM200. Modal RM100,000 berniaga kedai runcit. Hari ini Melayu berniaga main juta-juta, tak pakai lagi modal sendiri, pakai modal bank. Maka insaflah kita. Jangan bila kita menyukai seseorang maka kita menyanjungnya melangit sebaliknya bila kita marah dengan orang tersebut, maka kita letakkannya di tempat yang lebih busuk dan lebih hina daripada tahi. Inilah budaya yang mesti dihapuskan dalam kehidupan orang Melayu. Tengok apa jadi pada Anwar? Apakah setiap kali orang yang jatuh tersembam, kita beramai-ramai memijaknya dan menghinanya atau kita lari jauh-jauh. Jangan kita jadi seperti kura-kura, sebelum pokok tumbang dan tegak berdiri, kura-kura memandang tinggi sebaliknya bila pokok itu tumbang dipijaknya pokok itu.

Hari ini selepas 18 tahun Mahathir jadi PM, orang Melayu sudah terlibat dalam semua bidang perniagaan termasuk perniagaan yang besar-besar. Bercakap pasal perniagaan besar teringat Pak Habib pasal umrah dan haji. Hari ini orang dah tak naik kapal layar pergi haji, orang naik kapal terbang. Cakap pasal haji mesti cakap pasal Hamid Othman kerana dia menteri haji. Siapa nak naik haji tanpa izin dan belas ikhsan Hamid tak boleh naik haji. Tunggulah lima atau enam tahun baru Tabung Haji izin. Kalau tidak, mati tak sempat naik haji. Mahathir juga kena tanggung dosa ini kerana yang jadi pengurus Tabung Haji, Datuk Ahmad Razali bin Ali itu adalah adik iparnya.

Kerajaan Arab Saudi cuma memperuntukan kuota 20 ribu orang untuk jemaah Islam Malaysia menunaikan haji setahun dan 200 ribu untuk jemaah Indonesia dan 60 ribu untuk jemaah negeri China, sedangkan jemaah Indonesia dan China tidak menggunakan sepenuhnya kuota yang diberikan. Jadi apalah salahnya sebagai kawan baik dengan mereka yang berkuatkuasa menguruskan jemaah-jemaah haji di Arab Saudi dan yang bertanggungjawab memberikan kuasa penuh kepada Tabung Haji, Hamid Othman meminta jasa baik kawan baiknya itu untuk menambahkan kuota jemaah haji Malaysia kepada 50 ribu, bukannya banyak sangat. Pak Arab tu baik. Lagipun Arab Saudi dah miskin, hidup hasil dari haji dan umrah. Duit minyaknya habis diberi pada Amerika.

Apalah engkau ni Mid, nak makan seorang saja. Kasihlah peluang orang yang buat bisnes *travel* agency nak hidup sama. Ini tak, semua penerangan dan kuota haji kau nak kontrol, mana orang Islam tak marah. Kasihlah peluang orang lain cari makan sama.

Inilah yang menyebabkan logo "dacing" sudah berada di ambang senja kerana pemimpin politik pisahkan perniagaan dari agama. Orang hendak mengerjakan rukun yang lima pun kena sembah Hamid Othman, manalah PAS tidak bertambah kuat dan tambah berpengaruh dan di sana sini rakyat bangun menuntut keadilan kerana dalam diri ahli-ahli perniagaan tiada lagi **roh Islam**. Walaupun ramai orang Melayu yang sudah kaya dan mengukir nama di bidang perniagaan bertaraf

korporat tetapi masih ramai lagi peniaga Melayu yang *kais pagi makan pagi*. Kenapa masih ramai yang gulung tikar? **Dasar Ekonomi Baru (DEB)** tidak mencapai matlamatnya kerana tak adanya *roh Islam*.

Mahathir ketika menulis buku *Dilema Melayu* terlupa teori yang disampaikan oleh Einstein. **Agama tanpa sains pincang dan sains tanpa agama adalah buta.** Sebagai contoh PAS dan ulamanya tahu agama saja, tapi kurang pengetahuan tentang ekonomi dan tak dapat menguasai pembangunan material yang amat diperlukan untuk mentadbir negara. Tak boleh hidup dengan ceramah dan politik saja tanpa ekonomi. Manakala Mahathir serta pengikutnya pula tidak mengambil berat tentang hal-hal yang berkaitan dengan kerohanian. Maka inilah yang terjadi bila manusia hidup dalam **politik buta, perniagaan buta**, disebabkan tiada basirah. Matahati hidup bila ada semangat jihad fisabilillah. Mereka cuma tahu tentang dirinya saja, tidak orang lain. Mereka jadi *selfish* dan *self-centered*, hidupnya hanya nafsu nafsi saja. Yang penting mereka dan puak meraka saja yang hidup. Siapa nak mampus, mampuslah. Itu bukan soal mereka. Mereka terlupa tentang tanggungjawab terhadap Tuhan dan terhadap sesama manusia. Tetapi disebabkan hati kering mereka yang sukar untuk menghulurkan kasih sayang terhadap makhluk selain daripada dirinya saja, maka yang kaya bertambah kaya dan yang miskin bertambah miskin.

Mereka yang tak ada **roh Islam**, perangai mereka samalah macam pengikut Yahudi seperti yang di

kisahkan oleh Shakespeare dalam *The Merchant of Venice*. Maka pincanglah masyarakat Melayu Baru.

Ini mungkin antara sebab kotornya dan busuknya perut mereka yang menjadi kronis. Tak kiralah kronis Anwar mahupun kronis Mahathir, langsung tidak muh beri orang lain hidup. Sistem kekayaan dikuasai oleh nominees yang menjadi lintah darat kepada rakyat. Hidup mereka ini lebih busuk dan kotor macam tahi yang ada dalam perut. Inilah yang Pak Habib maksudkan di dalam buku terakhir siri trilogi politik Pak Habib, "*Mahathir Di Ambang Senja*". **Semuanya tanpa roh Islam sudah jadi shit tapi Shahnon tak tolong buatkan jamban atau korekkan lubang supaya tahi PM ini ditimbus dan ditanam cepat-cepat.** Kelemahan Shahnon tak tunjukkan jalan bagaimana hendak keluarkan manusia '*Melayu Shit*' yang berada di dalam kekotoran ini, tapi sekadar mencari dan menunjukkan kesalahan. Bagilah kepala tahi PM ini "Broelex" atau julap supaya dia tercirit-birit dan keluarkan semua shitnya sekaligus. Apa punya tokoh sasteralah dia ni?

Memang bangsa kita memerlukan penulis yang berani dan penulis bebas yang merdeka fikirannya, bukan penulis yang hanya pandai mengampu tapi sekali-kala sapu juga. Tak salah Shahnon nak bantai siapa saja pemimpin tetapi biarlah gunakan bahasa yang mudah difahami oleh semua orang. ***For heaven sake, please don't play with shit, you talk like an Americanlah.*** Tak payahlah pakai bahasa-bahasa kiasan yang lebih menusuk dari bahasa biasa.

Kalau setakat berkarya untuk majalah dan akhbar milik parti sahaja lebih baik jadi '*petisyen writer*'. Kalau asyik bantai saja **mereka** yang tak sama ideologi dengan kita, Tuhan pun marah. Yang betul kita kena beri **kredit**, kena **puji** biarpun musuh kita. Yang salah tetap salah, tak kira sesiapapun. Selagi boleh bantai, bantailah. Tok Guru Nik Aziz pun dah bagi lesen agung, kita boleh mencarut.

Sebab mana ada tok sheikh dan ulama kita yang bertaraf bijaksana, yang telah menulis kitab-kitab seperti penulis di zaman Imam Shafie atau seperti Al-Ghazali. Kasihan, mahu tak mahu mereka terpaksa berpaut dan berbangga dengan **tahi kering** Shahnon yang busuk melantung atau terikut-ikut **Dilema Melayu** hingga terlupa pentingnya masalah Dilema Islam yang ada dalam diri orang Melayu. Apakah sesudah sampai ke peringkat begini punya teruk bila najis dalam perut dah dijadikan sebuah karya seni, kita masih tidak sedar yang kita telah tersesat begini punya jauh. Alahai Melayu ..! Kasihan ... masih tak mahu menukar sistem pendidikan. Sudah terang nak suluh apa lagi. Tokoh Negara yang bertaraf Profesor Emeritus yang masih dikenali sebagai cendikiawan pun, lebih banyak menimbulkan masalah daripada menunjukkan jalan keluar bagaimana mahu menyelesaikan masalah.

Assalamualaikum!



IMAN AGUNG... Sasterawan Negara, Dr. Usman Awang
juga dikenali sebagai Tongkat Warrant malam tadi dilantik sebagai
Seniman Agung kerana menghargai sumbangan besar beliau dalam
perkembangan sastera tanah air.

Tak dengan itu beliau menerima hadiah penghargaan yang disampaikan

Panduan Menteri, Datuk Seri Dr. Mahathir Mohamad.

Hadiah tersebut disampaikan sempena Malam Puisi Usman Awang

anjuran Kumpulan Utusan dengan kerjasama Dewan Bandaraya Kuala Lumpur (DBKL).

Pengerusi Eksekutif Utusan, Tan Sri Kamruzzaini Ariffin dan timbalannya Senator Datuk Zainuddin Maidin turut hadir bersama dengan Sasterawan Negara, Danuk A. Samad Said, Datuk Hishammuddin Tun Hussein, Datuk Nordin Razak dan penyanyi Siti Nurhaliza.

● DR. MAHATHIR menyampaikan plak penghargaan Utusan kepada Dr. Usman Awang di Malam Puisi Usman Awang di Auditorium DBKL, malam tadi. (Berita dimuka 2)

MASSA

MINGGUAN

Al-Arqam kembali..

Anwar Ibrahim
sebagai Jose Rizal?

Kegairahan remaja
sebagai pemilih

SHAHNON

Pencarut
atau
Pengkarya?



TIADA KONSPIRASI MAHATHIR - Harounperancis

oleh Norzali Idris Kepd.

DARI MUKA DEPAN

Seperi buku politik lainnya, Harounperancis Kembali Da masih terperangkap dengan gaya penulisan penulis-penulis politik diketahui antaranya S.H. Alattas. Bahasannya mudah dilahami mengikuti aliran bahasa masyarakat kelas bawah. Di hadi dengan caption melalui ilustrasi lukisan hasil tangan Harounperancis sendiri. Antara caption bakal menimbulkan kontroversi dalam buku setebal 256 halah.

"Di jalan Tuanku Abdul Rahman ada tan kedai Magnum? Tanya Tuanku Kata Pak Ahir jalan Tuanku Abdul Rahman dia apa yang tau ada sebut dia pondan tua ayam tua sebelah Hotel Kawloon ada karaoke tempat Frankie bawak Tan Sri Khalid Yaakub menyanyi diketahui oleh Mahathir lalu terus dipindahkan ke RTM nyanyialah dua puas. Apa yang ada dalam dunia semuanya ada di sini Tuanku Abdul Rahman akan syurga dimulah kata kan" (Muka 234).

"Dua hari sebelum Anwar ditangkap saya dengan sahabat saya Haji Zainuddin Aziz Arjas Murtala pergi menuju Anwar. Anwar memeluk saya dan memberitahu melah sahabat Sudah dan senang bersama. Anwar raja pembohong saya pergi menemui mereka kerana rasa yang

sangat simpati. Apa perbuatannya sekali pun itu urusan dia dengan Tuhan. Saya pernah dengan Datuk Nazri nak jumpa dia di Langkawi dia ian Sahabat apa?" (muka 249).

"Nenek moyangnya ber asal dari Afghanistan. Beramat-amat. Tapi takut kalau dia tuhu dia akan mati. Dia hanya berani sebab dia tidak tuhu kalau dia tuhu mencecah 50 Dalil dia macam ini yang tidak dapat apa-apa fadah tentu dia tidak tulis. Dia sangka Mat CB akan bayar dia pampasan. Mat CB maki dia. Puji Anwar maki Mahathir. Padam muka Mahathir" (Lukisan potret Khalid Jati. Muka 252).

"Benarkah Ahmad Bahari tertangkap dalam bilik hotel jika benar UMNO perlu siasat supaya UMNO tidak dituduh tidak adil apakah Dr Mahathir hukir. Ahmad Bahari masih penting dalam UMNO? Ini masalah pemimpin kecil pemimpin Selangor pandang. Datuk Sulaiman Samad nampaknya ada peluang" (Muka 258).

Buku Harounperancis Kembali Da menyingsing sejarah penerbitan "50 Dalil Kenapa Anwar Tidak Boleh Jadi PM" tulisan Khalid Jati memulakan kerjaya di akhbar Utusan Melayu sehingga berjaya menumbangkan pemimpin nomor dua negara,

Ros Latif
Utama 24 Julai 1999

Anwar Ibrahim Sekaligus menghumbangkan Anwar Ibrahim di Penjara Sungai Buloh

Melalui buku ini, Harounperancis menyindir kawan baiknya, Datuk Paduka Ibrahim Ali di muka 19 berbunyi,

"Sahabat saya Ibrahim Ali adalah seorang tular politik yang nomadic in nature. Telah berkali-kali berpindah randah dari satu parti ke satu parti. Sering pula terlantur cakap sebagai mana dia pernah terlantur kata nak cuma penggung Dr Mahathir kalau dia meninggalkan Semangat 46

dan masuk UMNO semula."

Mesej yang ingin disampaikan oleh Harounperancis melalui buku terbarunya bahawa tidak konspirasi politik Dr Mahathir ingin menjatuhkan bekas timbalannya, Anwar Ibrahim. Semuanya gara-gara atau sikap Anwar Ibrahim ingin meluaskan pengaruh politiknya.

Dapatkan nasihat buku Harounperancis Kembali Da dipasaran O



Christians pray for country, leaders

N.S.T. April 9-99

JOHOR BARU, Thurs. — Almost 5,000 Christians from 30 churches of all denominations marched through the city on a "prayer walk" to pray for the well-being of the nation and the country's leaders.

Called "Prayer Walk for the Nation", the procession consisted members of Christian churches carrying banners and placards as a show of Christian unity as they upheld the nation in prayer.

The procession was organised in conjunction with the three-day sixth biennial national conference of the Christian Federation of Malaysia which began on Tuesday.

It is the first joint procession by Christian groups in Peninsular Malaysia representing Catholic, Protestant and independent Christian churches.


The walk involved English, Chinese, Tamil and Bahasa Malaysia-speaking Roman Catholic churches, the Council of Churches in Malaysia, the National Evangelical Christian Fellowship and other church groups here.

The culmination of the procession, which started from St Joseph's Primary School at 4pm, was a joint worship and prayer session which was held at the MBJB indoor stadium in Jalan Tebrau at 8pm.

The CFM, incorporated in 1986, is a consultative body that represents all Christian communities and works with Government and non-Government religious and secular organisations on matters of common interest.

The CFM conference here was attended by over 170 church leaders from the country.

The churches have also allocated RM30,000 to be channelled towards designated charitable organisations, including the JE Humanitarian Fund.



PRAYER WALK ... Christians marching through Johor Baru yesterday.

PANDANG, LIHAT DAN PERHATI

Pandang, lihat dan perhatikan dengan akal fikiran dan hati, apa yang akan kita pandang? Menung dan fikirkan baik-baik. Ada ke bezanya perkataan antara **tenung** dan **pandang**? Atau **lihat** dan **perhati**? Jawapan ini akan anda dapati apabila anda mula berfikir? Apakah yang lebih penting dalam hidup ini selain dari diri anda dan kehidupan itu sendiri? Anda tidak akan tahu apa itu kehidupan beragama jika anda tidak mempelajari apa itu agama.

Dalam berfikir manusia mencari dan menemukan Tuhan iaitu mengenal asal-usul kepercayaan (agama); seperti yang diselidiki dan dipelajari oleh ilmu antropologi budaya. Maka perkembangan kepercayaan dalam fikiran manusia, iaitu dari Tuhan banyak menjadi Tuhan tunggal, Tuhan Yang Maha Esa.

Sebagai masa transisi di antara Tuhan banyak yang bersifat menonjol dari segala-galanya. Dan yang bersifat menonjol ini dijadikan mereka Tuhan sembahana (pujaan) dalam hidupnya.

Dalam ajaran Islam, selamanya punya prinsip bahawa Tuhan itu bersifat maha tunggal, maha Esa, tidak pula beranak atau diperanakan dan tiada pula yang bersekutu dengan-Nya. Dan Dialah tempat kita memohon dan meminta apa saja yang kita hajati. Kerana segala-galanya yang ada di atas muka bumi ini mahupun di langit adalah milik mutlak Allah SWT, termasuk roh dan jasad kita. Manusia yang tidak mengakui keesaan Tuhan, disebut Allah, telah melakukan syirik (menyekutukan-Nya).

Kita ini tiada apa-apa. Kita kosong maka janganlah nak bidaah, nak mengada-ngada. Kita tak lebih dari pemegang amanah. Kita ini alat saja, alat Tuhan. Itu sebabnya kita kena tahu bagaimana caranya untuk berbakti dan beribadat kepada-Nya. Bukankah kita sudah berjanji di dalam syahadat, apapun kita tak ada. Kosong. Zero. Kita naik saksi bahawa tiada Tuhan yang disembah melainkan Allah dan kita berjanji akan turut dan taat segala perintah melalui RasulullahSAW dalam apa jua keadaan pun. Sebaliknya kita penipu, bila dapat kuasa sikit kita dah mula "*bedooh*" - pinjam perkataan loghat orang Pahang. Kita pisahkan agama dari politik lain, berniaga lain, agama lain.

Bila kita berniaga, kita pisahkan agama dengan perniagaan. Kita bohong dan tipu orang. Kita kata kita tak jual arak dan babi. Tapi macama mana pula dengan kedai-kedai buku yang menjual buku-buku cetak rompak atau

kedai-kedai kaset termasuk gerai pasar malam dan kaki lima yang menjual kaset cetak rompak? Cuba lihat apakah mereka ini orang Islam atau orang bukan Islam. Kalau nak kata Melayu pun tak serupa Melayu. Cuma nama saja Melayu tapi tak Melayu.

Dulu memang ramai orang bukan Melayu dan bukan Islam yang buat kerja cetak rompak buku-buku Melayu, termasuk buku-buku agama. Tapi mereka ini dah tak cetak rompak buku lagi, kerana untung cetak rompak buku ini bukanlah sebesar cetak rompak CD ataupun software komputer.

Hari ini, rata-rata kerja haram yang terkutuk ini diambilalih oleh orang Melayu dan orang bukan Melayu yang mengaku Islam. Daripada tukang pengeluar modal untuk mencetak buku, pencetak, pengedar dan penjual buku, semuanya terdidi daripada mereka ini.

Bila terbit saja buku-buku politik yang popular dan laris macam goreng pisang panas kerana melanyak Mahathir, menghentam kerajaan dan mendesak UMNO atau yang mengatakan kerajaan UMNO sebagai penyamun harta benda rakyat, maka mereka pun turut sama bersetuju dan mempromosikan lagi buku-buku cetak rompak. Tapi mereka sebenarnya tidak perasan bahawa mereka lah yang sebenarnya penyamun, pencuri, perompak, penipu dan penyangak masyarakat yang paling besar, paling merbahaya dan paling serius. Lain kali kalau anda nak beli buku-buku Pak Habib atau penulis-penulis politik lain, tanya dulu, buku asli atau buku *pirate*. Pak Habib, tak fikir anda yang mahu membaca demi mencari kebenaran merelakan diri menjadi

pirate. Cukuplah mereka saja yang menjadi *pirate* dan bersubahat mengeluarkan idea dan modal, mencetak, mengangkut, mengedar dan menjual barang-barang pirate. Takkan anda pun nak turut sama selaku pembeli dan pengguna barang-barang pirate. Hari ini ramai yang tak dapat apa-apa manfaat dari buku-buku yang dibaca kerana ia diperolehi dengan cara yang tak halal. Tak halal itu, haramlah. Haram itu hukumnya berdosa. Takkan ini pun orang Islam tak tahu.

Janganlah tanya Pak Habib sama ada Pak Habib halalkan atau tidak mereka yang telah membeli naskah cetak rompak buku-buku Pak Habib. Tapi apa yang Pak Habib nak ceritakan ialah sebagai pengarang dan penerbit, keuntungan yang Pak Habib dapat adalah jauh lebih kecil daripada keuntungan yang disapu oleh mereka yang mencetak rompak buku Pak Habib, yang mana satu sen pun pengarang dan penerbit tak dapat. Setelah menolak komisyen 30% untuk kedai, 20% untuk mengedar, yang tinggal untuk Pak Habib cuma 50% sahaja. Setelah tolak kos filem, kos mencetak, kos mengedit dan kos-kos lain, apa yang Pak Habib dapat akhirnya tak sampai 20%. Itupun bukannya tunai.

Kebanyakan taukeh kedai buku dan pengedar buku di Malaysia ini adalah jenis Islam yang bukan Melayu, dan ada yang nak kata bukan Islam pun susah sebab dalam kedai ada tergantung segala macam ayat Al-Quran. Kebanyakan mereka ini juga terlibat di dalam perniagaan pengurup wang. Tak hairanlah kalau wang hasil jualan buku-buku itu hanya akan diperolehi oleh Pak Habib setahun kemudian, itupun secara beransur.

Kalaular amalan ini tidak dikesan, tidak diambil tindakan dan tidak dicekup oleh orang-orang Megat Joned, Pak Habib rasa sampai bilapun industri buku yang melibatkan minda Melayu tidak akan berkembang. Bila kita pisahkan agama dan perniagaan, maka kerana itu kita rasa tak berdosa. Kita terlupa wang itu haram. Tapi kita sanggup memberi anak isteri kita makan dengan menipu dan menganiayai kaum seniman yang cuba menghidupkan industri pemikiran yang boleh menyelamatkan agama dan bangsa serta negara. Hendak jawab apa di depan Allah di Padang Mahsyar nanti?

Pengakuan kepada keesaan Tuhan ini, dalam ajaran Islam diterapkan dalam '**Rukun Islam**', yang disebut syahadat Tauhid. Pengakuan dan persaksian tentang keesaan Tuhan ini sebenarnya sudah diucapkan oleh manusia pada saat Roh-nya masih dalam genggaman Allah SWT.

Pada waktu Roh akan dikeluarkan menjadi manusia di dunia ini, pada waktu bayi berusia 120 hari dalam kandungan ibunya, Tuhan mengutus malaikat Mikail memasukkan Roh ke dalam jasadnya. Sebelum roh ini dimasukkan, ia mengadakan perjanjian terlebih dahulu dengan Allah SWT. Isi perjanjian itu ialah 'syahadat tauhid':

"Asyhadu anlaa ilaaha illallah."

"Saya bersaksi dan berjanji, mengakui tidak ada Tuhan melainkan Allah"

Tujuan mengucapkan pengakuan perjanjian ini, agar supaya setelah menjadi manusia di dunia, ia (roh) akan tetap mengingatkan dan melaksanakan janji pengakuannya dengan Allah pada waktu di alam arwah, alam roh. Tapi bila sudah

keluar ke dunia, yang disembah ialah manusia, yang disembah ialah wang, kuasa dan pangkat. Sepatutnya didalam hati hanyalah Allah SWT. Duit ringgit ini tak patut simpan dalam hati. Ini semua daki dunia. Kalau nak hidup bahagia di dunia jadikan taraf duit ringgit di letakkan di bawah tapak kaki sahaja dan bukannya dijunjung di atas kepala. Tipu saudara mara, tipu adik beradik, tipu kawan semata-mata untuk nak kaya. Bila mati duit tak dibawa masuk ke dalam kubur.

Sambil kita **pandang** kebesaran dan kekuasaan Tuhan untuk menambahkan ilmu pengetahuan seperti yang kita belajar dalam sifat dua puluh tentang agama Allah. **Wujud** ertinya ada. Kita kena yakin dan percaya bahawa Tuhan yang kita sembah, Allah itu ada. Bila kita percaya Tuhan ada maka mustahil yang ada itu boleh tidak ada. Tuhan bukan macam coklat yang sekejap ada dan sekejap tidak ada. Tuhan sentiasa wujud di mana-mana. Tiada tempat yang Tuhan tidak ada. Dan tidak ada tempat yang Tuhan ada di situ saja, misalnya di masjid dan di surau. Tuhan sentiasa wujud di alam maya ini. Tuhan itu Maha Besar dan Maha Berkuasa. Mana boleh kita pisahkan dengan politik. Tuhan itu paling dekat dengan kita, lebih dekat dari urat merih. Macam mana waktu kita buang Tuhan itu, tiba-tiba nyawa kita kena cabut. Alangkah ruginya hidup ini. Hidup dalam Islam, mati sebagai kafir.

Macam kita tengok matahari pagi, walaupun kita tidak nampak matahari kerana tersembuni tapi matahari itu tetap ada kerana kita nampak dan merasakan cahaya matahari itu ada di mana-mana. Tidak ada cahaya matahari macam mana

pohon boleh hidup dengan subur. Itulah dalil adanya Tuhan dan kita.

Jangan lupa bahawa Allah itu Maha Mengetahui, Maha Bijaksana, Maha Pemurah lagi Maha Mengasihani. Maka jangan cuba-cuba nak tipu Tuhan, nak berlagak macam Tuhan, nak arah semua orang ikut sunnah kita konon, pi lah! Jika kita kenal diri kita maka kita akan kenal Tuhan kita. Segala-galanya menjadi mudah dengan kudrat dan **iradah**-Nya.

Marilah kita kenal diri dan kenali Tuhan kita.

Datuk Seri Dr. Mahathir Mohammad hari ini mengingatkan umat Islam di negara ini jangan hanya pandai menyebut Islam itu sebagai **Ad-din** tanpa mengamalkan nilai, cara dan ketertiban yang dituntut Islam dalam kehidupan seharian.

Perdana Menteri berkata bahawa sering disebut bahawa Islam adalah **Addin** atau cara hidup tetapi ia "*tinggal di mulut sahaja*" sedangkan ibadat yang diamalkan tidak sedikitpun mempengaruhi cara hidup umat Islam.

Salah satu punca kegagalan orang Islam ialah kerana segala nilai mulia yang terdapat dalam ajaran Islam diketepikan sementara ibadat juga diasingkan daripada cara hidup seharian.

Sejarah sudah pun membuktikan bagaimana empayar Islam yang penuh kegemilangan suatu masa dahulu hancur dengan mudah apabila para pemimpinnya mengenepikan

nilai-nilai mulia yang terdapat dalam cara hidup umat Islam kerana gilakan kuasa dan kemewahan hidup.

Dr. Mahathir Mohamad berkata:

"Saya menyebut perkara ini sebagai latar-belakang kepada perlunya kita semua dalam pentadbiran awam dan swasta memahami akan pentingnya nilai dalam menjayakan atau menggagalkan kita"

Beliau berkata demikian ketika berucap merasmikan Seminar **Penerapan Nilai-Nilai Murni Dalam Perkhidmatan Awam** di Institut Kefahaman Islam Malaysia (IKIM) pada Jumaat 27hb. Januari 1995.

Anda akan terkejut tiba-tiba saja Pak Habib memetik ucapan Dr. Mahathir mengenai **Addin dan Islam**. Ada apa-apa ke? Apakah kerana kita marah pada Mahathir, kita tak akan mendengar kebenaran yang diucapkan oleh beliau? Nak jadi pemimpin mana boleh emosi, kena rasionallah sikit.

Kita perlu ingat, cakap mestilah serupa bikin. Dulu Mahathir lain, sekarang pun lain. Biasalah tu. Anak sungai lagikan berubah, inikan pula manusia. Sudahlah. Tak perlulah kita nak jadi macam Shanon Ahmad, setiap muka surat dalam novel kontroversinya **SHIT** menggunakan perkataan "PM". Akhirnya "PM" yang dimaksudkan terkena batang hidung sendiri. Dia pun ada '**mak' juga. Dan semua yang cakap pasal "PM" pun keluar dari mulut "PM" juga. Cukuplah tu!



Sabda Rasulullah SAW :

"Ada dua golongan manusia; Jika baik kedua-duanya, maka baiklah manusia. Jika rosak kedua-duanya, maka rosaklah manusia; iaitu ULAMA dan PEMIMPIN."

DULU LAIN, SEKARANG LAIN

Siapakah **umara** ataupun pemimpin yang menjadi harapan umat dewasa ini? **Umara** ada berbagai-bagai jenis, ada yang dilantik melalui pilihanraya (pemimpin politik), ada **umara** - *'King'* atau Raja yang asalnya dulu entah siapa dan ada yang diterima kerana kekuatannya (pemimpin tentera) seperti Presiden Indonesia, Sukarno dan Suharto.

Kepimpinan merupakan nikmat dari Allah untuk segelintir manusia. Tidak semua manusia dilahirkan dengan kebolehan untuk memimpin walaupun dia anak seorang Perdana Menteri atau bekas Menteri seperti Hishamuddin Hussein Onn dan Hamid Albar. Islam mengiktiraf kedudukan dan kelebihan **pemimpin** dan menyuruh kita supaya taat kepada mereka tapi ada syaratnya. Biar bagaimana pun seseorang pemimpin tidak akan menjadi mulia hanya kerana dia seorang pemimpin.

Firman Allah SWT : "*Sesungguhnya orang yang paling mulia di sisi Allah ialah mereka yang bertaqwa*".

Taqwa adalah darjat yang lebih tinggi daripada pemimpin, raja dan sultan, baik di dunia maupun di akhirat. Namun apa yang menarik, sifat kepimpinan adalah satu nikmat yang boleh digunakan sebagai alat untuk mencapai darjat taqwa. Inilah kelebihan yang sepatutnya disedari dan digunakan oleh mereka yang dipilih sebagai pemimpin di negara kita hari ini. Kalau kita nak memperbetulkan keadaan kegawatan ekonomi, sosial dan mengubati barah yang dialami oleh masyarakat kita hari ini, maka kita haruslah kembali ke jalan yang hak, jalan **sirattul-mustaqin**, iaitu jalan lurus yang telah ditunjukkan oleh Nabi SAW. Ini dilakukan dengan memperbaiki akhlak. Jangan pilih 'cicak mengkarung' yang bergantung semata-mata pada nama bapak dan keturunan sebagai ketua.

Sejarah Islam telah memaparkan dua jenis pemimpin yang menerima Islam dan yang memusuhi Islam. Mereka yang menerima Islam, terbukti telah menjadi pejuang yang baik, dan bagi yang menentang, mereka menjadi musuh yang paling menyusahkan pemimpin dan pemerintah seperti Muawiyah bin Abu Suffian dan keturunannya.

Kebangswanan, harta, wanita dan kuasa selalunya beriringan. Siapa raja dia adalah berkuasa. Namun *hakikatnya*, semua **raja** adalah hamba yang hina-dina di hadapan Allah SWT. Oleh itu, raja-raja yang bijak akan menggunakan nikmat itu untuk berbakti kepada Allah dengan berbuat kebaikan sesama manusia terutama rakyat yang seagama dengan mereka. Harta, kuasa dan pengaruh, semuanya

dikorbankan untuk Allah. Mereka yang tidak angkuh, sompong, kejam, tamak, bengis dan pemarah inilah yang menjadi raja di dunia dan 'raja' di akhirat. Sayangnya, hanya sedikit daripada raja-raja yang pernah berkuasa di dunia ini berjaya berbuat demikian kebanyakan hidup dalam keadaan bodoh sompong. Di antara mereka yang baik itu ialah Gautama Buddha dan Ibrahim Idham, tokoh sufi Islam. Mengapa?

Sebabnya, raja-raja sangat terdedah kepada ujian dunia. Bukan mudah untuk membebaskan diri daripada tipu daya dunia. Apalagi jika ia telah melimpah ruah di tangan dan menyebabkan mereka terlupa bahawa kekayaan itu tidak lebih dari **daki dunia** yang boleh mengakibatkan pelbagai masalah kepada manusia. Bukankah kekayaan itu adalah satu amanah. Tidak anda perhatikan apa yang telah terjadi kepada mereka yang telah pecah amanah seperti Qarun, Namrud dan lain-lain lagi. Begitu juga dengan diktator zaman moden, Marcos, Sukarno, Suharto, Shah Iran yang mengumpul kekayaan dan menyimpannya di luar negara tapi hidup hina-dina seperti dalam neraka. Rasulullah SAW bersabda : ***Dunia adalah kepala segala kejahatan''.***

Lebih mudah untuk tidak mencintai dunia semasa tidak ada, daripada ketika ia sudah berada dalam genggaman. Umar Al-Khattab menangis ketika dibawa ke hadapannya mahkota Maharaja Parsi, lantas berkata: "***Sesungguhnya aku takut perkara-perkara inilah (harta) yang akan menjauahkan kita dengan Allah''.***

Menjadi orang miskin yang *sabar* adalah payah, namun menjadi orang kaya yang *syukur* jauh lebih payah. Ini

disebabkan manusia sering lupa apabila diuji oleh nikmat dibandingkan daripada diuji dengan bala.

Ulama perlu menjadi penasihat kepada raja. Ertinya, ulama mestilah menjadi "*the man behind the curtain*" dalam mempengaruhi, mendidik dan menasihati Raja-Raja, Perdana Menteri atau Menteri Besar. Jangan asyik pergi dan bacakan doa yang panjang dan sedap didengar saja. Dan kadangkala ulama perlu memberi amaran dan peringatan kepada raja-raja untuk melaksanakan kehendak-kehendak Allah. Akibat ulama sendiri sudah rosak akhlak maka Raja dan keluarganya yang menerima padah.

Pada zaman kegemilangan Islam, raja-raja sering didampingi oleh ulama-ulama yang ikhlas. Masih basah dalam ingatan kita bagaimana indah dan menyentuhnya dialog-dialog keramat antara Saidina Jaafar bin Abi Talib dengan Maharaja Najasyi. Dan masih terpahat kukuh dalam hati setiap orang Mukmin bagaimana hebat dan berwibawanya surat-surat yang diutuskan oleh Rasulullah SAW kepada maharaja-maharaja dunia dan Raja-raja yang cuma tinggal nama saja, tak berdaulat mahupun berkuasa. Ambillah ikhtibar kerana Mahathir dan seluruh sistem yang ada ini semuanya sudah berada di ambang senja. Buku ini adalah sebagai peringatan yang terakhir buat semua.

Ingatan, didikan dan tiupan angin kesedaran dalam surat-surat Rasulullah SAW dan kata-kata Jaafar At-Tayyar itu tidak sedikitpun dicemari oleh kepentingan-kepentingan dunia. Tidak ada unsur "membodek" dan dalam masa yang sama ia tetap mengekalkan rasa hormat-menghormati. Langkah-langkah inilah kemudiannya menjadi panduan dan

ikutan ulama-ulama yang mengelilingi Umar Ibnu Abdul Aziz, Salehuddin Al-Ayubi, Muhammad Al-Fateh dan sultan-sultan Islam yang agung dalam sejarah. Di belakang mereka itu sentiasa ada *ulama ul amilin*!

"Sesiapa sahaja di kalangan pemerintah, apabila mati dalam keadaan menipu rakyatnya, nescaya diharamkan syurga untuknya."

Imam Auzai pernah berkata :

*"Wahai Amirul Mukiminin! Sesiapa yang benci kepada **kebenaran**, sesungguhnya ia benci kepada Allah. Kerana sesungguhnya Allah itu **benar** lagi **membenarkan**. Hendaklah Tuanku tegakkan kebenaran dan keadilan ke atas rakyat. Tutup aurat (keaiban) mereka. Janganlah di kunci pintu rumah Tuanku, atau mengadakan hijab (penghalang) di antara Tuanku dengan mereka. Hendaklah Tuanku bergembira dengan nikmat yang mereka terima, tetapi bersimpati dengan musibah yang menimpa mereka".*

"Wahai Amirul Mukminin!" Urwah bin Ruwain berkata: "Pernah Rasulullah memiliki pelepah kurma yang digunakan untuk bersugi hingga menakutkan kaum munafik. Kemudian turunlah Jibrail bertanya: Hai Muhammad! Apakah pelepah kurma ini engkau gunakan untuk menghancurkan atau menakutkan hati umatmu?"

"Wahai Amirul Mukminin! Relakanlah dirimu dengan dirimu! Dan carilah keamanan daripada Tuhanmu!"

Gemarlah kepada syurga yang luasnya seluas langit dan bumi".

"Wahai Amirul Mukminin! Sesungguhnya jika sesebuah kerajaan yang sebelummu itu kekal, nescaya ia tidak akan sampai kepadamu. Begitu jugalah, ia tidak akan kekal di tanganmu atau sesiapa sahaja".

Peringatan seperti ini sebenarnya hanya berani disuarakan oleh ulama yang mempunyai kekuatan jiwa yang luar biasa dan bekerja kerana Allah SWT. Dalam suratnya kepada khalifah itu, Imam Auzai menyambung :

"Wahai Amirul Mukminin!" Rasulullah SAW bersabda:

"Setiap pemerintah akan dibawa pada hari kiamat dengan tangannya dirantai ke leher. Ia hanya dapat dibuka oleh keadilannya. Ia diberhentikan di atas titian sirat di atas neraka yang akan bergerak dengan suatu gerakan yang akan menghilangkan seluruh anggota daripada badan. Kemudian ia dikembalikan. Lalu dihitung amalannya. Kalau ia dahulu berbuat baik, nescaya ia lepas dengan kebaikannya. Kalau ia dahulu berbuat jahat, nescaya pecahlah titian itu, lalu ia terhumban ke dalam neraka tujuh puluh kharif (jarak masa setahun)."

Contohnya, pada zaman pemerintahan Khalifah Al-Walid yang sukakan bangunan cantik, minat rakyat ketika itu pun kepada seni bina. Pada zaman Khalifah Sulaiman yang sukakan perempuan dan arak, minat dan perbualan rakyatnya pun berlegar sekitar perempuan dan arak. Namun, pada

masa pemerintahan Khalifah Umar Ibnu Abdul Aziz yang warak dan beramal soleh, tindakan rakyat jelata pun ikut ke arah amal soleh.

Sebenarnya **ulama ul amilin** ditindas dan ada di antaranya dibunuh atau terpaksa menyembunyikan diri daripada raja-raja. Yang tinggal hanya ulama cinta dunia yang bersifat sebagai 'orang gaji' kepada tuannya (Presiden dan Perdana Menteri). Hakikatnya merekalah yang menjahannamkan Ketua Negara, rakyat dan negara keseluruhannya. Sabda Rasulullah SAW: "*Ada dua golongan manusia, jika baik kedua-duanya, baiklah manusia dan apabila kedua-duanya rosak, rosaklah manusia, iaitu ULAMA dan PEMIMPIN.*"

Ulama mempunyai tugasnya yang tersendiri sebagaimana yang dikehendaki oleh Islam. Tugas **ulama** (fuqaha) seperti Imam Malik dan Imam Abu Hanifah bukanlah mendemokrasikan Islam atau menyeru umat mengundi parti. Kepimpinan Islam telah memperlihatkan sultan memerintah rakyat sedangkan para fuqaha menasihati sultan walaupun mereka sendiri ada ketikanya diseksa oleh pihak atasan dalam menjalankan tugas menasihati tersebut.

Pepatah Melayu ada mengatakan "*lain hulu lain parang, lain dulu, lain sekarang*". Memanglah "*dulu lain, sekarang lain*". Dulu dan sekarang dah tak sama lagi.

Mari kita imbas kembali peranan ulama yang pernah melaksanakan tugas dengan amat berkesan oleh Tok Ku Tuan Besar di Terengganu pada satu ketika dulu. Apakah

kena mengena cerita beliau dengan politik hari ini? Pak Habib bawa semula cerita ini kerana ulama hari ini adalah kesinambungan dari Tok Ku dulu, cuma caranya saja yang berbeza. Yang satu menentang penjajah (British) secara berdepan manakala yang satu pihak lagi ulama PAS dituduh bersekongkol dengan kuasa luar dan menggunakan Islam untuk mendapatkan kuasa politik.

Ulama-ulama yang digunakan oleh pemimpin sepatutnya tidak menyembah ego pemimpin jika mereka mahukan penghormatan. Penghormatan bukan kerana jawatan tetapi kerana kekuatan pegangan kepada ajaran Tuhan supaya berani berkata benar. Ulama yang menjadi tok-tok guru tidak meminta dirinya disembah kerana berjaya mempengaruhi manusia lain melalui imej agama yang ditampilkan oleh mereka dalam buku *ULAMA TERENGGANU* oleh Muhammad Abu Bakar :

Awal kurun ke-20 di Terengganu menyaksikan perkembangan agama yang agak penting di negeri itu, sebahagian darinya adalah lanjutan dan ekoran daripada perkembangan sebelumnya. Ulama, dari Tok Ku Pulau Manis hingga Tok Ku Paloh, jelas berperanan besar mewujudkan keadaan ini. Pembabitan sosial mereka, terutama sekali menerusi pergerakan dan amalan Tarikat, telah membawa kepada pemulihan Islam. Pengamalan ibadat Islam, seperti solat, puasa dan zakat, turut sama mengalami pengukuhan dalam proses peningkatan pengajaran dan pembelajaran Ilmu Tasawuf. Kesan protes mereka terhadap pengenalan sistem dan institusi penjajahan seterusnya merupakan faktor utama yang telah membangkitkan keghairahan bergerak menentang kemungkaruan dikalangan masyarakat. Mereka menolak dan menentang

pemupusan nilai-nilai dan norma-norma tradisional, khususnya berkaitan dengan rangka hubungan di antara rakyat dan pemerintah.

Berhubung dengan pengaruh Tok Ku Paloh, Hugh Clifford pernah berkata :

"Terengganu for many years was an important centre of religious learning in the peninsula and Islam tenaciously defied British political control until 1920's"

"The capital has never been without an Ungku Syed of whom has inherited from his predecessor a high reputation for sanctity and the magic powers which are ascribed by the more superstitious Mohammadans to men who lead a saintly life".

"The saint lives secluded in the retirement of a shady-steeped village. He is rich in flocks and herds, loves his fruit-groves and his flowers, is surrounded by a number of youths who sit at his feet and run quickly to his bidding, and weekly he preaches after the Friday congregational prayers to throngs of devotees. The sainthood has been passed down from father to son almost since the beginning of things. A far from usual knowledge of the Muhammadan Scriptures, a gift of ready speech, a vast display of ostentatious piety, a certain asceticism of mien, are the saint's stock-in-trade. The imagination of the people, aided by the saint's own genuine and unbounded faith in his claims to sanctity, accomplish the rest".

Sebagai guru dalam masyarakat tradisi dan sebagai alim keturunan Syed, penghormatan terus diterima oleh Tok Ku Paloh. Beliau sentiasa mendapat persembahan dan hadiah

dari pada orang ramai. Beliau juga mempunyai ramai pengikut yang kebiasaannya bertindak sebagai pembantu kepadanya. Keadaan seperti ini bukan suatu ciri luar biasa dalam masyarakat berinteraksi dengan seorang "Tuan Guru" yang mereka anggap keramat itu. Hugh Clifford dalam sebuah bukunya memperihalkan dengan sinis dan prasangka kehidupan Tok Ku Paloh seperti yang disebut sebelum ini.

Cerita tentang ulama dulu dan sekarang, banyak Pak Habib alami melalui pengalaman hidup sendiri terutama kisah-kisah ulama dari Tok Ku Paloh hingga ke Tok Ku Pulau Besar di Terengganu, kerana keluarga ibu Pak Habib berasal dari Terengganu dan Pak Habib sendiri pernah menetap di sana.

Kepada anda yang pernah membaca buku-buku Pak Habib terutama *Lima Raja Terakhir* (1990) dan *Revolusi Istana Dan Rakyat* (1989) tentu masih ingat lagi cerita bagaimana Tok Ku Paloh yang telah menyebabkan kerusik kerusi melekat pada punggung-punggung pegawai British yang datang untuk berunding dengan Almarhum Tok Ku agar dibenarkan menempatkan seorang Penasihat British di Terengganu. Begitu juga dengan kisah bagaimana kapal perang British miring ke kiri dan ke kanan apabila Tok Ku Paloh menyengetkan serbannya ketika pihak British menjalankan rundingan di dalam kapal mereka.

Dulu ... dulu kalau kita sebut saja pemimpin, semua orang takut, tunduk, hormat kerana tak ada orang yang berani jadi pemimpin. Mereka tahu risiko dan dosa-dosa yang bakal ditanggung oleh seorang pemimpin. Pemimpin tidak jadi pencuri, tak jadi penyamun atau di kelilingi kronis

dan ratusan juta ringgit. Pemimpin selalunya miskin harta benda, kalau ada pun dibelanjakan untuk keselesaan rakyat.

Mereka yang ahli tentang agama pula terutama mereka yang mendalamai ilmu kerohanian, menolak sama sekali menyandang jawatan Kadi dan Mufti. Pemimpin dulu tidak lakukan kerja-kerja mungkar, menipu, beli undi, politik wang, rasuah, fitnah, menindas dan melakukan kezaliman terhadap rakyat. Ulama dulu-dulu pun tak pernah beribadat untuk **periuk nasi** atau beramal untuk mendapat penghargaan dan sanjungan. Ulama dulu melaksanakan tanggungjawab mereka *lillahi ta'ala*, mereka lakukan semata-mata untuk '*hablunminannas*' dan '*habluminnallah*'.

Ulama yang betul-betul original adalah ulama yang selain dari beramal di siang hari, bertasbih dan berdoa serta menyebut nama Tuhan di waktu malam yang gelap dan sepi. Mereka bersendirian dengan Allah. Mereka tahu hikmat-hikmat waktu malam. Ini waktu malam pun masih berlumba-lumba cari duit, cari pengaruh. Allah jadikan siang untuk manusia bekerja dan malam pula untuk manusia berehat dan beribadat kepada Allah SWT.

Maka itulah sebabnya bila Allah mahu menunjukkan kekuasaan-Nya kepada hamba-hambaNya, biasanya Allah akan memperlihatkannya pada waktu malam. Benda-benda yang ghaib selalunya dapat dilihat pada waktu malam saja. Seperti peristiwa Israq Mikraj, tentang perjalanan Rasulullah yang berlaku pada malam hari. Begitu juga dengan kisah Lailatul Qadar. Allah SWT berfirman dalam surah Al-Asr, ayat 1:

"Mahasuci Tuhan yang menjalankan hamba-Nya Muhammad pada malam hari, dari Masjidil Haram ke Masjidil Aqsa, yang telah Kami berkati sekelilinginya, supaya Kami perlihatkan kepadanya sebahagian tanda-tanda kekuasaan Kami. Sesungguhnya Allah Maha Mendengar dan Maha Melihat"

Kekecohan yang berlaku kepada masyarakat sebenarnya bukanlah satu perkara baru. Cuma dulu bentuknya lain dan sekarang lagilah lain. Kalau dulu masyarakat merasakan tertindas oleh pemerintahan penjajah, tetapi hari ini mereka merasakan bangsa sendiri pula yang menindas dan menjajah. Ambil duit dari dalam, sembunyi di luar negeri. Buat atau beli rumah di luar negara yang harganya tak tahu berapa juta. Hentah bila mereka hendak tinggal dirumah itu atau mungkin akan meninggalkan negara sendiri apabila negara ini dilanda bencana. Ini ke pemimpin namanya? Kalau dulu orang Melayu tidak bangkit untuk menuntut keadilan tetapi membiarkan masalah mereka ditangani oleh para ulama, sekarang mereka bangkit kerana sudah tidak dapat meletakkan harapan kepada ulama-ulama. Kenapa?

Kegelisahan sosial yang berkaitan dengan keagungan seperti sudah menjadi darah daging kepada penduduk negeri Terengganu ketika itu, yang sentiasa tertanam dalam jiwa mereka akan kesedaran kebangsaan yang berunsurkan keislaman. Ia telah hidup subur dari tahun 1928 lagi.

Pada awal abad ke-20 Terengganu telah muncul sebagai sebuah pusat kegiatan keagamaan yang terutama di Pantai Timur Semenanjung Malaysia. Tokoh-tokoh bestari negeri

boleh dikatakan terdiri daripada cendekiawan-cendekiawan yang dapat dikategorikan sebagai ulama.

Kalaularah Tok Ku Tuan Besar muncul sebagai pemimpin agama yang berpengaruh dalam kehidupan Negeri Terengganu pada awal dan pertengahan kurun ke-19, maka Tok Ku Paloh pula, iaitu anakanda beliau, adalah ulama yang memainkan peranan besar dalam pembentukan masyarakat dan negeri pada kurun ke-19 dan awal abad ke-20. Terengganu di bawah naungan ulama bukan saja telah berjaya mengukir sejarah sebagai sebuah pemerintahan yang kuat berorientasikan Islam tetapi juga mampu membendung pengaruh Barat yang menular ketika penjajahan British merebak di Semenanjung Malaysia.

Apakah Tuan Guru Haji Hadi Awang akan berjaya muncul sebagai penerus perjuangan Tok Ku atau dia turut mempunyai agenda politiknya yang tersendiri? Sudah menjadi tanggungjawab Pak Habib untuk menulis apa saja yang berlaku hari ini sebagai bahan kajian sejarah akan datang. Siapakah kita untuk menghukum mereka yang tak betul? Yang orang UMNO kata ulama-ulama PAS tak betul, itu ikut kayu pengukur siapa? Kayu ukur Pusat Islam? Kayu ukur Hamid Othman? Ataupun kayu ukur Ku Li?

Assalamualaikum!

8

Untuk memimpin umat Islam sepermula Rasulullah S.A.W mentauhidkan Islam, bukanlah satu kerja yang senang. Nabi SAW nak bawa satu agama dan satu kepercayaan yang bukan sahaja orang ketika itu tak tahu tapi malah menentang dengan sekeras-kerasnya. Kalau nak suruh percaya pun dah susah, apatah lagi nak memimpin umat yang degil seperti bangsa Arab Jahiliah ketika itu. Hari ini hampir semua orang Islam tahu apakah itu agama Islam dan apakah tanggungjawab mereka sebagai umat Islam. Dalam keadaan macam ini sepatutnya lebih mudahlah lagi seseorang pemimpin itu memimpin umatnya. Tapi apa yang berlaku adalah sebaliknya. Kenapa?

SIAPA PIMPIN SIAPA?

Pari ini di dunia, **manusia** nampaknya lebih mengutamakan kepentingan **berkelompok** daripada kepentingan ramai (umum), oleh itu persoalan untuk mencari pemimpin menjadi semakin rumit. Kalau nak cari pemimpin yang sekadar nak memimpin tangan, tak susah. Kita ajak main *Pak.. Pak.. Lang...* Tahu apa permainan *Pak .. Pak.. Lang..* yang dimainkan oleh kanak-kanak dulu? Begini bunyi lagunya yang dinyanyikan oleh mereka sambil berpimpin tangan semuanya menyanyi sambil berjalan mengikut orang di depan. "*Pak.. Pak.. Lang berbuntut-buntut... ayam ketik mengendong telor*" dan seterusnya. Itulah kepimpinan *Pak Pak Lang*, kepimpinan '*blind follower*'.

Mencari seorang pemimpin yang beramal soleh,

taqwa, ikhlas, berkaliber, berkarisma dan mempunyai kredibiliti sebagai seorang ketua dalam politik sekular memang susah. *No man is perfect*. Itu tidak bererti kita mesti membuang semua pemimpin yang ada seperti kita cabut semua gigi garham kita.

Sudah cabut semua gigi dan lepas itu nak pakai gigi dan gusi palsu bukannya kerja senang. Ini memerlukan pengorbanan. Gigi palsu tak akan sama dengan gigi asli. Apa salahnya kita cabut satu per satu gigi yang dah rosak, dan gigi yang selebihnya kita tampal saja kalau tak teruk keadaannya.

Untuk memimpin umat Islam seperti Nabi Muhammad SAW yang mentauhidkan Islam bukanlah satu kerja yang senang. Nabi Muhammad SAW nak bawa satu agama dan satu kepercayaan yang bukan sahaja orang ketika itu tak tahu tapi malah menentang dengan sekeras-kerasnya. Kalau nak suruh percaya pun dah susah, apatah lagi nak memimpin umat yang degil seperti bangsa Arab Jahiliah ketika itu. Hari ini hampir semua orang Islam tahu apakah itu agama Islam dan apakah tanggungjawab mereka sebagai umat Islam. Dalam keadaan macam ini sepatutnya lebih mudahlah lagi seseorang pemimpin itu memimpin umatnya. Tapi apa yang berlaku adalah sebaliknya. Kenapa?

Kebanyakan daripada kita **tahu** Islam sekadar **tahu** sahaja. Ada yang tahu tapi buat-buat tak **tahu**. Dan tak tahu pura-pura **tahu**. Berlagak macam ulama tapi perangai macam penyangak. Pura-pura warak tapi

sebenarnya "wakrak". Jenis ini yang paling teruk sebab menjadi **Ahlul Sunnah Wal Jenayah**. Merekalah yang membuatkan masyarakat Islam hari ini bercelaru dan haru biru. Inilah dia jenis-jenis **tahu sumbat**. Tahunya menyumbat dan merembat sahaja.

Sewaktu Nabi Muhammad SAW menerima wahyu untuk memimpin ummah, Baginda telah berusaha membetulkan keadaan terlebih dahulu. Amalan dan perbuatan Nabi Muhammad SAW menjadi ikutan dan **model** kepada umat di zaman awal Islam. Malah dalam tempoh 13 tahun pertama itu Nabi Muhammad SAW berdakwah dengan menekankan soal kewujudan dan keesaan Tuhan. Nabi sendiri tak tubuhkan parti politik untuk berebut kuasa dengan Abu Suffian dan kuncukunya untuk menawan dan sekaligus menjadi pemimpin di kota Mekah. Nabi tak buat undang-undang dulu kemudian baru nak berdakwah.

Nabi Muhammad SAW tidak mahukan kuasa untuk menyebarkan Islam, walaupun kuasa telah ditawarkan kepada Baginda terlebih dahulu kerana Baginda adalah Pesuruh Allah SWT. Kita yang mengaku Ahlul Sunnah Wal Jamaah, nak ikut Sunnah macam mana sebab kita masih hidup dalam sistem penjajah. Mahu tak mahu mesti tubuhkan juga parti politik. Masuk dalam Parlimen baru boleh lawan mereka yang Ahlul Sunnah Wal Jenayah. Kalau pemimpin tak nak ikut sunnah, jemaah pun tak mahu ikut juga, maka masing-masing bawa jemaah ikut sunnah Mahathir. Rujuk buku Pak Habib, *Sunnah Nabi Muhammad SAW Vs Sunnah Mahathir Mohamad D.K.* (1998).

Mengenal agama adalah dengan mengenal Tuhan tetapi sebelum itu kenal diri sendiri terlebih dahulu. Kita ini siapa? Kita inikan **hamba**, ummah tapi ummah itu apa? Kita bukan nabi, kita bukan Tuhan. Dimana janji kita "samigna wa attaqna" - aku dengar dan aku taat perintah Allah dan Rasul? Dalam Islam satu sahaja pemimpin, pesuruh Allah, Nabi Muhammad SAW itulah pemimpin kita dan dalam PAS juga cuma ada satu pemimpin dan tok guru iaitu Nik Aziz.

Tapi malangnya buku-buku yang mengajar manusia mengenal diri dan mengenal hakikat insan semuanya dilabel sebagai Syirik dan bidaah. Siapa yang mengajar dilabel sebagai sesat lagi menyesatkan. Padahal setiap orang yang mengaku dirinya Islam wajib mempelajari hal-hal yang berkaitan dengan alam ghaib, rahsia Tuhan kita yang ghaib, rahsia roh kita yang ghaib, syurga, neraka, alam kubur, roh, malaikat, semua ini adalah perkara-perkara ghaib. Tanpa ilmu kerohanian, '*the spiritual knowledge*' bolehkah kita mengadakan perhubungan dengan Tuhan? Solat dalam Islam bukanlah sesuatu yang ritual sahaja, tetapi ia memerlukan spiritual - tiga dalam satu, niat, lafaz dan perbuatan. Inilah yang akan dilakukan oleh ahli PAS bila sudah ada kuasa nanti. Pak Habib tersenyum. Baguslah tu... Kita lupakan dulu orang PAS yang sedang memancing Pak Habib.

Hari ini, Pak Habib lihat mereka yang bergelar pemimpin buat kerja terbalik. Mereka buat undang-undang dulu baru cuba betulkan keadaan. Rakyat bukan bodoh, mereka tahu undang-undang sebenarnya

diluluskan di Parlimen hanya untuk menarik lebih ramai orang memasuki kandang. Sudah ramai pengguna yang terkorban di jalan raya dan setelah ramai lahirnya golongan pengguna yang tak berhemah, barulah kerajaan nak buat Akta Pengangkutan Jalan yang baru. Itu baru satu contoh. Banyak lagi contoh-contoh yang lain. Undang-undang digubal oleh pihak-pihak tertentu yang berkuasa, maka setiap keputusan di **mahkamah undang-undang** boleh 'diubah-ubah' berbanding keputusan di **mahkamah keadilan**. Seolah-olah mereka sudah tidak percaya lagi dengan Al-Quran dan sunnah. Apakah pemimpin kita sekarang sudah sampai ke martabat "Maha Mengetahui" dan "Maha Berkuasa"?

Sebenarnya kalau pemimpin dan ulama serius untuk membetulkan keadaan ini, caranya tak payahlah bersusah payah membentuk undang-undang baru. Undang-undang yang Tuhan turunkan di dalam Al-Quran sudah cukup sempurna untuk mentadbir umat Islam sehingga Hari Kiamat. Islam adalah cara hidup yang sempurna. *A complete way of life*. Pemimpin yang tidak ada ilmu **dunia** dan **akhirat**, selalunya merangka undang-undang yang ada agenda tersembunyi di sebaliknya.

Suatu ketika dahulu, kebanyakkannya mereka yang dilantik menjadi pemimpin datang di kalangan lulusan universiti. Dan lepasan-lepasan universiti ini dianggap seorang yang hebat dan intelek. Kononnya macam manusia yang ada satu mata di kalangan manusia yang buta.

Universiti dahulu dan sekarang pun tak sama. Universiti dahulu mempunyai fungsi yang besar dalam proses pembudayaan **ilmu**. Universiti dahulu selain dari mendisiplinkan **ilmu**, penuntutnya turut didisiplinkan sama. Universiti adalah tempat berkumpulnya para ilmuan, cendiakawan masyarakat untuk bertukar pendapat dan berdebat mengenai ilmu secara berterusan tanpa sempadan dan sebarang sekatan. Kecintaan, keikhlasan terhadap ilmu diselidiki semata-mata untuk mencari **kebenaran** dan bertujuan melahirkan para ilmuan dan bukannya untuk diselit di sana sini seperti **chip computer** untuk kegunaan dan menjadi alat mencari makan. **Ilmu** adalah sebagai persiapan untuk menempoh kehidupan di dunia dan di akhirat.

Nampaknya kita mewarisi sistem pendidikan British dengan senang hati. Kita terima bulat-bulat. Kita tak selidik dan kaji sedikit pun tujuan dan nawaitu kita mencari ilmu. Kita orang Islam, maka tujuan dan nawaitu itu penting kerana kita ada Tuhan yang perlu kita taat dan akur kepada perintah-Nya. Tapi sayangnya, keutamaan kita berikan kepada pemimpin-pemimpin, ketua-ketua dan tok-tok guru dan dalam kata lain kita masih lagi melaksanakan sistem pendidikan yang diasaskan oleh penjajah.

Selepas merdeka, tidak ada usaha yang dilakukan untuk mengubah sistem ini. Dari zaman Tunku hingga ke zaman Mahathir, sudah silih berganti menteri yang dipertanggungjawabkan, tapi nampaknya masih tak berbeza. Nama kementerian pun sudah diubah, iaitu dari

Kementerian Pelajaran kepada Kementerian Pendidikan. Walaupun berbagai-bagai dasar telah digubal, namun pemikiran *ala-burung kakak tua* di kalangan generasi hari ini masih menular pada hal kita telah diperkenalkan teori '*lateral thinking*' menerusi motivasi Edward De Bono dan '*strategic thinking*' yang diperkenalkan oleh Kenichi Ohmae serta pemikir-pemikir besar dunia Islam seperti Allahyarham Dr. Ali Shariati dan Prof Murtadha Mutachari.

Dewan peperiksaan terbesar bagi manusia adalah dunia, tempat mereka menghadapi realiti kehidupan. Tetapi ramai yang beranggapan bahawa manusia hanya menghadapi saat-saat gentir peperiksaan semata-mata ketika di bangku sekolah dan pusat-pusat pengajian tinggi saja. Bagaimana dengan ujian yang sedang dialami oleh bangsa kita sendiri untuk menghadapi alaf baru? Dan bagaimana pula kita mahu menghadapi "*final exams*" di dunia, iaitu ketika di alam kubur?

Dalam hidup, daripada alam kanak-kanak hingga meningkat ke alam dewasa kita menghadapi peperiksaan. Kita bertungkus-lumus memerah otak dan keringat kerana sehelai sijil, diploma dan ijazah semata-mata sehingga tidak kira para pelajar sekolah, penuntut institusi pengajian tinggi, mahupun ibu bapa dan seluruh masyarakat menjadi begitu tertekan serta terikat sekali dengan satu demi satu peperiksaan yang terpaksa dihadapi oleh anak-anak pada zaman persekolahan sedangkan sesudah mendapat kelulusan itu, kehidupannya mereka belum tentu terjamin macam tak

terjaminnya kerusi-kerusi Menteri Besar yang suami isteri mempunyai ijazah tinggi yang bertaraf Professor. Namun di dalam keghairahan mengejar ilmu pengetahuan, banyak juga hasrat, kehendak mahupun kemahuan yang tidak tercapai dan tertunai kerana tasawwurnya tidak terungkap seperti yang digariskan oleh hadis Rasulullah SAW.

Pak Habib lihat di dalam politik pun masing-masing menjadikan **periuk nasi** sebagai agenda utama daripada perjuangan meningkatkan tahap pendidikan di negara ini. Oleh itu tidak hairanlah kalau golongan terpelajar atau the "*so called academicians*" tidak dapat berbuat apa-apa untuk mengubah masyarakat. Lima tahun jadi Menteri Besar sia-sia saja tapi ada hati nak mengangkat diri supaya dipilih ke hiraki yang paling penting dalam parti.

Mereka tidak berupaya memimpin diri sendiri, apatah lagi masyarakat. Patutkah pemimpin ini diberi kerusi sekali lagi untuk jadi Menteri? Yang paling penting hari ini, kita memberikan penumpuan terhadap **sistem** dan individu yang telah gagal dalam ujian kepimpinan. Selagi kita tidak keluar dari kepompong sistem ini yang membekukan keseluruhan fikrah kita dan kita tidak berani buang pemimpin parti yang menjadi liabiliti, maka bangsa dan agama kita akan terus terjajah.

Jika kita kembali kepada sejarah UMNO, dalam UMNO pun mereka yang memegang jawatan penting dalam parti adalah mereka yang ada kelulusan universiti.

Tunku, Tun Razak, Tun Dr. Ismail, antara tokoh pemimpin yang boleh dianggap ketua. Semuanya memiliki ijazah universiti di samping kredibiliti, integriti dan accountability.

Tapi hari ini mereka yang ada *degree*, tak kiralah sama ada yang terlibat dalam politik atau pun tidak, adalah merupakan **spesis** manusia yang berlainan. Ini kerana pada pendapat Pak Habib, kewujudan universiti hari ini tidak berjaya melahirkan individu yang berani menghadapi cabaran hidup dengan tenang dan penuh keyakinan, malah mampu berdiri teguh macam tugu dalam apa juga keadaan yang melanda kecuali mereka yang berjaya lari dari belenggu ikutan tradisi, ilmu jumud dan kempopong. Di antara mereka yang menonjol adalah Prof K.S. Jomo, Dr. Syed Hussein Ali, Professor Syed Hussein Al Attas, Chandra Muzaffar, Rustam A. Sani, dan beberapa lagi tokoh yang berani menentang arus. Mereka inilah pencetus reformasi dan revolusi minda menjelang ketibaan alaf baru yang berjaya memimpin rakyat walaupun tidak terpilih sebagai pemimpin dalam parti.

Sebenarnya apa yang kurang? Sedangkan kalau kita tengok sendiri anak-anak kita yang berada di universiti dan pusat pengajian, sukatan pelajaran saja berjela-jela, macam-macam subjek yang mereka belajar. Buku teks dan rujukan jangan ceritalah, bertimbun-timbun macam bukit. Itu tak termasuk kertas-kertas kerja, tesis, assignment, projek sini projek sana. Jadi ilmu apa lagi yang kurang? Itulah sebabnya kalau asyik mencari dan

mengejar ilmu dunia, ilmu akhirat diabaikan sama sekali. Jadi tak hairanlah kalau mereka tidak mampu memperolehi kepuasan dalaman, apalagi membimbing diri, agama, bangsa dan masyarakat. Setakat melahirkan kadi, mufti, imam atau pegawai-pegawai di Jabatan Agama saja, dan selagi Nabi Muhammad SAW tidak dijadikan idola, maka selama itulah juga dunia dan keadaan kehidupan penghuninya yang bernama manusia tidak akan berubah.

Assalamualaikum!

K

erajaan BN pimpinan Dr. Mahathir Mohamad sekarang ini nampaknya seolah-olah sudah kehilangan kekuatan moralnya. Imejnya buruk. Pelbagai instrumen dan institusi negara sudah tidak dipercayai rakyat. Bukan saja mahkamah tetapi juga pasukan Polis, Suruhanjaya Pilihanraya, Institusi Peguam Negara dan Biro Pencegah Rasuah tak pasal-pasal terlibat sama. Yang hendak dilawan ini cuma Anwar Ibrahim saja. Dengan satu pena saja Anwar boleh mati. Kenapa sampai mengarahkan seluruh jentera kerajaan untuk membunuh seekor tikus? *Pelik*

PU KANAN PU KIRI, SAPU KANAN SAPU KIRI

Nak bercakap pasal kesatuan atau penyatuan di kalangan umat Islam memang susah. Nak melaksanakannya, lagilah susah. Tengok saja apa yang sudah terjadi kepada UMNO. Sebelum UMNO mengembangkan sayapnya ke Sabah dulu dan bumiputera bukan Islam Sabah dibenarkan menyertai UMNO, UMNO dikenali sebagai sebuah parti Islam walaupun ia pragmatik dan tidak mempunyai ideologi tertentu. Rakyat Malaysia dan bahkan dunia luar yang mengenali parti itu tidak mempertikaikan slogan yang "*Melayu itu Islam*" dan "*UMNO itu Melayu*". Pelik... pelik macam peliknya, "*black is white, white is black*" tapi kerana Michael Jackson menyanyikannya maka semua orang nyanyi sama. Orang tak tahu yang Michael Jackson itu menyindir orang kulit hitam yang tidak sedar diri, nak jadi macam orang putih dan orang putih yang berhati hitam

pulak terima bulat-bulat budaya muzik orang kulit hitam dari Afrika.

Hari ini slogan tersebut sudah tidak relevan kerana keanggotaan UMNO bukan lagi seratus peratus Islam dan disebabkan adanya minoriti bukan Islam sebagai anggota, kita tidak boleh lagi bercakap pasal Islam demi menjaga hati orang bukan Islam. PAS juga sudah membuka pintunya kepada bukan Islam, apakah PAS akhirnya akan jadi macam UMNO?

Adalah mustahil bagi UMNO untuk kembali kepada identiti asalnya tanpa menimbulkan sebarang masalah politik. Kalau nak dibandingkan UMNO dengan MCA dan MIC, kita seolah-olah telah kehilangan **identiti**. MIC yang dipimpin oleh Datuk Samy Vellu boleh mendesak kerajaan bagi pihak orang India dan Datuk Seri Lee Liang Sik bagi pihak Cina. UMNO terlalu ramai, ada Kadazan, ada Bajau, ada Dusun, Bidayu, Rungus, Iranun. Nampaknya perjuangan UMNO hari ini sudah seolah-olah bercanggah dengan perjuangan asal parti itu sewaktu mula-mula ditubuhkan. Kalau UMNO dulu ditubuhkan untuk menentang Malayan Union, UMNO hari ini seolah-olah menwujudkan sebuah Malayan Union dalam bentuk yang berbeza.

Namun biar bagaimana pun, ini tak semestinya UMNO tidak boleh kembali ke pangkal jalan. Dan jalan yang terbaik bagi UMNO ialah kembali kepada *jalan yang lurus* dan *jalan yang hak*, kembali memperjuangkan **agama, bangsa dan tanah air**. Oleh kerana ajaran Islam yang sebenarnya menganjurkan kepada kebaikan, maka Pak Habib fikir tidak

mustahil bagi Bumiputera bukan Islam Sabah menerima jalan atau budaya tersebut. Mereka tidak payah diajak dan apatah lagi dipaksa supaya masuk Islam. Tapi kalau Tuhan nak beri hidayah, Alhamdulillah, yang penting orang Islam dalam UMNO buktikan pada PAS bahawa tuduhan mereka yang UMNO itu kafir adalah tidak benar. Orang UMNO mengikut Al-Quran dan Sunnah yang dibawa oleh Nabi Muhammad SAW. Dan buktikan mereka tidak ikut sunnah Tuankau Mahathir Mohamad.

Perpecahan yang berlaku di dalam UMNO hari ini sudah sampai ke peringkat yang amat destruktif. Kalau dulu ada puak-puak dalam UMNO, tetapi kehadiran puak-puak itu dan pertelingkahan mereka cuma terbatas kepada soal pendapat-pendapat tertentu. Tapi hari ini pertelingkahan antara puak ini melibatkan pembunuhan politik dan berpotensi menghancurkan UMNO itu sendiri kerana musuh-musuh Mahathir sudah masuk dalam selimut Mahathir. Ini kerana mereka tahu, "*if you cannot fight them, join them*". **Nak lawan Mahathir, nak mampus?** Dan dalam Islam ada bab yang mengizinkan taqiyyah, seperti yang dilakukan oleh Amar bin Yassir. **Dan sebagai satu cadangan untuk menyelamatkan UMNO, terutamanya UMNO Kedah, maka Mahathir mesti memilih Dr. Afifuddin Omar sebagai Menteri Besar Kedah bagi menggantikan Tan Sri Sanusi Jonid demi untuk menjaga hati orang-orang Anwar.** Kerja pancung-memancung dan menaruh buruk sangka kepada orang Anwar akan merugikan parti. Mahathir tak perlu takut dengan bayang-bayangnya sendiri. Affifuddin seorang yang baik, anak ulama dan mempunyai

pengaruh yang kuat di Kubang Pasu. Dia bukan kronis Anwar dan dia pun memang dah kaya dengan kejayaan dan kebijaksanaannya sendiri.

Kita perlukan pemimpin yang berani seperti Dr. Affifuddin Omar demi membersihkan UMNO dan menjaga nama baik Mahathir yang dikatakan seorang diktator dan maha zalim. Mahathir perlu membuktikan bahawa dia tidak berdendam malah tak pula membenci mereka yang berkata benar. Dan dia juga tak takut kepada bayang-bayangnya sendiri. Sebagai contoh, Mahathir tetap mengambil Pak Lah sebagai Timbalannya walaupun dulu, Pak Lah pernah menentangnya.

Kalau Mahathir nak cari orangnya sendiri dalam UMNO untuk dijadikannya ahli Parlimen atau ADUN di setiap negeri, nampaknya itulah tanda UMNO akan hancur. Sebab orang yang betul-betul setia dan mahu bersama-sama dengannya sudah tak ramai. Kalau ada pun mereka sudah berada di **ambang senja** macam dia juga.

Begitu juga di Perlis, Mahathir harus membawa Shahidan Kassim kembali ke Pusat. Ini kerana UMNO perlu pemimpin yang berani, berpengalaman, cerdik dan berilmu macam Shahidan. Biar pun Shahidan begitu yakin dia akan menang di Perlis dan sanggup membersihkan namanya, dicadangkan supaya Datuk Azmi pulang ke Perlis sebagai Menteri Besar yang baru. **Apapun UMNO perlu diselamatkan.** Kita memerlukan pemimpin yang berwibawa, jangan dok ikut sangat kerenah kuncu-kuncu yang nak sapu bersih orang-orang Anwar sampai ke akar umbi. Apakah mereka itu tidak mempunyai agenda yang

tersendiri? Betul ke mereka benar-benar ikhlas atau *ada udang di sebalik batu*?

Kalau kali ini UMNO sekali lagi hancur sebagaimana hancurnya UMNO lama akibat pergaduhan Team A dan Team B pada pemilihan 1987, apa pula nama yang nak kita berikan kepada UMNO yang mungkin bakal dihidupkan pada tahun 2000. UMNO (Alaf Baru)? UMNO (Wawasan 2020)? UMNO (Rennaissance)? UMNO "Tuankau"? NOMORE Malays? Atau NOMU? MU doh mampuh, padang muko MU. Cakap Terengganu sikit, "Nanti Ayok Wang, tok emboh beli buku."

Siapakah lagi yang dapat menegur dan memperbetulkan keadaan ini? Pak Habib tak fikir orang macam Abdullah Badawi berani bersuara kerana Abdullah sudah belajar dari tiga Timbalan sebelumnya. Oleh itu dia pun terpaksa bertaqiyah. **Nak hidup, brader!**

Tengok apa jadi pada Anwar yang sudah dipecat? Apa jadi bila Anwar bukan lagi Timbalan Presiden UMNO? Malah jadi ahli UMNO pun sudah tidak lagi? Dan nasib baik Zahid Hamidi yang setia kepada perjuangan Anwar dulu tidak dipecat oleh puak-puak Mahathir dan hari ini kerana nak selamatkan diri, Zahid terpaksa akur pada apa saja perintah Mahathir. **Nak hidup!** Inikan musim pilihan raya, kalau tak, kerusi melayang.

Orang-orang Mahathir sekarang ini nampaknya sudah melampau, sudah lebih, masakan atas nama parti, atas nama perpaduan, maka boleh melakukan apa saja yang mereka suka tanpa mempersoalkan salah laku Mahathir. Betulkah

Mahathir bersih? Betulkah Mahathir tak bersalah? Betulkah Mahathir dan keluarganya tidak terlibat dengan amalan kronisme dan nepotisme sebagaimana yang dibangkitkan oleh Zahid Hamidi dalam Perhimpunan Agung UMNO 1998? Kenapa dalam Perhimpunan Agung 1999 ini kroni Anwar saja yang disenaraikan? Apa jadi dengan senarai Mahathir? Janganlah nak selamatkan diri kita, nampakkan **hama** yang ada di sebalik pulau. Menara Twin Tower, KLIA dan semua projek mewah yang dimiliki kronis Mahathir, bolehkah disembunyikan di bawah ketiak? Bulu ketiak kalau disembunyikan pun orang nampak dan kalau tak nampak pun ada bau hangit. Takkannya kes Perwaja dan Bakun boleh disembunyikan begitu saja. Kalau Mahathir ada ilmu David Cooperfield, oklah. Takut tengah-tengah sembunyikan semua ini, dengan dia-dia sekali disembunyikan dek hantu. Waktu senjakala ini memang banyak hantu. Sikit punya haru nanti Kak Hasmah nak cari. Nak tanya Daim, Daim tak tahu. Tapi kalau tanya pasal duit, dia tahulah.

Kita hidup dalam sebuah negara majmuk. Kita disuruh berbaik-baik dengan semua kaum, berkongsi politik dan perniagaan. Kalau Mahathir boleh berkongsi politik dengan Samy Vellu, dengan Ling Leong Sik, dengan Iban, dengan Dayak dan kalau Mahathir boleh berkawan dengan tokoh-tokoh korporat, kenapa Tok Guru Nik Aziz dan orang PAS tak boleh? Nabi Muhammad SAW pun berkawan dengan orang Yahudi. OKlah orang-orang PAS berkawan dengan orang DAP, sekurang-kurangnya kita ada parti alternatif. Jadi orang-orang UMNO takliah sombong sangat dan ingat mereka saja yang boleh perintah negara ini. Sekarang rakyat sudah ada pilihan, rakyat dah celik dan mereka tidak mahu

hidup dalam kegelapan selepas senja. "Where got the road, brother. You story me. After you story me, I story youlah!"

Perhimpunan Agung 1999 amat menyediakan dan memalukan UMNO. Tidak ada apa-apa pun yang surprise. Kita semua kena tipu, kena **bullshit**. "You got no story, you don't bluff. Afterward people say, you one cent no use, you angry. Now you story me." **Patutkah Perhimpunan ini dijadikan gelanggang untuk membantai Anwar yang sudah dipenjarakan dan sedang menghadapi perbicaraan di mahkamah.** Ini macam punya kerja tak **gentleman**. Benda yang dah jatuh, kita pukul, kita pijak ramai-ramai. **Jangan kata orang, gajah pun mati.** Nasib baiklah Saudara Anwar Ibrahim ini ada kekuatan dalaman dan boleh tahan dengan ujian, kalau tak ke Tanjung Rambutanlah dia pergi.

Jangan terlalu ghairah nak membunuh Anwar, kita hancurkan parti, kita hancurkan negara kerana nak menyelamatkan Dr. Mahathir yang berada di ambang senja.

Pemimpin datang dan pergi. Sudah sampai masanya orang-orang UMNO yang menamakan diri mereka sebagai ahli politik menggunakan rasional, menggunakan pertimbangan akal. Janganlah cepat sangat melatah. Kalau nak mengampu boss pun, ampulah. *Pu kanan, pu kiri, sapu kanan, sapu kiri.* Jangan ingat orang tak peduli. Ingat-ingatlah, jangan libih. Ini sudah libih. Member dah tak boleh tahan. Hot! Ramai yang dah hati panas. Bukan sayang sangat pada Anwar pun. Bukan peduli sangat Anwar kena buang pun. Siapa pun jadi menteri, siapa pun jadi Perdana Menteri, penarik beca, penarik beca juga. Nelayan yang tangkap ikan

dilaut, tak boleh jadi **eksekutif**. Petani yang tanam padi jumpa menteri masa hari nak mengundi sahaja tapi jangan pijak orang yang sudah jatuh. Manalah tahu kalau Anwar 'hidup semula'. Tuhan marah kalau kita berlebih-lebihan.

Anwar Ibrahim telah muncul dalam kancang politik sekarang sebagai satu simbol perjuangan rakyat untuk mencari keadilan. Keadilan dalam pelbagai bidang kehidupan itu hanya dapat menjadi kenyataan kalau reformasi yang tulin dapat dilaksanakan di negara ini. Perjuangan yang besar, panjang dan berat pasti berliku. Penuh cabaran.

Kerajaan BN pimpinan Mahathir Mohamad sekarang ini nampaknya seolah-olah sudah kehilangan kekuatan moralnya. Imejnya buruk. Pelbagai instrumen dan institusi negara sudah tidak dipercayai rakyat. Bukan saja mahkamah tetapi juga pasukan Polis, Suruhanjaya Pilihanraya, Institusi Peguam Negara dan Biro Pencegah Rasuah tak pasal-pasal terlibat sama. Yang hendak dilawan ini cuma Anwar Ibrahim saja dan yang hendak diselamatkan pun Mahathir seorang sahaja. Yang kita semua jadi haru biru pasal apa? Kita padamkan cerita mereka berdua ni, selesailah masalah dalam negara. Dua manusia berperang menyusahkan 20 juta rakyat. Mana ada logik? Cuba fikir sendiri?

Assalamualaikum!

10

"Sesungguhnya Allah SWT telah memerintahkan kamu berlaku adil dan berbuat kebaikan dan beri perhatian kepada kaum kerabat, dan Dia juga melarang dari perbuatan keji dan mungkar dan permusuhan. Demikian Dia mengajar kamu mogamoga kamu mengambil perhatian"

(An-Nahl : 90)

SIAPA ADIL, SIAPA TAK ADIL?

Pak Habib nampak sekarang ini sudah ramai mulai sedar betapa pentingnya **keadilan**. *Raja adil raja disembah, Raja zalim raja disanggah.* Tapi Dr. Mahathir dan orang UMNO tak sukakan parti KEADILAN. Parti yang diibaratkan sebagai duri dalam daging, atau ibarat kanser dalam mata, telinga, mulut dan hati. Betul tak?

Rakyat mahukan keadilan, rakyat mahukan **kebenaran**. Hampir semua pihak terdiri daripada NGO, para belia, pelajar, wanita, pekerja, seniman, nelayan, petani, peneroka, penjaja, peniaga kecil, golongan profesional, teknokrat, tokoh korporat, termasuklah orang keparat, pencuri, penyangak, perompak dan penyamun sedar dan bercakap mengenai **keadilan**. Semuanya mahukan keadilan. Kalau tak percaya tanyalah AG Mokhtar Abdullah dan Abdul Ghani Patail.

Tapi macam mana kita hendak melihat **kebenaran** sedangkan kita buta ilmu, buta hati. Kita hidup macam katak di bawah tempurung. Ilmu yang kita dapat cuma dari mendengar ceramah-ceramah, dengar kaset dan baca suratkhabar. Satu pro-kerajaan dan yang satu lagi bersimpati dengan pihak pembangkang. Kalau kita hendakkan dunia seperti apa yang dilakukan oleh Yahudi, maka kita perlukan ilmu. Dan kalau kita mahukan akhirat dengan memerangi Yahudi yang merupakan musuh Tuhan maka kita juga memerlukan ilmu.

Ilmu dan sifat berfikir adalah syarat-syarat penting untuk perkembangan minda generasi-generasi muda hari ini. Tanpa ilmu dan keupayaan berfikir, bagaimana kita mahu menukar kerajaan dan membebaskannya dari segala unsur kekuatan dan anasir-anasir Barat terutamanya Yahudi yang telah menguasai sistem kehidupan kita dalam aspek perundangan, ekonomi, perbankan, media massa, kesenian, kebudayaan dan sebagainya.

Dr. Mahathir di majlis IKIM (Ogos 1994) menyatakan Al-Quran perlulah ditafsirkan semula untuk disesuaikan dengan zaman dan keadaan.

Tafsiran semula inilah agaknya yang menjadi punca kehancuran sistem keadilan dan keluhuran undang-undang sehingga Anwar difitnah melakukan salahlaku seks walaupun tanpa bukti syarie sehingga kini dan pertuduhan kes jenayah syariah yang dihadapinya halal dihadapkan ke mahkamah sivil.

Allah berfirman :

"Sesungguhnya Allah menyuruh kamu meletakkan amanah kepada mereka yang sepatutnya. Dan bila kamu menghukum di kalangan manusia, menghukumlah dengan adil"

(An-Nisa' : 58)

Berlaku adillah kamu. sesungguhnya ia lebih hampir untuk mencapai kepada taqwa

(Al-Maidah : 8)

"Wahai mereka yang beriman, jadilah kamu penegak keadilan, juga menjadi saksi kerana Allah biarpun terhadap diri kamu sendiri atau kedua ibu bapa dan kaum kerabat, meskipun mereka kaya atau fakir, maka Allah lebih mengetahui kedudukannya. Oleh itu janganlah kamu mengikut hawa nafsu dalam mengadili (sehingga lari dari kebenaran). Maka jika kamu memutarbelitkan kenyataan atau enggan menjadi saksi, maka sesungguhnya Allah Maha Mengetahui apa yang kamu lakukan".

(An-Nisa' : 135)

Tapi apabila kita bercakap tentang **keadilan**, ikut kayu pengukur siapa yang hendak kita ikut, Al-Quran dan Sunnah ataupun ikut syaitan yang bertopengkan manusia? Kalau jalan Tuhan dan Rasul yang dipilih, maka tidak adalah lagi

masalah pilih kasih, pilih bulu, kronisme, nepotisme dan segala bentuk ketidakadilan yang berlaku di atas muka bumi ini. Rasulullah SAW sendiri pernah berjanji jika anakandanya Fatimah Az-Zaharah yang mencuri, nescaya dipotong tangannya sebagai hukuman.

Tetapi hari ini **keadilan** dan **kebenaran** yang diituntut dan diperjuangkan hanya untuk puak-puak dan kaum kerabat mereka sahaja. Jadi tak mustahillah kalau KEADILAN yang dipimpin oleh Wan Azizah, hanya untuk memperjuangkan kebebasan suaminya, Anwar Ibrahim sahaja.

Waktu Ustaz Ashaari dan ahli-ahli Al-Arqam dianiayai, dizalimi dan dilemparkan dengan berbagai tohmahan dan fitnah, mana perginya pejuang-pejuang keadilan ini? Waktu Allahyarham Ibrahim Libya dilabelkan sebagai penjenayah dan dibunuh dengan kejam, di mana suara-suara keadilan yang lantang itu? Waktu isteri-isteri Abu Talib dipenjarakan dan 28 orang anak-anaknya yang masih menyusu ibu, berumur dalam lingkungan 2 bulan sehingga 6 tahun yang terpaksa ditinggalkan, ke mana perginya mereka yang melaung-laungkan slogan keadilan terhadap anak dan isteri mangsa, seperti yang mereka lakukan terhadap Wan Azizah dan keluarganya? Apakah kerana Anwar itu *club member*, kaum kerabat, darah keturunan, puak kita atau berada dalam satu kapal dengan kita, maka hak-haknya saja yang kita perlu perjuangkan?

Demikianlah malapetaka akibat sesuatu urusan diserahkan kepada yang bukan ahlinya (pakar), tetapi malangnya mereka yang digelar ulama rasmi atau tokoh agama pemerintah hanya bersekongkol menjadi tukang

angguk, sekalipun Al-Quran ternoda oleh pentafsir yang bukan pakar mengenainya.

Tidaklah pelik jika pengikut jadi pak turut membabi buta kerana mereka yang alim dan berjawatan tinggi ramai menjadi pengampu. Lebih-lebih lagi timbul ugutan bahawa sesiapa yang tidak bersyukur kepada kerajaan bererti tidak taat setia kepada negara dan mereka hendaklah berpindah ke negara lain.

Khurafat dan kejahilan begini sudah pasti bukan saja mengundang malapetaka dalam kehidupan di muka bumi, malahan di akhirat yang kekal abadi.

Ramai yang berkata peperangan dalam pilihan raya umum ini juga bukanlah sebarang peperangan kerana ia adalah perlawanan untuk mengembalikan keadilan yang telah hilang dalam tumpuk pemerintahan negara kita. Tapi tahukah kita dengan siapa kita berlawan? Tahukah kita bahawa orang Melayu ini bukanlah ramai sangat, bukanlah Islam sangat dan kalau kita fikir betul-betul, orang Melayu sebenarnya tidak ada pemimpin yang bijak pandai, yang mana semua pendapatnya diterima ramai.

Apa saja yang kita buat, semuanya ada had, ada batasan, ada *limit* dan semuanya berbentuk sementara dan bermusim. Kita seolah-olah terlupa bahawa kita sebenarnya masih hidup dalam 'sistem kekafiran', sistem sekular yang telah, sedang dan akan terus wujud dalam bidang ekonomi, sosial, politik dan pendidikan negara sekiranya kita tak mahu mengubahnya.

Maka tak hairanlah kalau ada manusia yang berkopiah, berserban, berjubah, bertitle tuan haji pada pangkal nama, tetapi menipu, merompak, berbohong dalam perniagaan. Mereka kata agama dan bisnes tak boleh bercampur, macam air dengan minyak.

Atas sebab itulah juga kita terlebih dahulu perlu melihat siapa yang hendak kita pilih untuk menegakkan **keadilan**. Kita kenalah kaji akhlaknya dulu, tidak kiralah dari pihak manapun bakal pemimpin itu berada. Pemimpin UMNO tidak boleh kata pemimpin dan ahli-ahli mereka saja yang berakhlak, begitu juga dengan parti-parti pembangkang lain. Lihat dulu akhlak calon-calon yang bakal diketengahkan sebagai pemimpin yang akan memperjuangkan keadilan dan kebenaran.

Sewaktu Arab Quraisy sedang bertelagah mengenai perletakan batu Hajjar Aswad, Rasulullah SAW telah dipilih di kalangan mereka untuk memberi panduan kerana baginda terkenal dengan sifat keadilan dan akhlak yang terpuji. Tapi kalau perwatakan, personaliti dan perangai tak ubah macam *kacang hantu, cicak mengkarung* dan baru dua tiga ayat Al-Quran yang dihafal, sudah mahu bercakap pasal Islam, macam mana nak tegakkan keadilan.

Kata-kata hikmah dari pepatah Arab : "*Satu gram adab lebih berat dari satu tan ilmu.*"

Rasulullah SAW bersabda : "*Sesungguhnya aku (Muhammad) diutus untuk menyempurnakan akhlak manusia.*"

Yang penting bukanlah Barisan Nasional yang menang, KEADILAN atau PAS yang menang, dia atau si anu (tokoh korporat, broker-broker politik, dll) yang menang. Apa pun bentuk perlawanannya, peperangan yang paling penting adalah keupayaan kita memenangkan yang benar dan yang haq serta mengembalikan keadilan yang sebenarnya supaya kita dapat hidup kembali dalam keadaan yang aman dan makmur.

Pemimpin UMNO sepatutnya sedar bahawa orang Melayu sekarang sudah hampir hilang kepercayaan kepada UMNO kerana kemarahan mereka terhadap Mahathir. Kita takut kalau-kalau *marahkan nyamuk kelambu yang dibakar*. Kita bimbang gara-gara *mendengar guruh di langit, air di tempayan dicurahkan*.

Pemimpin dicipta oleh orang ramai untuk berkhidmat kepada orang ramai. Kerana itulah Pak Habib selalu mengingatkan dalam kebanyakan buku Pak Habib bahawa pemimpin lawan pemimpin itu tidak penting kerana kalau orang ramai tak berikan kemenangan atau kekalahan kepada mereka, maka pilihan raya tidak ada maknanya.

Kita hidup dalam negara demokrasi. Buat riuh dan penat saja, satu perlawanan akan berakhir dengan sia-sia. Jadi siapakah sebenarnya yang berlawanan dengan siapa? Jawapannya ialah kita semua terlibat dalam perlawanan ini. Dan perlawanan yang paling besar adalah perlawanan dengan diri kita sendiri. Sebab itu kita kena melihat dari dalam diri dan jangan menuding jari ke arah orang lain yang dianggap musuh.

Dengan penodaan yang begitu jelas terhadap martabat manusia yang berlaku di dalam dan di luar mahkamah sejak beberapa bulan yang lalu, maka tidaklah menghairankan jika hampir seluruh dunia bebas - dari negara-negara Timur Tengah dan di mana saja dari New Zealand, dari Australia hingga ke Kesatuan Eropah, terutamanya Amerika Syarikat telah mengutuk negara ini kerana rekod kezaliman dan cara pelaksanaan sistem kehakimannya yang telah menjatuhkan hukuman terhadap pesalah yang agak pelik dan di luar tabii kehakiman terhadap seorang manusia yang dituduh melakukan sesuatu di luar tabii.

Kita sedih kerana ramai di kalangan pemimpin kita hanya pandai bercakap pasal penerapan **nilai-nilai Islam** dalam kehidupan, menyuruh rakyat kembali kepada Al-Quran dan Sunnah tetapi sebaliknya pemimpin yang kalah dalam perjuangan hidupnya macam hantu dan iblis malah ada yang sanggup menjual rohnya kepada syaitan. Adakalanya pemimpin berkelakuan lebih buruk dan lebih hina daripada binatang dan lebih sesat daripada mereka yang dilabelkan sesat.

Para pemimpin yang tidak ada perasaan malu telah melakukan kekejaman dan kezaliman untuk menunjukkan pada dunia bahawa mereka mempunyai kuasa dan kekuatan yang luar biasa terhadap rakyatnya yang lemah dan tidak berdosa.

Kecaman sebahagian besar dunia terhadap kekejaman kerajaan kita selaras dengan kecaman yang dilakukan oleh rakyat sendiri yang semakin hari semakin marah kerana mereka sudah hilang kesabaran akibat sikap pemimpin yang

sepautnya menjadi pelindung kepada rakyat, tetapi mereka telah bertindak sebaliknya.

Pemimpin telah menyalahgunakan kuasa untuk kepentingan diri sendiri. Bila dikecam media massa tempatan dan antarabangsa, mulalah mereka melatah dan membuat macam-macam alasan. **Siapakah pemimpin untuk membuat tafsiran dan penilaian ke atas diri mereka sendiri?** Sampai bilakah rakyat akan dapat bertahan dengan sikap bodoh sompong mereka dan bahawa hanya pemimpin saja yang betul dan seluruh dunia bersalah?

Sikap berkubu demi mempertahankan kerendah boss sebagai asas dasar luar negara, Pak Habib kira, hanya akan menjadikan negara kita bahan ketawa seluruh dunia. Tapi kerana orang tua yang terlalu pintar, terlalu banyak sangat tanggungjawab dan dah **nyanyuk**, inilah yang masih berkuasa, muhu tak muhu, rakyat kena terima juga. Inilah antara sebabnya Pak Habib melalui buku kontroversi **Challenger - Siapa Lawan Siapa?** yang diterbitkan pada tahun 1987 sudah mengajak rakyat memerangi Dr.Mahathir Mohamad sekiranya dia sudah mula menjadikan dirinya seorang diktator.

Apakah kita boleh menganggap diri kita orang yang berakal sekiranya kita boleh menerima seorang diktator sebagai pemimpin kita? Apakah berakal bagi mereka yang sudah dikecam oleh rakyat mempertahankan kedudukan mereka sebagai pemimpin?

Orang yang tidak **berakal** tergolong di dalam golongan manusia yang tidak ada rasa takut kepada Allah, walaupun

mereka terdiri daripada golongan cerdik pandai. Mereka membuat apa saja yang mereka suka, dalam pada itu mereka pura-pura **beriman**. Kita bagaimana? Apakah kita ini baik? Apakah kita ini adil?

Manusia yang tak adil pada umumnya jenis manusia yang tebal muka, muka tak tahu malu, tak ada segan silu. Muka tarpal, inilah yang dikatakan kulit muka macam kulit babi, tak rasa malu bila melakukan dosa. Mereka tak mempunyai **conscience** langsung. Sekejap lompat parti sana, sekejap lompat parti sini. Boleh hidup dalam dua alam macam ikan tembakul. Politik Abdullah bin Ubai. Kena maki, kena sumpah seranah pun, mereka tak peduli sehingga ada yang sanggup buat kerja di luar tabii. Mereka ini macam burung unta; burung pun tak, unta pun tak, nama saja burung unta tapi tak boleh terbang, melakukan bidaah secara terang-terangan, kemudian sembunyikan kepala ke dalam tanah kononnya orang tak nampak dia, tak tahu apa yang dia lakukan.

Sebelum kita bercakap banyak mengenai **manusia bidaah**, mari kita fahami terlebih dahulu pengertian atau maksud perkataan "**bidaah**".

Definisi atau takrif **bidaah**, menurut tarif etimologi diambil dari asal perkataan *al bida'*. Ia memberi makna atau maksud, **ciptaan (atau mengada-ngadakan sesuatu perkara) yang tiada misal sebelumnya**. Kalimah bidaah ini di dalam Al-Quran digunakan dengan penggunaan istilah yang paling tepat dan seiringan menurut pengertian yang dimaksudkan oleh kalimah bidaah tersebut.

Sebenarnya mereka yang mengetahui bahasa Arab akan lebih mudah memahami maksud dan pengertian **bidaah** di dalam hadis dan ayat-ayat Al-Quran : "*Aku telah ciptakan sesuatu tanpa ada misal (sebelumnya).*"

Setiap amal ibadah yang tidak ada dalil (hujah) atau keizinan dari syarak yakni Al-Quran dan Hadis untuk melakukannya maka amal ibadah tersebut dinamakan **ibadah yang bidaah**. Bagaimana pula dengan enakmen-enakmen yang diluluskan oleh Dewan Negeri, apakah ianya bukan satu bidaah sebab ia tidak terdapat di dalam Al-Quran dan Sunnah? Adilkah orang yang menghukum dengan bidaah ini? Dan beranikah mereka yang menuntut keadilan terlebih dahulu mempersoalkan bidaah dalam enakmen yang terdapat di dalam mahkamah syarie yang tidak ada dalam Al-Quran dan Sunnah.

Sebenarnya budaya masyarakat Islam bukan budaya membidaahkan orang lain dengan sewenang-wenangnya. Di zaman nabi, zaman yang jarang kita dengar seorang sahabat yang begitu mudah membidaahkan sahabatnya yang lain.

Kita begitu mudah sekali menggunakan budaya membidaahkan orang lain semata-mata kerana kepada fahaman kita amalan yang dilakukan oleh mereka tidak serasi atau sama dengan apa yang biasa kita lakukan. Oleh itu Pak Habib ingin menegaskan untuk mengenal bidaah ialah apabila kita mula untuk mengada-ngadakan, mencipta atau mereka-reka sesuatu yang tidak wujud sebelumnya. Sesuatu yang kita lakukan atau perkataan, dan kelakuan serta perkataan itu, berbeza dengan apa yang ada tercatat di dalam Al-Quran serta hadis-hadis Rasulullah SAW maka

ianya adalah bidaah. Sesuatu yang bercanggah dengan apa yang diajar dan dianjurkan oleh Islam maka itu juga disebut bidaah, antaranya membawa kes liwat untuk dibicarakan di sebuah mahkamah sivil. Bukankah ini merupakan bidaah yang besar?

Sekalipun mereka dan kuncu-kuncu mereka tahu apa yang mereka lakukan salah namun mereka tak pernah rasa berdosa apalagi memperdulikan balasan yang bakal diterima di alam barzakh dan akhirat kelak. Yang penting pada mereka selamatkan anak isteri, harta benda dan selamatkan kerusi, jawatan terutama bagi mereka yang bakal menghadapi pilihan raya kelak. Mereka sanggaup menjadikan diri mereka, orang-orang yang '*hilang akal*' dan pertimbangan diri.

Kita sepatutnya tidak bertanya siapa yang berkata kerana sesiapa yang berkata tidak penting, yang penting apa yang **diperkatakannya**. Sekalipun musuh yang berkata benar maka kita mesti menerima kebenaran yang diperkatakannya. Apakah kita telah melakukan **keadilan** atau tidak? Apakah kita ini **benar** atau berada di pihak yang **salah**?

Assalamualaikum!

11

Katakanlah: "Aku berlindung kepada Tuhan (yang memelihara dan menguasai) manusia. Raja manusia. Sembahan manusia; dari kejahatan (bisikan) syaitan yang biasa bersembunyi, yang membisikkan kejahatan ke dalam dada manusia, yang terdiri daripada golongan jin dan manusia."

(An-Nas : 1 - 6)

DEMOKRASI KUKU BESI, NASI BASI

Aku bukanlah yang terbaik di kalangan kamu selagi aku masih taat pada perintah Allah dan Rasul, engkau mentaati aku". Itulah amanat Saidina Abu Bakar r.a semasa baginda menjadi khalifah pertama. Almutawakil Sultan Johor pun membawa amanat yang sama sewaktu menaiki mimbar masjid ketika dia dimasyhurkan menjadi sultan. Waktu itu beliau dan sultan-sultan lain masih lagi memiliki imuniti.

Hari ini Al-Mutawakil dan semua raja-raja Melayu telah kehilangan imuniti masing-masing. Kenapa? Apakah sebab mereka tak taat pada Allah dan Rasul? Atau apakah kerana mereka tak taat kepada Tuanku Mahathir? Waktu Mahathir nak lucutkan imuniti raja-raja, kebanyakan rakyat bersama Mahathir. Hari ini bila Mahathir sudah dapat imuniti dan menjadi TUANKAU, bukan Tuanku, rakyat meninggalkan

beliau akibat kepimpinan beliau yang dilihat sebagai zalim dan tidak adil. Mahathir adalah **Tuankau** bagi rakyat, yang masih jadi Tuanku adalah sultan-sultan. "Tuankau" dan "Tuanku" tak sama. Mahathir sudah hampir kehilangan imuniti yang diambilnya dari raja. Kepada siapakah imuniti nak diserahkan selepas ini kalau kita tak nakkan Abdullah Badawi? Kepada Tok Guru atau kepada Ustaz Ashaari? Siapa yang lebih relevan untuk memegang imuniti ini? Terserahlah pada sejarah untuk menentukannya.

Pemimpin ibarat seorang imam di dalam masjid. Selagi cara dan bacaan ayat-ayat Al-Qurannya menurut tajmid dan sembahyangnya mengikut tertib dan sempurna, maka dia boleh mengimamkan makmumnya. Sebaliknya kalau cara atau bacaannya itu tidak betul dan mgarut, dan dia terkentut ketika mengimamkan sembahyang, maka makmum boleh menfarakahkan sembahyang tanpa perlu meninggalkan saf. Tapi kalau kentutnya melantung macam **SHIT**, bukan sahaja makmum berdosa tak menfarakahkan sembahyangnya, tetapi sudah timbul keperluan, bukan sahaja meninggalkan saf tapi mencari masjid atau surau yang lain. Maklumlah bukannya semua masjid dan surau dalam Malaysia ini besar. Ada ruang makmumnya yang muat setakat empat orang sahaja. Di antaranya ialah **musalah** di KLIA. Airport sikit punya besar, kena pot-pot, bunyi kapal terbang *landing* pun tak dengar, tapi musalah besar sekangkang kera.

Perlu juga Pak Habib ingatkan kuasa dan tugas imam sekadar memastikan saf-saf makmum lurus. Itu sahaja. Dalam sembahyang tidak ada sebarang perantaraan sama ada seseorang itu bersembahyang secara sendirian atau

berjemaah, seperti orang kafir memohon sesuatu menerusi tok pekung dan patung-patung sebagai perantaraan. Solat seorang Islam mempunyai hubungan terus-menerus (mikraj) kepada Allah SWT.

Hari ini Pak Habib lihat, kestabilan politik di dalam UMNO sudah tergugat kerana banyak sangat pemimpin yang mesti diikut. Kejadian seseorang pemimpin menggugat pemimpin yang lain sudah menjadi perkara biasa. Malah di peringkat pucuk pimpinan pun masing-masing sudah mula menggugat masing-masing. Bila pemimpin sudah terlalu sibuk dan ghairah untuk bertanding, berebut-rebut jawatan-jawatan di dalam parti, sama ada di peringkat Majlis Tertinggi mahupun di peringkat bahagian dan cawangan, maka tumpuan ke arah kesejahteraan rakyat semakin terabai. Dan bila pemimpin mengamalkan politik ketam, politik tarik menarik, sampai bila pun tidak ada siapa yang dapat sampai ke atas seperti politik Johor hari ini. Syed Hamid Albar dan Ghani Othman, terbukti tidak berkemampuan memimpin UMNO Johor. Mereka tidak memiliki kredibiliti, tak ada karisma, tak ada keberanian dan ketegasan, tapi nak juga turut bertanding. Yang sibuk nak memperniagakan diri, pasal apa?

Peribahasa Melayu ada menyatakan: **Kuat burung kerana sayap, kuat ketam kerana sepit.** Peribahasa itu bermaksud setiap orang ada kekuatan, kelebihan dan pengetahuan tersendiri. Makna peribahasa mengikut tafsiran buku **Tikaman Bahasa** terbitan Dewan Bahasa dan Pustaka (DBP) 1992 itu perlu disesuaikan dalam perjuangan UMNO, terutama ketika menghadapi cabaran alaf baru nanti dan bukannya menggunakan sepit untuk

menarik orang di atas jatuh ke bawah seperti yang telah mereka lakukan terhadap Tan Sri Muhyuddin Yassin.

Ramai para pemimpin politik UMNO yang takut kehilangan kedudukan masing-masing. Ini kerana tanpa jawatan di dalam parti, maka sukarlah bagi pemimpin berkenaan mendapatkan kedudukan di dalam kerajaan. Tapi mereka terlupa, apa juga bentuk pergaduhan untuk merebut sesuatu, akhirnya siapa pun tak untung. ***Menang jadi arang, kalah jadi abu***. Contohnya kalau ketiga-tiga tokoh ini bertanding jawatan Naib Presiden, sampai bila pun politik Johor tidak akan ada pemimpin, sedangkan Johor adalah tempat lahirnya UMNO. Ukur baju di badan sendirilah, kalau nak bertanding. Buat sibuk saja, menghabiskan boreh. Kalau bertanding juga takut ***menang sorak kampung tergadai***, sebagaimana yang berlaku dalam peristiwa pengharaman UMNO oleh Mahkamah Tinggi Kuala Lumpur, akibat Team A dan Team B berperang dalam pemilihan 1987. Akhirnya ludah ke langit, terpercik ke muka sendiri.

Hari ini, semua dah cium buntut Mahathir. Nasib baik main cium-cium buntut ini tak kena *charge* kes liwat. Kalau tak, sikit punya teruk la. Hamid Albar sudah jadi Menteri Luar, jadi duduk di luar sajalah. Takkanlah benda itu pun tak tahu. Awak tu Syed, keturunan Arab. Keturunan Arab mana boleh beli rumah di kawasan Melayu, di Johor. Pemimpin *outcast*. Duduk di Johor, kalau bukan keturunan Melayu, duduk rumah antarabangsa ajelah. Tak percaya, buka Perlembagaan Negeri Johor. "*Beb, ente jangan perasanlah! Orang UMNO kenal ente siapa. Ente ingat orang Anwar nak kasi kerusi kat ente.*"

Sebenarnya perebutan kerusi di dalam parti ini bukanlah sesuatu yang sihat. Malah kalau kita lihat dari kaca mata Islam, ia adalah sesuatu yang tidak bercirikan ajaran Rasulullah SAW. Tengok apa jadi pada Islam sebaik sahaja Nabi Muhammad SAW wafat? Tengok apa jadi pada para sahabat di Saqifah. Mereka masing-masing sibuk menentukan siapakah yang sepatutnya menjadi khalifah? Keghairahan ini menyebabkan Saidina Omar, Saidina Abu Bakar dan Saidina Uthman tidak langsung terlibat dalam pengurusan jenazah Rasulullah SAW. Kalau nak tahu lebih lanjut, maka bacalah sejarah. Kalau kita nak kembali kepada Al-Quran dan Sunnah, maka kita harus berani menerima sejarah.

Firman Allah SWT dalam surah Al-Maidah, ayat 55 :

"Pemimpin mereka hanyalah Allah, RasulNya dan orang-orang yang beriman, yang mendirikan solat, yang mengeluarkan zakat dan orang yang ruku' (tunduk patuh kepada perintah Allah)."

Oleh itu, jika manusia dapat menganggap dan meyakini bahawa dirinya ialah "khalifah" berdasarkan firman Allah di atas, maka dia dengan sendirinya akan menganggap dirinya sebagai seorang pemimpin. Seorang pemimpin mestilah memimpin dirinya sendiri terlebih dahulu sebelum memimpin orang lain. Inilah yang dimaksudkan '*self-leadership*'. Tapi kalau laki dipimpin bini, laki yang menurut telunjuk bini, semua keputusan mesti *diendorse* oleh bini dan cerita ini bukannya rahsia lagi, sudah sampai masanya untuk cari kerja lain sebelum ditinggalkan bas.

Bas UMNO sekarang ini pun teruk, tayar dah botak tapi kalau kepala saja yang botak masih oklah lagi. Tayar botak, tekan brek tak makan, nampak gayanya semua terjun dalam Sungai Segget.

Konsep '*self-leadership*' sebenarnya berasal dari ajaran Islam. Dan apabila setiap manusia mampu memimpin dirinya sendiri, maka wujudlah apa yang dikatakan '*self-organisation*'. Segala-galanya akan tersusun dengan kemas dan teratur apabila setiap pemimpin tahu akan tugas dan tanggungjawab mereka masing-masing.

Tetapi hari ini, kebanyakan pemimpin-pemimpin UMNO di peringkat atasan mahupun bawahan tak mampu untuk memimpin diri mereka sendiri apalagi menunjukkan contoh teladan yang baik kepada ahli parti dan masyarakat keseluruhannya. Ada di antara mereka yang hampir setiap malam bertenggek di karaoke, dangdut, diskò, berpoya-poya dengan perempuan, berzina, berjudi, togak arak, ambil pil khayal, 'tarik' dam dan pendek kata semua kerja-kerja mungkar mereka buat. Inikah pemimpin atau bakal pemimpin yang akan memimpin agama, bangsa dan negara kita?

Sayang seribu kali sayang, kalau diri sendiri pun tak mampu nak pimpin, macam mana pula nak pimpin anak bini, nak pimpin bini nombor satu, dua dan masih lagi ada hati nak berbini sampai empat orang, itu belum masuk *girlfriends* yang tersusun keliling pinggang. Bukan setakat itu saja macam mana pula nak pimpin syarikat itu dan syarikat ini. Dan dalam masa yang sama pula jadi kronis dan proksi, jadi ketua cawangan, ketua bahagian, ketua anak

bini, ketua itu, ketua ini. Lama-lama kepala pun boleh jadi kronik. Itu belum lagi nak memimpin rakyat dan masyarakat. Macam manalah gamaknya?

Dulu waktu barisan Pemuda di bawah pimpinan Zahid Hamidi, mereka tak banyak masalah maklumlah dapat pemimpin yang menampilkan imej bersih, berakhhlak, beradab sopan dan beragama. Tak macam Pemuda di bawah pimpinan anak bekas Perdana Menteri yang ke-3, Hishamuddin Tun Hussein Onn, haru-biru, macam-macam masalah yang timbul. Ada masanya bila bercakap *over-acting*. Dari segi personaliti dan perwatakan, Mokhzani Mahathir jauh lebih hebat tapi disebabkan bintang bapak dia sudah hampir malap, maka dia kenalah pandai-pandai bawa diri.

Kalau nak ikutkan Datuk Nazri Aziz pun anak bekas pemimpin UMNO juga, tapi dia bijak menguruskan pentadbirannya semasa memimpin Pemuda. Walaupun dulu dia ada sedikit masalah dengan pucuk pimpinan tetapi itu adalah masalah politik, masalah peribadi dengan keluarga Mahathir. Itu dulu, *it's over now!* Dia meninggalkan Pemuda dengan nama yang baik dan secara *gentleman*, dia tak mengada-ngada dan perangainya pun tak **memboringkan**. Dan tak mustahil kelemahan demi kelemahan yang ditunjukkan oleh Hishamuddin sekarang dalam mengetuai kepimpinan Pemuda, memberikan *second chance* atau *green light* kepada Nazri untuk kembali memegang jawatan sebagai Ketua Pemuda.

Bagi Pak Habib, Tengku Adnan, tokoh korporat yang ada integriti, kredibiliti dan akauntabiliti serta berani dan

komited - ada hubungan baik dengan istana dan rakyat serta mempunyai ketokohan sebagai pemimpin Pemuda. Tengku Adnan pernah dipilih menjadi ahli MT UMNO. Dia juga pernah menjadi penerbit akhbar Watan yang sanggup rugi berjuta ringgit, tetapi tak melepaskan tanggungjawab terhadap pekerja-pekerjanya dengan begitu saja. Ingatlah UMNO tidak pernah ketandusan pemimpin, cuma tak diberi peluang. Balik-balik muka yang sama saja. Dan inilah sebenarnya penyakit UMNO, asyik pilih pemimpin ikut telunjuk orang akhirnya yang dipilih "*kain sampin*" bukan pemimpin.

Tuah ayam nampak di kaki, tuah manusia siapa yang tahu. Bercakap pasal anak bekas menteri ini, teringat pula Pak Habib kepada Najib Tun Razak, yang juga bekas Ketua Pemuda. Dari segi kepimpinan, kebijaksanaan dan kecekapan melaksanakan tugas Najib memang bagus, malah PRnya juga baik, suka tolong orang tapi dia ni dibayangi oleh Cleopatranya. Bukan Najib saja, ramai lagi pemimpin UMNO yang mengalami masalah dan kesukaran yang sama. Nabi pun dah kata **wanita** itu fitnah. Adam terkeluar dari syurga kerana Hawa. Walau bagaimanapun wanita tetap penting, tanpa wanita siapalah lelaki. Ibu kita pun wanita juga dan syurga itu berada dibawah telapak kaki ibu. Dan bagi wanita yang sudah bersuami, syurganya berpindah di bawah telapak kaki suami. Tapi ingat, itu tak bermakna suami boleh sewenang-wenang 'letakkan kaki' di atas tubuh isteri.

Isteri dan anak-anak Nabi Luth dan Nabi Noh dulu pun tak ikut perintah suami. "*Wahai isteri-isteri pemimpin, jadilah isteri yang baik. Kalau sayangkan suami, buatlah perangai yang elok sikit.*"

Sebenarnya sukar nak cari seorang pun manusia yang baik 100% atas dunia ini. Baik kat sini, jahat kat sana. Depan bini, laki terpaksa buat-buat baik, belakang bini jadi SB - Setan Besar. *Nobody's perfect.*

Dalam UMNO memang ramai pemimpin yang berwibawa tapi disebabkan kelemahan masing-masing tak bijak membuat pertimbangan dan bertindak membuang UMNO secara total semata-mata kerana marah dan benci yang amat sangat kepada Dr.Mahathir, maka nampaklah seolah-olah UMNO kekurangan pemimpin. Contohnya, Rahim Thamby Chik, soal kerja, soal admin, soal keberanian sebagai seorang tokoh politik setanding dengan Anwar Ibrahim dan dia berpotensi menjadi Perdana Menteri kelak. Malah semua kerjanya *tip-top* tapi bak kata Mahathirlah tentang soal yang satu "ni" dia susah muhu *control*. Rasa-rasanya bini Rahim tak benarkan dia berkahwin lebih. Itu pasallah dia buat perangai. Sudahlah, bagi saja dia kahwin lagi kak oi..., mudah-mudahan dia boleh berubah dan menjadi orang yang bertaqwah. Berbalik kepada Zahid, walaupun dari segi lain dia baik tapi Pak Habib nak bagi nasihat sikit, berbelanjalah mengikut keperluan bukan mengikut kemampuan.


Dan yang paling Pak Habib kesian sekali, Hishamuddin, apa saja yang dia buat nampaknya tak menjadi. Puaslah membodek dan mengangkat *boss*. Dengan Hishamuddin kena cakap bertapis sikit, nanti tak pasal-pasal Pak Habib kena *sue* pulak. Jadi kalau nak tahu lebih lanjut tengok saja dalam Internet - "*dot com dot my*". Kita jangan terkejut jika Hishamuddin tidak dipilih menggantikan Ghani sebagai Menteri Besar Johor tetapi sebaliknya Tok Mat

yang digugurkan tiba-tiba menjelma. Dan Raja Jawa ini mempunyai pengikut - *grassroot* yang ramai. Tok Mat ini nampak saja bodoh tapi jasanya pada UMNO Baru adalah besar. Selain itu di Johor masih ada lagi calon-calon yang berpotensi seperti Datuk Shahir Samad dan YB Ron-Ruhanie Ahmad, Pengurus MARA. Tapi, apapun yang susahnya bila kita pilih pemimpin ikut puak.

Kalau kita nak rakyat menghormati demokrasi yang diamalkan oleh UMNO, maka andainya Mahathir muhaturunkan dari 'takhta', Hishamuddin pun mestilah diturunkan sama dan Pak Habib tak terkejut jika ramai lagi yang duduk di bawah ketiak pemimpin dan ikut '**kiamat**' sama dengan pemimpin-pemimpin mereka yang berada di ambang senja. Cakap pun dah tak serupa bikin. Macam manalah tak kena lanyak dalam Internet. Dahlah tu makin orang mengata, mengutuk dan lanyak habis-habis dalam media massa dan Internet, makin menjadi-jadi pula perangai mereka. Tak takut dosa ke? Lupa ke dengan hukum **karma**?

Mudah-mudahan Dr.Mahathir boleh belajar dari kesilapan yang telah dilakukan oleh Pak Harto. Oleh kerana mahukan kuasa, mahu menjadi lebih kuat dan semua yang ada di dalam kabinet dipilih dari kalangan suku-sakat dan kaum kerabat sendiri, akhirnya jatuh merudum. Ingat, kereta bergerak laju kerana adanya sistem pistonnya yang turun naik. Kita jangan simpan semua pemimpin kita dalam satu kem saja. Mesti ada yang berani menegur dan bersifatikhlas. Hidup jangan terlalu pilih bulu. Jangan cakap saja pasal demokrasi tetapi memerintah dan mentadbir cara **kuku besi**.

Assalamualaikum!



Kalau Pak Syed, Pak Sheikh atau Pak Tuan rasa bangga dan besar diri dengan pangkal nama mereka "Syed" atau "Syeikh", apa kurangnya orang **Sikh** dengan "Tuan Singh", nama mereka pun ada "S" jugak, cuma letaknya di belakang saja. Contohnya, Karpal Singh dan Gurbachan Singh.

Yang lebih menarik, cuba kita perhatikan baik-baik, siapa yang yang selama ini membela Anwar Ibrahim di mahkamah? Tuan Singh jugak. Peguam berbangsa Sikh, Karpal Singh dan Gurbachan Singh, di samping Christopher Fernando dan Raja Aziz Addrose. Sebaliknya cuba kita lihat barisan peguam yang menentang Anwar sebagai pihak pendakwaraya, terdiri daripada mereka yang beragama Islam. Dan siapa pula yang membela nasib seorang gadis Islam yang teraniaya dan dizalimi, kalau bukan **Lim Guan Eng** yang akhirnya terpaksa merengkuk ke dalam penjara. Ke mana perginya mereka yang terjerit-jerit melaungkan keadilan? Marilah kita doakan saudara Lim Guan Eng, agar berada di dalam keadaan tenang, selamat dan sentiasa bersabar.



Peguam yang termashyur di seluruh Malaysia dan yang juga dikenali sebagai ahli politik, **YB Karpal Singh** bersama peguam Christopher Fernando membicarakan kes Anwar Ibrahim di mahkamah bagi menegakkan dan mengembalikan keadilan dalam sistem perundangan negara.

12

Anda tidak akan dapat melihat sesuatu gerakan besar kaum intelektual di Eropah tanpa orang YAHUDI. Orang pertama selalunya YAHUDI. Diplomasi Russia yang misteri yang telah menggemparkan Eropah Barat diorganisasaikan dan dilakukan terutama oleh orang YAHUDI. Revolusi besar yang pada saat ini sedang dipersiapkan di Jerman dan yang sesungguhnya akan merupakan reformasi kedua yang lebih besar dan hampir tidak diketahui di Inggeris, semua juga sedang berjalan di bawah lindungan orang YAHUDI.

- William Guy Carr -

KISAH PEPERANGAN, SIAPA PUNCANYA?

Sepatutnya Pak Habib menamakan trilogi ini sebagai "*the war trilogy*" atau "*trilogi peperangan*" kerana jika kita perhatikan peperangan politik yang paling banyak dan yang paling besar melanda sejarah politik Malaysia adalah ketika bermulanya perlantikan Mahathir sebagai Perdana Menteri dan yang paling hebat adalah peperangan antara Mahathir dengan Anwar. Awal-awal lagi Pak Habib telah dedahkan bahawa ada peperangan dingin diantara Anwar dengan Mahathir. Tapi ramai yang menganggap berita itu sebagai fitnah.

Perang. Semua orang tahu apa itu **perang**. Pak Habib yakin ramai yang pernah menonton filem-filem perang. Malah yang berperang pun ramai terutama di musim pemilihan jawatan di Perhimpunan Agung UMNO dan

pilihan raya umum atau peperangan antara Team A dan Team B pada tahun 1987. Pada tahun 1978, Pak Habib telah menulis buku, *Perang Di Kuala Linggi* - perang untuk menjatuhkan Ketua Menteri Melaka. Datuk Ghani Ali berperang dengan geng 11.

Baru-baru ini ada kawan Pak Habib yang menonton sebuah filem perang berjudul "*The Thin Red Line*". Katanya walaupun filem yang memakan masa tiga jam itu memaparkan pertempuran askar-askar Amerika dengan tentera-tentera Jepun di sebuah pulau kecil di Lautan Pasifik dalam Perang Dunia ke-2 iaitu sebelum Pak Habib dilahirkan lagi, namun apa yang lebih penting baginya adalah **mesej** filem tersebut. Setiap manusia terpaksa berjuang dalam peperangannya sendiri. *Every man fights his own war* dan mengikut nabi SAW perang yang paling besar sekali adalah peperangan melawan hawa nafsu kita sendiri.

Seorang *pemimpin* yang takut kehilangan kuasa akan berperang dengan *rakyatnya* yang inginkan perubahan, seperti yang berlaku di Indonesia dan Malaysia bermula dengan reformasi dan revolusi. **Namun tidak ada tentera yang dapat menentang idea yang datang dari rakyat apabila sudah tiba masanya. No armies in the world could fight an idea whose time has come.** Begitulah pesan Victor Hugo.

Mereka yang biasa ada pangkat, ada jawatan, ada kedudukan dalam parti akan berperang dengan segala macam unsur dan elemen yang boleh menggugat kuasa, kedudukan, pangkat dan jawatan mereka - perang dingin merebut jawatan dalam parti biarpun pemilihan masih jauh

lagi. Bila berlaku perang seperti ini, biasanya segala taktik kotor yang tak mengira **halal haram**, *dosa pahala* akan digunakan. ***Everything is fair in war***, contohnya perang antara Mahathir dan Anwar yang melibatkan para pengikut yang bergantung hidup pada boss.

Untuk memenangi peperangan, manusia sanggup melakukan apa saja asalkan kemenangan berada dalam genggaman mereka. Maka slogan "**matlamat menghalakan cara**" menjadi amalan yang '*standard*'. Inilah yang dikatakan politik ala Muawiyah, anak lelaki Abu Sufian.

Sebagai seorang pengkaji dan penganalisa politik, kita kena selidiki punca dan sebab-musabab bermulanya peperangan antara umat Islam dengan umat Islam. Kemudian kita cari pula penawarnya.

Apa yang berlaku di zaman khalifah ketiga, Usman bin Affan dari Bani Umayyah adalah hampir sama seperti apa yang berlaku di dalam perkampungan politik tanahair hari ini. Pergaduhan antara puak yang ingin mengekalkan kuasa tercusus akibat kemarahan para sahabat angkara Saidina Usman yang telah memilih Marwan bin Khakam sebagai penasihat yang penting di dalam kerajaan semasa Usman bin Affan menjadi khalifah.

Terlebih dulu kita kena kenal siapakah Marwan bin Khakam ini. Ketika di zaman Rasulullah SAW, dia adalah orang yang paling tidak disenangi oleh Rasulullah. Malah kata Rasulullah SAW hatta dia berada dalam Kaabah, dia mesti dibunuh. Tetapi disebabkan Marwan adalah sepupu dan

suku-sakat kepada Usman maka atas pemintaan Usman sendiri, Marwan dimaafkan dan tidak dibunuh. Marwan dikenakan hukuman syarat dibuang negeri dan disuruh tinggal di atas gunung dan tidak diizinkan kembali seperti rakyat Inggeris yang dulu dibuang ke Australia sebagai banduan.

Selepas kewafatan Rasulullah SAW, Usman telah mengambil semula Marwan dan melantiknya sebagai penasihat politiknya kerana Usman sudah tua. Usman tidak dapat berbuat apa-apa apabila masalah kronis dan nepotisme yang diamalkan oleh Marwan berlarutan hingga sampai ke satu peringkat yang keterlaluan. Sahabat-sahabat dari seluruh benua Arab bertindak mahu membunuh Usman. Tetapi Usman berasib baik kerana diselamatkan oleh Ali bin Abi Talib dan kedua anaknya, Hassan dan Hussein sebagai penjaga keselamatan. Namun biar bagaimanapun kerana ajal sudah sampai, Usman telah ditemui terbunuh dan kematiannya itu merupakan satu misteri kerana tidak ada sesiapa pun yang tahu siapa pembunuh Usman yang sebenarnya.

Menurut sejarah, sebelum kedatangan Islam ke jazirah Arab, terdapat dua suku besar yang dimuliakan oleh suku-suku Arab pada waktu itu. Pertama adalah suku atau Bani Hasyim dan yang lain adalah Bani Umayyah.

Bani Hasyim dimuliakan kerana kaya dengan spiritualnya manakala Bani Umayyah dimuliakan kerana kekayaan harta bendanya. Maka tidak hairanlah kalau kedua-dua suku ini cukup popular di kalangan bangsa Arab. Ketika itu sudah diketahui bahawa akan lahir seorang Nabi yang merupakan Nabi dan Rasul terakhir, iaitu Nabi yang termulia

di kalangan semua Nabi dan Rasul, dari keturunan bangsa Arab. Segala-galanya telah ditentukan oleh Allah SWT, maka lahirlah Muhammad SAW, Nabi dan Rasul yang ditunggu-tunggukan itu dari kalangan puak Bani Hasyim. Kejadian itu telah membuatkan api dendam dan sifat cemburu Bani Umayyah terhadap Muhammad SAW semakin memuncak dan membawa sehingga mengakibatkan terjadinya beberapa siri perperangan antara umat Islam dengan umat Islam dan berkali-kali mereka cuba membunuh Nabi Muhammad SAW dan menyeka sesiapa saja yang masuk Islam. Perperangan antara kedua-dua puak itu berlarutan dengan perperangan dan pembunuhan yang berpanjangan.

Hari ini sekali lagi kita menyaksikan sejarah hitam itu berulang, tetapi kali ini sejarah itu berlaku di negara kita sendiri. Dua puak Islam berperang sesama sendiri. Satu pihak mewakili puak (PAS) yang menekankan soal keagamaan dan mahukan hukum hudud dilaksanakan dan kerajaan diperintah cara Islam manakala satu puak lagi (UMNO) yang kononnya memperjuangkan Islam tetapi dalam masa yang sama masih mementingkan soal kebendaan (material) dan kemegahan serta meninggal atau meringan-ringankan hal-hal yang berkaitan dengan kerohanian. Apakah Anwar yang berada ditengah-tengah kancang perperangan antara PAS dan UMNO ini akan jadi seperti Abudzar Al Giffari ataupun dia sendiri mempunyai agenda yang tersembunyi untuk mewarisi takhta di tangan Mahathir dengan menyuruh isterinya Dr. Wan Azizah dan penyokongnya menubuhkan parti KEADILAN. Dengan wujudnya parti KEADILAN ini bertambah lagilah

perpecahan umat Melayu. Sekali lagi Pak Habib membawa para pembaca balik kesejarah kerajaan Melayu - Riau yang pada mulanya berpusat di Singapura. Cuba renungkan apa jadi kepada keturunan Raja Hussien hari ini. Bukan sahaja istana telah dihapuskan di atas muka bumi Singapura bahkan maruah mereka juga turut tergadai.

Orang Melayu yang dulunya rakyat yang taat setia sudah tidak boleh berbuat apa-apa kerana sudah berpecah belah dan tidak ada kuasa di bumi sendiri. Ini adalah contoh sejarah yang terdekat yang kita umat Melayu mesti menungkan bersama kerana kita tidak mahu *Melayu hilang di bumi ini*. Tetapi kalau kita berterusan berperang sesama kita perkara yang kita takut ini akan terjadi juga.

Kita sekarang berada di dalam musim pilihanraya. Seperti biasa apabila tiba saja musim pilihanraya maka berlakulah peperangan - perang poster, perang mulut, perang media dan macam-macam lagi bentuk peperangan. Walaupun peperangan banyak berlaku dalam sejarah Islam, tetapi yang paling sedih dan teruk sekali adalah apabila umat Islam berperang sesama sendiri. Melayu sama Melayu yang berada di dalam satu mazhab, sepertimana yang berlaku di dalam Perang Siffin. Bila berlaku perang maka rosak dan runtuuhlah perpaduan dan kesatuan ummah. Kalau kita masih ingat dalam sejarah Perang Siffin, Muawiyah dan para pengikutnya sanggup menjunjung Al-Quran di hujung pedang kerana takut kalah. Dan pada hari ini pun kita lihat ramai pemimpin dan mereka yang terlibat dalam perebutan kuasa yang sanggup menjunjung Al-Quran semata-mata untuk mengekalkan kuasa dan mempertahankan

kehormatan. Bila lagi kita mahu belajar dari sejarah. Apakah kita lupa sejarah kejatuhan Kerajaan Melayu Melaka pada tahun 1511. Siapa punya angkara? Berapa tahun lamanya sebelum kita dapatkan kemerdekaan semula?

Kembali kita kepada sejarah zaman kekuasaan Bani Umayyah. Ketika peristiwa Perang Karbala, cucu cicit Rasulullah SAW yang amat dikasihi dan dicintainya dibunuh dengan kejam oleh Yazid, anak Muawiyah dan kuncuk-kuncunya. Keluarga Saidina Hussien, cucunda Rasulullah SAW, terbunuh semuanya kecuali Saidina Ali Zainal Abidin. Yazid adalah pewaris kerajaan Muawiyah yang dilantik oleh ayahandanya sendiri, Muawiyah Bin Abu Sufian dengan menggunakan kuasa diktator. Makalahlah golongan autokrat pertama di dalam sejarah Islam yang mendirikan istana-istana seperti yang terdapat dalam zaman Usman bin Affan, sebagai tempat penginapan rasmi ketua negara.

Istana Hijau Muawiyah menjadi identiti kerajaan pada ketika itu dan menjadi ikutan ketua-ketua negara Islam yang lain sesudah itu. Kemudian Amerika telah membina White House untuk Presidennya. Apakah benda-benda macam ini pernah dilakukan oleh Rasulullah SAW semasa hayatnya? Nabi tidak pernah bermegah-megah tetapi mengamalkan kehidupan yang sederhana.

Di zaman khalifah Usman bin Affan, beliau pernah membina sebuah istana. Beliau pernah ditegur oleh Abudzar, yang berkata, *"Wahai Usman, mengapakah anda membangunkan istana begitu megah, sedangkan Rasulullah SAW dan dua orang khalifah sebelumnya tidak pernah membina istana seperti ini?"*

Lalu Usman menjawab, "Saya membina istana ini adalah dari wang saya sendiri, bukan wang kerajaan." Usman terkenal dengan kekayaannya, sebahagian besar daripada hartanya dibelanjakan ke jalan Allah, tidak macam pemimpin hari ini yang menggunakan kuasa untuk menambahkan kekayaan.

Abudzar pula berkata, "*Apabila anda membina dengan wang kerajaan, maknanya anda telah mengkhianati dan apabila anda membina dengan wang anda sendiri itu adalah satu pembaziran, dan kedua-duanya tidak disukai Allah SWT.*"

Begitulah secebis kisah istana pertama yang dibina oleh pemerintah Islam. Cuba kita lihat di negara kita, selain daripada Raja-Raja Melayu yang setiap orang memiliki tiga empat buah istana - istana rasmi, istana bersemanyam, istana hinggap dan itu tak termasuk istana yang dibina untuk isteri-isteri mereka. Termasuk juga pemimpin kita yang membina istana untuk dijadikan mercu tanda kepada negara kita hari ini? Kerja buat istana yang tersergam, cantik dan mahal seperti ini tidak dinyatakan dalam mana-mana hadis. Ini bukan amanat Rasulullah SAW.

Mari kita renung kembali apakah yang diamanatkan oleh Rasulullah SAW melainkan "*mengikut kitabullah dan sunnahku*". Siapakah mereka yang menegakkan sunnah Rasulullah SAW kalau bukan para ahlul bait?

Dalam hadis yang lebih sahih lagi mutawatir ada disebutkan bahawa Nabi Besar SAW pernah bersabda yang

marhumnya: "*Aku tinggalkan dua pusaka yang amat berharga, kitabullah dan ahlul baitku, jika kamu berpegang kepada kedua-duanya pasti kamu selamat.*"

Perbuatan golongan autokrat yang memerangi para Ahlul Bait (yang paling dicintai oleh Rasulullah SAW) ini bagi mengekalkan kuasa adalah merupakan satu sejarah hitam yang tidak dapat dilupai. Maka bagi mereka yang pernah membaca peristiwa Perang Karbala, pasti mereka dapat merasakan bagaimana Imam Hussein sanggup gugur dan mati di medan peperangan semata-mata untuk menyelamatkan agama Islam yang telah dicemari oleh Muawiyah dan keluarganya yang memisahkan politik dari Islam. Yang halal diharmkannya dan yang haram dihalalkannya.

Kini, dalam abad ke-20 ini, sejarah hitam yang pernah dialami oleh keluarga Saidina Hussein seolah-olah berulang kembali dengan berlakunya peristiwa pembunuhan kejam yang menimpa Ibrahim Libya, pengikut dan keluarganya di Memali. Ini kemudian diikuti dengan peristiwa Ustaz Ashaari Mohamad dan Al-Arqam yang dihancurkan dan yang paling terkini ialah peristiwa pemecatan, penangkapan dan pemenjaraan Anwar Ibrahim.

Pak Habib terpaksa menyentuh sedikit mengenai Muawiyah kerana dia banyak mencipta amalan-amalan baru dalam agama seperti mengekalkan status *quo mewariskan kekhilifahan pada anaknya dengan mengambil fahaman Jabariah sebagai landasan fahamannya*. Cuba lihat buku karangan Prof. Majid Khadduri, ***Konsep Keadilan Dalam Islam***, untuk mereka yang berminat.

Oleh itu di dalam siri atau buku terakhir trilogi ini, Pak Habib mengajak setiap pemimpin, setiap ahli politik dan setiap rakyat yang akan turut sama di dalam perang yang akan berlaku di dalam pilihanraya umum ini, bertanya: ***"Siapakah sebenarnya musuh yang hendak mereka tentang dan perangi?"*** Musuh yang mana satu lebih hebat dan kuat pengaruhnya, di luar ataupun di dalam diri kita sendiri?

Umat Islam di Malaysia seharusnya sedar dan mula berfikir. Selama ini kita mengecam perang antara Iraq dan Iran, Iraq dan Kuwait. Kita marah bila umat dari golongan Syiah dan Sunni berperang dan berbunuhan sesama sendiri di Afghanistan. Kita kata yang kita ini tak suka tengok umat Islam bertelalah sesama sendiri. Apakah ini cuma kata-kata sahaja atau kata-kata yang timbul dari kesedaran yang amat mendalam?

Cuba kita tanya, apakah kita mengambil iktibar daripada kejadian-kejadian tersebut? Apakah kita membuka mata dan melihat permasalahan yang berlaku di negara kita sendiri?

Kita kata orang Syiah asobiyah macam Khawarij - buta fikiran, sedangkan kita semua mengaku bahawa kita ini adalah dari Ahlul Sunnah Wal Jamaah - satu mazhab, satu agama, satu Tuhan. Dan kita semua diwajibkan oleh Menteri Agama untuk menerima Ahlul Sunnah Wal Jamaah sebagai agama dan bagi yang ingkar akan dihumban ke dalam penjara. Tapi bagi mereka yang murtad, bebas tanpa tindakan apa pun.

Tidak malukah kita apabila dunia memandang akan kejahanan kita? Dan yang paling jelas, apakah kita tidak malu dengan diri kita sendiri? Sudahlah di dalam perkampungan politik kita ini terlalu banyak manusia yang **cakap tak serupa bikin**, takkan dalam hal-hal agama pun kita nak ikut rentak yang sama.

Bagi orang PAS, orang KEADILAN dan mereka yang marahkan Mahathir kerana menjatuhkan Anwar atau atas apa juga sebab-musababnya, apakah benar hanya Dr.Mahathir dan UMNO sahaja yang merupakan musuh mereka? Tidak mungkinkah ada tangan-tangan di belakang yang menyebabkan Mahathir terpaksa berbuat demikian terhadap Anwar?

Bagi orang UMNO, mereka kena fikir betul-betul, benarkah Ustaz Haji Hadi Awang, PAS dan barisan pemimpinnya serta Wan Azizah dan KEADILAN merupakan musuh utama mereka? Sedangkan Dr. Mahathir pernah berkata terdapat **kuasa-kuasa asing** yang membantu dan memberikan semangat kepada pemimpin PAS dan KEADILAN. Bagaimana dengan Mahathir sendiri apakah tak mungkin ada kuasa asing di belakang Mahathir?

Fikirlah habis-habis. Bila anda sudah habis berfikir, maka **beristikarahlah**. Patutkah kita ini orang Islam berperang sesama sendiri? Sedangkan kita baru saja nak hidup. Cuba kita fikirkan, apakah tidak mustahil adanya jelmaan Marwan bin Khakam di dalam UMNO, di dalam Kabinet Mahathir, di dalam Majlis Tertinggi UMNO, di dalam Kerajaan Malaysia dan di kalangan kronis-kronis Mahathir dan pemimpin-pemimpin tertinggi UMNO yang lainnya? Cuba

kita fikir dan perhatikan baik-baik. Apakah tidak ada Abdullah bin Ubai di kalangan kita?

Kalau UMNO menang, siapa yang untung, siapa yang rugi? Kalau PAS yang menang, siapa yang untung, siapa yang rugi? Macam mana pula dengan orang Melayu? Yang mana satukah yang akan menguntungkan orang Melayu dan yang mana pula yang akan merugikan orang Melayu? Bila orang Melayu dengan orang Melayu bergaduh, bila umat Islam dengan umat Islam di negara ini berperang, siapa yang untung? Dan siapa pula yang rugi? Cuba kita ingat-ingat sikit akan firman Allah SWT yang bermaksud, "*Demi masa, sesungguhnya manusia itu berada dalam kerugian melainkan orang-orang yang beriman dan beramal soleh.*"

Winner wins all, the loser loses all. Yang menang jadi abu, yang kalah jadi arang. Cuba kita imbas kembali sejarah. Cuba kita baca balik peperangan pertama dalam sejarah hidup manusia. Siapakah dua pihak yang bertelagah hingga berbunuhan sesama sendiri? Mengapakah mereka berperang? Apakah tidak ada percaturan tentang "**wanita, harta dan kuasa**"? Siapakah yang untung dan siapakah yang rugi? Kita kena selak dan baca sejarah untuk mengubah sejarah dan buat sejarah. Al-Quran itu mengandungi sejarah yang mesti dibaca dan difikirkan pada setiap waktu.

Mari kita sama-sama renungi secebis pandangan dan falsafah yang dicetuskan oleh seorang pemikir agung Islam, Almarhum Dr. Ali Shariati dalam buku, **Warisan Ali Shariati**, yang disunting oleh Ahmad Shafirin sebagai editornya.

Peperangan antara **Habil** dan **Qabil** adalah peperangan antara dua pihak bertentangan, yang menjadi titik permulaan berlakunya peperangan antara dua jenis manusia (yang baik dan yang jahat). Dan peperangan antara kedua-dua jenis manusia ini akan sentiasa menjelma dan berlaku di sepanjang liku-liku perjalanan dalam sejarah hidup manusia.

Pertentangan biasanya akan melibatkan dua pihak. Pertentangan, perbalahan dan peperangan pertama dalam sejarah manusia bermula dengan peristiwa Habil dibunuh oleh Qabil. Selain dari punca peperangan itu sendiri, cuba kita lihat implikasi dan moral dari peperangan pertama ini dan bagaimanakah ia mempengaruhi hidup manusia di sepanjang zaman sehingga ke hari ini.

Habil dalam kisah ini mewakili zaman sistem ekonomi **saradiri**; jenis kegiatan masyarakat yang diwakilinya adalah berburu dan menangkap ikan; mereka bergantung kepada alam semulajadi untuk terus hidup. Bagi mereka, alam semulajadi adalah hak mereka bersama, bukannya milik seseorang atau golongan tertentu. Manakala Qabil pula mewakili sistem masyarakat pertanian, di mana orang hidup atas titik peluh orang lain; ertiinya di zaman pertanian ini, alam semulajadi telah diagihkan untuk menjadi milik individu atau golongan tertentu.

Peperangan ini tidak mungkin akan reda dan akibatnya seluruh sejarah telah bertukar wajah menjadi gelanggang pertempuran antara puak **Qabil** (si pembunuh) dan puak **Habil** yang menjadi mangsanya. Habil si pemburu dibunuh oleh Qabil si tuan tanah. Berakhirlah satu zaman di mana masyarakatnya memiliki dan menikmati bersama alam semulajadi dan semua sumber pengeluarannya. Maka, berakhirlah juga semangat persaudaraan yang selama ini

dipupuk melalui keikhlasan dan kejujuran yang diteguhkan dengan keimanan yang murni. Kesemuanya ini digantikan dengan zaman pertanian, yang mengizinkan kemunculan tuan-tuan tanah yang tamak haloba; mereka tiba dengan membawa kuku dan taring besi yang digunakan untuk menindas dan menipu daya mangsa-mangsa mereka. Merekalah yang menjadi alat untuk mempertahankan setiap perbuatan mereka. Lenyaplah Habil dan muncullah Qabil di pentas sejarah, sehingga kini Qabil masih hidup.

Tidak diragui lagi bahawa sejarah adalah kenyataan. Sebagaimana juga dengan hakikat dan kenyataan lain di alam ini, ia bermula dari titik dan sudah tentunya akan berakhir di satu titik yang lain pula. Perjalannya pula mestilah mempunyai arah dan tujuan yang tertentu dan tersendiri.

Akhirnya, keluarga manusia, yang dahulunya diselimuti dengan kasih sayang dan dibelai dengan kemesraan, telah berpecah-belah menjadi dua golongan yang bermusuhan. Di satu pihak, terdapat sekelompok kecil yang memiliki tanah yang luas dan subur. Di pihak yang lain pula ialah sekelompok besar yang mewakili golongan majoriti; mereka tidak memiliki apa-apa melainkan tulang empat kerat, mereka hidup dalam kelaparan dan dahaga. Merekalah yang terpaksa mengerjakan tanah-tanah luas yang dimiliki oleh golongan minoriti tadi kerana tanah yang sebegini luas adalah di luar keupayaan si tuan tanah untuk mengusahakannya. Dari itu, nasib golongan majoriti ini sudah jelas, iaitu perhambaan. Kelas yang diperhambakan ini tidak mempunyai apa-apa jua - tanpa tanah, tanpa air, tanpa kehormatan, tanpa keturunan, tanpa nilai, tanpa hak, tanpa kebenaran, tanpa fikiran, tanpa pelajaran, tanpa semangat, tanpa makna, tanpa pendidikan, tanpa segala-galanya di dunia dan di akhirat.

Mereka tersingkir kerana hidup tanpa tanah dan pasir kerana di atas tanahlah tempat berbuahnya tumbuh-tumbuhan, di atasnya jugalah bunga-bunga dapat berkembang, sawah-sawah dapat dibajak serta disemai dengan tanaman yang boleh dimakan. Namun kesemua sumber yang berharga ini dimiliki oleh segolongan kecil yang memiliki semua sumber pengeluaran, sama ada yang berbentuk material mahupun bukan.

Tetapi sesudah sedar anda bahawa telah termasuk dalam golongan puak Habil yang diperhambakan oleh puak kapitalis dan sesudah anda mendapat isyarat dari istikarah, maka barulah anda boleh berlawan menggunakan etika yang **adil** dan menurut prinsip-prinsip yang telah ditetapkan di dalam Al-Quran dan Sunnah Nabi Muhammad SAW.

Peperangan yang hendak anda lakukan ini mestilah dilaksanakan semata-mata kerana Allah SWT, bukannya didorong oleh emosi, atau ceramah-ceramah politik, mahupun caci-cacian yang dilemparkan terhadap UMNO dan kerajaan melalui lebih daripada 30 website di Internet.

Apakah sebagai orang Islam, anda boleh berperang mengikut hawa nafsu? Tahukah anda, apa hukumnya berperang tanpa mengikut Al-Quran dan Sunnah Nabi Muhammad SAW? Pak Habib teringat kepada satu kisah, di mana ketika Saidina Ali ingin memancung musuhnya sewaktu di dalam perang tapi musuhnya itu telah meludah muka Saidina Ali. Maka Saidina Ali tidak membunuhnya kerana Ali takut membunuh dalam keadaan marah. Tapi lain halnya pada hari ini, belum tentu Anwar kata "*engkau bapak anjing*" pun dah kena lanyak teruk-teruk. Itupun nasib baik

sebelah mata, kalau kena satu lagi penumbuk, tak pasal-pasal Anwar singgah di sebelah Ampang Park. Tak ada peluanglah dia nak tengok tembok Penjara Sungai Buluh lagi.

Mereka yang akan anda perangi adalah mereka yang seagama Islam dengan anda. Pernahkah anda terfikir bahawa anda dan musuh anda ini (beragama Islam) sedang terperangkap di dalam permainan bangsa Yahudi serta terperangkap dan menjadi alat (agen) syaitan yang menguasai nafsu amarah? Kalaulah sebuah kuasa besar seperti Amerika pun boleh dihancurkan, apakah lagi anda dan negara anda?

Orang Kristian berpendapat sungguhpun Nabi Isa a.s itu merupakan '*son of God*' yang diturunkan di kalangan bangsa Yahudi atau Bani Israel, namun Tuhan tak berbuat apa-apa pun untuk menyelamatnya dari menjadi korban di palang salib oleh orang-orang Yahudi. Bayangkan sikit punya jahat bangsa Yahudi yang sanggup membunuh nabinya sendiri. Tapi bagaimana pula dengan Muawiyah dan Yazid yang memburu cucu-cicit Rasulullah SAW sehingga ke lubang cacing dan membunuh mereka dengan begitu kejam sekali. Apakah tidak ada manusia yang berhati perut Yahudi atau Muawiyah dan Yazid di dalam bangsa kita?

Kepercayaan tentang kematian Nabi Isa a.s. disalib oleh Yahudi ini adalah berbeza dengan umat Islam yang mempercayai bahawa Isa a.s. adalah anak kepada Mariam yang dilahirkan di atas muka bumi ini tanpa ayah. Umat Islam percaya bahawa Allah itu tidak beranak dan tidak diperanakkan. Sesungguhnya Allah itu Maha Esa.

Katakanlah : *"Dia adalah Tuhan 'Allah' yang Maha Esa. Tuhan 'Allah' tidak pula dilahirkan sebagai anak. Dan tiada sesuatu pun yang ada persamaan dengan-Nya."*

Peristiwa Nabi Isa dibunuh di palang salib oleh orang-orang Yahudi (seperti yang didakwa oleh mereka) adalah tidak sahih. Semasa Isa a.s diburu oleh orang-orang Yahudi, nabi Allah ini telah terperangkap dan ketika itu Allah menghulurkan bantuan dengan mengangkat roh dan jasadnya ke langit. Sebaliknya yang terkorban di palang salib itu adalah orang Yahudi sendiri yang diserupai dengan rupa paras Nabi Isa a.s. Sesungguhnya Allah Maha Bijaksana lagi Maha Mengetahui.

Allah Maha Berkuasa, Maha Besar dan Maha Kuat. Dengan kuasa Allah SWT, sebuah kapal terbang yang memuatkan beratus-ratus orang penumpang boleh berada terapung-apung di atas langit. Inikan pula roh dan jasad seorang manusia, bila-bila masa saja Allah, dengan kehendak-Nya boleh mengangkat manusia ke langit untuk mengadap-Nya. Sepertimana yang berlaku sewaktu peristiwa Israq dan Mikraj, di mana roh dan jasad Rasulullah SAW telah diangkat ke langit untuk mengadap Allah SWT. Ingat, sejarah sepatutnya dibaca dan dikaji sedalam-dalamnya. Bukan main baca saja. Apakah Tuhan di zaman ini sudah hilang kuasa untuk mengangkat manusia ke langit untuk menyelamatkan para-para wali-Nya?

Dendam orang Yahudi terhadap orang Islam masih terus membara sehingga ke hari ini. Mereka sentiasa mencari kelemahan dan kesilapan orang Islam. Apakah tidak

mustahil, akibat kata-kata hinaan Mahathir terhadap orang Yahudi dan terhadap George Soros telah membuatkan mereka menyimpan dendam terhadap Mahathir? Apakah Mahathir juga akan 'disalib' (sepertimana Nabi Isa a.s), kalaupun tidak dilakukan oleh 34 orang Ahli Kongres Amerika yang berbangsa Yahudi atau oleh orang-orang Melayu yang telah terlalu marah pada Mahathir? Atau sebaliknya Mahathir yang dihantui oleh bayang-bayangnya sendiri akibat hutang-piutang orang-orang di sekelilingnya? Apa pun kisahnya, apakah Allah akan menyelamatkan pemimpin yang sudah berada di ambang senja ini dari musibah-musibah yang dilakukannya sendiri?

Berbalik kepada Perang Jamal atau Perang Siffin iaitu peperangan awal antara umat Islam yang melibatkan perebutan ummah, siapakah yang telah mencipta nama Abdullah bin Saba, kalau bukan Yahudi. Hari ini siapakah pula Abdullah bin Saba di Malaysia? Dan siapakah mereka yang berperangai macam Abdullah bin Ubai di dalam UMNO, PAS atau KEADILAN?

Yahudi tidak suka kepada **perdamaian** kerana sekiranya semua orang **berdamai**, tak **berperang**, tak **berselisih faham**, maka sukarlah bagi mereka untuk mencapai cita-cita mereka untuk menguasai dunia.

Apakah di antara sebab **Perang Uhud** tercetus? Bukankah kerana hasutan Yahudi yang bernama Ka'ab bin Ashraf yang mendapat perlindungan di Madinah ketika itu? Cuba kita menunggu kenapa peperangan tersebut boleh berlaku? Bukankah kerana hasutan, dengki dan dendam terhadap kedamaian yang terlaksana di Madinah di bawah

pimpinan Rasulullah SAW? Oleh itu tidak hairanlah sekiranya Cidonia mengatakan : "Dunia berada di bawah perintah dari orang yang sangat berlainan dengan yang dicita-citakan oleh mereka yang tidak duduk di belakang layar". Bahkan tergambar keseluruhan dunia tentang ambisi orang Yahudi untuk mendapatkan kekuasaan.

William Guy Carr di dalam bukunya, *Pawns In The Game*, mencatatkan :

"Anda tidak akan dapat melihat sesuatu gerakan besar kaum intelektual di Eropah tanpa orang Yahudi. Orang pertama selalu Yahudi. Diplomasi Russia yang misteri yang telah menggemparkan Eropah Barat diorganisasikan dan dilakukan terutama oleh orang Yahudi. Revolusi besar yang pada saat ini sedang dipersiapkan di Jerman dan yang sesungguhnya akan merupakan reformasi kedua yang lebih besar dan hampir tidak diketahui oleh Inggeris, semua juga sedang berjalan di bawah lindungan orang Yahudi".

Yahudi ingin menguasai dunia ini dengan cara yang paling **tidak adil**. Sebab itulah mereka tidak mahukan **keadilan** berlaku di muka bumi ini. Tanpa **keadilan**, kerja mereka akan menjadi mudah dan senang. Cuba tanya ahli-ahli KEADILAN, siapakah musuh sebenar mereka? Mestilah orang-orang yang tak adil menjadi musuh utama mereka. Tapi apakah mereka juga terdiri daripada golongan orang-orang yang adil?

Kuasa telah membuat manusia lupa akan tanggungjawab di dunia ini, jauh sekali untuk mengingati alam kubur dan akhirat. Sepertimana iblis lupa diri dan

dilucutkan tempatnya dari alam malaikat. Apakah kita ingin jadi sama seperti iblis yang telah dinyaahkan dari sisi Tuhan? Insaflah wahai pembaca-pembaca budiman. Setiap langkah yang diambil pasti akan mendekatkan kita pada maut yang sudah pasti akan dirasai oleh setiap makhluk di bumi ini.

William Carr juga menyebut :

"Kitab Injil hanya mengisahkan betapa syaitan telah menjadi raja dunia dan berjaya menipu moyang kita Adam dan Hawa supaya melanggar pesanan Allah (tepat sebagaimana yang dikisahkan dalam Al-Quran). Dia menceritakan bagaimana "Synagogue" (Kuil Syaitan) telah ditubuhkan di muka bumi ini. Dia juga menceritakan betapa sejak itu syaitan bekerja keras untuk menyekat rancangan Allah, bagaimana hendak memerintah dan mengimarahkan alam ini. Menurut kepercayaan orang-orang Kristian berpandukan kitab Injil mereka : Nabi Isa a.s lahir ke dunia ketika syaitan telah sampai kepada tahap memegang kuasa ke atas golongan atasan. Beliau telah mendedahkan rahsia "Synagogue Syaitan" itu dan mencaci sekeras-kerasnya siapa yang bergabung dengannya dan menggelar mereka sebagai anak buah iblis (Lucifer) siapa yang beliau celakan dengan nama bapa pendusta dan penipu. Beliau cukup-cukup jelas dalam pernyataannya bahawa sekalian yang mendirikan Synagogue Syaitan itu merekalah yang menggelarkan diri mereka 'Yahudi'. Beliau memasukkan ke dalam golongan mereka pemakan-pemakan riba (peniaga-peniaga wang), jurutulis-jurutulis (scribes) dan Pharisees (orang-orang

munafik dari kaum Yahudi yang berpura-pura meminati ritual agama tanpa menghiraukan roh yang terkandung di dalam ajaran-ajarannya. Mereka inilah yang dikenali sebagai golongan 'Illuminati' di zaman beliau. Apa yang ramai orang tidak sedari ialah tujuan Allah mengutuskan para rasul-Nya ke muka bumi ini ialah untuk melepaskan manusia dari belenggu syaitan yang dari hari ke hari belenggu itu diperkemaskan ikatannya ke atas manusia. Rasul-rasul itu sekalian (dalam teks asal menyebut jalan lurus dan bagaimana untuk mencapai kebenaran. Komplot syaitan telah menghampiri peringkat akhir dari daya usahanya dengan sebab kealpaan dak kelalian kita manusia tanpa menghiraukan ingatan dan amaran yang disampaikan Tuhan kepada manusia dengan limpah dan rahmat-Nya yang terakhir Nabi Muhammad SAW agar manusia tidak dapat mengemukakan apa-apa hujah lagi di hari akhirat kelak bila perhitungan atau hisab dilakukan.



Datuk Maznah Hamid

'The Iron Lady'

Seorang tokoh korporat dan wanita di zaman Mahathir. Dapatkah Wanita UMNO menerima *'The Iron Lady'* sebagai Ketua Wanita di alaf baru nanti?

JALAN KE KUBUR

Singat-ingat Pak Habib, buku ini bukanlah buku pertama Pak Habib menggunakan perkataan HANTU, dan yang bercerita perihal hantu. Kalau ada **Tahi Arak, Tahi Judi, Kaki Betina, Kaki Joli, Binatang Politik** masakan tak ada **Hantu Politik**? Kita tak pernah memperkatakan tentang **tahi** politik sehingga Shanon Ahmad menerbitkan buku kontroversinya **SHIT**.

Kenapakah kita menggunakan perkataan *Hantu Politik, Binatang Politik*, kalau bukan kerana orang politik sendiri yang membiarkan diri mereka digunakan oleh iblis sebagai alat. Mereka bersekongkol dengan iblis, syaitan dan hantu, sedangkan mereka tahu iblis itu musuh Allah. Iblis pernah berjanji dan bersumpah akan menyesatkan anak cucu Adam sehingga mengheret umat manusia ini sebagai penghuni neraka.

Siapakah yang paling mudah dipergunakan oleh iblis? Iblis suka kepada manusia yang lemah, manusia yang tak kuat iman, manusia yang ada akal tapi tak pakai, manusia munafik, manusia yang bercita-cita tinggi, manusia tamak, manusia bakhil, manusia angkuh dan sompong terutama mereka yang tak kenal dan lupa diri dan yang seumpama dengannya. Ini termasuklah mereka yang gila kuasa, gila harta, gila betina dan gila judi. Tapi yang gila-gila okey, yang gila bahasa pun okey. Anda gila apa? Jangan **tergila-gila** sudahlah, buruk padahnya brader. Jangan tergila-gila hendak jadi menteri, kalau tak dapat, esok cakap seorang diri.

Anda tentu pernah mendengar istilah *political animals* atau *haiwan-haiwan politik*. Pak Habib pernah menulis mengenai *haiwan-haiwan politik* ini di dalam buku Pak Habib yang masih *evergreen* dan **relevan** untuk dibaca sehingga ke hari ini seperti *Challengor - Siapa Lawan Siapa, Politik Serpihan* dan *Hantu Bukit Cina*. Hantu-hantu yang Pak Habib maksudkan di dalam buku-buku itu adalah syaitan. Syaitan atau iblis ini memang pandai menggoda. Bukan saja manusia biasa dan orang politik yang suka digodanya tetapi seorang nabi yang berdarjat rasul cuba digoda oleh makhluk halus ini. Kalau tak percaya, rujuk semula di dalam Al-Quran.

Al-Quran membawa berita benar bahawa tatkala Allah SWT hendak menjadikan Adam a.s, Allah telah berfirman kepada para malaikat dalam surah Al-Baqarah, ayat 30: "*Sesungguhnya Aku hendak jadikan seorang khalifah di muka bumi ini.*"

Maka berkatalah para malaikat sekalian:

"Mengapa Engkau hendak jadikan (khalifah) di bumi itu orang yang akan membuat kerosakan kepadanya dan menumpahkan darah, padahal kami sentiasa bertasbih dengan memuji Engkau dan menyucikan Engkau?"

(Al-Baqarah : 30)

"Makhluk manusia diciptakan dari tanah gembur bercampur pasir serta lumpur yang busuk".

(Al-Hijr : 26)

"Melalui proses kun fa ya kuun. Dari situlah kemudian umat manusia berkembang biak".

(An-Nisaa : 1)

Allah SWT menciptakan Adam itu dari segumpal tanah. Allah SWT kemudiannya telah meniupkan roh ke dalam Adam dan lalu memerintahkan kepada iblis supaya sujud kepada Adam a.s. Surah Al-Baqarah, ayat 34: ***"Sujudlah kamu kepada Adam."***

Setelah mengetahui bahawa yang akan diangkat sebagai Khalifah atau pengelola bumi adalah Adam yang terbukti memiliki pengetahuan luas dan menempuh kehidupan yang beradab, maka para malaikat bersedia untuk sujud menghormati Adam.

Maka sujudlah sekalian Malaikat, tidak ada satupun

yang tertinggal dan engkar kecuali Iblis. Iblis telah engkar kepada perintah Tuhan itu kerana berasakan dirinya yang lebih mulia daripada Adam a.s.

Iblis berasa dia lah yang lebih mulia kerana asal kejadiannya dari api. Itulah egonya. Itulah iblis yang sangat angkuh, sompong dan bongkak. Sesungguhnya perbuatan tersebut, ego, angkuh, sompong dan bongkak adalah perbuatan yang tidak disukai oleh Tuhan.

Dengan keingkaran Iblis terhadap Tuhan itu maka bermulalah sejarah penderhakaan dalam dunia Tuhan ini. Maka Iblis pun jadi makhluk yang bebas, bebas menentang Tuhan yang menciptakannya, bebas membuat kemungkaran dan segala kejahatan yang Iblis suka. Iblis telah membebaskan diri dari Allah.

Iblis tidak mahu bersujud dengan alasan bahawa mereka diciptakan dari asal-usul yang lebih mulia dibandingkan dengan manusia. Turunlah kemudian perintah Tuhan untuk menguji Adam dan isterinya, agar kelak mereka tidak menganggap diri mereka lebih besar daripada Penciptanya. Maka Adam dan Hawa pun diperintahkan oleh Tuhan untuk mendiami sebuah taman yang penuh dengan segala kenikmatan. Nak buat apa, buatlah. Nak makan apa, makanlah demi menjamin kelangsungan hidup mereka tetapi cuma satu saja pengecualiannya, mereka tidak boleh mendekati dan apatah lagi memetik buah larangan.

Disebabkan oleh keingkarannya sendiri, iblis yang telah dimurkai oleh Allah mula menaruh dendam. Iblis bersumpah akan menyesatkan Adam dan keturunannya.

Namun Allah menjawab **kenekadan** Iblis itu dengan memberikan kepada manusia akal yang dibimbing setiap saat oleh kekuatan wahyu. Dengan akal yang berdampingan dengan wahyu inilah manusia akan dapat memisahkan yang baik dan yang buruk.

Hari ini, akibat peperangan politik yang sedang berlaku di negara kita, nampaknya sudah semakin sukar untuk membezakan yang mana satu baik dan yang mana satu buruk. Ada perkara yang dianggap baik digambarkan oleh media massa sebagai buruk. Ada perkara yang buruk, digambarkan sebagai baik. Ada perkara buruk yang terus disembunyikan dari pengetahuan umum. Yang inilah yang susah ni kerana benda-benda yang mengarut ni orang ramai mudah percaya, benda-benda yang boleh merosakkan ini orang mudah ikut, lebih-lebih lagi mereka yang mengaku Islam tapi tak tahu apa itu Islam. **Kesian**. Betul tak?

Nampaknya bukan orang-orang politik saja yang sudah dirasuk hantu dan syaitan, malah turut dirasuk sama ialah penulis-penulis tempatan.

Dalam keghairahan media massa mendedahkan isu **moral** anak-anak Melayu, yang terlekat dengan aktiviti **reformasi** pada setiap hari Sabtu di ibukota yang mana melibatkan para pelajar di institut pengajian tinggi, media massa sepatutnya berani juga mendedahkan **pemimpin politik** yang mungkar. Tapi sebaliknya apa yang diburuk-burukkan adalah pemuda-pemudi yang bersemangat untuk menegakkan keadilan. Sepatutnya kejahatan dan kemungkaran manusia yang mengaku pemimpin tapi perangai macam pencuri, perompak dan

penyamun yang mesti dihighlightkan supaya mereka rasa takut. Dan adalah tidak adil kalau kita cuma menakut-nakutkan golongan muda saja. Berilah mereka peluang asah bakat. Kalau tak macam mana kita nak tahu mereka itu berani atau tidak bila negara diserang musuh.

Marilah kita secara waras merenung beberapa persoalan yang akan Pak Habib kemukakan, kemudian marilah kita sama-sama pula merenung dan memikirkan masalah kita, masalah anak cucu kita, masalah bangsa kita dan masalah negara kita. Kita tak boleh kata, **malaslah, .. buang masalah, penatlah, lecehlah, gua tak de moodlah**. Tolong brader ni serius ni. Pak Habib serius tau. Lu ingat gua main-main ke, kalau negeri ni jadi macam Indonesia, lu apa jadi? Tanah kubur kat Ampang sudah penuh tau. Belanja untuk mati mahal tau, zaman gawat ni tak pasal-pasal lu kena simpan di rumah mayat sampai ekonomi pulih. Nak tahu bila pulih, kena tanya Daim. Kalau susah nak jumpa dia, jumpa Mustapha Mohamad, senang sikit. Mustapha dan orang-orang di bawah kementeriannya boleh diharap kerana sudah terbukti ramai usahawan-usahawan yang nazak tetapi berkelayakan sudah dibantunya. Inilah baru dikatakan pemimpin. Jadi biarlah Pak Habib beri nasihat sikit, kalau kita nak maju ke hadapan,kekalkan sikap dan sifat baik ini.

Ingat tau ini bab jalan ke kubur bukan jalan ke KLIA atau Putrajaya. Mati bukan boleh naik LRT. Lainlah kalau mati duduk, boleh campak melalui tingkap keretapi, nak fikir hal-hal macam ini, atau menyusahkan kepala saja. Cuba tanya anak-anak muda kita. Mereka belajar jadi kurang ajar, buang adat, buang budi bahasa, buang anak di dalam tong sampah, buang ibubapa di rumah orang-

orang tua, buang sampah merata-rata, buang angin (kentut) di dalam masjid waktu sembahyang, hidup tanpa tatasusila yang lemah-lembut serta berbudi pekerti yang mulia ini, siapa gurunya?

Mari kita dengar jawapan dari Tokoh Sasterawan Negara, Professor Dr. Shanon Ahmad, pengarang novel *SHIT* apabila ditemubual oleh wartawan Harakah (keluaran 7 Jun 1999):

S: Jadi Dato' melihat peranan Dato' sebagai sasterawan yang menegur?

SA: Ya, saya sudah lama menegur, cuba baca novel-novel saya. Berpuluhan-puluhan novel saya seperti *Menteri*, *Tunggul Gerigis*. Tetapi siapa membaca karya sastera? Jadi saya rasa, ambillah jalan puncak iaitu politik sekarang ini, kepimpinan sekarang ini yang setaraf dengan *SHIT*, yang busuk dan membusukkan. Jadi saya kritik habis-habisan. Saya rasa saya perlu main peranan dan terpaksa *melampau*. (Tan Sri) Musa Hitam ada pernah kata bahawa kita perlu 'kurang ajar' untuk menarik perhatian. Saya telah menggunakan kiasan-kiasan, asosiasi-asosiasi, bahasa figuratif yang kadang-kadang itu melanggar tatasusila *demi untuk menegur pihak-pihak yang melampau*. Saya guna bahasa melampau untuk menegur para pelampau. Jika tidaklah bahasa seperti itu digunakan, ia akan jadi seperti novel-novel saya yang dulu seperti *Tunggul Gerigis* tetapi tidak dibaca oleh ramai orang, tak menegur kecuali di kalangan sasterawan.

S: Mengenai sasterawan, kenapakah Dato' berpendapat mereka sudah jatuh ke tahap yang rendah sekarang?

SA: Sasterawan kita menghasilkan sastera yang bagi saya memang rendah nilainya sekarang, hanya sekadar seni hiburan dan lain-lain. Ia bersifat remeh-temeh. Ini antara lain mungkin kerana sasterawan kita sendiri berada di bawah persatuan sasterawan, dan 3/4 persatuan berada di bawah GAPENA. Jadi dalam pemerhatian saya, sastera bagi mereka bukan bertolak daripada karya tetapi kegiatan di luar karya - misalnya berpersatuan. Ertinya mereka lebih kepada kegiatan berpersatuan daripada kegiatan menghasilkan karya. Orang melihat kepada 'work' - karya, sama ada banyak atau tidak dan apakah masih menari ikut rentak para pemimpin, tetapi bagi saya yang penting ialah kritik sosial yang pedas di samping mempertahankan seni.

S: Boleh Dato' terangkan sikit mengenai kritik sosial itu?

SA: Dalam sejarah sastera dunia, pengarang-pengarang berani menegur setiap penyelewengan. Teguran ini tidak semestinya dilihat sebagai satu revolusi dan tidak juga terjadi perang, tetapi pergolakan adalah hebat dan hasilnya ia menceraahkan nilai-nilai kemanusiaan, mengembalikan nilai-nilai murni. Sasterawan perlu bangkit dan mungkin perlu 'biadab' membawa kepada 'revolusi mental yang biadab' tetapi keadaan kita yang masih conformist, tidak betul. Kita harus bersuara, *voice your feeling* (zahirkan perasaan anda) menerusi pena atau perbincangan, forum, penulisan-penulisan, di kalangan intelek umpamanya. Tetapi kita tiada media. Saya yakin di kalangan golongan akademik, ulama dan sasterawan ada yang prihatin, iaitu dengan perkembangan revolusi mental dan bagi mereka yang tidak bersuara, mungkin novel saya ini 'bersuara' untuk mereka - *I speak for them*

(saya bersuara bagi pihak mereka). Bagi mereka mungkin mentaliti '*I don't know where to write*' (saya tak tahu nak menulis di mana). Jadi 'Shanon telah menulis bagi pihak saya' (Bagi pengkritik) mereka menjadi panas kerana pandangan-pandangan yang saya utarakan ini terjadi di depan mata mereka. Sebenarnya mereka yang mencarut.

Di atas kita sudah dengar pendapat Shahnon. Shahnon ini bukan sembarangan Profesor, taraf dia lebih tinggi daripada **Profesor Makdia** atau **Pakdia** tapi dia ni sudah sampai ke peringkat Profesor **Tokdia** kerana taraf dia lebih tinggi, malah Profesor Emeritious ini juga dianugerahi sebagai Tokoh Ma'al Hijrah, pangkat Datuk dan Sasterawan Negara. Akhirnya Profesor macam inilah yang mengajak orang main tahi dan baling-baling tahi. Bayangkan apa akan jadi pada penulis-penulis negara ini sekiranya mereka menulis macam Shahnon yang menulis penuh dengan emosi, sensitif? Kalau dia boleh bantai Ustaz Ashaari, yang paling terkini dia hentam Mahathir dalam novelnya yang busuk lagi membusukkan, kenapa pula nak melenting bila sasterawan lain mengecam dan mengkritiknya? *Be a gentlemen lah brother*. Apa yang dikatakan oleh Abdullah Hussein itu, betul. Berapa ramai yang sanggup baca buku sebusuk itu? Kalau Shahnon nak main tahi, mainlah seorang sahaja. Kenapa tak pasal-pasal libatkan orang lain? Habis Tok Guru, orang PAS, ulama semuanya terbabit untuk mempertahankannya. Ini macam kerbau yang bawa lumpurlah. Semuanya habis terpalit.

Janganlah Shahnon nak lempar batu sembunyi tangan.
Janganlah salahkan Musa Hitam pasal suruh orang

Melayu bersikap **kurang ajar**. Tan Sri Musa Hitam tak ajar orang Melayu main **tahi**. Musa Hitam tahu baunya yang melantung, busuk. Kemasukan Shahnon ke dalam PAS bukan menjadi aset kepada parti itu seperti kemasukan Harun Din, Hassan Ali dan Ismail Kamus.

Kalau yang ada label baik dan nampak baik seorang saja Pak Lah. Itu pun ada orang labelkan dia penjaga babi sedangkan babi itu makhluk Tuhan. Takkannya Datuk Fadhil Noor tak tahu, sedangkan Saidina Omar Al-Khattab merasa gelisah walaupun mati seekor kambing di tepi sungai Furat.

Agaknya ramai yang tertanya-tanya kenapa Pak Habib judulkan bab ini, **Jalan Ke Kubur**. Sebenarnya Pak Habib mendapat ilham menulis bab ini setelah terbaca sebuah novel karya penulis wanita yang tidak asing lagi, Khadijah Hashim pada tahun 1969 yang berjudul **Jalan Ke Kubur**.

Pak Habib tertarik dengan semangat patriotik yang cuba diserapkan di dalam novelnya itu. Antara petikan yang mampu menaikkan semangat patriotism pemuda-pemuda bangsa adalah sedutan yang Pak Habib turunkan untuk kita menung dan fikirkan supaya dapat kita menilai dan buat perbandingan dengan novel '**SHIT**' :

"Kau jadi pembunuhan, Tamin.. Tamin.. Tamin! Di mana letaknya hati perut kau? Di mana perginya otak di kepala kau hingga kau tergamak melakukan perbuatan yang dikutuk Tuhan ni? Di mana perginya nasihat dan tunjuk ajar Mak selama ini? Di mana?? Anak.. anak..! Malu aku... Malu aku menjadi ibu..! Ibu kepada seorang pembunuhan..." laung Jemah dengan tangisnya. Dia terduduk di hadapan Tamin yang masih

dipisahkan dengan pagar-pagar besi yang mengurung seorang salah.

Tamin masih membantu. Telinganya menerima saja mak-hamun dari ibunya sendiri. Tapi hati dan kepalanya tidak dapat menerima segala umpat-keji dari orang-orang dan ibunya sendiri itu. Apa yang dilakukannya adalah baik menurut pertimbangan otaknya. Orang yang kejam, orang yang memeras, orang yang menghisap darah manusia lain dengan diam-diam itu tidak harus dihidupkan lebih lama lagi di bumi Tuhan ini, fikir Tamin. Pembunuhan ini bukanlah satu perbuatan terkutuk tapi itulah pengorbanan dari seorang putera bangsa yang benar-benar cintakan bangsa dan negaranya, yang benar-benar rindukan kebahagiaan hidup untuk seluruh bangsanya. Padanya selagi manusia penghisap darah itu ada di bumi Pantai Belangkas selagi itulah hidup orang-orang kampung tidak akan berubah. Biarlah dia mengorbankan nyawanya untuk kampung yang tercinta. Biarlah orang-orang kampung mencaci dia habis-habisan tapi hatinya percaya di suatu masa nanti mereka akan sedar, mereka akan mengenang jasa baktinya ini. Dan mungkin namanya akan disebut-sebut sebagai PAHLAWAN bangsa yang tercinta. Itu yang bermain di kepala Tamin dari dulu-dulu lagi. Ibunya terus meratap hingga-lah di saat ia dikeluarkan dari penjara sementara itu untuk dibawa ke penjara besar sebelum dibicarakan.

"Mak..!" kata Tamin sebelum naik ke kereta polis yang berjaring-jaring itu.

"Mak..! Maafkanlah Tamin! Tamin tau mak kecewa dengan tindakan Tamin. Mak sedih. Mak malu. Tamin tau apa yang berdetik di hati itu. Tamin tau ... Tapi taukah mak bahawa tindakan Tamin ini semata-mata untuk masa depan mak, masa depan adik-adik Tamin, untuk masa depan orang-orang kampung kita seluruhnya. Tamin mahu kampung kita,

Kampung Pantai Belangkas bersih dari pemerasan, penindasan yang dilakukan oleh orang-orang seperti Tok Penghulu dan si Lim tu. Salahkah Tamin menamatkan riwayat binatang yang bertopengkan manusia? Salahkah Tamin membunuh manusia yang menjadi pengkhianat bangsanya sendiri??? Salahkah, mak??? tanya Tamin dengan suara yang tetap dan berani. Dua-tiga orang Pegawai Polis berpandangan sama sendiri. Ibunya menangis terus. Hatinya terlalu terharu.

"Kalam... teruskanlah perjuanganmu. Sampaikan salam aku pada Cikgu Agus. Belalah nasib orang-orang kampung kita. Aku harap kau akan berjaya memimpinnya setelah dua manusia kejam itu tiada lagi", pesan Tamin kepada Kalam yang sama ada di situ.

"Mak.. maafkan Tamin, Mak..!" Tamin menghulurkan jari. Jemah menyambutnya juga walaupun anak itu telah menghampaskan harapannya.

Assalamualaikum. Setiap kali anda melintasi tanah perkuburan orang Islam. Pernahkah anda sampaikan salam dan menghadiahkan Al-Fatihah serta mendoakan agar Tuhan mengampuni dosa-dosa mereka yang sengaja atau tidak disengajakan semasa mereka hidup? Pak Habib dan anda juga sedang berjalan; berjalan menghala ke kubur kerana **kematian adalah satu kepastian dan kemestian**. Maka anda mesti mengingatkan kematian. Tanya diri anda, sudahkah anda membuat persiapan untuk mati? Apa yang anda hendak jawab depan Tuhan bila mati nanti? Apa anda buat terhadap harta benda, anak-anak dan isteri yang dipertanggungjawabkan kepada anda? Dari mana datangnya harta anda dan bagaimana anda menggunakaninya?



Kematiannya memberi peringatan kepada kita



"Ya Allah! Tempatkanlah roh Ibrahim Mahmud dan roh mereka yang terkorban dengannya bersama para Syuhada' yang Engkau redzai. Amin!"

Asaari failkan dua saman malu

KUALA LUMPUR 18 Jun – Bekas pemimpin pergerakan Al-Arqam, Asaari Mohamad hari ini memfailkan dua saman malu terhadap tiga jepang defendant termasuk Menteri di Jabatan Perdana Menteri, Datuk Dr Abdul Hamid Othman berhubung kenyataan yang diajukan memfitnahnya.

Dalam saman pertama, Asaari menamakan Dr. Abdul Hamid sebagai defendant pertama, The New Straits Times Press (M) Berhad (defendant kedua), dan diikuti defendant-defendant lain iaitu Ketua Pengarang The New Straits Times Press (M) Berhad, Utusan Melayu (Malaysia) Berhad dan Ketua Pengarang Utusan Malaysia.

Sementara dalam saman kedua pula, Asaari menamakan tiga defendant lain iaitu bekas ahli Al-Arqam, Zabidi Mohamed, Kumpulan Karangkraf Sdn. Bhd. dan Ketua Pengarang Eksklusif.

Plaintif diwakili lima orang peguam daripada tiga firma guaman memfailkan samannya melalui Tetuan Murshidah Kartini & Co

pagi ini di Pejabat Pendaftaran Mahkamah Tinggi Sivil di Wisma Denmark di sini.

Dalam pernyataan tunutannya, Asaari mendakwa, Dr Abdul Hamid mengucapkan dan telah menyebabkan percetakan atau penerbitan beberapa perkataan yang memfitnahnya.

Perkataan-perkataan itu, diajukan Asaari, antaranya membawa maksud dia seolah-olah membawa ajaran sesat dan syirik, pembelot, penjenayah, dan bersalah kerana cuba menghidupkan semula pergerakan yang diharamkan itu.

Selain itu, menurut Asaari, perkataan itu juga boleh membawa maksud seolah-olah dia telah melanggar syarat-syarat perlepasan daripada tahanan Akta Keselamatan Dalam Negeri (ISA) dan syarat-syarat Perintah Tahanan Terhad yang dijalaniinya sekarang.

Asaari mendakwa, perkataan yang mencemarkan namanya itu telah dicetak serta diterbitkan dalam akhbar *New Straits Times (NST)*

pada 18 April lalu bertajuk *Ex Leaders trying to renew Al-Arqam movement*.

Dia juga mendakwa akhbar *Utusan Malaysia* bermula pada 18 hingga 20 April lalu juga menyiarangkan empat artikel yang memfitnahnya iaitu *Asaari turut dalang usaha hidupkan Al-Arqam, Pemimpin Al-Arqam peralat agama dan Penglibatan Pelajar IPT dalam Al-Arqam diausasi*.

Menurutnya, artikel lain berhubung dirinya juga disiarangkan dalam *Utusan Malaysia* pada 20 dan 28 April lalu iaitu dalam ruangan *Bisk-Bisk (Awang Sulungi)* dan artikel bertajuk *Negara Jiran diminta bendung Al-Arqam*.

Sementara itu, Asaari menyaman bekas ahli Al-Arqam, Zabidi yang juga seorang peguam berikutkan perkataan yang diucapkan olehnya yang telah dicetak dan diterbitkan dalam akhbar mingguan, *Eksklusif* bertarikh 3 hingga 9 Mei lalu bertajuk, *Asaari pernah 'Hentam' Anwar dan Kerajaan mesti tegas tangani Al-Arqam*.

Tun
DAIM ZAINUDDIN

Sokong Anwar!

Bendahari UMNO Tun Daim Zainuddin menyatakan sokong terbukanya kepada Dato' Sri Anwar Ibrahim dengan menegaskan bahawa beliau (Anwar) adalah tokoh muda yang berwibawa dan boleh diharapkan untuk membantu Dr. Mahathir Mohamad mencapai wawasan negara. Sudah sampai masanya untuk UMNO meletakkan seorang pemimpin muda berkebolehan

sebagai orang nombor dua dalam parti. Sambil menyatakan sokongan secara terbuka kepada Anwar untuk bertanding merebut jawatan Timbalan Presiden, Daim menegaskan hanya pemimpin dinamik, berwawasan dan mempunyai pemahaman ekonomi yang boleh membawa Malaysia ke arah kemajuan dan pembangunan. Beliau juga menyatakan

kegagumannya kerana presensi Anwar sebagai Menteri Kewangan. Beliau akur dengan pencapaian pertumbuhan ekonomi sebanyak 10.4 peratus yang baru diumumkan untuk suku tahun kedua bagi tahun 1993. Ini jauh lebih baik daripada jangkaan ahli ekonomi malah Bank Negara dan Perbendaharaan sendiri.

Dato'
HUSSEIN AHMAD



Dato' Seri **RAFIDAH AZIZ**

— *Saya baik dengan Anwar*



"Saya mempunyai hubungan yang baik dengan semua orang termasuk Anwar dan beliau (Anwar) amat mengetahui sikap saya yang ikhlas dalam menentukan sebarang pendirian dan keputusan"

Dua puluh Exco Pergerakan Wanita UMNO yang bersidang atas pendirian peribadi menyokong hasrat Menteri Kewangan, Dato' Seri Anwar Ibrahim menawarkan diri bertanding merebut jawatan Timbalan Presiden UMNO. Ketua Pergerakan itu, Dato' Seri Rafidah Aziz berkata, keputusan tersebut dibuat setelah membincangkannya secara mendalam berdasarkan

perkembangan politik akhir-akhir ini khususnya setelah Anwar mengumumkan kesediannya bertanding jawatan Timbalan Presiden UMNO. "Perkara ini merupakan pendirian peribadi anggota Exco pergerakan itu yang hadir bagi menamatkan segala teka-teki mengenai keputusan Exco berkenaan-katanya. Menurut Rafidah, Pergerakan Wanita telah memutuskan untuk meletak-





Mahatma Ghandhi

Beliau percaya mesej anti-keganasan (*non-violence*) yang diperjuangkan olehnya gagal ketika beliau menghembuskan nafas yang terakhir.

IMAM KHOMEINI, MAHATMA GHANDHI, PERDANA MENTERI

Jika anda pernah sampai ke pejabat Pak Habib, anda akan pasti terpandang ke arah deretan bingkai gambar-gambar keturunan Pak Habib, antaranya datuk Pak Habib, Datuk Syed Hassan Alattas, ayahanda Syed Alwee Alattas, sahabat dan guru Almarhum Habib Hussien Al Habsee serta Almarhum Imam Ayatollah Khomeini r.a. di dinding sebelah kanan. Jika anda menoleh ke sebelah kiri pula, anda pasti terpandang gambar tokoh pejuang terkemuka India, **Mahatma Gandhi** sebaris dengan gambar ahli falsafah Greek, Socrates. Pak Habib juga turut menyimpan gambar Wali Songo dan Ustaz Ashaari di dalam kamar Pak Habib.

Pak Habib yakin setiap orang mempunyai seorang atau lebih manusia yang menjadi idolanya dalam kehidupan. Kalau bukan tokoh-tokoh terkemuka atau artis-artis terkenal

yang dijadikan sebagai *idola* (pujaan), ibu bapa pun boleh dijadikan idola. Oleh sebab itu sebagai seorang penulis dan pemikir, Pak Habib turut memiliki idola yang menjadi pembakar semangat.

Kalau benar **Islam** dijadikan amalan hidup yang diperkenalkan oleh Nabi Muhammad SAW melalui akhlak dan kita ini benar-benar terdiri dari kalangan orang-orang yang berilmu, beriman, bertaqwa dan ikhlas, kalau benar kita pernah membaca dan memahami terjemahan Al-Quran dengan menggunakan daya keintelektualan kita sebagaimana yang dilakukan oleh Almarhum Ayatollah Khomeini r.a, maka kita tidak tergelincir, tersasul dan tersesat begitu punya jauh.

Bulan Jun banyak mengingatkan Pak Habib kepada seribu macam peristiwa bersejarah dalam hidup Pak Habib amnya, dan tanahair khususnya. Antara peristiwa manis adalah hari kelahiran anak Pak Habib yang sedang menuntut di Jordan, Syed Muhammad Fuad yang jatuh pada tanggal 6.6.1976. Dalam pada itu Pak Habib teringat pula kepada peristiwa kapal terbang terhempas yang mengorbankan Ketua Menteri Sabah, Allahyarham Tun Fuaad Stephen dan beberapa orang Menteri Sabah yang turut bersama beliau.

Pada 4 Jun 1999 lalu genaplah 10 tahun Almarhum Imam Ayatollah Khomeini r.a. kembali ke rahmatullah. Ketokohan Imam Khomeini sebagai tokoh terpenting di dalam sejarah Islam zaman moden ini memang sukar untuk ditandingi. Almarhumlah tokoh yang bertanggungjawab mencetuskan kebangkitan Islam di seluruh dunia.

Sebagai Ketua Republik Islam Iran, negara Islam pertama dalam era moden ini, beliau adalah contoh tokoh yang terdekat dengan khalifah lama sebelum berakhirnya zaman kekhalifahan Uthmaniah.

Almarhum mendaki ke mercu kepimpinan atas kehendak ramai setelah mereka mengiktiraf kemampuan spiritual dan ketaqwaannya. Imam Khomeini r.a - *spiritual leader* menjadi seorang pemimpin tanpa perlu menubuhkan parti politik. Sewaktu hayatnya, Almarhum sering bercakap pasal kesatuan umat Islam tanpa mengira puak. Itulah sebabnya Almarhum dapat diterima oleh kedua-dua golongan Sunni dan Syiah. Malah mereka menganggapnya sebagai pemimpin Islam yang universal. Almarhum Ayatollah Ruhollah Khomeini juga dianggap sebagai tokoh pendokong martabat keinsanan dan ketaqwaan yang mengatasi pelbagai bentuk khurafat, pendewaan ras, kebangsaan (nasionalis), bahasa, budaya dan mazhab kepuakan yang berbentuk **fanatik**.

Imam Khomeini r.a. mengambil sikap global terhadap apa juga pandangan yang menyentuh tentang Islam. Inilah yang biasanya dilakukan oleh Almarhum Imam bagi menyatukan umat Islam. Almarhum Imam diingati dan disanjungi bukan semata-mata kerana Almarhum merupakan seorang Ketua Negara tetapi kerana setiap keputusan dan tindakan yang hendak diambil olehnya sentiasa berpandukan kepada kitab suci Allah SWT, Al-Quran dan hadis-hadis Rasulullah SAW. Inilah antara sebab Pak Habib menyimpan gambar Almarhum Imam Khomeini itu, selain Almarhum sebagai wali Allah - qutubulzaman.

Pak Habib juga menyimpan gambar Mahatma Ghandhi kerana menurut mendiang Mahatma Ghandhi, rahsia kejayaan beliau dalam perjuangan nasionalisme adalah berkat ketekunan beliau mendalami kitab Bhagavadgita dan menjadikannya "**ibu segala rujukan**".

Ghandhi sedar tujuan manusia diturunkan ke dunia ini hanyalah sebagai hamba dan apa saja yang diamanahkan mesti dijaga dengan baik dan sempurna. Kalau nak diikutkan umat Islam juga telah dibekalkan oleh Allah SWT dengan sebuah "**manual**" yang tersendiri sebagai rujukan, tetapi kenapa pemimpin umat Islam tidak mengguna dan memanfaatkannya sebaik mungkin sepertimana yang diamalkan oleh Almarhum Ayatollah Khomeini? Pak Habib yakin dengan merujuk kepada Al-Quran dan Hadis, sudah pasti negara yang kita cintai ini tidak akan mengalami huru-hara, kacau-bilau dan Tuhan tidak turunkan bala bencana yang amat dahsyat seperti yang berlaku hari ini. Inilah yang cuba disampaikan oleh pemimpin PAS agar kita umat Islam kembali kepada Al-Quran dan Hadis.

Berapa ramai dari umat Islam yang mempercayai hadis dan sejarah perjuangan Nabi? Islam itu satu agama yang **sempurna**. Dan kita juga tahu bahawa perkataan "agama" itu sendiri membawa maksud **kesejahteraan, kedamaian dan kemakmuran**. Perkataan "agama" yang berasal dari perkataan Sanskrit "A" yang bermaksud "tidak" atau "tiada" dan "**GAMA**" yang membawa erti "kekacauan". Maka **AGAMA** bermaksud **tiada kekacauan**. Oleh itu, orang yang beragama tidak akan sama sekali menyukai kekacauan walau agama apa

sekalipun. Malah mereka sentiasa merasa takut kepada Tuhan.

Islam mengarah ke jalan yang lurus dan adil. Oleh itu ekonomi dalam Islam juga diasaskan mengikut konsep seimbang, tidak seperti kronisme. Walaupun Islam membenarkan hak milik peribadi, tetapi Islam juga menentang kapitalisme kerana di dalam Islam ada banyak lagi cara dan kaedah yang boleh digunakan untuk buat duit dan cari makan, tanpa melalui jalan yang haram, tanpa menyusahkan orang lain, tanpa merompak, menyamun, menipu dacing, mencetak, mengedar dan menjual kaset dan buku-buku cetak rompak.

Sistem ekonomi Islam adalah atas dasar kepercayaan bahawa segala sesuatu itu adalah milik mutlak Allah SWT. Firman Allah SWT dalam surah Al-Baqarah, ayat 284: "*Segala yang berada di langit dan di bumi ini adalah milik Allah.*" Biarpun Allah SWT membenarkan hamba-hamba-Nya memiliki apa jua yang ada di atas muka bumi ini, namun umat manusia harus bijak memanfaatkannya ke jalan yang direhái-Nya. Sesungguhnya Allah SWT adalah tuan punya seluruh alam cakerawala ini dan berhak untuk melakukan apa saja yang dikehendaki-Nya. Dalam surah Al-Baqarah, ayat 29 Allah SWT berfirman: "*Dia telah menciptakan untuk kamu segala sesuatu di muka bumi ini.*" Inilah sebabnya setiap buku tulisan Pak Habib, hak ciptanya Pak Habib serahkan di bawah lindungan Allah SWT. Siapa yang mencetak rompak buku-buku Pak Habib tu, jawablah sendiri dengan Tuhan. Sendiri punya sendiri mahu ingat!

Namun, biar bagaimanapun Islam juga melarang pengumpulan harta yang berlebih-lebihan oleh segelintir manusia tertentu saja kerana ini hanya akan melahirkan dua kelas manusia - yang kenyang dan yang kelaparan. Tengok saja di Amerika Syarikat, negara terkaya di dunia. Tidakkah mereka yang merempat dan tidak mempunyai rumah, mengemis di jalanan dan mencari sisa-sisa makanan di tong-tong sampah dan di lorong-lorong belakang menyedarkan kita? Maka sebab itulah Islam mewajibkan cukai. Allah SWT berfirman : "... agar (mereka yang kaya) tidak menjadi monopolii di antara kamu"

Apa yang diingatkan di dalam ayat di atas ini berlaku di zaman Khalifah Uthman bin Affan, sebaik saja beliau dilantik sebagai khalifah, Uthman telah menjadikan kronikroni yang terdiri dari kaum keluarganya sendiri sebagai sekumpulan manusia yang kaya raya dan jelas menunjukkan beliau mengamalkan nepotisme.

Kalau kita lihat, Islam tidak mengajar kesaksamaan di mata Allah semata-mata, tetapi ia juga mewajibkan kesaksamaan di dalam urusan ekonomi. Biar bagaimanapun "kesaksamaan" di dalam Islam tidak "serupa". Islam mahu mendidik umatnya agar bersyukur dengan rezeki yang diberikan oleh Allah SWT. Inilah kesaksamaan yang dikehendaki oleh Islam.

Untuk mencapai kesaksamaan ini, Islam mempunyai caranya yang tersendiri iaitu memindahkan kekayaan yang berlebihan dari golongan kaya kepada golongan yang tidak berada. Ini dilakukan dalam dua peringkat - iaitu peringkat individu yang disebut "sedekah", kesaksamaan ekonomi

dicapai menerusi pendidikan etika dan amal. Dan di peringkat kolektif, kesaksamaan ekonomi dijamin menerusi cukai di dalam bentuk zakat kepada mereka yang memiliki kekayaan yang berlebihan.

Tapi sebaliknya apa yang berlaku hari ini, ada di antara orang-orang yang diamanahkan untuk menguruskan hasil kutipan zakat telah menyelewengkan hasil-hasil itu untuk dilaburkan ke dalam institusi-institusi yang tertentu dan keuntungannya dimonopolikan oleh individu-individu tertentu yang mahu menjadikan puaknya kaya-raya. Sedangkan tujuan utama kutipan zakat itu adalah untuk membantu golongan tidak berupaya dan membasi kemiskinan rakyat. Bukannya pemimpin nak membantu mengurangkan kadar kemiskinan rakyat dan membantu golongan yang tidak berupaya ini, sebaliknya mereka jadi lintah darat dengan merompak dan menyamun harta benda rakyat kerana sikap tamak untuk mengumpul kekayaan bagi diri sendiri dan kroni-kroninya.

Insan yang tunduk kepada ajaran Al-Quran mempunyai ikatan dengan keimanannya serta bebas dari segala sesuatu yang lain. Dalam masa yang sama ia melakukan hijrah untuk melaksanakan tuntutan keimanannya serta berjihad demi untuk membebaskan keimanan masyarakatnya. Atau dengan kata-kata lain, dia berjuang untuk membebaskan masyarakatnya dari segala ancaman kekufuran dan syirik. Berjuang untuk menentang penindasan, kezaliman dan ketidakadilan yang dilakukan oleh pihak berkuasa terhadap golongan yang tidak berupaya dengan melaksanakan sebenar-benar **jihad** tanpa ada sedikit pun agenda yang tersembunyi di sebaliknya.

Terdapat banyak dari bukti ayat-ayat Al-Quran dan hadis yang membicarakan kesemua aspek tersebut. Walaubagaimana pun memadai di sini dibentangkan beberapa gagasan penting dari khutbah Saidina Ali dari himpunan Nahju al-Balaghah yang bermaksud :

"Adapun jihad merupakan sebuah pintu daripada pintu-pintu syurga, nescaya Allah hanya membukanya khusus kepada penolong-penolong (agama)Nya, iaitu pakaian ketaqwaan. Allah akan memakaikannya dengan kekuatan dan melindunginya dengan kekebalan. Maka barangsiapa meninggalkan usaha kepadanya (jihad) nescaya Allah akan memakainya dengan pakaian kehinaan dan bala bencana, mencelakannya dengan celaan dan kejian. Lalu Allah menimpaikan terhadap hatinya dinding-dinding, menukar pemerintahan kebenaran dengan terhapusnya roh jihad sehingga ia menghadapi kesulitan dan bertegah ia dari melaksanakan keadilan"

Melihat kekacauan, mala petaka alam demi mala petaka alam yang berlaku, kegawatan ekonomi, huru-hara politik, wabak penyakit seperti tak pasal-pasal timbulnya virus yang kini disebut "Virus Nipah", sejenis virus pertama yang ditemui di dunia, maka kita terpaksa bertanya kepada diri kita, apakah negara kita benar-benar mengamalkan **Islam** sebagai '*'addin'*? Atau apakah ada di antara kita, di antara pemimpin kita dan cendikiawan-cendikiawan kita yang mempersendakan serta memperalatkan Islam untuk menipu dan memperdayakan manusia? Yang jelas, kebanyakkan dari kita tersesat, **tersasul**. Minta lain, buat lain. Minta Tuhan tunjukkan jalan yang **lurus** tapi kita ikut jalan yang bengkang-bengkok, banyak sangat *corner*, sana *corner*, sini *corner*, cilok sana, cilok sini. Tetapi oleh

kerana badan-badan yang memperniagakan duit orang Islam tidak ada ketelusan, maka kita cuma boleh '**melalak**' sajalah, macam anjing yang menyalak gunung.

Kalau inilah yang rata-rata dapat kita lihat berlaku di negara kita hari ini, maka Pak Habib rasa keimanan atau keIslam yang kita amalkan ini perlu dipersoalkan terutamanya mengenai soal **jihad**, soal **keberanian**, soal berkata **benar** kerana selagi kita dikelilingi oleh mereka yang penakut, dayus, bersikap **defensif** dari ofensif, hidup dalam keadaan **supress** kerana **diopress** (ditekan / dihimpit) dan tak berani **express** atau menyuarakan, menyampaikan atau meluahkan, lebih sanggup telan saja kejahatan dan kemungkaran yang dilakukan oleh pemimpin maha zalim, maka mereka yang bergelar pemimpin akan tetap dan terus-menerus bersifat *double standard*.

Kalau kita hendak ikut contoh-contoh yang diamalkan oleh Nabi Muhammad SAW, kita tak boleh pentingkan diri, keluarga dan kroni kita saja atau lebih senang lagi disebut **nepotisme**, **kronisme** dan **rasuah**. Kita mesti suarakan semua ini iaitu segala sesuatu yang melanda politik tanahair baru-baru ini. Mudah-mudahan dengan 'gelombang ketiga' atau 'hari kiamat' kepada sistem kediktatoran atau sistem ala-Muawiyah yang menggunakan agama semata-mata untuk menguasai segolongan manusia, maka akan muncullah pula, atau lebih tepat lagi pengembalian kepada sebuah sistem agama yang dibawa oleh Nabi SAW.

Pak Habib sengaja memilih Ghandhi sebagai salah satu contoh kerana dia merupakan pejuang nasionalis yang

hebat dan disanjungi di Asia biarpun beliau beragama Hindu. Moga-moga kita tidak memandang rendah penganut-penganut agama Hindu dan lain-lain agama atau merasakan diri kita yang paling mulia di sisi Allah SWT semata-mata kerana nama kita Islam. Nama saja Islam sedangkan hati dan jiwa kita lebih kafir daripada orang kafir.

Apakah mereka telah lupa bahawa Tuhan tidak membenarkan manusia menghina dan mengkeji sesama manusia. Mana tahu kaum yang kita kutuk itu lebih baik daripada kita yang mengaku Islam tapi kalau ikut Islam ala **Abdullah bin Ubai** tak tahulah.

Dalam masyarakat majmuk berbilang kaum di Malaysia, kita mengamalkan kebebasan beragama, berbudaya dan beradat. Oleh itu kita mesti menghormati semua kepercayaan orang lain kerana tiada paksaan di dalam beragama. Kalau pilih kisah Almarhum Khomeini saja, mungkin orang seperti Hamid Othman dan Pusat Islam tak dapat terima kerana menganggap bahawa mazhab Syiah Ahlul Bait itu bukan Islam. Keadaan ini boleh menimbulkan ketegangan dan pertelagahan. Pusat Islamkan ada kitab rujukan mereka sendiri yang melayakkan mereka dan untuk mengharamkan mana-mana mazhab selain dari Ahlul Sunnah Wal Jamaah.

Berbalik kepada Ghandhi, sewaktu hayatnya, Ghandhi telah menjadikan kitab Bhagavagita seperti ibu kepadanya. Beliau mula membiasakan diri dengan kitab tersebut sejak tahun 1889 lagi. Setiap kali beliau menghadapi kesulitan dan memerlukan petunjuk, beliau akan merujuk kepada kitab tersebut. Tapi, katanya kitab

Gita itu haruslah diperaktikkan di dalam tiap aspek kehidupan. Kalau setakat membaca dan menyebutnya saja kepada orang ramai pun tak guna juga. Dengan cara mengamalkannya, seseorang itu akan mendapat manfaatnya.

Ghandhi berkata lagi, "*sesiapa sahaja yang merehatkan kepalanya ke atas sifat pemberi kesejahteraan kitab Bhadgavagita, tidak akan merasa kecewa di dalam hidupnya*". Melihat kepada sejarah ini, bolehkah kita menidakkannya yang Mahatma Ghandhi itu seorang ahli kitab dalam erti kata yang lebih luas dan tersendiri? Dan apakah kita yang tidak mengamalkan isi Al-Quran dan Hadis, boleh digelar Ahli Kitab?

Kata-kata Ghandhi ini meyebabkan Pak Habib termenung sambil memikirkan berapa ramaikah pemimpin Melayu, pemimpin Islam dan mereka yang bergelar nasionalis Melayu (Islam) menjadikan Al-Quran dan Hadis sebagai "**ibu segala rujukan**" seperti yang dilakukan oleh Ghandhi terhadap Bhadgavagita.

Pak Habib tidak menafikan ada di kalangan orang politik Melayu, yang menyelitkan ayat-ayat Al-Quran dalam teks ucapan ketika berucap, tak kiralah orang PAS mahupun orang UMNO. Tapi sayangnya, isi Al-Quran ditebuk sana, ditebuk sini untuk disesuaikan dalam situasi masing-masing. Namun barapa ramaikah yang mengajak dan menyeru kepada seluruh umat Islam supaya menjadikan isi kandungan Al-Quran dan Sunnah Nabi Muhammad SAW sebagai rujukan dan cara hidup?

Selanjutnya Ghandhi menjelaskan lagi pengalaman beliau dengan kitab yang disebutnya "Gita" itu. Katanya:

The Gita says: 'Do your allotted work, but renounce its fruit. Be detached and work - have no desire for reward and work.'... By detachment I mean that you must not worry whether the desired result follows from your action or not, so long as your motive is pure, your means correct. Really, it means that things will come right in the end if you take care of the means and leave the rest to Him.

Kalau kita melihat kehidupan Ghandhi, maka kita dapat melihat bagaimana melalui semangat jihad yang ada dalam dirinya serta amalan yang diyakininya, beliau telah berjaya membebaskan India melalui kaedah '**non-violence**' dari cengkaman Great Britain. Sebenarnya cara inilah yang dilakukan oleh Imam Ali Zainal Abidin ketika dikenakan '**house arrest**' oleh Yazid bin Muawiyah. Ali Zainal Abidin yang dikenali sebagai As-Sajjad sentiasa sujud dan berdoa kepada Allah SWT melalui kekuatan kerohanian untuk mempertahankan dirinya daripada kezaliman dan kekejaman Yazid. As-Sajjad sentiasa menunjukkan sikap **non-violence** dan sentiasa berbuat kebaikan. Berkat kesabaran, Islam berkembang semula di zaman cucu-cicit Imam Jaafar Siddiq yang menjadi guru kepada keempat-empat imam Ahlul Sunnah Wal Jamaah.

Maka dalam keadaan kita menghadapi pemimpin yang kejam lagi zalim, kita mesti kembali kepada alam kerohanian dan mengamalkan sikap **non-violence**.

Walaupun perjuangan Ghandhi untuk menuntut

kemerdekaan bagi negara dan rakyat India itu amat besar, tetapi hasil dari perjuangannya itu, Ghandhi tak minta jadi Perdana Menteri, tak lobi supaya dipilih sebagai Presiden parti yang memerintah, tak minta tanah, tak minta saham, tak minta projek malah tak minta apa-apapun. Biarpun Ghandhi mengakhiri hayatnya dalam keadaan yang begitu daif dan miskin, tetapi pemergiannya sentiasa dikenang dan dijadikan **idola** bukan saja kepada penganut agama Hindu bahkan pencinta-pencinta keamanan dari berbagai bangsa dan agama termasuk umat Islam di seluruh pelusuk dunia.

Mahatma Ghandhi tidak bersikap **asobiah** dan tidak **fanatik**. Beliau mendalami ilmu keTuhanan dan menjadikannya sebagai pegangan hidup. Beliau sanggup berkorban, walaupun sentiasa keluar masuk penjara demi kemerdekaan bangsa dan negaranya. Ghandhi tak pernah menyusahkan orang lain.

Sebenarnya Ghandhi juga menjadikan Rasulullah SAW antara **idolanya**. Nabi Muhammad SAW wafat dalam keadaan yang paling sederhana. Begitulah juga kematian Ghandhi dan Imam Khomeini r.a.. Rasulullah SAW tidak mewarisi atau memiliki apa-apa pun. Apa saja yang pernah menjadi milik baginda, hatta sebatang sikat yang buruk pun sudah disedekahkan atau dihadiahkan. Apakah ada di kalangan pemimpin tempatan yang menjadikan ketiga-tiga tokoh ini sebagai idola mereka?

Rasulullah SAW tak melarang orang Islam dari bermiaga dan mengumpul harta, bahkan ada hadis yang menggalakkan umat Islam bermiaga. Nak bermiaga boleh, malahan dalam hadis ada menyebut bahawa **9/10**

daripada rezeki datangnya dari sumber perniagaan. Dulu Pak Habib ada menulis sebuah buku yang menggunakan tajuk yang sama. Keuntungan yang diperolehi mestilah diketepikan sekurang-kurangnya 20% yang merupakan humuz bagi membantu menyelesaikan hutang-piutang, dan diagihkan kepada anak-anak yatim piatu dan fakir miskin. Di samping itu tujuan humuz ini juga adalah untuk membersihkan pendapatan yang kita beri kepada anak isteri kita makan supaya duit itu menjadi berkat.

Tetapi apa yang berlaku hari ini adalah sebaliknya. Ada di antara pemimpin-pemimpin kita lebih sanggup habiskan duit buat rumah macam mahligai, beli kereta-kereta mewah sebagai koleksi, hisap curut *branded* harga RM2000 sebatang. Arak dah jadi menu utama untuk *breakfast, lunch, dinner* dan *supper*. Lebih sanggup duduk berjudi di kasino dari malam sampai pagi, tak ingat nak balik, tak ingat anak bini, daripada duduk memikirkan masalah negara. Mana rumahtangga tak haru-biru, bagi makan anak bini pun dengan duit tak berkat. Hari-hari bergaduh laki bini macam anjing dengan kucing.

Berzina jangan cakaplah, sanggup terbang ke sana ke mari, ke LA, ke New York, ke Paris dengan jet eksekutifnya untuk menjemput gundek-gundek 'mat salleh' bagi melayani nafsu syaitan mereka. Kalau tak pun aturkan *private meeting* ('business associate' kononnya) di hotel-hotel atau kondo-kondo mewah. Bukan itu saja malah sanggup membelanjakan RM50,000 untuk '*one night stand*' dan menghadiahkan sehelai songket yang berharga RM100,000 untuk seorang 'penyedap'. Manalah ekonomi tak lingkup, belum tua dah bangkrap. Kan lebih baik duit

itu disalurkan ke rumah-anak-anak yatim atau disedekahkan kepada fakir miskin. Dapatlah juga ganjaran pahala.

Seorang ahli politik dan tokoh korporat yang beragama Islam tak sepatutnya membiarkan diri, isteri-isteri dan keluarganya menjadi ahli perniagaan dari hasil keringat rakyat tetapi berlagak seolah-olah mengambil berat soal kemiskinan rakyat tetapi sebaliknya mereka lah yang menjadi lintah darat rakyat. Mentang-mentanglah mereka adalah nominees atau pemegang amanah, sesiapa pun tak boleh tanya. Sebenarnya manusia-manusia jenis inilah yang sepatutnya ditentang habis-habisan tapi walau bagaimana pun Mahathir tak dapat berbuat apa-apa sebab mereka semuanya pandai bermiaga dan banyak menyumbangkan jasa.

Kenapa dalam negara yang kaya dan makmur, masih ada lagi rakyat yang miskin, papa kedana terutamanya di kalangan umat Islam dan mereka yang berbangsa Melayu, sedangkan di keliling semua ketua-ketua agama, ketua kerajaan ada **ulama**, kenapa mereka tak tegah dan tidak melakukan sesuatu untuk menghapuskan terus kronis-kronis ini? Apakah kerana terlalu taksub kepada keduniaan atau takut mati? Takut ISA? Takut keluar masuk penjara? Atau takut periuk nasi tertutup dan tak boleh cari makan? Bukankah tanggungjawab seorang ulama adalah menjelaskan apa yang tidak jelas tentang agama. Menegakkan keadilan, menyuluhi kebenaran dan mencegah kemungkaran.

Orang yang **berakal** adalah orang yang **beragama** dan orang yang beragama adalah orang yang beriman kerana mereka tak buat kerja-kerja mungkar. Mereka cintakan

keadilan. Mereka tak pisahkan hal-hal yang berkaitan dengan keTuhanan dalam kehidupan sehari-hari. Nafsu dan keinginan keduniaan tidak lagi di hati.

Orang yang beriman mesti ada perasaan **malu** dan **takut** bila melakukan fitnah, pembohongan, mungkir janji, tidak amanah, pembaziran, keangkuhan, menunjuk-nunjuk dan bakhil. Akal sentiasa mengatasi nafsu.

Pemimpin yang mengaku sebagai orang yang beriman tidak akan boros dan kedekut, tak buat rumah macam mahligai seperti yang dilakukan oleh YB-YB yang baru saja dilantik memegang jawatan EXCO dan Menteri, sedangkan rakyat masih berada dalam kemiskinan.

Muammar Gaddafi patut diberi pujian dan dijadikan sebagai idola kerana beliau mengutamakan setiap rakyat yang harus mempunyai rumah dan beliau sendiri sanggup hidup di dalam khemah.

Senario kehidupan pemimpin yang mahu buat tempat kediaman seperti White House yang didiami oleh Presiden Amerika Syarikat adalah tidak layak dicontohi. Ini kerana politik Amerika adalah politik yang penuh dengan unsur-unsur keangkuhan, kemegahan dan kebesaran manusia.

Hari ini kita melihat sendiri bagaimana Mahathir membina mahligainya mengalahkan kediaman para raja, sultan dan pembesar negeri. Jadi tak salahlah kalau dia digelar *Duli Yang Maha Mulia Tuanku Mahathir*. Bacalah buku Pak Habib, **Tuanku Mahathir Lawan Sultan Mahmud Iskandar** (1993).

Rasulullah SAW bersabda : "*Rasa malu dan iman itu sebenarnya berpadu menjadi satu maka bila mana lenyap salah satunya maka hilanglah yang lainnya.*"

Bila direnungkan hadis ini ternyata bahawa rasa malu sangat berpaut kepada iman hingga boleh dikatakan tiap-tiap orang yang beriman pastilah ia seorang yang **pemalu** dan tiap-tiap orang yang tidak **malu** itu, tidak ada **iman** di dalam jiwanya walaupun lidahnya mengatakan "aku telah beriman". Sabda Baginda lagi : "*Iman itu mempunyai 69 rangka dan malu itu salah satu dari Iman. Setinggi-tingginya ialah mengucapkan "La ilaha illah", sedang serendah-rendahnya ialah menyingkirkan diri dari jalan yang dilalui orang*".

Apabila anda membaca hadis di atas, dan kembali memikirkan persoalan **idola** yang telah Pak Habib timbulkan pada awal buku ini, **malu** tak kalau kita gantungkan gambar-gambar pemimpin yang hidup mereka, tindak-tanduk mereka serta kepimpinan mereka jelas bertentangan dengan soal keimanan dan panduan yang telah dinyatakan oleh Al-Quran dan Hadis? Kalau mahu, anda terpaksa bertanya, bilakah agaknya gambar-gambar **idola** itu akan diturunkan dan digantikan dengan gambar-gambar **idola** lain.

Di Iran, gambar Shah Redza Pahlavi, orang dah tak simpan dan gantung dalam rumah sebaliknya orang gantung gambar ulama-ulama yang sentiasa bersifat sederhana tetapi ketika wafatnya lebih 10 juta manusia mengunjungi jenazahnya. Tak seperti Sha Redza yang melarikan diri ke luar negara. Di Indonesia, gambar

Suharto sudah hampir setahun diturunkan. Dan bagaimana pula halnya di negara kita, giliran gambar siapa agaknya yang akan diturunkan selepas gambar bekas Timbalan Perdana Menteri, Saudara Anuar Ibrahim? Setiap lima tahun sekali atau setiap kali bertukar Agung kita turunkan gambar-gambar mereka dan begitu cepat kita melupakan mereka mereka kerana mereka tiada pertalian dan ikatan dari hati ke hati dengan kita. Maka tidak hairanlah gambar-gambar pemimpin kita digantung sering silih berganti.

Allah SWT berfirman dalam surah Al-Raaf, ayat 179 yang bermaksud :

"Dan sesungguhnya Kami jadikan untuk isi neraka Jahanam kebanyakannya dari jin dan manusia, mereka mempunyai hati tetapi tidak dipergunakannya untuk memahami (ayat-ayat Allah) dan mereka mempunyai mata, tetapi tidak dipergunakannya untuk melihat (tanda-tanda kekuasaan Allah). Mereka itu sebagai binatang ternakan, bahkan mereka lebih cepat sesat lagi. Mereka itulah orang-orang yang lalai."

Assalamualaikum!



...minta doa jangan banyak-banyak sangat. Minta yang patut-patut sudahlah. Habis lepas baca tolong tengok sikit anak buah awa
Depan Tok Imam sungguh baik. Belakang Tok Imam, macam-macam kerja karut anak buah dok buat. Dah ramai pemimpin yang jatu
kerana anak buah.

(Dari buku *Talqin Untuk UMNO*, cetakan pertama tahun 1988)

Ke mana perginya Nasaruddin,
bekas setiausaha Anwar Ibrahim?

Tan Sri **MUHAMMAD TAIB**



Kita lebih sayangkan UMNO

"UMNO sayangkan En Ghafar, En. Ghafar baik orangnya, tetapi dalam masa yang sama kita lebih sayangkan UMNO. Saya merayu supaya En Ghafar akan memberi laluan kepada Datuk Seri Anwar"

Menteri Besar Selangor, Tan Sri Muhammad Muhd Taib, menegaskan bahawa pendirian Umno Selangor menyokong Dato' Seri Anwar Ibrahim bertanding Timbalan Presiden bukan bererti

membelakangkan En Ghafar sebagai Timbalan Presiden.

"Kita sayangkan En. Ghafar tetapi dalam masa yang sama kita lebih sayangkan UMNO"

Negara kini sedang

bergerak kearah menyediakan pemimpin pelapis. Sebagai pelapis sudah pasti yang dibawah mesti lebih muda daripada yang diatas. Tidak dinamakan "pelapis" jika kedua-duanya sama sebaya.

Ditanya mengenai reaksi En Ghafar yang hanya akan menemui rombongan Menteri-Menteri Besar, tidak wakil, Tan Sri Muhd yang juga akan menawarkan diri sebagai Naib Presiden menegaskan, "Dari segi logiknya bilamana kita menghadapi isu-isu raja-raja baru-baru ini, Umno hanya menghantar wakil sahaja, tidak semua wakil rakyat dan Menteri-Menteri hadir. ■



Muhd. Taib -
Tidak
dinamakan
pelapis kau
kedua-duanya
sebaya.

Oleh: RAZIE AHMAD

DALAM satu ceramah politik anjuran PAS di Bandar Tasik Selatan di pinggir ibu kota baru baru ini, Hang Tuah UMNO Darul Hishamuddin Tun Hussein telah disebut oleh ahli lawatankuasa perhubungan PAS Wilayah Persekutuan Zulkifli Nordin supaya turun bersama ke gelanggang sejarah aman tanam.

Zulkifli yang juga merupakan pegawai belia Datuk Seri Anwar Ibrahim berkata, "Hang Tuah semasa bertarung dengan Hang Jebat mereka sama-sama bersenjata."

Jika Hishamuddin dan Pemuda UMNO mahu jadi Hang Tuah dia mesti bertarung secara berdepan dengan musuh musuhnya. Seteranya mesti diberikan peluang membela diri dan mesti dipastikan bersenjata."

"Kalau menakam lawan yang ditutup mata tangan bergantung dan berada di lokap itu bukan Hang Tuah namanya. Bagaimana Hishamuddin mahu jadi Hang Tuah sedangkan dia menangani di gelanggang."

"Hang Tuah setahu kita tidak pernah menganggap dirinya bersilat," sindir Zulkifli disambut dengan kerawang dan sepakat daripada lebih 6,000 orang yang menghadiri majlis tersebut.

Kesimpulannya Zulkifli menyatakan Hang Tuah yang menjadi legenda searah Melayu itu adalah seorang yang gentleman walaupun dia setia melulu kepada raja-raya. Hang Tuah bertarung dengan Hang Jebat secara berdepan dan bersenjata walaupun dia menggunakan upah musuh dalam pertarungan itu sedangkan Hang Tuah moden pula pringgitur, menakam musuh (kawan) dari belakang.

Searah Melaya juga menceritakan bahwa sebahagian Melaya itu sanggup berbuat apa sahaja untuk Sultan Melaka.

Huluhalang Melaya itu bukan sahaja setia dan sanggup mati kerana Sultan malahan sanggup menjuruk manusuk ke lubang naga untuk menyalahkan kuda kesayangan Sultan dari mati lemas.

Begitulah tingginya budi dan ketiauan Hang Tuah @ Hang Setia hingga sanggup bergerulang dengan sihir senjata-mata kerana mahu men-



Hishamuddin Tun Hussein

saga hati dan nafsu Sultan Sanggupkah Hang Tuah moden berbuat begitu?

Pasti tidak kerana Pemuda UMNO terdiri daripada orang yang bijak pandai dan bermanah! Pemuda UMNO sekarang dilabelkan sebagai pengikut bisu dan hanya tahu mem-

Zulkifli sebelum mengakhiri kisah Hang Tuahnya sempat berkata: "Hang Tuah yang sudah mati tentu malu jika dia tahu Hang Tuah moden menang sebelum masuk ke gelanggang." Beliau juga sempat mencabar Pemuda UMNO turun berdebat secara jenasi dan dengan Pemuda PAS mengenai apa-apa itu sekalipun.

bodek. Malahan Pemuda UMNO kini dicop sebagai pengacau di majlis ceramah parti alternatif.

Pemuda UMNO perlu mengikis semua imej ini jika mahu menjadi pahlawan Melayu. Pemuda UMNO perlu membentuk semula idealisme perjuangannya jika ia masih relevan diulu kini dan selamanya. Pemuda UMNO sekarang perlu membuka sejarah parti itu untuk mengkaji, menilai dan belajar dan sejarah Syed Jaafar Albab dan Harun Idris.

Zulkifli sebelum mengakhiri kisah Hang Tuahnya sempat berkata: "Hang Tuah yang sudah mati tentu malu jika dia tahu Hang Tuah moden menang sebelum masuk ke gelanggang." Beliau juga sempat mencabar Pemuda UMNO turun berdebat secara jenasi dengan Pemuda PAS mengenai apa-apa itu sekalipun.

Peguam muda itu juga merumuskan bahawa kisah Hang Tuah moden ini membuktikan budaya buku sahabat semakin menular dalam UMNO sekarang walaupun mereka tahu pemimpin atau raja yang berkuasa itu seorang yang zalm.

Kawan boleh bertukar mendaki lawan dalam sekelip mata kerana nafas persahabatan kini diitar dengan kontak saham dan tender.

Majlis ceramah Zulkifli itu di selang seli oleh hujan renai-renai namun orang ramai yang terdiri dan pelbagai kaum itu tidak bergantung. Mereka tertarik dan terhibur dengan kisah omnipotensial Hang Tuah itu. Ceramah menjadi lebih hangat bila Zulkifli bercerita tentang diktator diktator yang pernah wujud di dunia ini.

Beliau berkisar tentang kisah diktator Hitler dan Mussolini. Menurutnya, buku sejarah mencatatkan Hitler sebagai seorang yang bercita-cita tinggi. Dia mahu menjadikan bangsa Jerman bangsa terkemuka di dunia.

Dia mahu menjadikan Jerman kuasa dunia. Lalu pelbagai program diatur untuk membangunkan ekonomi dan kuasa ketenteraan Jerman. Pada tahun 1930-an Hitler menggarahkan stadium Olimpik dibina di Berlin. Bersusah payah rakyat Jerman membinanya dan akhirnya stadium itu siap dan menjadi yang termoden di dunia pada ketika itu.

Hishammuddin, Najib takut berdebat — Mahfuz

ARAU 14 Julai — Pas menganggap Pemangku Ketua Pemuda UMNO, Datuk Hishammuddin Tun Hussein penakut kerana tidak hadir dalam debat terbuka di Universiti Kebangsaan Malaysia (UKM) dan Universiti Malaya (UM) baru-baru ini.

Ketua Pemudanya, Mahfuz Omar turut mempunyai anggapan serupa terhadap Naib Presiden UMNO, Datuk Najib Tun Razak, yang disifatkan tidak berani berdebat dengan pemimpin Pas secara terbuka.

Beliau menyindir kedua-dua pemimpin UMNO itu ketika berceramah politik di Kampung Kebun di sini malam tadi.

Sebelum ini Hishammuddin memberi alasan bahawa tiada makna jika mereka hadir perdebatan yang telah 'diatur' oleh Pas untuk mengacau atau mengejek penceramah dari UMNO.

Kejadian seperti itu berlaku di UKM tempoh hari apabila penceramah dari UMNO tidak diberi peluang bercakap oleh penyokong-penyokong Pas yang memenuhi dewan dan me-

ngejek serta membuat bisbing.

Mahfuz mendakwa, Najib juga mungkin sama dengan Hishammuddin tidak akan berani hadir apabila diundang untuk berdebat di Universiti Teknologi Malaysia (UTM) nanti.

"UTM pula jemput saya (majlis debat) dan sudah dimaklum lebih awal bahawa tarikh belum dapat disahkan lagi kerana masih dalam pertimbangan pihak universiti."

"Antara ahli panelnya, saya mewakili Pas, UMNOnya Datuk Najib Tun Razak. Kah ni kalau Hishammuddin tak mai, Datuk Najib pun tak mai... sahlah mereka ni penakut," katanya.

Mahfuz turut terkilan kerana sebelum ini Hishammuddin yang dianggap perkasa oleh kalangan Pemuda UMNO itu pula telah menuduhnya tidak berani berdebat.

Katanya, alasan tersebut dibuat apabila beliau memberi beberapa syarat setelah dipelawa berdebat dalam rancangan *Dateline Malaysia* di ntu 7.

Husni
melanjutkan
15 Julai 1999

Pemuda kecewa

Kata Nazri, sekiranya pucuk pimpinan parti menganggap berhasil menimbulkan masalah kepada parti, beliau rela melepas jawatan dalam Pemuda.

Beliau menegaskan, jika Perdana Menteri mahfiz mempertahankan keadilan ke atas Rahim, beliau perlu juga memikirkan keadilan kepada Pemuda UMNO yang kini imejnya telah jatuh dan teruk terjejas.

Nazri menegaskan, siapa yang menjadi masalah pada parti harus berundur.

"Kalau hari ini saya meruntuhkan masalah kepada UMNO, saya pasti berundur. Saya tidak mahu menjadi Ketua Pemuda UMNO yang tidak berwibawa, katanya.

Mengenai kenyataan Dr. Mahathir bahawa Rahim tidak boleh dihukum sebelum dipastikan bersalah, Nazri berkata:

"Soal Rahim bukanlah soal undang-undang ia adalah satu isu politik. Rahim tidak diperlukan sebagai seorang ahli politik untuk menerajui UMNO."

"Saya tidak melihat kita memerlukan mahkamah membuat keputusan dan oleh itu Pemuda UMNO perlu bertindak. Di da-

lam politik kita tidak boleh menunggu."

Nazri berkata beliau bertanggungjawab penuh ke atas perkara itu dan berharap pucuk pimpinan UMNO tidak mengambil tindakan terhadap Exco Pemuda UMNO dan Ketua Pemuda UMNO Melaka Asa'ari Ibrahim dalam perkara ini.

Asa'ari menegaskan semalam, Pemuda UMNO Melaka tetap menolak kepimpinan Rahim dan menafikan tindakan itu diambil akibat dipengaruhi oleh mana-mana perkataan politik.

Nazri, yang membaca kenyataannya dari sebuah buku nota berkata, beliau berpegang teguh kepada idealisme semangat perjuangan Pemuda UMNO yang mesti berani, lantang, tegar dan bertanggungjawab dalam menegakkan keadilan.

Pemuda UMNO Melaka semalam menyerahkan memorandum kepada Perdana Menteri dan Timbalannya Datuk Seri Anwar Ibrahim meminta salah seorang daripada mereka mengambil alih jawatan Ketua Perhubungan dan pada Rahim.

Mereka juga merayu pucuk pimpinan tidak mencalonkan



NAZRI AZIZ

Rahim bertanding pada pilihanraya akan datang.

Menjawab satu soalan, Nazri berkata keputusan menyokong pendirian Pemuda UMNO Melaka adalah keputusannya sendiri, tanpa meruuk kepada Exco Pemuda atau mana-mana pihak dan beliau bertanggungjawab penuh di atasnya.

Mingguan Malaysia 9hb. Oktober 1994

tertentu memutarbelitikan kes pembabitan beliau dengan pelajar itu sehingga memperlihatkanya (Rahim) seolah-olah seorang 'penjenayah'.

"Dia belum didapati bersalah tetapi akhbar dan parti (Umno Melaka) sudah hukum dia. Rahim perlu diberi keadilan," katanya.

Dr Mahathir berkata, Rahim banyak memberi jasa kepada negara, khususnya kepada Melaka yang banyak membangun hasil usahanya.

"Sekurang-kurangnya bagilah keadilan pada dia ini belum apa-apa lagi, dah nak hukum dia," kata Dr Mahathir.

"Sepatutnya sebelum dia (didapati) bersalah (atau sebaliknya), kita tak boleh tuduh dia, tak boleh hukum. Ini belum kita dapat buktikan kesalahan dia, awal-awal lagi orang dah buat macam-macam toh mahan," kata beliau, dan menambah bahawa perkara itu berlaku kepada Rahim kerana beliau seorang ahli politik.

Perdana Menteri berkata, Rahim perlu diberi perlindungan untuk membela dirinya kerana polis juga sedang menyiasat latar belakang pelajar yang dikatakan mempunyai hubungan sulit dengan Rahim.

"Kita kena periksa dan polis sedang menyiasat gadis itu untuk mengetahui cerita sebenar," kata beliau.

Beliau juga bertanya mengapa publisiti meluas hanya tertumpu kepada Rahim dan tidak kepada latar belakang gadis itu.

Dr Mahathir juga menegur cara polis menjalan-

kan siasatan sehingga mengganggu anak dan isteri Rahim dengan bertenaga kepada mereka soal-an yang keterlaluan.

"Penyiasatan tak usahlah sampai setakat itu," kata beliau.

Dr Mahathir berkata beliau tahu apa yang sedang berlaku dalam Umno Melaka.

"Saya tahu siapa yang terbabit... orang Umno mana yang terbabit. Saya tau, sebab itu saya tak tunggu sehingga dapat hasil siasatan polis," kata beliau.

Perdana Menteri mengulangi bahawa beliau bercadang mengemukakan surat perletakan jawatan Rahim kepada Majlis Tertinggi (MT) Umno sebelum mendedahkanya kepada umum (melalui media massa).

Bagaimanapun, oleh kerana Pemuda Umno Melaka membuat heboh, beliau terpaksa menceritakan hasrat Rahim kepada wartawan Malaysia yang membuat liputan lawatannya ke Turkmenistan.

Pemuda Umno Melaka meminta Badan Perhubungan Umno Negeri diam-bil alih sama ada oleh Dr Mahathir atau Timbalan Presiden Umno, Datuk Seri Anwar Ibrahim, dan Rahim tidak dicalonkan bertanding dalam pilihan raya umum akan datang.

Dr Mahathir berkata, beliau akan mengemukakan surat perletakan jawatan Rahim kepada MT yang dijadualkan bermesyuarat Rabu depan dan meminta akhbar supaya jangan membuat spekulasi mengenai apa yang akan diputuskan oleh MT.

— Bernama.

*Gubal akta sekat sembahyang
Jumaat luar qariah*

*Harakah
24 Mei 1999.*

Hamid Othman tidak relevan - Prof. Mahfudz

Oleh **AMIR RAMADZAN IBRAHIM**

KUALA LUMPUR: Cadangan Menteri Di Jabatan Perdana Menteri untuk menjadikan satu kesalahan bagi mana-mana umat Islam yang bersembahyang Jumaat di luar qariah adalah tidak relevan untuk dilaksanakan lebih-lebih lagi di kawasan bandar.

Demikian kata Naib Yang Dipertua Persatuan Ulama' Malaysia, Prof. Dato' Dr. Mahfudz Mohamed di sini.

Menurutnya, jika peraturan itu dilaksanakan ia akan menyusahkan orang ramai yang terpaksa balik ke qariah masing-masing untuk melaksanakan sembahyang Jumaat sedangkan mengikut Islam, ia boleh ditunaikan di mana-mana masjid sekalipun.

Jumaat lepas, sebuah akbar berbahasa Inggeris melaporkan bahawa Menteri di Jabatan Perdana Menteri Dato' Paduka Dr. Abdul Hamid Othman berkata kerjaan tidak mempunyai pilihan melainkan mengenakan denda kepada mereka yang memboikot

masjid kerajaan dalam qariah mereka dan pergi ke masjid lain, terutama yang dijalankan oleh PAS.

"Dalam negara demokrasi, sepertinya umat Islam bebas untuk bersembahyang di mana-mana masjid yang menyakinkan mereka walaupun masjid itu dipunyai oleh pembangkang," kata Dr. Mahfudz ketika dihubungi oleh Harakah.

Dr. Mahfudz yang juga Timbalan Pengarah bahagian Syariah, Akademi Pengajian Islam, Universiti Malaya berkata, perkara yang wajib adalah mendirikan sembahyang Jumaat, bukannya di masjid mana sembahyang Jumaat itu dilakukan.

"Yang sepertinya dikenakan denda adalah mereka yang meninggalkan sembahyang Jumaat bukannya orang yang bersembahyang Jumaat di luar qariah," ujarnya lagi.

Beliau berkata, cadangan Abdul Hamid itu adalah tidak praktikal untuk dilaksanakan apatah lagi ianya tidak selaras dengan penekanan Islam dan semangat demokrasi.



"Percayalah cakap saya Encik Ghafar. Dr Mahathir tu saya boleh jengkal. You tinggalkan dia, you ikut saya jadikan En. Ghaffar Timbalan Perdana Menteri saya." Begitulah cerita Ku Li pada Ghaffar agaknya. "Ku saya tak hendak mimpi naik boat". Kata Encik Ghafar.

Dari buku *Talqin Untuk UMNO* (1988)




"Tahun 1981 kalah sekali lawan Musa. 1984 lawan Musa, Dr Mahathir tolong Musa, kalah juga lagi. 1987 campur geng Musa lawan Dr Mahathir, kalah lagi. Apa punya nasib! Apa juga ilmu yang Dr Mahathir ini pakai. Di manalah silapnya?" Ini bukan salah atau silap. Ini sudah suratan Takdir. Kalau bukan hak kita, rezeki kita, buat macam mana pun tak dapat. "1988, tak percaya suratan Taqdir, ajak Hussein Onn, Tunku, bawa istana berlawanan sama. Tubuh parti baru tidak diterima oleh kerajaan." Bukan salah ibu mengandung, nasib badan!

Sayang semuanya sudah terlambat, menyesal tak lagi. Satu nyanyian dari Shidq untuk Ku

Gambar dan tulisan di atas diambil dari buku *Talqin Untuk UMNO* (1988), kalau kita tenung baik-baik, mungkin kita akan terfikir, kita dapat membaca bagaimana Ku Li sedang merenung dengan sedih tentang politik negeri Kelantan. Siapapun yang ambil alih sebagai pemimpin Kelantan selepasnya, selagi sikap pengundi tak berubah, Kelantan dari dulu, macam itu macam itulah juga. Bagaimana kalau nasib pemimpin itu yang baik?

Tanah airku MALAYSIA



PENUTUP

Seorang pujangga China pernah berkata "*Perjalanan seribu batu bermula dengan langkah yang pertama.*" Maka begitulah juga sebuah buku, ia tentulah bermula dengan sepatah perkataan. Jika anda sudah sampai ke bab ini, maka ini bermakna anda telah membaca lebih dari 700 halaman dalam siri trilogi yang Pak Habib hidangkan untuk anda para pembaca sekalian.

Memanglah panjang perjalannnya. Ibarat orang yang sedang mengembara 1000 batu, dalam membaca buku Pak Habib ini tentulah ada kalanya anda ghairah nak tahu apakah cerita sebenarnya yang berlaku di dalam mahupun di luar negara yang boleh melibatkan kita semua. Anda nak tahu apakah kisah sebenar yang tersembunyi di sebalik apa yang anda sedang lihat berlaku pada hari ini kerana anda hanya seorang pemerhati. Ada kalanya anda

ketawa kerana Pak Habib mahukan anda merehatkan otak dan minda anda buat seketika kerana adakalanya anda selalu memikirkan yang bukan-bukan sambil mencari-cari jawapan kepada persoalan-persoalan yang Pak Habib bangkitkan di dalam buku ini. Relaks, bawa bertenang. Ini semua cerita dunia kecil punya hal. Dan Pak Habib yakin anda juga sedih dengan apa yang berlaku terhadap agama, bangsa dan negara anda hari ini tapi anda tak dapat buat apa-apa. Siapa kata? Anda tak buat apa-apa? Siapakah kalau bukan anda yang boleh mengubah nasib kaum bangsa anda?

Trilogi ini adalah hadiah Pak Habib untuk anda sekalian menjelang kedatangan alaf baru ini dan **trilogi** ini juga adalah sumbangan ikhlas Pak Habib untuk mereka yang merasa bertanggungjawab terhadap agama, bangsa dan negara. Namun biar bagaimanapun, buku Pak Habib ini bukanlah sebuah buku akademik atau sebuah novel yang memakan masa 5 atau enam bulan untuk ditulis. Ini buku politik semasa.

Buku politik semasa yang Pak Habib tulis kebanyakannya mesti disiapkan dalam masa satu bulan. Kalau lambat, alamatlah jadi **suratkhabar lama** kerana cerita di dalamnya dah basi. Cuba letakkan diri anda ditempat Pak Habib, boleh anda tak kelam-kabut dan bila anda terkocoh-kacah main bantai dan bedal saja. Yang penting anda faham apa yang Pak Habib sampaikan.

Dalam menulis buku politik seperti ini semua keputusan perlu dibuat dengan cepat, bukan senang oii..! Tak ada masa nak buat penyelidikan yang meleret-leret

macam tesis ataupun buku akademik. Oleh itu jika ada apa-apa kesilapan dan kesalahan, Pak Habib ingin memohon maaf kepada anda sekalian. Terimalah buku ini sebagai sebuah **buku politik semasa**. Sabar ajelah...

Saat ini di seluruh dunia ada keperluan yang sangat mendesak untuk dihidupkannya kembali iaitu **agama**. Kita semua perlu pancangkan panji-panji **kebenaran** di tengah-tengah segala bendera kesesatan yang ada. Kita kembalikan mereka yang menuduh orang sesat di atas jalan yang lurus supaya mereka tak ikut sesat sama. Inilah langkah pertama dan mungkin yang terakhir sebelum kita menutup tirai abad ke-20. Keperluan ini bersifat antarabangsa, global kerana dunia sudah jadi semakin kecil, malah dengan telefon bimbit pun kita sudah boleh berkomunikasi hampir ke seluruh pelusuk dunia. Kepincangan dan penyakit yang melanda seluruh dunia juga sedang melanda negara kita. Sementara itu, tandanya bahaya di mana-mana membuktikan kebenaran kenyataan bahawa manusia sudah tidak lagi menghormati dan memerdulikan agama masing-masing - sama ada Hindu, Buddha, Kristian mahupun Islam. Sebagai rakyat Malaysia yang beragama Islam, kebiasaan paradigm yang Pak Habib gunakan dalam penulisan adalah Islam dan latarbelakangnya adalah pemimpin, bangsa dan negara Pak Habib sendiri kerana subjek yang diperbincangkan di dalam setiap buku Pak Habib adalah mengenai manusia yang bersifat universal.

Mendiang Presiden Amerika, John F.Kennedy pernah meninggalkan amanat: *"Tanyalah apa yang dapat diberikan kepada negara anda, dan bukannya apakah*

yang dapat negara berikan kepada anda".

Hari ini yang menjadikan kita semua bercelaru macam ini ialah kerana ramai sangat yang merasakan tak dapat apa-apa dari kerajaan walaupun macam-macam yang kerajaan telah berikan kepada kita. Anak salahkan emak bapak, suami salahkan isteri tapi tak ada yang nak mencari kesalahan sendiri. Kita tahu dan kita pun tak harapkan semuanya kerajaan nak bagi, kalau kita ingat semua kerajaan mesti bagi tak payahlah adakan jabatan-jabatan dan kementerian dan menteri-menterinya. Buat membazir beras sahaja. Ada satu Kementerian Kebajikan Rakyat sudah cukup. Setiap bulan pastikan setiap orang dapat sejumlah wang yang besar dari kerajaan. Tetapi yang kita berharap sangat supaya pemimpin dan kerajaan dapat memberikan kasih sayang dan perhatian terhadap rakyat. Kerajaan kena ingat tanpa rakyat tidak akan terbentuk kerajaan.

Tapi kita semua tahu, itu bukan kerja kakitangan kerajaan. Mereka yang dapat kontrak kerajaan, saham-saham yang diagih-agihkan oleh kerajaan, itu rezeki mereka. Apa yang kita tak puas hati ialah amalan **kronisme** dan **nepotisme**. Inilah yang Pak Habib telah bangkitkan didalam ketiga-tiga buah buku Pak Habib dalam trilogi yang anda sedang sampai di penghujungnya.

Kita tak boleh bantai kerajaan semata-mata kerana Brother Anwar masuk penjara. Walaupun ramai yang tidak bersetuju dengan Mahathir dan mahkamah, itu soal lain. Kita tak boleh sebarkan dakyah dan fitnah serta cacian terhadap kerajaan dan menumpukan semua

kebencian dan kemarahan kepada Mahathir seorang saja. Walaupun Mahathir yang mesti dipertanggungjawabkan kerana dia yang menjadi ketua tetapi kalau tak ada **yesmen** dan **burung kakak tua** di sekelilingnya yang bersekongkol dan bersubahat dengannya, pasti semua ini tak akan berlaku. Ye tak?

Kita tahu banyak kebaikan yang kerajaan Barisan Nasional, dari zaman Tunku sampailah ke zaman Mahathir yang telah berjasa kepada rakyat. Tapi ini tidak semestinya kita mesti biarkan pemimpin-pemimpin kerajaan kita terus menerus mengamalkan amalan kronisme dan nepotisme dan rasuah yang berlebih-lebihan sehingga menjadikannya sebagai satu budaya. Tak rasuah macam mana nak hidup, harap gaji maná cukup nak bagi anak bini makan.

Sebab itulah dalam buku Pak Habib, *Challenger Siapa Lawan Siapa*, Pak Habib menyatakan kalau nak berperang mesti ada etika yang betul. Tak boleh main pukul curi-curi. Tak boleh **menangguk di air yang keruh** dan tak bolehlah nak lebih-lebih sangat. Kita mesti bersikap sederhana. Bila kita betulkan minda dan ubah sikap, dengan sendirinya sistem yang berada di hujung senja ini dan Mahathir akan tenggelam dan kita boleh menunggu sinar baru matahari yang akan membawa harapan baru.

Hari ini kita terpaksa bertanya kepada diri kita sendiri, kita terpaksa ikhlas dalam mencari jawapannya dan kita harus memikir dan merenungkan jawapan kita itu dengan sedalam-dalamnya. Siapakah sebenarnya yang telah

menangguk di air keruh? Siapakah *opportunist* politik yang sebenarnya? Tokoh korporat, ulama atau ahli politik?

Kalau pun PAS bersekongkol dengan lain-lain parti pembangkang nak menang pilihanraya, *cara tu kenalah betul, beb!* Tak bolehlah ikut cara BN gunakan media massa untuk menyebarkan dakyah dan merosakan fikiran rakyat dengan fitnah melalui ceramah-ceramah dan media mereka? PAS yang bercakap pasal Islam tapi kebanyakannya pengikut-pengikutnya masih buat kerja-kerja karut. Apakah ini etika yang betul? Kalau tak betul, apa pasal ada ahli-ahli PAS yang buat macam tu? Mula-mula dulu cerita pasal Anwar dan keburukan Mahathir tersiar di akhbar Harakah atau lain-lain akhbar milik PAS memanglah pembaca seronok nak baca. Maklumlah berita masih hangat lagi macam goreng pisang panas tapi bila Harakah asyik bercerita benda yang sama, balik-balik hentam Mahathir, kutuk kerajaan dan pemimpin UMNO berlebih-lebihan, lama-kelamaan pembaca pun dah mula *boring* dan *fed-up*. Pi mai pi mai tang tu juga. Semuanya dua kali lima saja. Pemimpin politik jangan rosakkan minda dan aqidah rakyat.

Ucapan-ucapan Mahathir sudah tak laku, orang dah muak dan meluat mendengarnya. "***Backfire***" - senjata makan tuan. Ludah ke langit, terpercik ke muka sendiri, maka bagaimana pula dengan maki-hamun dan kata-kata cela di dalam media milik PAS?

Para pemimpin PAS kena ingat mesej yang dibawa oleh PAS adalah Islam, maka PAS tak boleh terkeluar

dari paradigma Islam. Kita tak boleh jadi macam orang kafir. Kita tak boleh guna cara dan teknik mereka, apa pun yang hendak kita kata dan lakukan mestilah kembali kepada al-Quran dan Sunnah. Memenangi pilihan raya dan bukanlah tujuan dan matlamatnya semata-mata kerana mahukan kuasa politik, bukan berbentuk perjuangan Islam. Kita memperjuangkan nasib mereka yang tertindas dan dizalimi. Kita berjuang untuk menuntut keadilan agar manusia yang menjadi mangsa kezaliman dibebaskan dari segala bentuk ketidakadilan. Niat dan prinsip perjuangan adalah penting dan perlu jelas.

Kalaulah ditakdirkan PAS menang dalam pilihan raya umum di Kelantan dan Terengganu nanti, apakah yang nak mereka buat dengan kerajaan baru yang akan mereka tubuhkan itu?

Pengalaman adalah seperti **amanah**. Tapi **amanah** boleh diajar, ditanamkan dan disedarkan tetapi pengalaman tak boleh diajar. Ia macam sifat berani, hanya orang yang yakin saja yang berani tapi bukan mudah untuk menyakinkan seseorang yang penakut dan tidak berilmu. Sesungguhnya ilmu saja yang boleh memberikan keyakinan.

Kalau UMNO menang, PAS pula kekal jadi pembangkang. Tetapi jika ditakdirkan PAS menang, maka UMNO yang akan jadi pembangkang. Akhirnya kita orang Melayu ini tidak ada kerja lain kecuali menaik dan menjatuhkan kerajaan. Sama seperti apa yang berlaku di Kelantan. Sebenarnya siapa yang untung, siapa yang

rugi? Bukankah lebih baik kita cari satu formula supaya sesuatu yang tidak dimiliki oleh orang UMNO iaitu **ilmu dalaman** dan **keimanan**, kita masukkan ke dalam diri mereka. Begitu juga dengan sesuatu yang tidak dimiliki oleh orang PAS iaitu ilmu keduniaan, maka kita masukkan ke dalam diri mereka pula. Dengan itu maka dapatlah kedua-dua buah parti berlawan dengan sihat dalam pilihan raya kelak.

Kita tak boleh ikut macam Jepun, Amerika Syarikat dan Great Britain. Budaya politik dan masyarakat mereka jauh lebih maju dari kita. Di Jepun ada dua buah parti politik yang kuat dan mampu memberikan **alternatif** yang sama berkesan di dalam kepimpinan kerajaan. Begitu juga dengan Demokrat dan Republikan di Amerika Syarikat dan Conservative dan Labour di Great Britain. Di Malaysia kita ada apa? Bolehkah PAS memberikan satu alternatif kerajaan yang sama efektifnya dengan UMNO? Itu sebabnya Pak Habib masih terfikir-fikir untuk mengisi borang keahlian PAS.

Cuba tanya orang PAS, boleh tak mereka tunjukkan *shadow cabinet* PAS? Dan rasanya selepas pilihan raya nanti, apakah suratkhabar-suratkhabat mereka masih lagi nak menghentam Mahathir dan orang UMNO?

Pak Habib rasa PAS boleh, tapi bukannya sekarang. PAS kena buat *homework* dulu. Kena buktikan, kalau mereka memenangi sesebuah kerajaan negeri, maka ia adalah lebih baik daripada kerajaan negeri yang pernah diperintah oleh UMNO. PAS pernah memerintah di Terengganu dan masih menguasai Kelantan? Jaga baik-

baik. Jangan sampai burung terbang dipipiskan lada.

Pak Habib tidak menyatakan UMNO itu seratus peratus baik. Dalam buku ini pun banyak yang Pak Habib timbulkan tentang kelemahan-kelemahan UMNO yang berpunca dari kelemahan-kelemahan moral pemimpin-pemimpin mereka dalam sesuatu segi. UMNO itu pun bukannya apa sangat, sekadar nama sahaja. UMNO sudah lama memerintah, malah sejak merdeka lagi UMNO telah memerintah. Lamanya UMNO memerintah ini, kalau diibaratkan UMNO itu makanan dalam tin, maka makanan yang berada di dalam tin itu pun sudah basi, rosak dan berkulat di dalam tin yang sudah berkarat. Macam mana nak jual UMNO kalau balik-balik cerita nasionalisme, cerita ekonomi, cerita martabat, sarbat dan macam-macam lagi ubat yang orang dah tak pakai. Orang nak Islam. Susah sangat ke hendak jadi orang Islam yang sebenar-benarnya Islam. Kalu rasa susah belajarlah.

Cerita yang laku hari ini ialah cerita-cerita mengenai perpaduan Islam, semangat Islam, undang-undang Islam, mahkamah Islam, sistem kewangan Islam, insuran Islam dan sebagainya tapi itu cuma cerita luaran orang yang mahukan isu Islam.

Inilah cerita-cerita yang diperniaga dan dijual oleh PAS kepada rakyat ketika ini. Jadi kalau UMNO nak jual produknya kepada rakyat, maka mereka kenalah jual produk Islam dan juru jualnya mesti orang Islam yang Islam tak Islam, kafir tak kafir. "*Nang boti nang qui boti qui.*" Jual ubat batuk tapi kita batuk terkokol-kokol; jual ubat kurus tapi kita gemuk gedempol; jual ubat kurap

tapi badan kita penuh kurap, siapa yang nak percaya. Jangan cakap tak serupa bikin.

Jika nak jual Islam kepada rakyat, kepada masyarakat bukanlah satu perkara yang mudah. Apa yang diperlukan ialah lahirnya golongan **Hujatul Islam**, mereka yang sanggup dan berani membawa hujah-hujah Islam macam Abu Ala Al-Maududi dan Syed Qutub. Sebab itu Islam yang dijual oleh Anwar itu laku. Produknya ada *klas*, bukan macam tukang jual ubat Islam atau kaki lelong Islam lain. Habis segala-galanya mereka lelongkan atas nama Islam, pakai label Pusat Islam konon. Sendiri punya ubat, sendiri pakailah.

Pemuda dan Wanita di zaman Mahathir tidak memberikan insentif yang menyakin terutama dari segi akhlak dan moral. Semuanya sudah rosak. Itulah makna Pak Habib apabila Pak Habib mengatakan Mahathir telah berada di ambang senja kerana UMNO itu sendiri sudah berada di ambang senja. Itupun nasib baik Pak Lah yang dilantik jadi TPM dan Khalil mengambil alih jawatan Tok Mat dan Sabaruddin Chik. Adnan pula menggantikan Khalil sebagai Menteri Besar Pahang. Sekurang-kurangnya rakyat yang semakin ganas kerana telah disemarakkan dengan api kebencian dan kemarahan terhadap Mahathir dan pemimpin UMNO dari anak kecil di sekolah hingga ke peringkat pengajian tinggi, telah disejukkan. Itu antara sebabnya Sabah menang dalam pilihanraya. Kalau Mahathir boleh tarik diri sebelum pilihanraya tentu lebih baik lagi.

Mudah-mudahan kita semua akan memasuki alaf baru

ini dengan satu kesedaran yang baru dengan sikap kasih sayang, bertolak ansur dan tolong-menolong antara satu sama lain. Negara kita saja yang masih selamat dan sejahtera jika dibandingkan dengan Indonesia, Thailand, Filipina, Vietnam dan Kemboja.

Untuk mengubah manusia menjadi *non-violent*, menjadi manusia yang mencintai kedamaian, maka kita harus mengadakan penerangan agama sesuai dengan prinsip-prinsipnya yang suci, dan dengan menggunakan bahasa yang mudah difahami oleh umat manusia di seluruh dunia saat ini. Sebagaimana yang telah terbukti dalam tempoh 100 tahun yang lalu, ia tidak mungkin dilakukan dengan bahasa golongan yang tertutup dan **fanatik**.

Penerangan agama harus disampaikan dalam roh dan intinya, bukan bentuk lahiriah, iaitu agama sebagai tauhid, akhlak, tanggungjawab dan kerja (yang terutama) kemudian **agama sebagai cinta, kesedaran antarabangsa, ilmu dan penghargaan terhadap kebaikan dan keindahan**.

Firman Allah SWT dalam surah Al-Maidah, ayat 55: **"Pemimpin mereka hanyalah Allah, Rasul-Nya dan orang-orang yang beriman, yang mendirikan solat, yang mengeluarkan zakat dan yang ruku' (tunduk patuh kepada perintah Allah)."**

Seseorang mesti merasa marah kepada perbuatan mungkar, disebabkan Allah benci kepada kemungkaran itu. Tapi kita kena bersikap sederhana kerana itu adalah

amanat Rasulullah SAW. Adapun seseorang yang **marah** kepada seseorang kerana dendam, puncanya ialah dari diri mereka sendiri. Mereka bersengketa disebabkan hati mereka tidak setuju, bukannya disebabkan kemungkaran itu bertentangan dengan larangan Allah. Sikap inilah yang mesti diperbetulkan dulu. Hati yang rosak mesti diperbaiki supaya ia dapat membantu hati yang lain. Api tidak boleh dipadamkan dengan api. Maka pergaduhan jangan sesekali dilibatkan dengan puak terutama di dalam UMNO. Padamkan semangat kepuak-puakkan yang akhirnya akan merugikan orang Melayu sendiri.

Apabila seseorang itu merasa marah kerana Allah, pada hakikatnya mereka merasa belas kasihan terhadap orang itu. Kerana apabila seseorang itu kafir, maka dari segi hukumnya (sekiranya mereka tidak merubah pendirian kepada iman) mereka akan menerima azab neraka Allah SWT di akhirat kelak. Sikap orang-orang yang beriman itu sentiasa sayang kepada seseorang, sebagaimana mereka sayang kepada diri sendiri. Sayang juga mesti kerana Allah bukan kerana dapat sesuatu habuan. Mereka yang ingin menyelamatkan sesiapa jua, dari apa juga bahaya, lebih-lebih lagi bahaya azab akhirat mesti melakukan apa-apa saja semata-mata kerana Allah SWT.

Cara menyelamatkan mereka yang **sesat** dan rosak akhlak dan moral ialah melalui dakwah, mengajak orang-orang Islam itu supaya mereka menggunakan akal fikiran untuk beriman kepada Allah SWT. Cara dakwah dan tabligh yang disampaikan adalah cara yang diamalkan oleh Ustaz Ashaari dan Al-Arqam.

Marah orang Islam kepada orang Islam bukan kerana dendam, tetapi kerana sayang. Ibarat ayah atau ibu yang memarahi anak ketika anak melakukan kemungkaran. Maka tentulah marahnya itu bukan kerana dendam. Sebaliknya kerana si ibu atau ayah sangat sayang, mudah-mudahan dengan marahnya itu akan membebaskan anak dari kecelakaan akhirat yang berkekalan. Inilah yang mesti dilakukan oleh pemimpin PAS dalam ceramah mereka yang menggunakan pendekatan Islam, yang mendidik dan memberi keinsafan dan kesedaran kepada ahli dan pemimpin UMNO yang sudah menjadi musuh tradisi politik mereka.

Tidak ada gunanya ubat-ubat penenang. Juga tidak berguna pembedahan sementara. Bahkan, yang harus dilakukan ialah, semua itu mesti di atasi dengan mencari sebab-sebabnya, lalu mengubatinya secara keseluruhan sampai ke akar umbi, bukan menghapuskan mereka yang kita benci dan musuhi dengan kekerasan dan kekejaman.

Wahai kaum yang **beragama** di seluruh dunia, terutama kaumku orang Melayu, kaum Muslimin yang ku cintai semua, marilah kita sama-sama sedar bahawa kita kini akan berada di dalam kurun yang penuh dengan dugaan dan ancaman bahaya dari berbagai sudut peperangan yang dahsyat dan penyakit masyarakat yang mengancam di mana saja tempat manusia hidup dalam keadaan huru-hara, kelaparan, penyalahgunaan dadah, penyakit-penyakit aneh seperti Aids, virus J.E, virus Nipah dan macam-macam lagi virus yang datang dari babi, gempa bumi, jerebu, kemarau, tanah runtuh, banjir,

kebakaran dan sebagainya. Ini adalah bala dari Allah yang mesti kita perhati dan insafi bersama. Oleh itu marilah kita menghayati dan mendalamai serta mengamalkan ayat-ayat Allah dalam Al-Quran untuk menyelamatkan agama, bangsa dan negara kita. Terlebih dahulu marilah kita memperbaiki diri kita sendiri dengan cara mengenal diri dan mengenal Tuhan kita, *Allahu Rabbi*.

Bagi orang berakal yang hendak melakukan pembaharuan, cukuplah dia mulai dengan memperbaiki diri sendiri terlebih dahulu. Mulai dengan **membersihkan kerajaan dalam diri** dan menerapkan undang-undang dalam tingkahlakunya. Dan inilah yang merupakan rintik-rintik hujan pertama, yang sesudah itu akan terhimpun titisan-titisan yang banyak, akhirnya pastilah hujan yang ditunggu-tunggu segera datang yang boleh mengakibatkan banjir-banjir yang membawa perubahan ombak ketiga yang kita sama-sama nantikan.

Kita ini hidup dalam abad jahiliah materialis, yang institusi, aturan dan istiadatnya jauh dari kerohanian dan sistem rohani. Abad seperti ini, tentu saja takkan dapat berubah dalam tempoh 24 jam menjadi abad Islam dengan hanya menyampaikan seruan saja dan ceramah politik serta peperangan dalam media yang lebih banyak mengakibatkan kerugian dari keuntungan.

Allah pernah berkata kepada Nabi Isa a.s. dalam sebuah Hadis Qudsi: "*Hai Isa, nasihatilah dirimu dan kalau kamu sudah baik, barulah kamu menasihati orang lain. Dan kalau tidak, maka malulah terhadap-Ku.*"

Orang-orang yang **fanatik** pada agama apa pun, sebenarnya tak pernah menganut apa jua agama selain nafsunya sendiri. Jadi, mereka adalah para penyembah diri sendiri dan gambaran-gambaran peribadinya sendiri, dan bukan para penyembah Allah yang Maha Esa yang mengajak kepada sikap tawaduk.

Sesungguhnya, menghormati kebebasan berpendapat disertai sikap lemah-lembut terhadap pandangan yang berbeda dan sikap lapang dada terhadap lawan, cinta kepada kehidupan dan kebaikan dengan tetap mengajak kepada pembangunan membenci kerosakan, semua itu adalah tanda-tanda para pembela agama Allah. Sifat-sifat itulah yang membedakan mereka dari kuncu-kuncu setan yang bertopeng atau "manusia kosmetik", apa pun pengakuan mereka dan apa pun yang mereka serukan boleh menimbulkan kesangsian. Berbeza dengan para wali Allah yang ikhlas dan segala-galanya *lillahi ta'Ala*.

Firman Allah dalam surah Al-Maidah, ayat 54 yang bermaksud: "**Mereka berjihad pada jalan Allah dan mereka tidak takut kepada celaan orang yang mencela.**"

Inilah sifat **jemaah Islam**. Saksikan sendiri **jemaah** manakah yang mempunyai sifat ini. Jika perjuangan **jemaah** itu hanya untuk menegakkan syiar Islam saja, sebagaimana termaktub di dalam Al-Quran dan hadis itu bukan **jemaah Islam**. Allah berfirman dalam surah Al-Mujadilah, ayat 22 yang bermaksud: "**Engkau tidak akan dapati sesuatu kaum yang beriman kepada Allah**

dan hari akhirat, tergamak berkasih mesra dengan orang-orang yang menentang (perintah) Allah dan Rasul-Nya, sekalipun orang-orang yang menentang itu ialah bapa-bapa mereka atau anak-anak mereka atau saudara-mara mereka ataupun keluarga mereka."

Bila majoriti rakyat sesebuah negara itu **baik**, baik tingkahlaku, **baik hatinya**, **baik tutur katanya** dan **baik budi bahasanya**, maka yang bakal naik sebagai pemimpin juga nanti adalah orang yang **baik-baik**, malahan orang yang terbaik di kalangan mereka. Jika rakyat negara itu orang yang mahu kepada agama, mereka akan melantik ahli agama untuk menjadi pemimpin. Sebaliknya jika orang di negara itu majoritinya berfikiran **sekular**, maka orang yang paling **sekular** daripada mereka lah yang akan dilantik dan jika majoritinya pencuri, penyamun maka yang akan naik sebagai pemimpin tentulah dari puak-puak mereka juga. Kalau perompak pasti memilih perompak juga untuk dijadikan kepala perompak, ye tak? Itulah konsep demokrasi, sistem pemerintahan yang dicipta oleh cerdik pandai Tamadun Yunani Purba di Athens, ibu kota Yunani Purba. Ia bertemakan "*pemerintahan oleh rakyat untuk rakyat*".

Selagi rakyat di sesebuah negara itu tidak mengubah sikap dan amalan mereka dimulakan **dari dalam diri dan keimanan dan amalan yang soleh**, selagi itulah **corak kepimpinan mereka tidak akan berubah**. Kita mulakan dengan mengubah minda, buka minda yang tertutup dan jumud berfikir agar berfikir secara universal - berfikiran global.

*Orang yang tidak membuat dosa.
Kemudian tidak lagi merasa berdosa.
Adalah orang yang berdosa.
Dosa yang tidak terampun.*

*Sebaliknya, orang yang berdosa.
Kemudian sedih dengan dosanya.
Adalah orang yang tidak berdosa.
Kerana dosanya telah diampunkan.*

*Berjuang melawan hawa nafsu
(mujahadatunnafsi)
Sulit sekali kerana kita terpaksa
Menentang diri sendiri
Kita juga yang akan
menanggung sakitnya.*



Fadhil Noor : Bila lagi Datuk Seri nak bagi kerusi Perdana Menteri itu kepada saya?

Mahathir : Kenapa mesti saya bagi kerusi kerajaan kepada Presiden parti pembangkang?

Fadhil Noor : Kerana you sudah berada di **ambang senja**. Umur you pun dah 74 tahun, rakyat rata-rata bukan saja tak sukaikan you tapi dah sampai ke peringkat benci.

Mahathir : Mereka bencikan saya pasal fitnah dan caci maki you. Apa you fikir, mentang-mentang saya sudah berada di ambang senja, you ingat you punya bulan pucat tanpa bintang tu boleh terangkan kegelapan? Ustaz... memerintah negara tak cukup dengan ceramah agama, kutuk dan caci maki orang saja. You perlu orang yang berpengalaman, yang ada intergriti dan berakauntabiliti. Dalam PAS mana ada orang yang layak jadi Menteri.


Fadhil Noor : Orang-orang yang dalam UMNO ada intergriti tapi Anwar dan bekas Ketua Pemuda, Zahid diberhentikan kerana tak bermoral dan kes kronis. Adakah Hishamuddin dan Najib mampu lawan Ketua Pemuda PAS, Mahfuz?



Lim Guan Eng : Hari ini awak boleh tangkap saya, badan saya awak boleh penjarakan. Mulut saya dan fikiran saya, awak tak boleh tutup. Awak tak boleh tutup minda rakyat Malaysia yang sudah terbuka. Yang awak boleh buka tutup hantu penjara. Apa yang berlaku keatas saya adalah satu kezaliman, penganiayaan. Tuhan ada tunggu, nanti hukum karma tunggu saja bila Anwar kena macam saya. Sejarah akan buktikan siapa salah dan siapa benar.

Dipetik dari buku :

*Mahathir Anwar Konspirasi Reformasi
Kopikasi Wangkasi Tak Ada Saksi*



SYED HUSIN ALI

Tokoh Aktivis Politik Negara yang berani, cekal, gigih dan tidak mengenal erti tewas dalam perjuangan untuk menegakkan keadilan.

"Ada pemimpin negara berhujah kononnya kronisme dan nepotisme ini hanya wujud sekarang, setelah kegawatan ekonomi. Kononnya, lagi kronisme ini dibawa dari luar. Padahal sebenarnya amalan ini sidah wujud lama dalam masyarakat dan sudah lama diperkatakan. Bukti? Perkataan dan sikap itu sudah ada dalam masyarakat kita. Contohnya, ajaran Islam mengutuk pemberi dan penerima rasuah. Budaya Melayu mempunyai istilah "pilih kasih" atau "pilih bulu" - membawa maksud kronisme dan nepotisme. **"Kroni"** itu sendiri ada persamaan dengan istilah **"suku-sakat"** atau di Indonesia disebut **"konco-konco"**. Pemimpin ini berhujah kononnya Amerika yang menimbulkan istilah-istilah ini. Kajian tentang kapitalisme kroni telah dibuat meluas, misalnya di Filipina ketika pemerintahan diktator Marcos. Kita mesti akui bahawa amalan buruk **kronisme** dan **nepotisme** memang benar terjadi. Ia mesti ditentang kerana kesannya buruk ke atas masyarakat. Hujah bahawa *"bangsa lain buat, kita mesti juga buat"* atau *"amalan ini sudah lama"* tidak boleh dipakai." - Majalah DETIK (Jun 1999)



TIADA ULAMAK DALAM UMNO - HARUN DIN

Oleh : Wan Sri Putih

BANGI - Bekas pensyarah dan tokoh agama, Prof Dato' Dr. Harun Din menyatakan tidak ada ulamak dalam UMNO dewasa ini.

Beliau juga mendakwa presiden UMNO sendiri yang tidak mengiktiraf dan menghormati ulamak yang mencebur ke bidang politik.

"Memandangkan mana-mana ulamak dalam UMNO tidak mendapat pengiktirafan oleh Presidennya, maka ulamak yang terus berada dalam UMNO jelaslah bukan ulamak lagi," katanya ketika merasmikan perubahan PAS Cawangan Kariah Annuar dan Al-Ittihad dan majlis penyerahan borang Pas di Bangi, baru-baru ini. Bersambut

WAWASAN 16-31 JULAI 1999

dr. syedzahidiq: Pengaruh politik dalam dunia akademik dan politik. Pengaruh yang mengakibatkan Muzaini Bojuk pentingnya berfungsi dalam kerajaan Baru. Syedzahidiq

Keadilan untuk meneruskan perjuangan politiknya, tetapi bertindak sebaliknya.

"Nampaknya beliau sendiri tidak yakin kepada Keadilan, sebab itu beliau pilih Pas. Saya hairan kenapa beliau bertindak seperti itu," katanya kepada pemberita selepas mengadakan perjumpaan dengan Jawatankuasa Pergerakan Wanita Umno di Bangunan Umno Kelantan, hari ini.

Pemangku Ketua Umno Bahagian Tumpat, Mansor Salleh, berkata kemasukan Kamaruddin dalam Pas memberi tamparan hebat kepada Parti Keadilan Nasional.

Beliau berkata, sepertutnya Kamaruddin setia bersama Keadilan yang memperjuangkan nasib Anwar.

"Kita percaya Kamaruddin hanya mementingkan diri sendiri daripada matlamat perjuangan Keadilan yang membela nasib Anwar," katanya.

Mansor berkata, kemasukan Kamaruddin itu tidak menggugat semangat dan perjuangan Umno Tumpat kerana dia sudah dipecat dari Umno.

Sementara itu, Timbalan Presiden Keadilan, Dr Chandra Muzaffar, menolak andaian tindakan Kamaruddin itu

sebagai tamparan kepada partinya.

"Tidak menjadi masalah bagi Kamaruddin untuk menyertai Pas," katanya.

Naib Presiden Keadilan, Tian Chua berkata sesiapa sahaja dialu-alukan untuk menyertai pakatan pembangkang tanpa mengira sama ada menyertai Pas, DAP, Keadilan atau Parti Rakyat Malaysia (PRM).

"Kami tidak kecewa dengan tindakan Kamaruddin dan kami juga tidak terkejut kerana sudah tahu dia akan menyertai Pas. Yang penting, ini akan menambah kekuatan kepada barisan pembangkang dan satu tamparan hebat kepada Barisan Nasional (BN)," katanya.

Kamaruddin adalah Pengurus Institut Kajian Dasar (IKD), kumpulan pemikir Anwar ketika dalam kerajaan, selain bekas Setiausaha Agung Angkatan Belia Islam Malaysia (Abim).

Jurucakap IKD ketika dihubungi berkata pihaknya tidak boleh mengulas kedudukan Kamaruddin dalam organisasi itu kerana hanya beliau (Kamaruddin) dan seorang lagi pengurus IKD, Dr Siddiq Fadzil, boleh berca kap bagi pihak institusi terbit.



KAMARUDDIN
...sertai Pas

Kelmarin, Perdana Menteri Datuk Seri Dr Mahathir Mohamad menamakan Dr Siddiq sebagai salah seorang pensyarah institusi pengajian tinggi (IPT) yang menghasut pelajar membenci kerajaan.

Bagaimanapun, Dr Siddiq yang juga pensyarah Jabatan Persuratan Melayu di Fakulti Sains Kemasyarakatan dan Kemanusiaan, Universiti Kebangsaan Malaysia (UKM) tidak dapat dihubungi.




Ucapan tahniah kawan Pak Habib, **Y.A.B Dato Adnan Bin Yaakob** kerana perlantikan sebagai menteri Besar Pahang yang baru menggantikan Datuk Khalil Yaakob yang mengambil alih jawatan Menteri Penerangan dan Setiausaha Agung UMNO, daripada seluruh penduduk Kampung Janda Baik. Tok Nan adalah anak Janda Baik yang pertama dilantik menjadi Menteri Besar. Beliau juga adalah ahli politik Pahang yang menjadi Menteri Besar pertama datang dari Pahang Barat. Syabas!

Keluarkan diri dari sikap asobiyah dan hidup dalam "cocoon". Ini dapat difahami daripada maksud ayat Al-Quran: *Sesungguhnya Allah tidak akan mengubah nasib sesuatu kaum sehingga mereka mengubah apa yang ada di dalam diri mereka.*

Kita mesti saling ingat-mengingatkan akan **kebenaran** atau **haq** dan kita juga mesti menyampaikan tentang betapa pentingnya **kesabaran** kerana **kebenaran** tidak akan wujud tanpa **kesabaran**. Pak Habib bukan mengkritik, bukan menyokong atau menegur sesuatu kelompok tetapi terimalah ajakan surah Al-Ashr (3) sebagai langkah menuju ke hadapan yang lebih cerah.

Pak Habib akhiri trilogi ini dengan kata-kata:

Mengkritik tidak bererti menentang,
Memuji tidak semestinya menyokong
Menegur tidak bermakna membenci
Dan berbeza pendapat adalah
kawan berfikir yang baik


S.H.ALATTAS

Kem Wadi Hana,
Kampung Janda Baik,
Bentong,
Pahang Darul Makmur.

PENGHARGAAN

Ucapan terima kasih kepada mereka yang telah
bertungkus-lumus menjayakan buku ini :

Pembantu Khas

Jaharah Omar
Izza Azura Mokhtar

Anakanda

Syed Abdullah Alattas
Syed Mohd Kamaruzzaman

&

Saudara Ab.Rahman Yat
Tuan Haji Hassan

**SEMPENA MENYAMBUT 30 TAHUN (1969-1999)
MENULIS 33 BUAH BUKU, PAK HABIB MENAWARKAN
SATU GANJARAN HEBAT KEPADA PARA PEMBACA.**

**DENGAN HANYA RM 20, DAPATKAN SEGERA
TAWARAN 2 DALAM 1 SEMENTARA STOK MASIH ADA.**



RM 20.00
BUKU PERTAMA



PERCUMA
BUKU KE - 33

Apakah anda ingin menjadi seorang ahli firasat?

Ya, saya ingin menjadi seorang *ahli firasat*. Sila kirimkan buku
RAHSIA MENGENAL DIRI SENDIRI kepada

Nama :

Alamat :

Naskah : Money Order : NO. RM.....

P.O BOX 11753, 50756 KUALA LUMPUR. FAX : 03 - 4452975

* Bayaran atas nama **SYED HUSSIEN ALATTAS**